



6 M

3-a

5

53.



Ex Bibliotheca
majori Coll. Rom.
Societ. Jesu


72-535

~~II~~
~~9~~
B

~~II~~
~~9~~
B

~~6-3-2-5~~





Coll. Rom. for. lib. catal. miscop.

W. H. Murray.

IVLII CAE.

SARIS SCALI

GERI

*

DE CAUSIS LIN-

GVAE LATINAE

LIBRI TRE-

DECIM.



VIRTUTE DVCE,



COMITE FORTVNA.



LVGDVNI APVD SEB.
GRYPHIVM,

1540.

THE UNIVERSITY OF CHICAGO

OF THE EAST ASIAN LIBRARY

CHICAGO, ILLINOIS

5

UNIVERSITY OF CHICAGO

UNIVERSITY OF CHICAGO

CHICAGO, ILLINOIS

CHICAGO, ILLINOIS

CHICAGO, ILLINOIS

I V L I V S C A E S A R
S C A L I G E R

SEBASTIANO GRYPHIO
TYPOGRAPHO
S. D.



*U*M plerique librorum meorum, qui
sanè quasi futura fama tentantibus uas
dum nobis præmissi erant, tuis opibus,
atque apparatibus ea gratia affecti sint, ut non minus
tuum ob beneficium, quàm propter suum meritum eos
doctissimus quisque & exceperit, & probarit: non
fuit mihi committendum, ut quæ attentiore opera cu-
mulatiora commoda pollicerentur, non & impensio-
re tibi cura commendata esse uellem. in omnibus enim
scriptorum meorum rationibus cùm iudicij nostri ne-
scio quas affectiones à uulgaribus sordibus, uti mihi
uidebatur, longè alienas semper secutus sum: tum ijs
in libris, quibus Latinae linguæ caussæ continentur,
animo nostro obsequuti sumus: ubi oblectaremur &
rei ipsius non uulgato argumento, & ijs scribendi les-
gibus, quas in nullo unquam Latinorum hoc in gene-
re literarum compertas habebamus. Etenim linguæ
nostræ tum ad ipsum (ut ita dicam) habitum nitidior-
rem, tum ad ornamenta non ignobilia respiciens, &
admirabar maiorum nostrorum fortunam, qui eam

aa 2 nobis



nobis condidissent : & atatis nostræ sapientiam laudabam, quæ longinquo squalentem exilio pristinae dignitati restituisset : & dolebam utrorunq; uicem, qui in paucis causas quasissent, atque in illis ipsis multis erroribus sese implicuissent. At cætera sanè animantium genera fortasse cognorint ipsas res, quadam etiam percipiunt acutius : uni Homini rerum causæ ad cognoscendū sunt datæ : quas qui animo concipit, illum demum esse Hominē dicas. Ergo inter alia miseriarum nostrarum oblectamenta, cum sapientiæ genus hoc, quo rerum causæ inuestigantur, maxime earum haberem : indignum profecto mihi uisum fuit, si per nos staret, quò minus primæ ipsæ literæ suam quoq; in his haberent partem. Nam quæ studia essent & mitissima, & humanitatis nomine constituta, atq; iccirco ad uitæ meæ rationem ac consuetudinem uehementer accommodata, non tam me ab seuerioribus abstrahabant, quàm & sese cum illis in me coniungebant, & ad ea meipsum alacriorem remittebant. Quo factum est, ut aggressus sim opus immensum, ac penè desperatum : ubi, ut festiuè simul, atque ingenuè fatear, aliquando quærendum esse intelligerem, quod extaret fortasse nusquam. Verùm quid erat aliud, opertis oculis Veterum in sententias semper duci, quàm

quàm illos plusquàm Viros obseruare , nos minùs
quàm Homines desperare? Equidem ita cenſeo: opti-
mos illos Priſcos, tum recentiores, non uoluntate ſo-
lùm, ſed quibus etiam poſſent, officijs benè de nobis
meritos fuiſſe. Verùm ita euenit Gryphl, ut qui ſus-
blimioribus ſtudijs occupati eſſent, eos pigeret harum
quotidianarum diſputationum: quos uerò ingenium
temperatiùs ab altiori contemplatione abduxiſſet,
eos melioribus opibus deſtitutos nimis leniter in ea
incubuiſſe. Quamobrem ſi nouis libris, noua cura noſ-
tra, earum rerum optima quæque pars & excipiens
da, & expolienda erat: non alijs proſectò legibus id
mihi faciundum fuit, quàm quæ in Philoſophiæ reſ-
ceſſu ab ipſa natura & lata, & fixa eſſent. Hoc
enim maximè modo ſpero, iam meliuſculè eſſe lites
rùs Latinis: quarum equidem Vſum multorum do-
ctiſſimorum uirorum opera propemodum perfectum
arbitror: rei ipſius Originem, atque Radices, ha-
clenus aut ignotas, aut nondum proditas ſaltem: ut
languenti huic Philoſophiæ parti, ac penè brutæ,
iam nunc demum mens aliqua data eſſe uideatur.
Tuam uerò mi Gryphi ueram pietatem, excellentem
eruditionem, inſignem humanitatem his noſtris lucu-
bratiunculis & præſſe uolui, & moderari: ſi id tibi

*ita collibuisse : ut posteri intelligerent , eius frugis
prouentum , si qua ad eorum commoda per nos ex-
culta esset , à nobis tantum commendari , quantum ex
diligentia tua , atque autoritate gratiæ cons-
sequi potuisset. Vale. Pridie
Nonas Februas*

rias,

M. D. XXXX.

Iulii Cæsaris Scaligeri

IN TREDECIM LIBROS DE

CAVSIS LINGVAE LA-

TINAE PRAE-

FATIO,

AD

SYLVIVM CAE-

SAREM FI-

LIVM.



GRESSVM te ex angustijs tenuioris literaturæ, SYLVII CAESAR fili, non ante decet inire rationem grauiorum studiiorum, quàm istarum præceptionum causas notas habeas, per quas excellentissimæ cuiuscq; scientiæ cursus aperiri debuit. Quanquam enim hæc ipsa tenes, quæ certis obseruationibus recepta sunt: tamen qui sæpius dubitare an ita sit, semper quærere quare sint talia, cogi possis: nisi te exemptum ex his difficultatibus in tuto collocatum uideam, uitam mihi acerbam putem. Quibus igitur legibus Latina lingua sese astrinxisset, cum ante nos multi scitè admodum, ac sapienter memoriæ prodidissent, neque earum constitutionum rationem ullam reddidissent: fanè

P R A E F A T I O .

fanè uel hoc ipso animum meum uehementer exci-
tarunt:quòd arbitrabar, id quoque ab illis præstari
potuisse. Nam enim uero ad simplicitatem meam in
primis pertinere existimabã, si hoc uel sola spe essem
aliquando assequutus, quod esset præteritum, uel à
bonis uiris, qui ueterum sanctionibus uellent acqui-
escere: uel à Barbaris, qui politiorem operam contem-
nerent: uel à delicatis, qui operosiorè diligentiam
negligerent: uel ab inuidis, qui quod ipsi dare non
possent, ab alijs accipere detrectarent. Quanquam
minimè latuit ab initio nos quantum turbæ ciere-
mus. Neque enim defuturi sunt, qui negent, prus-
denter à nobis factum, ut his uilioribus operis sapi-
entix studium interciperemus: quippe nullo usu eue-
nire posse, ut bonus medicus is, cui hæc curæ fuerint,
aut sit, aut censeatur: auerti nanque non diligentiam
solum, sed animum ipsum amitti quoque, siquid de
illarum literarum contentione remittatur. Quibus
equidem tam humanè monentibus nos, ad hunc pos-
sibilissimum modum responsum uelim: Me ingenij mei
magnitudinem, quæ nusquam ulla extitisset, admi-
ratum esse nunquam: neque nostram hanc mediocri-
tatem rei ulli aptam, nedum ut Medicæ exercitatio-
ni parem considerem, existimasse. Verùm tam gran-
dem istam, quantam de me, studiosa plebs, optimi
ciues, illustrissimi uiri opinionem acceperant, non
renuisse: sed quasi reliquias ueterum fortunarum no-
strarum fato quodam oblatas recepisse, atque ad me-
lioris

P R A E F A T I O .

lioris uitæ frugem, cultumq; contulisse. Quod uerò temporis à publicis muneribus, à priuatis amicorū officijs superesset, aliàs alijs studijs impendisse: ut, quem neque luxus stupidum fecisset, neque parsimonia uæcordem, neque alea egenum, neque lucri spes cupidum, neque potentia elatum, neque diuitiæ insolentem, neque improborum odia desperatum, liceret mihi eas horas, quas alij salutandis dominis suis, alij mercaturis, alij hilaritatibus, nequid præterea dicam, collocare soliti sunt, referre ad sapientiæ nutrices hæc literulas, in quarum sinu Philosophiæ robur olim creuerit. Præterea in memoria habebam, quot, quantaq; Galenus hoc in genere literarum ab sese summo studio diceret elaborata, ut in suis maxime reponere & uellet, & deberet. At qui uir? quantus medicus? qui non ex alijs potius discere (id quod facile factu sic satis sit) quàm ex seipso, quod esset ualde arduum, constituere alijs medicinæ scientiam conaretur. Atque ille tamen cum illis grauioribus operis, humanioris sapientiæ studia coniungere dignum duxit. Quid? non ne diuinus ille Plato curat hoc, cum multis alijs in locis, tum ipso in Cratylo toto, ut orationis uel totius, uel partis reddat rationem? Non ne Aristoteles adeò ad sese pertinere arbitratus est, ut sæpenumero ipsa emendat uocabula, alia explicet, quædã uel inuestiget, uel etiã pariat? Scripsit ille de Poëtica; de Rhetorica scripsit. Amatoria uerò, atque alia eiusmodi ut omittam, perpetuo commen-

P R A E F A T I O .

tario id egit, ut sciremus, quot modis quippiam significare possit. Cuius profectò iudicio Grammaticam non solùm esse Philosophiæ partem, id quod nemo sanus negat: sed ne ab eius quidem cognitione dissolui posse intelligeremus. Itaque nemo bonus uisio uertat mihi, quali priscarum nitore, atque lenitati literarum seuerioribus additis artibus tristem quandam attulerim asperitatem. Neque enim scientiæ minores à superioribus suapte natura disiungi possunt, sed ingeniorum tantum imbecillitate dissociari solent. Quamobrem remissius contemplantibus hos nos suos relinqui debet: acutioribus etiam diuinioris operæ gratia habenda est. Atque ætati quidem tuæ, fili mi, quanquam primo in congressu uidebuntur hæc asperiuscula: ita tamen uelim cum animo tuo statuas, Nihil unquam uulgare pretium ullum operæ fecisse. At quanti tandem sit, excellentissimis quibusque rebus à uitæ ipsius primordiis assuescere? Itaque tetrica hæc non nisi Barbaris atque incultis animis terrorem, ac desperationis facere opinionem: pro nobis uerò, appetentibus ueritatis, tanquam armatas stare putes legiones. Ne sanè sis eo hominum in genere, qui aut abiecta, quam nossent, aut ignorata quam haberent, spiritus libertate, etiam illud, si diis placet, conqueruntur, Mathematicarum interuentu disciplinarum Philosophiam à Platone obscuratam. O Di immortales: obscurabitur Philosophia earum appulsu scientiarum, quarum splendor menti nostræ

P R A E F A T I O.

nostræ uerissimis, simplicissimisq; demonstrationibus lumen affert: Sed isti delicatiores, qui sese in mollissimi otij nexum dedidere, frustra simul, ac turpiter existimarunt, Sapientiæ cumulum sedentibus, atque oscitantibus sibi Deos ipsos suos confecturos: quo modo aut ingens patrimonium boni nominis contemptor pater, aut prouentum alijsmodi, quem dicere nolo, Sors. At hercule liberales animos ab hoc falso quietis portu, non tam æstu gloriæ, quàm ueritatis aura retractos in Philosophiæ curlum, non prius decet deponere studia contentionis, quàm ex tam nobili, tamq; opulenta prouincia pretiosas istas, ac potius diuinas, merces reportarint. Neque enim petimus laudem, non gloriam, non præmium: laborum nostrorum ueniam petimus. Inuidiam uerò neque placare cedendo, neque instando superare uolumus: sed contemnere potius, quàm deprecari. Quis enim damnabit audaciā, qui idem ille non & inuitus admiretur conatum? Fortasse etiam laudet: ut quantum demat prudentiæ, tantum addat animi generoso. Siquis enim attentius operam nostram hanc intueatur: is agnoscat, non tam aliena occupata, quàm externa reiecta, propria uindicta. Neque enim, ut argumentum sit par, etiam iudicium idem esse uideat: siue amissa, quæ erant necessaria, siue sublatâ superflua, siue praua correctâ contempletur: supra quingentos errores, satis illos quidem nobiles, tum Veterum, tum Recentiorum deprehendet.

bb 2 Quos

PRAEFATIO.

Quos equidem nequaquā tetigissem (profecto non id studebamus, sed ut Latinæ linguæ causas in lucem erutas proderemus) nisi sese nolenti, atq; etiam sæpius inuito ingessissent mihi. Neque enim ex alienis spolijs nominis nostri munimenta exædificare in animo unquam habuimus: sed aliorum bonam famam laborum potius nostrorum accessione capere incrementum. Atque ideo nullius penè attigimus nomen: nullis partium studijs addicti, quod è re esset, breuissima ac simplicissima diuini Aristotelis scribendi lege, explicandum curauimus. Quem uisum tibi, Sylui, si proposueris imitandum: & intelliges à nobis ordinem mirificum his tuis in libris institutum, sine quo ne ipsa quidem rerum natura consistere queat: & tute ad eiusce modi artium diuinitatem comparabis talem, ut etiam nos, id quod equidem uel opto, uel spero, superare ualeas.

INDEX ERRORVM,

QVIVE, QVOTVE, QVOTO

CAPITE CONTINE=

ANTVR.

Capite primo continentur er= rores Quatuor.



Grammatica non est ars

Pagina 2

Grammatici non est iudi=

care 3

Grammatici non est interpretari auto= res 3

Accidit uocibus, ut scribantur 3

Cap. secundo, Vnus.

Galenus duobus modis docendi, frustra addidit Tertium 4

Cap. quarto, Tresdecim.

Obliterare non est à Literis 6

Litera non est à Litoris 6

Litera non est quasi Legitera 6

Litera non gemina consonante 6

Elementa non sunt sola pronuntiatio= nes literarum 6

Litera non rectè definitur per, Pars uo=

cis 7

Non est grammatici Vocem definire 7

Litera non est aer tenuissimus 7

Litera non est aer minimus 7

Definitio literæ per uocem non est à

substantia 7

Streptus non est uox inarticulata 8

Non omnis uox sine affectu prolata, in=

articulata est 8

Nō rectè à brutis excludūt articulatas 8

Cap. quinto, Duo.

Potestas literæ non est accidens, sed for= ma 9

Etiam ordo accidit literis 9

Cap. septimo, Quinque.

Non rectè digamma, ex potestate nomi= narunt 10

Non sunt factæ à nominibus species lite= rarum, sed à potestate 11

Male dixere, quare essent mutæ, aut se= miuocales 11

x, Latinum non incohat uocem à uoca= li ob rationem ueterum 12

Male Græci ac Syri uocalium nomina multis pronunciant elementis 12

Cap. octauo, Sex.

Non inuenitur i, uocalis inter i, conso= nantem, & æ, aut alias & c. 14

Non inuenitur v, uocalis inter i, conso= nantem & x, Latinum 14

Non est uerum, in pronomine c v i, v, subijci ipsi c, sicut ipsi, o 15

v, post a, aut q, ante u, & i, non ob= tinet uim x, Græcæ 15

Au, malè pronunciamus 15

Eu, malè pronunciamus 15

Or, Græcum Franci malè 15

Cap. decimo, x x v i i.

Græci recentiores laxius b, pronun= b b 3 ciant

ciant	16
Vascones male pronunciant	17
Non recte Scavrus scripsit de x	17
Non distat x, ab c, nostrati	17
Non sola nomina Græca per x, scribi possunt	17
Græca nomina apud nos per x, scribi non debent	17
Thufci male aspirant x	17
Galli male sibilant c	18
Flaminij male balbutiunt c	18
s c male pronunciant Lombardi	18
Non est eadem a, et c	18
Non bonam causam assignarunt, quare a, esset c	18
Non est a, excludendum, sed potius alie querende literæ	19
Male pronunciant o, Calabri et Flaminij	19
Male pronunciant Galli o	20
Multa marmorata barbarissima	20
L, male pronunciant Gabali, et Græci	21
LL, geminum male pronunciant Hispani	21
L, sonum peregrinum inuexere Thufci et Vascones	21
x, male pronunciatum à multis Italis	21
m, in fine dictionis sequente in alia notali male pronunciatum à Gallis tam Cisalpinis quam Transalpinis	22
Male Græci r, pro n	22
Male ab Italis, et aliter male à Gallis	22
GN	22
Male Pindarus dixit z, nā dāzōp	22
Male Dionysius z, damnat	22
s, male pronunciant Galli, et Flaminij,	

et Lombardi	23
s, male pronunciant Flaminij in fine dictionis	23
x, Latinum male pronunciant Flaminij	23

Cap. undecimo, Vnus.

r, non recte sibilari sequente i, uo = cali	23
---	----

Cap. duodecimo, Tres.

i, consonans etiam terminat syllabam tum sola, tum etiam sequente consonante alia	25
Non recte damnat Caium Quintilianus	25
Non recte dixere in Reijce, primam coram ripi	25

Cap. quartodecimo, Quinque.

f, et o, quidam Germani male	28
s, initio dictionum male Vascones et Hispani	28
Galli male omittunt literas	28
Non est transalpinis titubantia	28
Balbi non sunt blasii	28

Cap. xv, Duo.

f, Muta non est, sed Seminocalis	29
Mute non sunt, quia parum sonent, sed quia nihil	29

Cap. xvi, Vnus.

Non est uerum quod ait Quintilianus, expedire grammatico si quædam nesciat	34
--	----

Cap. xvii, Duo.

Male usurpant Itali z z, geminata	35
-----------------------------------	----

Titulus

Titulus non est à Tutando, sed è contrā-
rio 35

Cap. xix. Vnus.

Non rectè petitur exemplum ex Hora-
tij carmine, pro DD 37

Cap. xxii. Tres.

Curiose nimis Anger, pro Agger: &
contrā Agcorā 40

Melius Adq; quā Atque 40

Aut, non Aud: neque Haud, sed Haut di-
cendum 41

Cap. xxxiii. Vnus.

Malè intellexere Virgilianum, Qui non
risere 44

Cap. xxxv. Sexdecim.

In Traho, non mutatur aspiratio, ut di-
cunt, in Præterito, &c. 44

T, non mutatur in geminum ss, in
Concussi, &c. 45

G, non mutatur in CT, in Agor,
Agius 45

C, in v, nō mutatur ibi, Pasco, Paui 45

C, non mutatur in T, ibi, Irascor, Ira-
tus 45

S, non mutatur in T, ibi, Pascor, Pa-
stus 45

N, non mutatur in v, ibi, Sino, Sini 45

Q, non mutatur in x, ibi, Coquo, Co-
xi 46

R, non mutatur in v, ibi, Sero, Scui 46

P, non mutatur in T, ibi, Pacifcor, Pa-
stus 46

F, in x, non mutatur ibi, Fleflo, Flei-
xi 46

Malè Cicero, Neptunus à Nando 46

Aspiratio non mutatur in CT, ibi, Ve-
bo, Vectum 46

Malè citant Solinum 46

S, non mutatur in v, ibi, Bos, Bouis 46

X, in v, non mutatur ibi, Nix, Ni-
uis 46

Cap. xxxvi. Vndecim.

Non est Crapula, quia grauet caput 48

Non est ἰλακτον, ἔλας λακτον 48

Malè corripuit Iuuenalis Calpe 48

H, Græcum nunquam in i, nostram 49

Scena non scribitur per diphthongū 49

Non dicitur Homelia 49

Aratrum potius à supino 49

Litus non est à Litando 49

Ligare non à Legendo 50

Fur non à Furuo 50

Frater non est ferè alter 50

Cap. xxxvii. Quinque.

Venio non est Versus nos eo 50

Melius Acheus, quā Achæus 50

Ei, Græca in i, nostram non solo i, se-
quente 51

Ev, Græca in v, non mutatur in Fu-
gio 51

M, & α, non manauit ad Gallos 52

Cap. xxxviii. Vndecim.

Non est Deus, à δῆον 53

Falso negarunt Meditari, à μελιτῆρ 53

M, falso negarunt mutari 53

Afferes non ab asidendo 53

P, malè negarunt mutari 54

Σ, tollitur non in sola prima inflexione
nc 54

Non est

Nō est Maxilla deminutiū à Mala	54
Non est Loquor à Locis	54
Non est Aqua ab Acquore	54
Non est Homo ab Humo	54
Non est Verpus à Vertendo pellem	54

Cap. x x i x. Tres.

Malignè eruit omnia è Latinis Var = ro	55
Non est Pecus à Pascendo	55
Non est Simia πῑπῑ τὸ μῑμῑδα	56

Cap. x x x i. Sex.

<u>Peccare non est Pedem capere</u>	57
<u>L, in x, non mutatur in Ala Axilla</u>	57
<u>L, non mutatur in r, in Tabula, Terna</u>	57
<u>N, in L, nō mutatur in Vnus Vllus</u>	57
<u>Aeneus non fit ab ære</u>	58
<u>Sempiternus non corripit secundam</u>	58

Cap. x x x i i. Vnus.

Nouerca etymologiam adducunt fal = son	59
---	----

Cap. x x x i i i i. Nouem.

<u>Sublimis, non Sullimis</u>	60
<u>In Sustollo non mutatur s, in s</u>	60
<u>Non rectè diuidunt Cumprimis</u>	61
<u>Non est Con, alia à Cum</u>	61
<u>Non est Caseus à Cogendo</u>	62
<u>Non est in Cognosco additum o</u>	62
<u>Non mutatur N, in G, in Ignominia</u>	62
<u>Malè scribunt Exsul</u>	63
<u>Errorunt in ratione, quare non dicamus</u> <u>Exsequor</u>	63

Cap. x x x v. Quatuor.

Non est liberalis uiri Aspiratio	64
----------------------------------	----

Non est ordinis elementorum scientia ad syllabas referenda	65
s, ante D, ponitur in eadem syllaba	67
Argumentum falsum in Zmaragdo	67

Cap. x x x v i i. Duo.

In Ausero non est aū	69
In Amne, m, non antecedit n, in dia = stasi	69

Cap. x x x v i i i. Tres.

Non rectè aut Græci aut Latini litera = rum ordinem prodidere	70
<u>Nugantur Græci, Alpha à boue</u>	70
<u>Melius Arabes quàm Latini antepōnūt</u> <u>o, ipsi c</u>	72

Cap. x x x i x. Duo.

<u>Malè Atticæ, quàm Antiquas malunt</u> <u>recentiores</u>	72
<u>Non est diuersa linea curua à caua ma =</u> <u>thematicè</u>	73

Cap. x l. Quatuor.

<u>A vocalis iugo nullus prescribitur hia =</u> <u>tus</u>	74
<u>Malè L, literam longam uocant in Au =</u> <u>lularia</u>	75
<u>Antifigma quare non sit receptum, malè</u> <u>autumant</u>	75
<u>v, post a, non fuit necessarium</u>	76

Cap. x l i i. Vnus.

<u>Vascones malè, Iisc, pro Ipse</u>	78
--------------------------------------	----

Cap. x l i i i. Quatuor.

<u>In uerbo Fio, error, quare pducatur</u>	79
<u>In Alterius, error, quare corripitur</u>	80

Non

Non sola disyllaba Græca producantur,
ut Chia 80
Lycius Statij non facit ad regulam 80

Cap. x l i i i i. Quatuor.

Fæe producitur 81
Mutæ non sunt breues 82
Non sunt liquide breues 82
Liquide nō faciunt syllabā breuem 82

Cap. x l v. Quinque.

Putide affectatur Aspiratio 83
Politianus nō intellexit sales Catulli 83
Malè aspirant Roman 84
Stulte aspirant Renum 84
Non facile statuitur Aspiratio, præest
r, an contrā 84

Cap. x l v i. Duo.

Non rectè Hebræi scribendi motu utun-
tur 84
Non est in celo dextrū, aut sinistrū 84

Cap. x l v i i i. Sex.

Syllaba nō est cōprehensio literarū 87
Cōprehensio non diuiditur in literas 87
De syllabæ essentia non est proferri 87
Vacant illa uerba, Et uno spiritu 87
Non est de essentia syllabæ numerus ele-
mentorum 87
Monogrammate uocales uerissime syl-
labæ 88

Cap. x l i x. Nouem.

Non rectè carpunt Herodianum de sy-
stasi 89
Corrumpere uersum Ouidianum 90
Malè omittunt aspirationē in Isthic 90

Malè aspirant Isthic 91
In β, ϗ τ, syllaba terminatur 91
Acne, exemplo malè utuntur, item,
Actus 91
Nō finitur syllaba ab s, in Abscōdo 92
Non definit in x, syllaba sequente uo-
cālī 92

Cap. l i i. Vnus.

Non est accentus modus quantitatis syl-
labarum 94

Cap. l i i i. Duo.

Non est Accentus syllabæ qualitas 95
Accentus tertius nō rectè πικρὸν μακρόν 95

Cap. l i i i i. Quatuor.

Etiā tenuis pronūciatio est aspirata 96
Non est proba uox Lenigatio, ad id
quod uolunt 97
Non est aspirans i duxēa 97
Veteres omisere, an Aspiratio esset Con-
sonantium 97

Cap. l v i i. Quatuor.

Nō est accētus ὀφίη, neq; alia duo 100
Ἀποσποφίη non rectè conuersionē 100
Melius nos collisionem, quam Græci συ-
ταλίσφην 100
Non est syllabarum affectio ὀφίη 100

Cap. l v i i i. Quinque.

Turpiter cātillatur in pronūciādo 102
Συνδραμα i uox aspera 102
Malè Græci aciunt postremas 102
Græcorum error in graui accentu 103
Non repugnat natura etiā quartam
acui a fusc 104

c c Cap.

Cap. LIX. Duo.

Gravis non est syllabicus, quia non sit di-	
ctionum	104
Errarunt præceptores Quintiliani in,	
Atreus	104

Cap. LX. Vnus.

Erasmi error in Plane, Adverbio	106
---------------------------------	-----

Cap. LXI. Vnus.

Melius non additur quam dicitur	106
---------------------------------	-----

Cap. LXII. Tres.

Non semper compositorum tertia à fine	
acuitur	108
Cum Adverbijs iunguntur Præpositio-	
nes	109
Fumat Virgilianum, presentis est, non	
præteriti	110

Cap. LXIII. Duo.

Ab una Consonante non additur tempus	111
Ostentatio in secundis temporibus per	
senus	111

Cap. LXVI. Tres.

Non est de essentia Distionis, pars ora-	
tionis	116
Non est Distio constructæ tantum ora-	
tionis	116
Non est Distio minima pars orationis	116

Cap. LXVII. Vnus.

Sermo non est naturalis	117
-------------------------	-----

Cap. LXVIII. Duo.

Non omnes voces temere	120
Non omnes voces à consilio	121

Cap. LXIX. Vnus.

Fastidiose Carentia pro privatione	122
------------------------------------	-----

Cap. LXX. Duo.

Ingratitudo, barbara	122
Non idem ordo ducendi vocem à voce,	
et rem à re	122

Cap. LXXII. Septem.

Veterum definitione non discernitur Pro-	
nomen à Nomine	123
Præpositionis nomen minus aptum	123
Appellatio à Nomine non est aliud	126
Articulus aut nullus, aut Pronomen	126
Infinita, sunt Verba	126
Non est Præpositio, Coniunctio	126
Vocabulum est genus ad Omnia	126

Cap. LXXIII. Tres.

Personæ vocabulo sunt abusi	128
Non est Gelliana Personæ etymologia	
bona	129
Præceptores Scaligeri errabant in Neu-	
tro	130

Cap. LXXVI. Decem.

In Nomine, quod rectè sentiebant, malè	
expressere	134
Non est Nomen ad præteritum	134
Distio non est pars Grammaticæ	135
Nominis definitio manca	135
Malè distinguunt rem à corpore	135
Personam à Nomine malè auferunt	135
Non recipit Nomen à Pronomine Per-	
sonam	136
Nugantur cum auferunt Primam perso-	
nam Proprijs	136
Linacri error in definitione Nominis	137
Non est proprium Nominis significare	
Rem	137

Cap. LXXVII. Sex.

Numerus præponi debet Personæ	138
Persona	

Persona debet antecedere Genus	138
Post Genus Species	138
Post Speciem Casus natura, nō usu	138
Post Casum Figura	138
Male narrant propria ante definitio = nes	138

Cap. LXXVIII. Duodecim.

Non recte dicitur fluere Vnitās, ad Nu= merum faciendum	139
<u>Iones non recte Dualcm à Plurali diui= sere</u>	139
Singularis numerus nō est Numerus	139
Male Numerus definitur	140
Numerus non competit Dictioni, ut est Dictio	140
Numerus Accidens est, non Forma	140
Numerus non facit quantitatis discreti= onem	140
Pluralis numerus non caret sine	141
Non repugnat rationi, duo sumi	141
Contra rationē negamus, pulcres	141
Non recte colla unius hominis	141
Terra nō fit ex pprio appellatiuū	142

Cap. LXXIX. Quinque.

Genus non est affectus Dictionis	144
Genus non est affectio Dictionis decli= nabilis	144
<u>Enimq; genus male appellatum</u>	144
Promiscuum genus ueteres negligentis= sime inuexere	145
Non est Maiors, magna uertens	145

Cap. LXXX. Septem.

<u>Casus per ueterum definitionem, quid sit, nescias</u>	146
Casus non est declinatio	146

Casus nō est mutatio terminationis	147
Semper aduerbium, non est definitioni= bus addendum	147
Rectus non est casus quia à mente ca= dat	149
Nullus casus cadit à nomine	149
Definitio recte lineæ, non est per essen= tiam	150

Cap. LXXXI. Vndecim.

<u>Non recte Secundus casus, Vxorius</u>	151
<u>Non recte Patrius</u>	151
<u>Non recte Possessorius</u>	151
<u>Non recte Genitiuus</u>	151
<u>Datiuū nomen non plene</u>	151
<u>Non plene datiuus, acquisitiuus</u>	151
<u>Accusatiuus pessime</u>	151
<u>Salutatoriū non plene</u>	152
<u>Ablatiuū nomen non semper seruit</u>	152
<u>Septimus à Sexto non est alius</u>	152
<u>Plinius uocem à stridore male separa= uit</u>	153

Cap. LXXXII. Vnus.

<u>Enimq; non est Sextus Grecis</u>	154
-------------------------------------	-----

Cap. LXXXIII. Sex.

<u>Male omisere pluralium casuum conue= nientiam</u>	155
<u>Error in Ternarijs in portu</u>	155
<u>Error in Tertio modo</u>	155
<u>Error in Quarto modo</u>	155
<u>Error in Quinto modo</u>	155
<u>Nullum nomen anq̃q; utq;</u>	155

Cap. LXXXV. Duo.

<u>Male mutarunt Auræ Vergilij, in Au= ræ</u>	158
<u>Deum pro decorum integra fuit, non conclisa</u>	159

Cap. LXXXVI. Duo.

Si est Decomposita figura, erit etiā Species Ultra derivatam, alia 160
Prius à Pri, non à Pridem 161

Cap. LXXXVII. Duo.

Quod ueteres Figuram uocant, potius Species est 162
Nulla est Figura decomposita 162

Cap. LXXXIX. Quatuor.

Incuruicercuicumpetus, una uox, non due 163
Solixaurilia, à Soloce, non ab Oue 163
Error in alterutrius ratione 164
Error in sœminino 164

Cap. XC. Vnus.

Declinationem affectum Nominis omiseret 165

Cap. XCI. Sexdecim.

Malè faciūt, cùm tractant prius Species, quam Affectus 165
Non rectè dicuntur Aequiuoca 165
Synonyma falso τὸ ἐπὶ οὐνοῦ μα 168
Melius μεῖνεν μα quàm διμένεν μα 168
Non rectè nomen hoc, Albedo, Substantium 169
Non rectè Substantium, Fixum 169
Adiectiuum in ordine orationis post Substantium 170
Fixum nunquam sequitur mobilis naturam, contra Vallam 170
Adiectiuum, & Substantium non sunt species solius Nominis 170
Non est bona diuissio, Substantiū aliud Proprium, aliud Commune 170
Appellatiui nomen sine ratione 170

Non est qualitas, qua differunt Propria Communia, Adiectiua, Substantiua inter se 170

Cōparatio nō est qualitas generica 171
Patronymicum non est Nominis qualitas, sed proprij 171
Sol non est nomen speciei 171
Non est Luna, quasi Lucens Vna 171

Cap. XCII. Septem.

Non omniū Romanis aut Sabinis nomina ultro, citroq; cōmunicata 172
Non rectè negant Agnomen, Latinum esse 173
Non est nomen unius, cuius est 173
Frustra altercantur de nominum priorum situ 174
Non rectè Probus de tempore nominis imponendi 175
Iulo Ascanius non fuit agnomen 175
Δαίμων μα, & ἐπὶ οὐνοῦ μα nomina nulla 176

Cap. XCIII. Duo & triginta.

Falso sub Appellatio Adiectiuum 176
Patronymicum est Denominatiuorum species 177
Nominum species malè digessere 177
Genus nominum ad aliquid cum speciebus confudere 177
Non intellexere, ad aliquid dicta, differre ab, ad aliquid esse 178
Quasi ad aliquid, idem cum Ad aliquid dici 178
Nihil est ad aliquid dictum 178
Malè omisere Responsiua 178
Malè omisere Dimensionale 178
Non est Quantitas discreta realiter distincta à Continua 178
Tēporali malè addidit Aduerbiale 178
Malè

<i>Malè omifere Situale</i>	178
<i>Omifere nomen Grammaticum, Logi-</i>	
<i>cum, Metaphysicum, &c.</i>	178
<i>Patrium nomen non est Primitiuū</i>	179
<i>Non est diuerfa Denominatio à Deri-</i>	
<i>uatione</i>	179
<i>Adiectiui definitio falſa</i>	179
<i>Prius eſt Significare, quàm Adijci</i>	179
<i>Error alter in ordine uocum</i>	179
<i>Malè indiuidui ratione definiuere</i>	179
<i>Non eſt proprium Adiectiuorum ſuſci-</i>	
<i>pere Comparationem</i>	179
<i>Malè interpoſita hiſtoria Synonymorū</i>	
<i>inter Ad aliquid</i>	180
<i>Malè definiuere Interrogationem</i>	180
<i>Nihil eſt contrariū Interrogationi</i>	180
<i>Inſinita non ſunt contraria Interroga-</i>	
<i>tionibus</i>	180
<i>Inſinita non ſunt Relatiua</i>	180
<i>Interrogatiua ſunt Inſinita</i>	180
<i>Amplioribus, malè pro, pluribus</i>	180
<i>Diuidui definitio mala</i>	180
<i>Vterque non habet relationem à duobus</i>	
<i>ad ſingulos</i>	180
<i>Vterq; non eſt diuiduum</i>	181
<i>Non debet diuiduum diſtingui à Nu-</i>	
<i>merali</i>	181
<i>Absolutum minus rectè intelligitur</i>	181
<i>Cap. x c i i i i. Vnus.</i>	
<i>Oratio non eſt incorporealis eſſentia</i>	
<i>ſua</i>	182
<i>Cap. x c v. Tredecim.</i>	
<i>Subſtātia nō recipit Deminutionē</i>	183
<i>Deminutiūū potius, q̃ Diminutiūū</i>	183
<i>Deminutio eſt Affectus generalis Nomi-</i>	
<i>num, non Species</i>	183
<i>Augulus eſt uerè Deminutū ab Auo</i>	184
<i>Non eſt Romanum adulari</i>	184

<i>Fraterculus gigātū nō ab urbanitate</i>	184
<i>Non à Fidis, Fidicula, neceſſario</i>	184
<i>Rectè in A S T E R, Deminutiua</i>	185
<i>Apiāſtrū nō eſt ab Apio, Citraria</i>	185
<i>Apiāſtrum Sardoum, non eſt ab Apio</i>	
<i>deminutum</i>	185
<i>Pullaſtra eſt minor Pulla</i>	185
<i>Pullaſtra ſylueſtris non eſt, neque Pul-</i>	
<i>lam imitans</i>	186
<i>Surdaſter non imitatur ſurdum</i>	186

Cap. x c v i. Tres.

<i>Collectiuorū nomen nō reſpōdet rei</i>	186
<i>Falſo plurali ſolo numero Scopæ</i>	186
<i>Melius Scopa, quàm T hebeæ</i>	187

Cap. x c v i i. Tres.

<i>Etiam ſingularia reſeruntur</i>	188
<i>Non ſunt Latini uſi Poſſeſſiuis, pro Pa-</i>	
<i>tronymicis</i>	188
<i>Poſſeſſiua etiam Græcorum ſunt</i>	188

Cap. x c v i i i. Vnus & uiginti.

<i>Non eſt uerum, quædam nomina neque</i>	
<i>Adiectiua neq; Subſtantiua</i>	189
<i>Etia forma, per, i t i a, ſignificatur</i>	191
<i>Studiosus, à Studio, non à Studeo</i>	191
<i>Malè Nigidius, Biboſum</i>	192
<i>Non eſt Cura, Cor urens</i>	193
<i>Monſtruoſus, malè</i>	193
<i>Non malè dixere, Imitationem in</i>	
<i>v n a</i>	
<i>d v s</i>	193
<i>Malè inſcribitur liber Ariſtotelis</i>	197
<i>Tēpeſtiuus, nō bene ſunt interpretati</i>	197
<i>Non rectè dictum eſt, paſſiuum</i>	198
<i>In, i l i s, nō eſt actus, ſed poteſtas</i>	198
<i>Penetrabile, licentia poetica</i>	200
<i>ſectiuum, errore uulgi</i>	200
<i>Riſibile, Boëtij poteſt tolerari</i>	200
<i>c c 3</i>	
<i>Palud</i>	

Paludestris barbarum	100
Male negarunt paucioribus clementis di ci Patriam, quàm Patriam	100
Barbari Venetias & Venetiam idem pu tant	101
Nō omnia οὐκ ἔστιν ἐν ἑνὶ ἐν σῖς	101
Non pertinet ad Grammaticum, Vergi- lium emendare	101
Diutinus, producte	101
Licentia poetica, Quaternus	102

Cap. xcix. Vnus.

Propinquus non significat locum sed relationem	102
---	-----

Cap. centesimo, Vnus.

Cardiacus, nō est nomen Possessiuū	103
------------------------------------	-----

Cap. ci. Vnus & uiginti.

Comparatiuum non solum mediocrem excessum significat	104
Comparatiui nomē nō rectē inditū	105
Nō omnis Cōparatio excessū notat	105
Nō rectē Superlatiuū dictum est	105
Non rectē Græci ὑπερβαίνειν	105
Non rectē Positiuū solum dicitur	105
Comparatiuum non significat Positiuū cum Magis	105
Denominatiuum non significat nomen unde ducitur	105
Magis est Comparatiuum	105
Superlatiuum non resoluitur per Mul- tum, neq; per Valde	106
Non rectē per unicū 1, Similimus	106
A uerbis nō ducitur Cōparatiua	107
Omnis cū Superlatiuo poni potest	109
Cunctis doctior, male	109
Non possunt hæc coherere, Superlati- uum refertur; &, Valde est in intelle-	

Etione superlatiui	110
Non est à Græcis factum gentis arro- gantia, ut Superlatiuum in eodem ge- nere intelligatur	110
Comparatiuū non significat, Minus	111
Comparatiuū nō significat contrarium	
Duo fortissimi in eadem gente esse pos- sunt, atque etiam plures	112
Ego fortior, quim fortunatior: non est addendum Magis	113
Compluries est Comparatiuum	113

Cap. cv. Vnus.

Non est simplex contrarium composito semper	117
--	-----

Cap. cx. Decem & Septem.

Non rectē post Nomen, Pronomen	119
Nō omne uerbū Agēdi, uel Patiēdi	120
Scribo librū, nō est liber qd scribitur	121
Non omne Actiuum, Passiuū gignit	122
Non rectē definitur actiuum, quod in aliud transmittit	122
Non rectē genus in uerbis dicitur	123
Malē Græcis παθεῖν	123
Non rectē, genus significatio	123
Aro actiuum, non neutrum	124
Neutropassiua nō rectē transgressiua	124
Non rectē ἰδεναι, γινῆναι	125
Ὀνειδισθῆναι non potest esse neutri spe- cies	125
Non rectē ἀπονεμῆσθαι	126
Non rectē ἀπονομιῶν	126
Αὐτὸν ἵσταναι est idē cum ἵσταναι	126
Pluit, est uerissimum Actiuum	126
Pluit, & eiusmodi nō sunt Supina	126

Cap. cx i. Vnus.

Non sunt actiua passius priora, quia qui agit, incipiat	127
--	-----

Cap. c x i i. Vnus.

Sum, nō recte uerbum substantiuum 228

Cap. c x i i i. Quatuordecim.

Præsentis nomen minus aptum 230

Instans, male interpretantur 230

Malè Futurum, Promissiuum 231

A' Græcis male, πορὸν ἔδωκεν 231

Male à nostris Plusquamperfectum 231

Non distat Perfectum à Plusquam perfecto temporis longinquitate 232

Est etiam ἴσους in nostris 232

Instans non est cuius pars præterijt, pars futura est 232

Non recte in presenti, Expugno 233

Morior, debuit eare psona prima 233

Male Erasmus in libro de lingua sic, cum reus perageretur 233

Grocinius malè, Amari, præsens perfectum 234

Fecero, non significat celeritatem, sed absolutum opus 234

Cap. c x i i i i. Vndecim.

Canes non deliberant 235

Melius nos Modos, quàm Græci inclinationes 236

Non rectè definiunt, Indicatiuum 236

Subiunctiuus, non quia subiungitur 237

Infinitiuus, non quia caret personis 237

Malè additur Promissiuus indicatiuo 238

Malè Imperatiuo Precatiuus 238

Cōiunctiuus à Subiunctiuo nō differt 238

Potentialis nō differt à Subiunctiuo 238

Interrogatiuus non est alius ab Indicatiuo 239

Ἀντιτάτατος est Imperatiuum 239

Cap. c x v. Tres.

Præteritū mali attributū Impatiuo 240

Ridicula ratione auferunt Futurum ab Imperatiuo 240

Græci in futuro imperatiui à Latinis superati 240

Cap. c x v i. Vnus.

Falsum, rem certam re dubia priorè 241

Cap. c x v i i. Vnus.

Infinitiuus est uerbum 242

Cap. c x i x. Tres.

Nō est tertia Infinitia, quia absens 244

Non est opus Pronomine ad Tertiam personam præscribendam 244

Secunda nō iungit sibi Tertiam 244

Cap. c x x i. Duo.

Tempus est potius ratio Verbi, quàm accidens 246

Accidentium Verbi ordinem malè statuere 246

Cap. c x x i i i. Nouem.

Melius Deriuatus, q̃ Deriuatiua 247

Non mutatur significatum Primitiu in Deminutiuo 247

Incohatiua sunt ī s c o rectè dicta 248

In s c o p, Fio, nō semper explicatur 248

In s c o non earent Præteritis propter significationem 249

Veterum Desideratiua sunt Frequentatiua 249

Itaq; Frequentatiua sūt Desideratiua 249

Veterum Desideratiua non sunt Incohatiua 249

Mediatiua rectè à ueteribus dicta sunt 250

Cap. c x x i i i i. Duo.

Impersonalia ex ueterum definitione Verbi, uerba non sunt 251

Impersonalibus passiue uocis subest Persona 251

Cap. c x x v. Quatuor.

Non sunt Impersonalia, actiue uocis etiam cum Infinito 252

Interest, non est, in re mea est 252

Interest, nunquam fuit Impersonale 253

Non est Pluit impersonale 253

Cap. c x x v i i. Viginti.

Pronomen non est sic necessarium, ut Verbum 255

Pronomenq̃ antecire debet Participiũ 255

Ἀντωνιμια non exprimit nostrum pronomen 256

Nomen fuit prius quàm Pronomẽ 256

Pronomen non semper nominis loco ponitur 256

Pronomen non ponitur necessario loco nominis Proprij 257

Nou resolutur Appellatiuum in Pronom̃ 257

Pronominis definitio male data 258

Male inseritur definitionibus, Νῦν 258

Nō omne Pronomẽ definit psonã 258

Qui est relatiuum 259

Qui nō semper refert substantiam 259

Qui non est Prouocabulum 259

Non bonam causam declararunt, quare esset Qui, Pronomen 260

Non differt Nomen à Pronomine certè aut incertè personæ indicatione

Falsum, omnia pronomen aut refert, aut demonstrare

Alter, & neuter, sunt Pronomena 261

Omnis non significat numerum 261

Omnis est Pronomen 261

Omnis nō significat Quantitatem 261

Cap. c x x v i i i. Tresdecim.

Non signantur paucis pronomibus prima et secūda, quia sint presentes 262

Demonstratiua nō rectè intellexere 262

Non est bona diuisio ad oculum & ad sensum 262

Iste nō significat presentē personā 263

Hic nō significat cognitionē rei 263

Hic non est prepositiuium 263

Non est uerum quod aiunt: non uariari p genera primā, quia est presens 263

Non est uera causā de Tertia persona Pronominis primitiui 263

Exemplo utuntur non bono super Pronomine ille 263

Iste, non significat semper rem propinquam, neq; ille, longinquam 265

Non rectè amouent Ipse, à prima persona 265

Ipse, non ponitur pro Solo 266

Ipse, non est nomen 267

Cap. c x x i x. Quatuordecim.

Tuus ab Obliquo est, nō à Recto Tu 268

Ἀντιπαραστροφὴ de reciproco durior uox 268

Agricola male usus est, Sibi 269

Inepti isulāt Vergiliũ solæcismi 270

Temerarij de M. Tullio 271

Non solum cum Quisq; Suus 271

Græcum ἀλλήλων munus felix, quàm nostrum Inter se 272

Nō rectè dicit Dauus, Mea seruitus 273

Error in, Pars mei 274

Non rectè reprehendunt Plautum 274

Non est, Tis, actiue 275

Milites nostrum, rectè 275

Mei Caesaris, rectè 276

Falsa causā, quare differant Deriuata à Primitiuis 276

Cap. c x x x. Vnus.

Suam dici debuisse, ut Nostratem 277

Cap. c x x x i i i i. Duo.

Etiā Tuus, haberet uocatiuum 279

Si suus habet uocatiuum, non est reci-
procum 280

Cap. c x x x v i. Vnus.

Non rectè confudere simul tria diuersa
genera docendi 280

Cap. c x x x v i i i. Vnus.

Non rectè posponunt Pronomen par-
ticipio 281

Cap. c x x x i x. Septem.

Tibi refert lectorem, aut auditorem: non
est usum 282

Tibi refert Meccenatem, & Brutū 282

Non est Nostras, nomen 282

Sua premia laudi, Possessiuum prono-
men est 283

Is, non est talis. Sed essentialiter in
exemplo Vergil. 283

Quid maiora sequar? non est Coniun-
ctio, Quid 283

Quod scribis te uenturum: relatiuum
est, non Coniunctio 283

Cap. c x l. Vnus.

Non suo loco tractant questiones 284

Cap. c x l i. Quatuor.

Non sunt pares orationes, Currens est
Cursor, & conuersa 286

Participium non est Verbum 286

Participium non est Nomen 287

Participij definitio mala 287

Cap. c x l i i i. Tres.

Discendi apud M. Tullium, non est pro
Discere 291

In capiendum, improbe 292

Gerundium non interpretatur per Dea
bet, semper 292

Cap. c x l i i i i. Quatuor.

Rectè, Venatu uenio 293

Verior ea constructio, quàm hæc, Ven-
natu difficile 293

Non satis constat, quare sint Supina
dicta 293

Non rectè Theodorus & Ariston
telis 294

Cap. c x l v i. Duo.

Forte, non consilio tria genera in ead-
em uoce Participij 294

Falsam adducit super eare causam 295

Cap. c x l v i i. Vnus.

Falsum est, Participia per se non com-
poni 295

Cap. c x l i x. Vnus.

Oriūdu, quare diceretur, ignorauit 296

Cap. c l. Tres.

Discretus passiuè, & Circumspectus
& c. 297

Falsus passiuè, etiam cum uidetur acti-
uè 297

Tutus passiuè 297

Cap. c l i i. Quinque.

Prepositionis definitio confusa 300

Prepositionis definitio ab accedente 300

Prepositionis definitio non omnibus com-
petit 300

Prepositionis definitio superfluis re-
ferta 300

Prepo

Præpositionis definitio falsa 307

Cap. c l i i i. Vnus.

Nō est motus ultima mobilis pfectio 302

Cap. c l i i i i. Quinque.

Non recte dicere apponi Præpositio-
nem 303

Nō recte negarūt dici Procōsul 306

Tenus, non est Aduerbiū 306

Tenus, est 306

Non est usus interponendi Præpositio-
nes 306

Cap. c l v i i. Quinque.

Non idē, Ad oppidū: et, In oppidū 310

Per urbem sum, barbarum 310

Apud Basileam, pro Basileæ, malē 310

Propter non est alieno loco, cum prope
significat 310

Apud maiores, non est, A maioribus 311

Cap. c l v i i i. Duodecim.

Aduerbiū nomen non benè commenti
sunt 311

Aduerbiū malē definiuere 311

Aduerbiū omnium partium indeclina-
biliū princeps 312

Fere, non est similitudinis 313

Fere, non ducitur à feris 314

Non omnes fere celeres 314

Non omnes fere, quadrupedes 314

Prorsum, rursus, non sunt Loci 314

Vtinam, est Interiectio 314

O est Interiectio, non Aduerbiū optan-
di 314

O est Præpositio, non Aduerbiū no-
candi 314

Aduerbia Tēporis sunt ampliora, quā
Loci 315

Cap. c l x. Vnus.

Non est præponendum Aduerbiū Ver-
bo 313

Cap. c l x i. Tres.

Casus non est in Aduerbijs 316

Heu, non est nota responsionis ad He-
us 317

Pridie, non est Aduerbiū pro Præpo-
sitione 318

Cap. c l x i i. Quinque.

Malē appellarunt Interiectionem 319

Malē definiuere Interiectionem 319

Recentiorum falsa definitio 319

Recentiorum definitio alijs cōmunis 319

Interi, Interiectio potius, quā Aduer-
biū 318

Cap. c l x i i i. Quatuor.

Proh, melius quā Pro 322

Non recte omisere figuram in Interie-
ctione 322

Non recte ordinem assignarunt Inter-
iectioni 322

Caret specie Interiectio 322

Cap. c l x v. Duo.

Coniunctio concinnius, quā Coniun-
ctio 323

Notio coniunctionis inconsulto 323

Cap. c l x v i i. Vnus.

Non est suspensiuus augendus numerus
copulatiuorum 324

Cap. c l x v i i i. Quatuor.

Continuatiuū non iunguntur sensus im-
perfecti 325

Aliquando

Aliquando iungunt cum subsistētia 325
Subcontinuativæ, malè nominatæ 325
Ne, aduerbium prohibens, non Coniunctio 326

Cap. c l x x v. Tres.

Non plures partes, neq; pauciores 331
Affsecratio non est pars distincta 331
Attractio, ineptia est 331

Cap. c l x x v i. Duo.

Malè figura, dicitur loquēdi modus 332
Quintilianus ubi perplexus 332

Cap. c l x x v i i. Duo.

Malè negant dici debere, Gemini fratres 334

Vrbs Patavij rectè 335

Cap. c l x x v i i i. Vnus.

Evocatio, tota falsa est 335

Cap. c l x x x. Vnus.

Malè emendarunt, Nihil nisi carmina defunt 338

Cap. c l x x x i i. Vnus.

Compositio est potius Conceptio, aut Translatio 339

Cap. c l x x x v i. Vnus.

Etymologia non rectè veriloquū 342

Cap. c l x x x v i i i. Vnus.

Non proba causa, quare, Vina in plurali dici negant 343

Cap. c l x x x i x. Duo.

Extremus Plato, et extremus fortuiti 346

Analogia est in uocibus 348

Cap. c x c. Vnus.

Etymologiæ ratio extat 349

Cap. c x c i. Duo.

Malo consilio secuti sunt literarum ordinem in uocibus interpretandis 350

Malè Varro auspiciatus est à Loco et Tempore 350

Cap. c x c i i.

Autoritas ex usu pendet 351

Cap. c x c i i i.

Non rectè in unam uocem detorta multa significata 352



IVLII CAESARIS
SCALIGERI

De causis linguæ
Latinae,

LIBER PRIMVS.

Artifex & Natura uersantur circa certam subiectam materiam. Duplex artificium: circa materialia, & circa immaterialia. Multiplex modus circa eandem materiam. Notiones quid. Vorum affectiones tres. Finis Dialectici. Finis Grammatici. Excluduntur à Grammatico officia aliquot falsò attributa. Relinquit alijs inflexiones, significationes, compositiones: ipse causas perscrutandas proficitur.

CAPVT PRIMVM.



VE MADMODVM Natura non uno modo circa unam uersatur rem: ita nec Ars. Nam sicuti Solis uis quercum educit, atq; firmat, aqua putrefacit, ignis absumit: sic faber eidem quercui formā abaci imponit, statuarius, Iouis: architectus, tigni. Par item ratio in scientijs est. Hominem contemplatur Philosophus naturalis, ut mouetur: Geometra, quatenus eum metiri debet: Medicus, quem à morbis aut uindictet, aut tueatur. Natura enim ut est artifex quasi quidam eorum, quæ molitur: ita
a artifex

artifex tanquam natura quædam eorum, quæ figurat. Hoc igitur quod est materia prima naturæ, ut ei formam imponat, id est artificii naturalis res, cui figuram indat. Res autem cum duplices sint: aut materiales, aut immateriales; & immateriales aut extra intellectum, ut Deus, aut in intellectu, ut notiones (notiones appello rerum species mente comprehensas) quod utique manus agit in materiâ, hoc intellectus in notiones. Ergo ut manibus subiectam materiam habet, aurum faber: ita intellectu notiones philosophus moderatur. Etenim quo pacto manus instrumentorum instrumentum est; sic ratio scientiarum. Est autem ratio uis animæ, quæ id, quod ea præditum est, comprehendit uniuersalia. Comprehendimus autem uel per inuentionem, uel per disciplinam. Ac per inuentionem quidem paucis datum est, ut diuinitus fierent sapientes; per disciplinam autem pluribus. Sanè disciplina est scientia acquisita in discente. Discimus uerò ab alio per auditum, tanquam per instrumentum, & per uoces tanquam per notas: est enim uox, nota earum notionum, quæ in anima sunt. Vocis affectiones tres: Formatio, Compositio, Veritas. Veritas est orationis æquatio cum re, cuius est nota. Compositio est unio partium pro earum proportionem. Formatio est creatio, & figuratio. Itaque orationem cuiusque partes duo artifices diuersis modis contemplantur. Dialecticus sub ratione ueritatis, tanquam sub fine: grammaticus subfigurationis & compositionis modo, quam uocarunt constructionem, tanquam materiam. Nam tametsi grammaticus etiam considerat significatum, qui quasi forma quædam est, non tamen propter se id agit, sed ut ueritatis indagatori subministret. Accidit autem ei postea ornatus ab Oratore, & numerus à Poëta. Nam historia parum ab utroque differt: sed ex utroque potius mista est. Grammatici igitur unus finis est, rectè loqui. Quare in duo intendit: in partes, ut partes sunt, & in easdem ut inter se respondent ad compositionem. Nam quod addunt, rectè scribendi artem esse: bis peccat. Neque enim ars est, sed scientia, neque necesse habet scribere, accidit enim scriptura

scriptura uoci. neque aliter scribere debemus, quàm loquamur. Illam quoque tertiam partem, quam ascribunt, iudicandi, non rectè attribuerè. neq; enim actio distinguitur à potestate per differentias forma constitutas. Etenim eodem modo, quo scio, iudico: Postremo quodd officium interpretandorum autorum annumerarunt, id sanè grammatici non est, sed sapientis pro cuiusq; rei captu. Est enim Oratorum Poëtarumq; atq; Historicorum lectio differta uarijs artibus, atq; scientijs: quæ non ad ipsos literatores potius, quàm ad ueros artifices pertinent. Nam quod ad interpretationem ipsam attinet: eadem ratio est, & componendi, & composita cognoscendi. Quippe orationem qui interpretatur, eodem modo eam resoluit in partes, quomodo eam qui construxit, ex hisdē partibus comparauit. Tres igitur cum sint rationes literaturæ, prima figurandi, secunda significandi, tertia componendi: primam quidem diligentissimi uiri recentiores exactissimè tractarunt: secundam non ita planè: tertiam ex autorum observationibus satis admodum sunt assecuti. Verum cum non solum usu, atq; autoritate partes hæ consent, sed etiã ratio ipsa naturalis magna multaq; loca sibi uindictet: Quæ illi ipsi diligenter sunt executi, nullius nostrum opera indigere arbitrabamur. Quæ uerò rationes ab his sunt omissæ, uel quasi ignoratæ, uel quasi relictæ nobis, necessariò hoc opere erunt perscrutandæ.

CAPUT II.

Non solum materia opus est, certisq; limitibus, sed etiã ordine atque instrumentis. Ordinem duplicem esse: unum ab elementis ad composita, alterum huic contrarium. Instrumenta item duplicia: altera naturæ notiora, nobis uerò minus nota: altera his contraria.

Sumptam materiam, certisq; limitibus circumscriptam, uideamus quemadmodum perfectè nosse possimus. Duo sunt docendi, totidemq; iidem discendi modi. Alter, quo quid suas in partes resolvimus: ut si nauim ignorantem cuiquam, primum

nomen edam : deinde quid sit edisseram : postremò cuius rei causa structa sit, ostendam, partibus enumeratis. Hæc uia, res solutoria ab Aristotele dicta est. Is modus nobis notior est, quippe totum ipsum representatum specie primum innotescit : à quo ad partes indagandas ipsas postea ducimur. Alter modus huic contrarius est, naturæ ille quidem notus atque certus, quem componentem dicimus : propterea quòd acceptis partibus totum ipsum exædificamus. Galenus frustra addidit tertium quem definitiuum uocat : cum tamen à resolutorio nihil differat. resoluimus enim totum : at totum res est ipsa definita, definitio autem notio speciei. Præstantior autem uia utique ea est, quæ componere docet : tum quia naturam imitatur, tum quòd excellentiam tradentis ostendit ingenij, quod necesse est omnia habeat in numerato atq; ordine disposita antè, quàm animum ad dicendum appellat. Ad hoc, nisi à primoribus elementis ordiari, necessarium cogèris idem sæpius repetere. Vniuersus igitur docendi ordo is cum sit, singulæ partes quo consilio quamperfectissimè recenseri tractariq; possint, uideamus. Discere dicimur, cum ignotum per indicia quædam percipimus animo. Hoc bifariam esse potest : Namq; indicium illud interdum est posterius eo, quod discimus. ueluti cum significatio uocis huius, GLORIOSVS, intelligitur posse accipi in bonam partem per exempla sumpta de Cicerone. At sanè id prius significauit, quàm sic Cicero utendum sumeret : & tamen per Ciceronem ita mihi notum fit. Est alterum indiciorum genus natura prius, & causa quasi quædam eiusce rei, quam discimus. ut cum per Gloriæ significatum ac per flexum illius uocis descendo ab origine ad usum eum, quem in Ciceronis libris deprehendi. ac prior quidem notior ac facilior est : alter ut paulò obscurior, ac minus sæpe notus nobis, ita excellentior tanto, quanto certius scimus, cum per causam, quàm per accidentia cognoscimus. Hoc igitur duce ab ipsa philosophia, in Latinarum uocum naturam, ad rationes inuestigandas deducamur.

CAPVT III.

Duplices partes: alia ex quibus vox constituitur, ut ex materia: alia tanquam species sub genere perfectam scientiam, non ex sola definitione acquiri, sed etiam ex affectuum cognitione.

Sigitur est à partibus incipiendum, propterea quod causæ sint ipsius totius, quod nunc tractamus: nosse interest, earum rationem duplicem esse. Etenim cum dicimus, in, D I C T I O N E, partes esse alias simplices, cuiusmodi literæ sunt, alias compositas, quales uidemus syllabas: ex his iudico elementis integrâ uocem fieri, atque coalescere. Cum uero dicimus: Dictiones alię sunt nomina, alia uerba: non has ostendo partes eius esse modi, ut per eas concreseat nomen: sed quæ ipso genere tanquam re uniuersali quadam comprehendantur. unde recte pronunciamus, tam nomen, quàm uerbum dictionem esse. Cum autem possim genus ipsum intelligere etiam seclusis partibus his, quas species appellauimus: necessario fatebimur, suapte natura species esse illas post genus. Si quidem genus materia quasi quædam specierum est. Contrâ, quoniam genus ipsum animo perfectè capere nequeamus, nisi partes, quibus constat, perspexerimus: necesse erit, ut primum de his partibus, deinde de genere, hoc est de dictione, quæ est materia nostræ operæ subiecta, tum de speciebus sermo noster instituat. Videndum igitur, quid litera: mox quid syllaba: tertio quid diction: postremo quæ species dictionis. Quoniam uero perfectâ scientia non ex sola habetur definitione, sed omnes quoque rei affectus cognoscere oportet: de ipsis affectibus cuiusque partis quid ueteres prodiderint, quid nos sentiamus, perspicendum erit.

CAPVT IIII.

Definituro literam, nominis prius originem quaerendâ. More Peripatetico inde errores multos & colligit, & corrigit.

ANte uero, quàm litteram definimus, sicuti fit in omni definitione, nomen ipsum est explicandum. Quippe ex cuius interpretatione facilius rei ratio nota sit. Togam enim definiturus, eam si norim à tegendo dictam, sanè uestigando eius genus sic inueniemus: esse lanam textam ad tegendum. Ita de littera acturi, ueram eiusce nominis rationem ex figura emergere cōperiemus, cū eas certis lineis contineri uidebimus. exemptis namq; ex prisca nominis origine aliquot elementis, cū primum dictæ essent lineaturæ, litteræ postea factæ sunt. sicut apud Græcos *γραμματα παρὰ τὸν γραμμήν*. Euenit deinde, ut quoniam album nigredine aspergeretur, atque ei quasi officeretur, ut ea significatio latius fusa sit, & litura inde etiā macula diceretur. Obliterare autem uerbum non à literis, ut dixere, sed à lituris deductū est, uersa scilicet uocali. Quem admodum à scenus fœneror, & à pignus pignero, & à tempus tempero: sic à lineando, linere, unde lineaturæ, & literæ, & lituræ, ex eodem fonte æquè omnia. Neque enim à lituris literæ, quia delerentur: prius enim faciæ, quàm deletæ sunt. At formæ potius atq; ueritatis rationem, quàm interitus habeamus. Ex his constat eosdem ueteres non rectè quasi legiteram commentos esse: ut extrema pars uocis ab itinere fingatur. Atque id quoq; non geminata consonante, ut consueueret, scribendum esse: sub suæ nanque originis forma produxit primam naturam. Si igitur à lineis dicta est, et linea minima corporis dimensio est: erit profecto littera minima pars dictionis. accidit enim dictioni cuiuspiam, unica ut littera contineatur. ibi enim est & pars & totum idem. Sed sicuti ex elementis constant mista naturalia, sic ex literis dictiones: unde Elementorum quoq; nomen sortitæ merito sint. Simul ut hinc refellatur ueterum sententia: qui falsò litteras notas dixere, elementa autem pronuntiationes. Nam ut littera sola nota sit, satis habemus: at elementum, & ipsum hoc sit quod pronuntiat, non autem ipsa pronuntiatio: & ipsa nota æquè, siquidem est pars dictionis ipsam constituens, sicuti ignis, aër, aqua, terra, corpora naturalia hæc nostratia. Sed & par eorundem error
in litteræ

in literę definitione: primo namq; partem uocis dixere. quare aut non erunt literę, quę scriptę nondum pronunciantur, aut falsò definierint uocem, esse aërem percussum. Sed neque rectè, neque necessario adducunt uocis definitionem. Neque enim ad literatorem, sed ad philosophum spectat hoc, à quo id quod ipse statuat accipere debemus. Quin ipse quoq; uocem in libro de interpretatione non definiuit; cum alioqui & coniunctior esset pars illa cum cætera philosophia, & interpretatio uocem habeat pro instrumento. Itaque Diuinus ille uir per uocem definitiones attulit, uocis contemplationem ad philosophum naturalem retulit. Quòd si quis pertinacius contendat, necessario definiendam uocem esse in literę definitione, quasi genus quoddam: cogetur idem sanè, quid aër sit, quid percussio, definire. atque porro, quemadmodum fiat auditus, ostendere. Verum ij ignorarunt, non omnia principia discutienda esse, sed quibuscumque eorum certis in scientijs simplici intellectu acquiriscendum, ipsamq; principiorum rationem ad solum metaphysicum pertinere. Quamobrem grammaticus hic satis habet uocis tantum nosse significatū: nō est igitur necessaria. Non est item uera, cum dicit, Aërem tenuissimum; tenue enim & crassum significant partium positionem. tenue enim cum opponitur crasso significat rarum: sic dicimus crassum aërem, rarum aërem & tenue. In aëre igitur Boëtio non pronunciabitur litera, quem aërem crassum fuisse, prouerbio quoque circumfertur. Sed illi ut minimam partem literam esse ostenderent, eius materiam, scilicet aërem, tenuissimum esse uoluere: ut minimum significarent. Sed tenue non excludit longitudinem: itaq; non erit aër minimus. Præterea in eodem genere nullum minimum minus alio minimo est: at litera alia alijs minor: quædam enim unico tempore fluūt, alia pluribus constat: & quædam dimidiū alterius est: nam *o*, est duplex ad *o*, & ipsa interdum sui ipsius: cuiusmodi sunt communes uocales apud Græcos. Ad hæc, aiunt definitionem esse à substantia: at Aër uocis substantia non est, sed materia subiecta: accidit enim uox aëri:

hic enim

hic enim substantiam pro essentia capiunt, at essentia uocis non est aër: neq; enim genus eius est, aut differentia: sed percussio, aut elisio genus est summum, proximum autem genus, est sonus. is enim ordo est; Sonus ē percussio corporū, Vox, Sermo. Est enim Sermo dispositio uocū articulatārum ad interpretandum animum. Vox, sonus ex ore animalis. Sonus, qualitas obiecta auditui ex occurſu corporum. Itaq; ne id quidem rectē, strepitum uocem esse inarticulatam; strepitus enim est soni species, sicut & uox. Neq; diuisio proba est, cum dicunt inarticulatas uoces eas, quę nullo proferuntur affectu: nam omnis uox est ab animi affectu, est enim data animalibus ad expressionem uoluntatis, ut in quinto historiarū latius disputauimus. & multæ uoces ab affectu proficiſcuntur, quæ sunt inarticulatæ; ut gemitus, & sibilus uenatorum. Sed neque rectē à brutis excludunt articulatæ: ouium enim uoces adeo clarē scribi possunt, ut ab ipsis uerbum apud nos formatū sit, balare. Literatas autem uoces aut illiteratas, perinde atque scribi possent, uel non possent, etiam doctiores dixere: ut est apud Gellium lib. x. 1. Non decreto, inquit, iussocq; , sed tacito, illiteratoq; Atheniensium consensu. Quare articulata sit, quæ scripto excipi atq; exprimi ualeat: inarticulata, quæ non. Possit autem quis dubitare, an necessaria sit definitio dictionis, syllabæ, literæ per uocem: præsertim cum Philosophus in libro *περί ἑρμηνείας*, sic egerit. Quibus respondemus, id eum fecisse, quoniā de Elocutione scribebat, quam uocat interpretationem. Sic nos uocem in his libris, pro dictione scripta accipimus, quoniā uox esse possit: idq; ex usu ueterum Latinorum. At isti uocis partem cum dicant literā, uocemq; aërem percussū, literam tantum in aëre ponunt, ergo cum scripta crit, non ei competet definitio: neque cum in intellectu recipietur: potest enim nunquam fuisse in pronunciatione.

CAPUT V.

Literæ definitio. Differentiæ genericæ, quibus species literarum con-

rum constituuntur. Affectus generici proprii & communes. Quid primum horum natura sit, quid primo loco tradendum.

Litera igitur est pars dictionis indiuisibilis. Nam quanquā sunt literæ quædam duplices, una tamen tantum litera est, sibi quæque certum sonum unum seruans. Ita & magnum dictum est, non autem compositum. neque enim duo parua cōtinet tanquā partes, sed duobus temporibus unus tractus indiuisibilis. Litera ergo genus quoddam est, cuius species primariæ duæ, uocalis & consonans, quarum natura & constitutio non potest percipi, nisi prius cognoscantur differentia formales, quibus factum est, ut inter se non conuenirent. Quare de ipsis differentijs in communi, deq; affectibus prius dicendum est. Litera differentia generica est, potestas, quam nimis rudi consilio ueteres accidens appellarunt. est enim forma quædam ipse flexus in uoce quali in materia, propter quem flexum sit, ut uocalis per se possit pronunciari, muta non possit. Ex hac potestate ortum nomen est, qui est affectus proprius, cuiusq; literæ, consequens eam uim quæ in pronuntiatione sita est. Figura autem est accidens ab arte institutum: potest enim esse litera sine figura; potestq; attributa mutari. neq; solum per nationes, sed etiam eidem genti aliam atq; aliam diuersis seculis in usu fuisse. Neque uero, quod ueteres fecere, hæ solæ affectiones assignandæ sunt literis, sed & ordo. Quædam enim natura sua alijs priores sunt; neq; hæ serie, qua eas accepimus ab antiquis aut ortæ, aut disponendæ. De potestate igitur primum, deinde de alijs scribendum esset. Verum quia à facilioribus semper est incipiendum: à figuris, notulisq; ipsis pingendis auspicabimur; quarum causas postea explicare instituemus, simul & numerum, & ordinem ex prisca historijs narrabimus, quem suo loco tandem corrigemus.

CAP. VI.

Historia literarum, Figura, Numero, Ordine.

b

Literæ

LITERAE primum fuisse sexdecim numero, à Phœnicia (ut aiunt) Cadmī opera, atq; auspicijs receptę: his notulis, A, B, Γ, Δ, Ε, Ι, Κ, Λ, Μ, Ν, Ο, Π, Ρ, Σ, Τ, Υ. Palamedem autem duas adieciſſe bello Troiano: Ξ, Φ. Duas ab Epicharmo auctū numerum: Θ, Χ. Duę ad Simonidem, tanquam ad autorem, referuntur: Η, Ω. Alij autem aliter ſenſere, duasq; eiusdem inuento appoſitas: Ζ, Ψ. Latinę haud magnopere ab his abhorrent, his notis, A, B, C, D, E, F, G, I, L, M, N, O, P, Q, R, S, T, V, X, Y, Z.

CAP. VII.

Summaria diuiſio literarum, Nomina ſingularum.

HArum quę per ſeipſas poſſent pronūciari, Vocaleſ appellarunt: quę non, niſi cum alijs, Conſonanteſ. Itaque etiam uocalium nomina, ſimplici ſono, nec differente à poteſtate, ſtatuērunt: at conſonantibus, quę egerent adminiculo, appellationeſ miſtas ex ipſarum ſono, & ex certo adminiculo indidire. Itaque uocaleſ ſic nominarunt, ut ſcribebant, A, E, I, O, V. At conſonanteſ additiſ uocalibuſ: idq; non uno modo: quibuſdam enim præpoſuere, alijs poſtpoſuere. Sunt autem hæc: BE, CE, DE, EF, GE, EL, EM, EN, PE, QV, ER, ES, TE, IX. Duas autem reliquas Y, & Z, propterea quodd non, niſi in Gręciſ uocibuſ, ſcriberent, non mutarunt earum figuram, neq; aliud nomen impoſuerunt. Item duabuſ uocalibuſ I, & V, cū ſiunt conſonanteſ, nullum eſt nomen factum à Latinis: ſed à Gręciſ V, Aeolicum elementum appellatum eſt: & uau: habuitq; figuram hanc, Ϝ, à Claudio inuentam, inuerſa, ϝ, atq; duplicata. Verū nominis rationem (digamma enim inde nominarūt) cum ipſa nominis poteſtate non conuenire, ſuo loco dictum eſt. Ex hiſ conſtat, quare in uerbo DE S, neceſſario inter priorem & poſtერიorem conſonantem interponi debeat, E, uocaliſ: cū tamen nomen & mutæ in fine, & ſibili in principio eam habeant uocalem: neq; enim nomina ingrediuntur comp

compositionem, sed potestas tantum. Sola Q, eadem & potestate & nomine semper est: semper enim & pronunciatur, & nominatur sociata obscuræ uocali: sic, QV. Est igitur propriū tam figuræ, quàm nominis, nunquam mutari: potestatis autē mutari, ut mox uidebimus. Hoc autē dico apud ueteres tum Latīnos, tum Græcos: nā nostra tempestate certis notulis malunt inchoare & ducere dictionem, alijs autem terminare. Hebræi autem, Chaldæi, & Armeni, & Arabes semper aliquot literarum figuras mutarunt, quibus clauderent uoces suas. A nominum ratione porro diuiserunt Consonantes in Mutas, atque Semiuocales: ut quarum nomen inciperet à Consonante, eæ Mutæ essent: quarum à uocali, essent Semiuocales. Quam sententiam, qui essent autores ipsi, nihilo prudentius corrumpere: ita ut mutis ascriberent E F, cum tamen inciperet à uocali. Verū & hanc suo loco explodimus, & hic illam emendamus. Principio, non a nominibus species factæ sunt, sed à potestate, à qua etiam nomina fluxere. Igitur iam fundamentū destructum est. Præterea quo modo tregere seipsos cum F, in mutas abiecerunt, ita etiam sibi sunt aduersati, cum hac eadem sua regula cogitūtur, eandem literam quæ apud Græcos sit Muta, apud se tacere Semiuocalem. Nam si uerum est, Mutas esse, quarum nomina incipiant à consonante: Ξ I, græca muta erit ea ratione, quæ tamen apud nos sit semiuocalis: siquidem huius figuræ, qua utimur, X, pro, CH, nomen Latinis est, IX. Immo uerò si à nomine petas argumentum, multo sint Mutæ clariiores, quàm Semiuocales. Quis enim nesciat clarius pronūciari posse, BE, quàm EN, aut EL? Verū ita factū est, ut Mutæ dicerentur, quarum potestas, sine uocali socia, nulla esset. Neq; enim quisquam aut, B, aut, C, aut alias mutas, nulla uocali addita, clare possit pronunciare. Contrā semiuocales, propterea quòd aliquam haberent pronūciationem: uocalium enim securæ integritatem nominis dimidium obtinuere: nemo enim interposito inter labia spiritu ipsū F, nequeat efflare: itē sibilum in S, & mistum in X: linguæ

autem uibrationem in R : Leniorem autem atque harentem in N : longè leniorem, & sibilò affinem, in L : mugitum uel rò uel facilimum, atq; crassissimū in ipso M. Ex his patet error alius eorundem qui scripsere X, ab I, uocali nomen suum apud nos inchoare propterea, quòd apud Græcos eadem uocali Ξ, illorum proferatur. Etenim si ea ratio satis esset, etiam I M, & I N, & I F, dixissemus, qua has uocali Græci nominant. Sed iccirco factum est, ut à præpositione EX, differret. K, autem literam quare in præsentia omiserimus, suo loco disputamus.

Ex his satis constat, prudentius, quàm aut Græci, aut Syri fecerint, fecisse nos, cum uocalium nomina simplicissimo sono eduxerimus, quasi suo sibi sату ortæ essent; neque consonantium subsidij indigere, ad suas opes declarandas, quas consonantes ipsæ sanè sua fouerent autoritate.

CAP. VIII.

Singularum literarum potestates.

POSTquam literæ substantiam, differentias quibus suas species cōstituebat, affectiones genericas, rationem specierum conditarum diximus : superest, ut uniuscuiusque literæ uim deinceps ex usu, atq; ratione, cuiusq; causas statuamus; quod negotium non sine magno labore, uariisq; controuersia expeiri potest. Adeo enim degenerauimus à prisca pronuntians ratione, ut & uix extent ipso in usu uestigia; & siquid affe-
ras, quod emendet uulgus, tanto uerò ipsi pertinacius obstant. Ac fuit quidem tempus, cum usui dabatur aliquid: erat enim inter Latīnos. Nunc uerò, cum etiam Itali ipsi in patria sua peregrini sint adeo, ut etiam studiose inuenta noua à prisca detorqueant Latinitate : nihil aut Barbaris dandum, aut nobis indulgendum esse cenfeo. A uocalibus autem incipiamus.

Singularum literarum potestates labiorum maximè cōformas-
tione dignoscuntur : quemadmodum non solum ex Martia-
ni, ac Prisciani, Victorini, Gellij, Quintiliani, Varronis, Ni-
gidi,

gidij, Ciceronis præceptionibus, uerùm etiam uariarum usu nationum aliqua ex parte percipi potest. Duobus autem modis potestas uariatur, uel sonus ipse, ut cum I, uocalis aliter in uoce IRA, aliter in uoce OPTIMVS, pronunciatur: uel soni modus, ueluti quæ exempla à ueteribus adducuntur: quibus denique modi eidem uocalis sono attribuuntur: quini aspiratæ, et totidem tenui. Breui sub acuto, et graui: longæ sub ipsidem, & sub circumflexo. exempla sunt hæc: HĀMVS, HĀMÓRVĀ, HĀMI: ĀRĀĒ, ĀRĀRVĀ, ĀRĀ: HĀBĒÒ, HĀBĒMVĀS: ĀBĒÒ, ĀBĪMVĀS. Sed est tertius quoque modus, cum in fine clausulæ aut uersus longam breuemque indifferenti sono accipitur ita, ut etiam pro longis breues habeantur: etsi auribus suis aliter respondere, dixit Quintilianus. Ac de secundo modo in historia syllabarum scriptum satis est. de primo autem sic agendum est.

A, non eodem semper apud Græcos fuisse uidetur sono: siquidem Aeolenses ipsum pro, Η, posuere, *ήκα*. contra, Iones pro eo, Η, *ήγυα*. Verùm mihi uidetur apud Latinos eius literæ semper idem sonus extitisse, qui etiam nunc auditur uulgò Romæ. At non sic cæteræ. Nanque E, latius sonat in aduerbio, BENE, quàm in aduerbio, HERE: huius enim posteriorem uocalem exilius pronunciabant, ita ut etiam in maxime exilem transierit sonum, HERI. Id quod latius in multis quoque patet: ut cum ab EO, uerbo, deducis IRE. Et in eodem casu. dicimus enim, & IIS, & EIS: sicut & DIIS, & DEIS: TVRRIM, & TVRREM: PRIORE, & PRIORI. Sicuti igitur hæc inter se commutabant, sic & V, cum eorum altero habuit affinitatē: quod est animaduersum in illis uocibus, OPTIMVS, MAXIMVS, MONIMENTVM. Quæ nihilominus etiam per V, scriberentur. Igitur habuit I, uocalis sonos tres, suum exilem, alterum latiore, propioreque ipsi E, & tertium obscuriorem ipsius V. inter quæ duo Y, Græcæ uocalis sonus continetur: ut non inconsulto Victorinus ambiguum

illam, quam adduximus uocem, per Y, scribendam esse putarit OPT Y M V S. Quem sonum etiam agnouere ueteres Græcæ prolationis, post I, uel V, consonantes, & ante D, M, R, T, X. cuius rei exempla sint VIDEO, VIM, VIRTVS, VITIVM, VIX. Cæterum neque id nunc deprehendimus ex usu nostro, neque illi afferre exemplum possunt, in quo I, uocalis sequatur I, consonantem, ante eas literas quas in proposito apotelesmate constituebant; sed de V, accipiendum est: cuius erunt exempla, IVDIX, IVMMENTVM, IVRO, IVTVRNA. Verum ante X, non habeas: neque enim præpositio IVSTA, per hanc duplicem scribenda est: & puto, si IVRO certum sibi sonum habuit, IVS, quoque eundem habiturum. Neque tamen semper eodem sono profertur V, sed aliquando plenius re obscuritate, quo modo uulgius Italicum dicit DVX. Interdum hiatu rotundiore, ut in uerbo COLVMA, & ALVMNVS. quidam sunt ex Umbria & Ethrusia qui propius ad ipsius O, accedunt mollitiem. Omnino autem Latini cum Græcos casus uerterent, confiteri coegere nos, sonos illos esse cognatos, πριάμῃ, Priamus. Quo etiam modo nunc pronunciant Romani. Quare, quod illi ἰώβας, nos Iuba, Aeoles secuti, qui ὄνομα, ὄνομα dicebant. Itaq; O, duplicem quoque sonum habuit: latiore, & exiliore, ut cum ipso X, conueniret. Productis enim labijs & cohærentibus, Y, est pronuncianda, quomodo Gallorum quidam proferunt aduerbium, NVNC. Græca enim uox est νῦν. Sic etiam in multis alijs, quorum V, breue est, ea prolatio seruari debet, ut Numa, νῦμας; Romulus, ῥώμυλος. Habet igitur V, tot sonos, exilem ipsius I, latiore ipsius O, obscuriorem suam & medium quendam ipsius Y, Græcæ. Quamobrem cum suum sonum seruare illi uolebant ueteres, addebant O, ne in exilitatem illam Græcæ uocalis degeneraret: sic enim scribebant, OVPENTINA. autor Festus est. Restat etiam sonus alius, post G, & Q, & S, à superioribus ualde diuersus, implens scilicet consonantium

tium illarum uim, LINGVA, AQVA, SVADEO. quanquam post sibilum hoc tertio exemplo etiam à prioribus distet sanè: auditur enim aliquantum, ac propius accedit ad consonantis lineamenta. In prioribus autem exemplis, aut nihil, aut uix auditur: sed crassitudinem quandam apponit duntaxat: aliter enim dicas TINGO, aliter TINAGVO. Germani nostrates penè per digamma Aeolicū proferunt, suspensio ipso G, parumper: Rhenani, et qui in Belgio sunt, longè mollius, & satis Romanè. At Erasmus in libro de pronuntiatione falsò putauit V, eodem modo subiici ipsi C, licet & ipsi G, in exēplo pronominis CVI. est enim ibi V, uera uocalis: I, autem consonans, ut suo loco dictum est. Illud quoque igitur falsum erit, quod ueteres prodidere V, cum post G, uel Q, praecedit, aut E, aut I, aut AE, Graecae uocalis Y, uim obtinere: neque enim ullum sonum similem gerit. Si enim ita esset, Graeci ipsi non tam laborarent: haberent enim ad manus suam literam, et scriberent KYINTOS, quod apud nos est, QVINTVS. Sed ipsi & scribunt, KOINTOS, & pronuntiationem illam nullo modo queunt assequi. Quemadmodum autem I, & V, fiant consonantes, suo loco dictum est.

Diphthongorum quoque ratio non constat hodie: nullam enim ex pronuntiatu nostro percipias: neque tamen frustra inuectae sunt. uerum non est nunc laborandum, ut ora distorqueatur, ad eiusmodi explendam ambitionem. Satis tamen constat, AE, proximam fuisse Graecae AI, & OE, uocali V. Nam & MOEROS, & MVROS, legimus. AV, autem non ut nunc pronunciant Itali, à quibus audias sonos duarum explicatum, sed declinauit olim ad O, quomodo Franci nunc rectissimè utuntur. Quorū si quis dicat CAVRVM, etiam CORVM audias. Graeci nescio an benè pronunciet: à quibus intelligas priorem uocalem: alteram autem sono similiore consonantis Aeolicae. Sic & EY, iidem. Nos aequè malè, atque ipsam AV. Graecam uero OY, ridicule Galli pene per O, proferunt, & ineptius adhuc magis cum diphthongos

thongos diuidūt ac diffoluūt, earum ut sonus audiat. Nec defuere qui Græcam inuherent in Latinos, quoniam ueteres sic enuntiabant, TERRAI, FRVGIFERAI. Item alteram, EI, ijs in uocibus quæ utriusuis sono tum E, tum I, ederentur, ut TREIS, PARTEIS. Verūm priscos unica ad id litera contentos fuisse idem Nigidius autor est.

CAP. IX.

Origo & causa, quare I, & V, è uocalibus factæ sint consonantes.

Quanquam igitur mutantur soni, manet illis tamen pristinae genus potestatis: at tam I, quam V, penitus amissa priori ui, in aliam sunt transmutata. Nam cum sequente uocali uellent eas pronuciare disiunctim, sic, VICTOR, IVSTVS, subiit sanè uocalis illa, ac præcedentis mutauit uim. Quorum altero ut Græci carent, scilicet I, ita ipsum multæ nationes retinere. Hebræa, Arabica, Germanica, Scythica, Armenica, Illyrica. Quod iccirco à Græcis factum non est, quia longiore semper tractu uterentur in pronuciando, ipsosq; in hiatu consisterent: quod uel ex eo declaratur, si quis animaduertat eam literam etiam ante uocales frequentissime contra communem cæterarum naturam produci: quare non potuit in alium sonum spurium degenerare. At Latini paruopo posito momēto ob soni gracilitatem facillime in subeuntem proximam transiliere, ut non penitus abesset ab sono ipsius G, à qua tamen quantum distet, suo loco uidebimus. Quemadmodum illud quoque, An Græci alteram habeant: V, scilicet. neque enim hic de his cognoscere possumus antè, quam & ipsius G, cui est I, proxima: et ipsarum Φ, ac Π, atque Δ naturam perspeximus. Hoc igitur iam agamus.

CAP. X.

Consonantium potestates.

AC B, quidem Græci hodie aliter, aliter pronunciant Latini. Nam pressis labijs Latini, at Græci laxiore labro superiore

periore, & inferiore applicato dentibus superioribus : quamquam ueteres Græcos non aliter ; quàm nos utimur , usos esse palàm est. Varro nanque cum nostrum balare , uerbum magis commendat, quàm Græcorum *μῆλα*, sanè utrunque factitium à sono pecudum contendit; ostenditq; eos debuissè imitari uocem ouis Balantis, ut *βῆλον*, non *μῆλον* nomen im-
 ponerent. Quod si ut ipsi loquuntur nunc, non ut nos proferimus, olim pronūciallent, sic quasi propemodū per Aeolicum digamma, non rectè corrigeret eos Varro ; neq; enim ualant pecudes, sed balant. Valconibus quoque hoc est utitium peculiare, ut eo modo pronuncient B, quo & Græcos dicimus. Itaque lusimus in eos epigrammate, ut eorum *Vi* uere, Bibere, sit. Contrà quædam nationes nimis crasse pronunciant per P, ut *P V L L A M*, pro eo quod esse deberet, *B V L L A M*, dicant.

Multo diuersior usus est ipsius C, idq; non solum in diuersis nationibus, sed etiam ipsa in Italia. Ac sanè idem esse nostrū C, quod Græcorum sit K, iam receptum est : explosa q; eorum sententiā, qui aliter autumarent. Tantoq; magis Scauri Grammatici, qui putarit nomina, in quibus A, secunda esset statim sede, per K, scribenda esse; sic, *K A L E N D A E*, *K A R V S*. Etenim si propterea fiat quod Kappa, nomen includit uocalem illam, sanè nulla eiusmodi uocalis addatur in contextu dictionis : aut ea consonans nulli præterea uoci ab alijs uocalibus incipienti apponetur. Hoc autem falsum esse uel ipsi ostendunt Græci, præterea ipsum C, eadem ratione non apponeretur nisi sequenti E, ut *C E P E*, cæterorumq; elementorum par item esset ratio. Quin Kappa nomen maius est, quàm quanta sit hæc potestas, ad quam arciare conatur ipsum. Alij ita censuere, Græcis tantum uocibus attribuendam, qui æquè falsi sunt. Etenim id si uerum esset, etiam *C H R E M E T E M*, per X, Græcum scriberent. Quod sola aspiratione ab ipso K, distat. Nulla igitur ratio est. Ipsius ergo sonus C, cum sit idem cum sono ipsius K, cauendum nobis maxime est, ne addatur aspiratio (id quod Thuscorum
 C non.

non pauci faciunt: sed ij frequentius, qui Arnum flumen accolunt) sed siccissime est pronuntiandum, non mucrone, sed latiore parte linguae interioris adducta ad palatum, atq; astricta, ut quam tenuissimus quamq; expeditissimus sonus transabeat. Galli turpissimè per sibilum edunt: ut non discernas, CELLAM^{ne}, an SELLAM, audias. Germani nostrates non tam crasso sibilo: at Germani Belgæ, & Hispani, non aliter, quam Galli Circumpadani, et Veneti, & Flaminij, & Ligures, sibilo tenuissimo, & balbo. Qui omnes redarguuntur eò, quod in fine dictionum Græcum seruari sonum satis patet: ut in, HIC, NEC, AC, ALEC: neque enim sibilum terminantur, sed in sicciorem sonum, qui apposita uocali debuit perpetuari. Acquirunt tamen crassiores sonum pro uocalium ratione: crassius enim dicas, CARVS, COLLVM, CVMA, propter latiorum uocalium hiatum, quam CERA, CIPPVS, propter exilitatem. Eandem inibi rationem addita aspiratione, ut crassius aliquanto pronuncies *χαλεις*, *χαλεις*, quam *χαις*, *χαις*. Item diphthongos prout ad uocalium certarum sonum propius accedent. Si autem s, præcedat ipsum c, uulgo non audias: at qui uolunt eos emendare, etiam ineptis conatibus uastant pronuntiationem, quam tu è Thuscorum consuetudine commodius temperabis. Similima huic est Q, atque adeo, ut ineptiusculè quidam candelam esse contenderent. Galli nihilo secius eam proferunt, atque ipsum K, atque etiam crassius, horumq; imitatores Ligures Taurini. Qui uerò castè atque integrè in prouincia uersantur pronuntiationis, includunt aliquantum potestatis ipsius v, sine quo ea de causâ Q, nunquam scribitur. Non minor aliorum error, qui cum huius uim similem esse proderent potestati ipsius c, malè causam assignarunt, propterea quod mutuo inter se conuerterentur: quoniam dices remus, COQVVS, COCI, & ARCVS, ARQVITES, & CVM, QVVM, & SEQVOR; SECVTVS. Etenim mutationis ratio fallacissima est. Omitto flexionum terminationes, quibus in m, s, mutari uideas,

TITVS

TITVS, TITVM, & in D, PARIS, PARIDIS. hoc enim factum sit discriminis gratia in casibus. At pro R, S: pro S, T, inuenias; ἄρρεν, ἄρσεν, θρασυαλός, θεσπιαλός. Non igitur à mutatione, sed à sono ducendum est argumentum. Sed neque, ut ex Varronis autoritate contendunt, Q, erit à literis potius excludenda, quàm aliæ literæ quærendæ: Nam in elementis ita euenit, quemadmodum in rebus: ut plures essent soni, quàm eorum notæ. Quæ fuit causa, ut etiam disphthongos comminiscerentur. Itaque frustra litigant, sic: si alia est Q, ab ipso C, propterea quòd V, sequente alium percipimus sonum: ergo erit G, quoque alia à seipsa, uel cum necessario sequatur V, uel si fortuito. Intellego necessarium propter ipsam, ut LINGVA: fortuito, propter uocem, ut LIGVS. Hic enim dicimus nos, consultius quærendam aliam figuram, ipsi G, qua hanc capiamus potestatem, quàm prudentissimè inuentum Q, excludendum. Faciemur enim G, aliud, atque aliud esse, non minus, quàm ipsum V, cum sequitur uel Q, uel G, aut alias consonantes. Non erit igitur idem cum C. Nam si sit: ergo alterum pro altero ponatur. idem igitur erit & QVI, & CVI. cum tamen utrunque sit monosyllabum: et alterum claudatur uocali, posterius autem consonante. in priore non audiatur secundus sonus elementi, in altero autem audiatur. Neque uerò politissimus autor Catullus initio statim pulcherrimi, ac diuini poematis, sic scripsisset,

Peliaco quondam prognata uertice pinus.

neque enim idem sonat ac si dicas,

Peliaco collis surgit de uertice.

Est autem sonus is & Græcis, & Gallis inimicus. Hispani non semper, Vascones semper, Itali facillimè obseruant.

Proximum ipsi C, est G. Itaque CNEVM & GNEVM, dicebant: sic CVRGVLIONEM & GVRGVLIONEM. appulsa enim ad palatum lingua, modicello relicto interuallo, spiritu tota pronuntiatur. At Calabri, & Campani, Vmbriæ, atque alij eius tractus, etiam sibilo eius so-

c z num

num faciunt crassiores. Contrà Flaminij, & extrema Pice-
 norum pars, ac togata Gallia uersus Z. ut quantum distat
 Lombardorum C, ab ipso C, Thuscorum, tantum Flami-
 niorum G, ab ipso G, aliorum: medio inter utrosque nos
 proferimus rectissime.

D, tam Græci, quàm Vascones, atque etiam Arabes aspira-
 tius pronuntiant, subdita scilicet dentibus lingua. Nos sic-
 cius, uix apposita ac celeriter abducta. Huic affinis est T,
 pertinacius appulsa lingua. at Græca cum his coniuncta Θ,
 non ut Galli proferunt, excito de gutture spiritu crassiore,
 sed ut Græci ipsi interposito suauiore statu, subiecta lingua
 laxiore spatio dentibus, quàm in D.

F, P H, V, cum est consonans, tres sonos, suum quæque edunt;
 sed ita, ut & congeneres intelligas, & non unum. Ac digama
 ma quidem Aeolicum, quod nostrum est V, ab ipso Φ, dis-
 ferre palam est. Acoles enim, qui haberent Φ, etiam digama
 ma quæsiuere. Ita F, ab ipso Φ, distare uideamus, cum an-
 te F, ponamus N, at ante Φ, & P H, nostrum ponamus
 M & M. Tullius irrisit Græcum testem, qui primam litem
 ram F V N D A N I I, nesciret exprimere. Itaque non des-
 fuere, qui Phamam, quàm Famam scribere mallent, propter
 ea quod Græca esset uox. Puto autem fuisse F, ualidissimum
 astricto superioribus dentibus labio inferiore. Mox sequi Φ,
 diluioe u. Quo more etiam in præsentia utuntur Græci
 ipsi. Tertio loco mollissimum V, quomodo nunc quoque
 dicimus, aut non multo attentius. Par enim est: ut retineat
 etiamnum quippiam ueteris uocalis, unde ortum habuit.
 Quare notat Victorinus sic scriptum inuenisse, S E R I S:
 quasi duplicis V V, nota esset, ut S E R V V S, diceretur.
 Sed multa marmora barbarissima fuere innouantibus pos-
 tteris in ueterum contemptum. Quod autem aiunt V, sem-
 per esse simplicem, nunquam duplicem consonantem, siue in
 principio, siue in medio sit: & ipsis habere debemus fidem,
 qui tunc incorruptas pronuntiandi tenebant leges: & facit
 ad id, quod statuebamus mollissimo sono esse. Quod si quis
 obijciat


obijciat, præteritum AV D I V I, dicamus mediam syllabam illam sua, non consonantis natura produci: sic enim AV D I RE, sic OV V M, quoniam *ὠδμ*. Itaque non produxit priam in OV E, quoniam non potuit: fuerat enim, *ῶς*. quare sonus non fuit multus interpositæ.

L, geminant atque aspirant etiam cum solum est, Gabali, Aruerni, & Ligures Taurini locis aliquot. contra nostrum uulgus uix adduci potest, ut geminent. Græci nunc sic pronunciant, ut aliquid aliud intelligas, quasi succedat I, consonans ipsi L, & sequentem præcat uocalem: quam pronuntiatio nem audias. hodie apud Thuscus, cum dicunt, G L I. & apud Vascones, cum postponunt aspirationem: apud Hispanos, cum gemināt. Sic igitur Græcus, *ἀλιάδα*: Thuscus, A G L I A D A: Vasco, A L H A D A: Hispanus, A L L A D A: omnes æquè malè, si ad Latinitatem sese conferant. Sed Græcis hoc corruptè dici puto. Quin ueteres obseruabant exilius esse cum geminaretur, M E L L A: plenius cum finit syllabam, aut ante se in eadem syllaba habet consonantem, ut S O L, F L A V I V S: medio sono esse, cum inchoat, ut L V X, C A E L I V S.

Huic aliquo modo similis est R, sed longinqua tamen: eodem enim oris modo editur. Sed uida est L, at R, spirituosa: illa simplici fertur tractu, hæc uibratur. Itaque ob eam uibrationem aspirationē accepit à Græcis, exit enim quasi bulliente uoce. Apud nostrate uulgus uix duplicatā usquam audias. Quidam distenta ac rigida lingua ignauius efferunt.

In M, nullam uocem Græcia terminauit: Barbaris, nobisq; modus nullus. Tres sonos habere animaduertunt: crassissimū in principio, minimum in medio, mediocre in fine. Sit omnium unicum exemplum, M I M V M: & si geminata mutatur, M A M M A M. Initio enim collecta uox ad interiora narium, mugit: in medio penitus fallit, obfessa scilicet ac stipata uocalibus: in fine auditur mediocriter, abeunte iam uoce: & cum geminatur, prior implet aures etiamnum magis, quam cum est in fine dictionis. Est & alius sonus cum termi-

c 3 nat dict



nat dictionem, & altera dictio sequens incipit à uocali; ut, **EQVIDEM EGO**; neque enim aut Galli, aut Lombardi rectè tum proferunt: ita enim proferunt, ut finem alterius cum initio sequentis coniungant. Nos mediocri sono, & sanè dimidiato, ut intelligas, si uoles, possè elidi: percipiasq; differentiam si dicas, **MVLTVMILLE**: &, **MVLTA I L L E**. neque enim totum sonum abolebant: neq; enim intelligeres, si ne, **MVLTVM**, an **MVLTA**, an **MVLTI**, an **MVLTAE**, an **MVLTO**, an **MVLTA M**. Itaq; libas to tantum sono, statim transibit uox, & in subeuntē sese dat.

N, ab **M**, differt gracilitate: clauso enim ore, & effuso sono in nares **M** conformatur: at **N**, aperto ore, & lingua in palatū reperiunt uocem. Splendidissimo sono est in fine, et sub tremulo, pleniore in principijs, mediocri in medio, **NINON**. præcedens autē seipsum penè dimidio minor est: ut, **BREN NVS**. & sequente **G**, uel **C**, siue exili, siue aspirato, longe adhuc mutilior, **ANCILE**, **ANGVSTVM**, **ANCHORA**. ita uerò, ut etiam diuersam literam putarent: nec dignarentur uulgarī figura, sed aliam quærent, exemplo Græcorum: qui ut aliam ostenderent, ineptè alienissimī soni figuram substituere, ipsius scilicet **τ**. Hæc igitur cū **G**, aut **C**, præceditur: at cū præcedunt ipsum **N**, optime à Græcis pronunciatur. Rectè à Germanis, à Gallis malè: sic enim proferunt, ut nihil intersit, utrum dicas, **MAGNVS**, an **MANNVS**. Itali hoc committunt in **N**, quod Græci in **Λ**, suo: ut nescio quid spurij inuexerint, quod literis exprimi non possit. uidentur enim omittere ipsum **G**, & aspirare ipsum **N**. sicuti Insulani Græci faciunt uulgò, sequente **I**, aut **E I**, aut **O I**, aut **Y**. Nam Byzantios ego ita loquentes audiui, ut nos pronunciamus.

S, facilima omnium literarum, neq; enim sine ipsa efflare possumus. Quare non est merita ut à Pindaro diceretur **ΣΑΝΚΙΒΑΛΛΟΝ**. Dionysius quoq; cū **R**, generosissimam uocat, at ipsum **S**, expellit, reiecitq; ad serpentes, maluit casnem iritatum imitari, quam arborum naturales susurros se qui,

qui. Pronuncianda uerò est masculino ac constanti tenore, non dimidiato, ut Itali, & Galli, qui per Z, proferunt. Idem enim sonus est in, MISI, qui in, MISSVS: sed duplo maior: non est igitur alia uis, sed duplicata: distat enim non substantia, sed quantitate. Itaque ipsum X, Latinum male pronunciant, praesertim Itali in Flaminia, ut parum distet à Z. Quin idem pessimo consilio atque usu addunt in pronuntiatione, E, post S, in quod desinat dictio, & post X.

CAP. XI.

An, T, semper eodem sit sono.

AC de literarum quidem potestatibus hæc. Quoniam autem quædam sunt controuersæ, eas seorsum tractare commodius uisum est nobis. Ac primum quidem de, **T**Eius, ut diximus, sonus fit appulsa lingua ad radices dentium superiorum: quem sonum apud Græcos receptum est uariare cum sequitur N, ut ANTONINOΣ. emollitur enim atque accedit ad D, nostrum. Eius rei causa est, quia suspenditur pronuntiatio in ipso N, ad palatum, ut lingua non ita cito demittatur ad dentes: ita potius D, quam T, exprimitur. Sic etiam non tam plene effertur, cum sequitur ipsum L, ALTVS. Ergo cum non semper eodem sono usui sit, quaesitum est, cum præcedit uocalem I, atque hanc alia sequitur uocalis, an recte consuetudo teneat, ut aut Galli per integrum sibilum, aut Itali per dimidiatum edant: ut in exemplis, IVSTITIA, AMICITIA. Igitur qui mutari contendunt, nituntur consuetudine, ac præterea Grammaticorum quorundam autoritate, qui LITIVM, & VITIVM, obliquos à LITE, & VITE, sine sibilo iubent pronuciari, ut à rectis duobus VITIVM, & LICIVM differant. Utuntur præterea argumento de Græcis sumpto: Nam si illi r, suum in B, soni flectunt post M: si apud eosdem r, est aliud quid ante r, K, X: si apud nos v, post G, & Q, transformatur: si denique T, ipsum apud Græcos post N, sonum mutat: poterit & hic mutare. Poterant etiam subtilius addere: si

re; si C, & G, crassius ante A, O, V; exilius ante E, & I, editur: eodē modo etiam T. Contrā aliqui ita sentiunt, usum nunc minimi esse & precij, & autoritatis, multaq; minime integra haberi. M. quoque Tullium, cum usui quiddam dedit, id scircō fecisse, quoniam apud populum dicebat, quem sibi attentum, non reclamantem uolebat; atque nihilominus sibi scientiam reseruasse. Neque enim, quæ barbaries admisit, fouenda; sed quæ omisit, uindicanda. Neque nunc extare usum quempiam nobis: Barbaros enim omnes esse nos; atque, ut minimum dicant, peregrinos. Consuetudinem, quæ legem habeat reclamantem, corruptelam esse, non conluetudinem. Non negare sese, tenuiorē esse sonum ipsius T, ante I, quā ante A, aut O; sed eundem tamen sonum esse. Nunc uerō nullam esse rationem, quare in sibilum transeat; neque proba esse argumenta superiora. Consonantes enim à sequenti uocali nullas mutari, sed à præcedentibus consonantibus, aut à sequentibus ob sonorum dissimilitudinem, sicut soni crassitie, quæ in B, & P, sit, effici ut N, in M, mutetur. Græcos quoq; habuisse autores lingue nostræ nos, qui nihil eius modi commenti sint: sed à Gotthis, Vandalis, Langobardis, inuectum sibilum illum. Præterea pudere uehementer debere illos, qui cum alios ueniunt oppugnatum, ipsi uitiosa arma afferunt, quorū culpa conuincantur. L I C I V M enim à ligando dictum, sicut & L I C T O R E M, non iisdem literis, quibus obliqui huius uocis, L I S, scribuntur, scribi. Rationem autem huius prauitatis esse, propterea quod Barbari omni in pronuntiatione multum ponunt spiritus, ita ut pleraq; in sibilum degenerent necessario. Quo errore etiam ipsum C, diximus ab ipsis pronuntiarī.

C A P. XII.

De I, consonante.

Consonantem I, semper in principio simplicem esse obseruarunt: in medio autem non semper duplicem: nam in P E R I V R V S, simplex est, in alijs autem multis pro duplici accipit

ci accipitur: MAIVS, POMPEIVS. Adducunt argumentum ab antiqua scriptura, per geminum enim II, scribebantur, MAIIVS, POMPEIIVS, quorum prius priorem claudat syllabam: quomodo etiam nunc quidā pronunciāt Lombardi: sic etiam, ut suprà dictum est, claudit tertium casum relatiui CVI: alterum autem sequens sequentem inchoabat. Igitur non solum cum incipit ab eo syllaba, ut dixere, consonans erit: sed etiam, quod omisere, cum terminabit, esse possit. Quin etiam sequente consonante, ut in pronomine HVIC, neque enim V, hic est consonans, aspiratur enim; neque est diphthongus, & est monosyllabū: atque idem I, est, quod prius fuit in secundo casu, HVIVS: sicut in CVI est, quod erat in CVIVS. Ad hanc autem naturam non potuit V, aspirare, sed transiit in pleniorē, scilicet in B, CAELEBS. neque enim temerē à cælo & uita deduxit Caius, minimē meritis hoc, qui à Quintiliano notaretur: sed sibilus sequens in causā fuit: quemadmodum ē contrariō in eius sonum aliquem mutatum est ipsum B, AVFERO, ABSTVLI. Proprium autem est ipsius I, consonantis, in pristinā uocalis formā redigi: & augere numerum syllabarum. Hocque commune habet cum V, consonante, ut diximus. Martialis uersus est:

Sed norunt cui seruiant Leones. Et in obsceno carmine ita positum est: sed detestandum non meruit recitari. In Vergiliano autem uersu etiam omīssum est,

Tityre pascētes à flumine reice capellas.

Fecit enim uerbum illud Tribrahum, extrita A, quæ fuerat in origine simplici, IACIO. qua sublata, necessariō in ueterem uocalis naturam restitutum fuit I. quo exemplo etiam in BILVGO, & QVADRIIVGO, idem euenit. Non rectē igitur antiqui, cum REICE, ita legunt, ut primam corripiant, statuuntque I, simplicem ibi consonantem esse: redarguuntur enim cum aliorum, tum eiusdem poetæ autoritate ē tertio Georgicōn, ubi producitur illa syllaba: consonantis igitur ratione duplicis, nam suapte natura
d breuis

brevis est:

Reijce: ne maculis infuscet uellera pullis.

Inuenias etiam, cum natura media quasi quadā sit inter consonantē, & uocalem: legimus enim STELLIO apud poētā tam bisyllabum, & apud Terentium INIVRIA, trisyllabum: item OPPRESSIO, & BENEFICIO, quadrisyllabum, aliaq; talia pleraque, oppressio sono ipsius I. sicut etiam in uoce illa DIES, facta monosyllaba. Accidit autem hoc alijs quoque uocalibus, EA, MEA, TVA, SVA, monosyllaba apud eosdem comicos facere cogimur: & apud alios poetas:

Vno eodemq; tulit partu.

Et Propertium:

Eosdem habuit secum, quibus est elata, capillos.

I, indifferens est, nunc consonans, nunc uocalis apud Comicos, in aduerbio, IAM.

C A P. XIII.

Affectus finalis à potestate.

Quoniam uero literarum finis est, constituere dictiones, ita circo secundum earum potestatem factum est, ut certis significationibus alia alijs potius seruirent: in metu enim, ac dolore efflamus: itaq; A, A, dictum est, multum enim hiatum præstat: eadem de causa, etiam aspirationes interiectionibus ascriptæ sunt, affectum enim notant, confertus enim spiritus editur. Ita consonantibus fictitia nomina suis quæque facta sunt. Quid enim mollius, quam uox ipsa hoc significans: quid impeditius, quam BAMBALIO, habes, & BAVBARE? quod passiuæ uoce cum protulit Lucretius, etiam plus tumultus excitauit, BAVBANTVR. S, ualde seruit ad spiritus elisionem:

-Sale faxa sonabant. R, autem rudiores atque asperiores, ut MVRMVR. utrumq; coniunctum implent ualde, STRIDERE. & magis cum terminant dictionē, STRIDOR. Aspiratæ consonantes multo acrius urgent his adiunctæ, FRAGOR. quippe etiam mollissimam omnium litterarum

terarum etiam exasperant. *φλοῖστος, φλάω, παφλωζω*. C, seruit hæsitantiæ. T, timori, AT, AT. M, uasitati, MAALVM, MONS, MIRVM. etiam sonum ipsum audias, quasi præsentem, in quibusdam uocibus, *λίξτε*. & apud Virgilium cuius diligentiam non affectatam, ac diuinum iudicium nemo est affectus omnium unquam poetarum; percipies enim lignatorum operam illis uocibus:

-Sonat icta securibus ilex. & illud quantum est:

-Tremet ictibus ærea puppis.

Illa autem etiam cum naui dilabuntur:

Labitur uncta uadis abies.

Tinnitui sese dat N, CANERE, HINNIRE. Sed omnia exequi non est præsentis operæ, neq; in omnibus hoc inuenias; fortuitæ enim multæ sunt uoces, ut in ultimo libro est disputatum.

CAP. XIII.

Vitia potestatum allata uocalibus, aut consonantibus.

NON solum id, quod rectè atque ex officio faciendum est, cognoscere oportet, sed etiam quod prauum est cauere: ita in scientijs quoq; perfectè proficimus. Ergo postquã meras potestates perscrutati sumus, ipsa quoq; uitia, quæ uitemus ex antiquorum obseruatione, sed more nostro, hoc est, Peripatetico, sunt declaranda. Deprauantur aut uocales, aut consonantes singulæ, aut coniunctæ. Omne autem uitium fit aut Defectu, aut Excessu, aut Mutatione. Mutatio duplex, aut literarum, aut locorum. Ita fit peccatum, aut in substantia, cum altera pro altera ponitur: aut in quantitate, cum maior, minor ue efficitur: aut in qualitate, cum sono suo defraudatur, detorqueturq; in degenerem, aut peregrinũ: aut in loco, cum transfertur, ut *σπάγανον φάσανον*. Igitur cum alia pro alia subditur, quod faciunt Parisienses, cõmuni nomine, non proprio, Rusticitatem ueteres Latini, Barbariem Græci appellarunt. In quantitate autem error per excessum, Labdacismus; cum crassius ponitur, ut diximus, **L L O C V S**, pro

d 2 LOC

LOCVS: sic Metacismus, cum M, mugiunt: sic in uocalibus Platysmus, cum hiatu uasto putant grauitatem afferri actioni. Huius est generis etiam, Lotacismus, cum ipsum L, exiliter maxime proferunt, atq; ita, ut etiam supercilia tollât: est enim excessus in sono: ac quanquam exilitas sit defectus, tamen etiâ defectus capit incrementũ. Sic cum alias cõsonantes aspirant, aut crassius edunt, dicitur δασύτης. CRATES, pro GRATES: BIBO, pro VIVO, aut etiam FIFO, sic & pro illo, P I P O. Contraria huic ἰχνότης, cum defectu peccamus: sic E, & O, exiliter nimis pronunciant quidam Germani, cum tamen I, uersus E, deuoluant. Est autem excessus & ille, cum addunt literam, quemadmodum E, addunt Hispani, & Vascones ipsi S, si coniunctũ sit, E S C R I B E R E, E S P E R A R E, E S T A R E: ut uitaret συνειργόν, quod uitium est cum ipsum S, crassissimum, ac penè sibilantes edimus. Est etiam in defectu, κολόβωσις, id est, mutilatio, cum aliquid omittimus: quod Galli faciunt, qui multas literas inculcant, ut originem, unde deprauatum est uerbum, res præsentent: paucas autem expriment. Contrà est Battologia, qui & Battarismus, à Batto, qui Cyrenas condidit, homine linguæ impeditioris. Geminant enim aut initia, sic, P O S P O N S, pro P O N S. aut fines, P A V L A L A, pro P A V L A. hoc etiam dicitur ἤχσις, & ἤχισμός, ab Echo. Vitium autem initiorum uocatur ab Erasmo Titubantia: cõmodius Hæsitantiam dicas tu: hærent enim primæ statim consonanti: falsò ab eodem τραυλισμός. qualitatis enim uitium est τραυλιότης, siue τραυλισμός, cum C, aut S, non quimus rectè efferre: sicut nobis semper defuit lingua ad ipsius R, asperitatem. hi Latine Balbi dicti sunt: quo uitio laborauit Aristoteles. Et Alcibiades qui R, in L, detorquebat, quanquam in substantia possis etiam peccatũ dicere. Sed hi Balbi ab Erasmo malè appellantur Blæsi. Est enim Blæsitās uitium oris, sicut & κλισσομία: sed blæsi distorquent literas, ex oris tortura: κλισσώσις autem è palato loquuntur, aut è naribus. Βλαισός autem & βλαῖος, sunt uitia crurum distortorum, ualgiorum & uacciozum, ut apud Galenum uidere est.

CAPUT XV.

Vtrum F, sit muta, an semiuocalis.

Postquam uidimus potestatem, quæ est forma elementorum, qua species constituuntur, iudicare iam poterimus F, muta ne sit, an semiuocalis: sic enim Galenus quoque *τὴν ἡσυχίαν* priorem *τῇ σιωπῇ* dicit. Ac mutam quidem esse, ueteres sic pote contendunt: Principiò, inquiunt, nomen habet tantum semiuocalis, at nomen non mutat substantiam: Item si esset semiuocalis, dictionem quampiam clauderet, at nullam claudit: Præterea nulla semiuocalis ante L, aut R, in eadem syllaba poni potest, sed F, ponitur. Quartò, nulla semiuocalis ante L, aut R, posita communem facit syllabam, at F, facit. Ad hæc, Græcis idem est Φ, quod nobis F: sed Φ, apud illos muta est: igitur et apud nos, F. Sextum argumentum, præteritorum initia, finesq; non geminari, nisi à muta incipiant: quare cum Fallo geminet sic, Fefelli, non erit semiuocalis. Postremò, F, pro P, & aspiratione accipitur, ut olim PHVGA, PHAMA: at P, muta est, igitur & F.

Hæc argumenta septem numero, ut qualia sint uideamus, memoria est repetendum, quod suprà dictum est: Mutas non inde appellatas, quòd parum sonarent, sed quòd nihil: nullo enim conatu adduci queas, ut B, nulla addita uocali proferas. Neque quod pro ratione adducunt, ratio est: Mulierem informem dictam, pro deformi: est enim in eo uocabulo, FORMA, æquiuoca uox: Nam & pro specie accipitur, & pro certa partium proportionem, quibus figura constituitur perfectior. Hanc igitur negat præpositio, non illam. Sic formosum, à formato aliud est: sic locutus est Euripides: *τοῦ μὲν εἶδος ἄξιον τυραννίδος*. At mutæ nomen penitus uocem tollit, Græcorum sanè imitatione, qui *ἄφωνα*, non *ἀόφωνα* dixere: non *κακόφωνα*, non *μικρόφωνα*, quoniam nullam sibi retinerent uocem. Ea enim sunt natura, ut magna pars, nisi clausis labijs, aut dentibus, aut utrinque confor-

mentur, uox edī nequeat: Idē declarat Plato quoque in Theæteto: τὸ δ' αὖ βῆτα, inquit, ἔπ φωνῇ, ἔπ ψόφῳ: ἔπ τῶν πλείων σιγῶν. Semiuocales autem solo eduntur spiritu: adducta nanque ad palatum, uti diximus, lingua solo spiritu pronuntiatur L: tremula, atque uibrata paulò inferius, R: si spiritus ad nares ascendat introrsum, ut idem uult Plato in Cratylo, N pronuntiatur: simplici mugitu editur M: ipsum uerò sibilum, satis constat, nullius ope uocalis indigere: quare factum est, ut etiam aspirationis loco poneretur, ἸΑΘ, sedes. Ex quibus in summa illud constat, spiritu penè solo enunciari semiuocales, sicut uocales sanè solo, à quibus hoc ille differant: quoniam uocales hiatus simplici, semiuocales operosiuscula efflatione pronuntiantur, mutæ nulla. Hanc autem horum nominum aptissimam causam, nostræ scientiæ magistra autoritas Græcorum ostendit. Nam si propterea essent semiuocales, quod incipiant à uocalibus: profecto cū à uocalibus non incipiant apud Græcos earum nomina, non erunt semiuocales. Igitur Latini prisca cū animaduernerent P, quidem nullum penitus habere sonum, nisi uocalis addatur: addita uerò aspiratione, habere uel maximum, intellexerunt: quippe inferioribus dentibus ad labia leniter applicatis exiens spiritus, sibilum imitatus, ipsius F, imaginem reddidit: quo factum est, ut propter soni sui facilitatem, obiret plerunque muneribus, quæ ipsi S, debebantur. Id quod item agnoscimus in semiuocalibus: Siquidem pro aspiratione quoque positum fuit, ut FELENA, pro HELENA. Atque iccirco etiam Θ, & Χ, à Græcis semiuocalium in numerum sunt relatæ: quarum tamen tenues essent mutæ. Aspiratio enim tenuium literarum naturam animarat ita, ut nullius indigens adiumenti sonus appositus in aliam speciem ad sese traheret. Est enim aspiratio quasi uocalis quædam, aut etiam uocalium anima ipsa: quare mutæ appositæ semiffem consonantis illi reliquit, alterum semiffem sibi uindicauit, unde & semiuocalium nomen sit secutum.

Soluuntur

Soluuntur ex his argumenta : Ac primum quod afferunt , non debere uim à nomine mutari : tantum abest , ut negemus , ut asseuerem antiquos perpenſa huius literæ potestate , ſummo ſtudio nomen , quod à Græcis acceperant , inuertiffe ; idēq; in didiſſe ſecundum uim , quam compertam habuere . Neque talem putafſe , quia ſic appellaretur : ſed nomen impoſitum propterea , quod talis eſſet .

Aduerſus ſecundum argumentū : negamus necesse eſſe , omnia nomina omnibus claudi ſemiſuocalibus . Neque uerò recte ſic eos argumentari : Cæteræ ſemiſuocales claudunt nomina ; igitur ſi F , eſt ſemiſuocalis , claudere item debet . Neq; enim diſtiones efficiunt , ut literæ ſemiſuocalium , aut mutarum naturam ſortiantur : ſed literæ faciunt , ut diſtiones ſint ; partes enim totius cauſæ ſunt . Neque ſi qua litera non claudat , continuo non ſit ſemiſuocalis . Sed ea regula conſtituta eſt ab ijs , qui hanc mutam putabant eſſe . Præterea hoc eodem argumento à mutis excludam ſic : Cæterarum pleræque mutæ claudunt , LAC , ADAD , VOLVP , CAPVT : at F , non claudit : non eſt igitur muta . Quid , quod priſcorum teſtimonia aduerſantur negantibus nomina claudi ipſo F . nam ut omittam eos uſos eſſe AF , pro AB , præpoſitione ; ipſius ſanè literæ nomen ſuo ſibi ſono F , clauſere , etiam contra quàm à Græcis accepiſſent .

Tertia ratio negabat ullam ſemiſuocalem ante L , aut R , in eadem ſyllaba poni poſſe . At hoc tibi negamus nos ; quis enim hoc ſibi perſuaſit , niſi qui mutam putaret F ? petit igitur , quod probare debet . Sed & hoc falſum eſt : ſemiſuocales enim Græci antepoſuere , *θλάω* , *χθέρμα* .

Quartum argumentum , quo aiunt , Nullam ſemiſuocalem ante L , & R , poſitam efficere ſyllabam communem , ridiculum eſt . Si nanque ſuperius argumentum uerum eſt , hoc erit falſum : hoc enim ab illo tollitur . nam quod ibi negabant , nunc hic ponunt . Quo enim modo communem ſyllabam efficiet , quæ ne ſyllabam quidem facit ? Quid ? ſi ſemiſuocalis facilitas in cauſa eſt , ut mutæ poſtpoſita , mora tam puſilla trahatur in

tur in syllaba, ut etiam corripi possit, in qua tamen muta sit: quanto aptius atque commodius id inter duas semiuocales fiat? Mutarum enim ratione minime fieri constat: siquidem ubi duæ sunt mutæ, non id euenit, ut in uerbo, T R A C T O. quod natura sua dibrachum est. Sed ubi muta cum semiuocali, ut in uerbo, A G R V M. aut duæ semiuocales, ut in uerbo *θμννμ*.

Quintam rationem, ex ijs, quæ diximus, solutam uidemus: *θ*, nanque semiuocalis est, immutata ipsius P, per spiritum potestate. Sicut etiam *θ*, & x, cum tamen τ, & κ, mutæ sint, ut dicebamus. Quo instituto in alias quoque species eadem mutantur mutæ. Addito enim sibilo ipsis C, D, P, fiunt semiuocales, præsertim cum fateantur ipsius ψ, quàm ipsorum P S, esse sonum faciliorem.

Sexta obiectio seipsam damnat: nam sumpta regula hac, Non geminari præterita, nisi id per mutas fiat: concludit per, F E F E L L O, mutam esse F, cum tamen inueniamus, S T E T I, S P O P O N D I, S C I C I D I, quæ incipiunt à semiuocali. Neque uerò ad id confugiendum est, ut s, nullam sibi uim habere dicamus: siquidem eius sibili tanta est uis, etiam ipsis in præteritis Græcis, à quibus hic fluxit mos, atque adeo in uerborum initijs ita uiget, ut ipsam impediatur geminationem *σάζω*, *ἑσάχα*. At si s, nullum erat, utique eo abiecto geminatio admissa fuisset. Sed quid agunt hi? nonne M O M O R D I, geminauit? quid enim aliud est M, hic dicere, mutæ uice fungi, ut aiunt ipsi: quàm dicere M, mutam non esse, sed semiuocalem? Quæ quia diruebat istum canonem, ad mutæ functiones, atque uices eos miserrimè compulit. Quare si eis neges uerum esse illud apotelesma, probandum erit ea ratione: quia non admittit semiuocales. At ego contrà, non solum M O M O R D I, hoc obijciam: sed illud ipsum etiam, F E F E L L I. Igitur id, per quod probant, maiore est in controuersia, quàm hoc, quod quærimus: ut omittamus Græcorum & prudentiam, & institutum, à quibus morem nostrum induximus, qui *σίσγωτε*, dicunt, & *λίλιπε*, & *μειμν*

~~mut~~, & ~~mut~~, atque alia eiusmodi. puerile enim est abducere à geminandi potestate semiuocales, mutisque asperioribus attribuire: cum asperiores literae prohibeant in quibusdam geminationem.

Postrema pertinacia, ut cum quinta cohæret, ita cum illa quoque soluitur spiritu mutatum P, in F, & mutatam speciem, argumento etiam ipse ordo est coniunctarum in dictionibus: quippe ipsum P, ante se non patitur N: at F, patitur, ita ut etiam ipsum M, in se mutet, ANFRACTVS, erat enim AM, ab ἀμφι.

Ludicrum quiddam additum, ne res quidem meretur, ut diluamus: Audent enim fingere modum nescio quem, unde F, geminetur: scilicet per mutationem: ut OFFENDO. at semiuocales non per mutationem, sed suapte natura geminari, OLLA, FLAMMA, ENNIUS, & alia. Quasi uerò intersit potestatis, per mutationemne, an per naturam geminetur: geminatur enim, quia eius natura ita fert. Quasi uerò non cæteræ quoque mutæ geminentur: OBBA, ACACA, REDDO, IUPPITER, RETTVLIT: quasi uerò ipsum quoque F, non idem patiatur, OFFA. Quasi uerò omnibus semiuocalibus idem eueniat usu: Non enim duplicibus: Quasi uerò ueteres ullam consonantem geminarint. Hoc enim negat cum Festus, tum Varro: & tamen eo quoque tempore & mutæ erant, & semiuocales.

CAPVT XVI.

Vtrum, n, an, h, sit longior.

Quoniam n, & h, Græcæ sunt: tamen quia nostrarum dictionum aliquæ ab illis profectæ, harum uocalium semina retinent: festiua nobis quaestio tractanda est, utra scilicet longior sit. Duas sententias constituamus: alteram ab origine, philosophicè: alteram ab societate, mathematicè. Ab origine, sic: Quæ proportio materiæ ad alterius proportionem, eadem & compositi ad compositum: sed e, est materia ipsius h: & o, ipsius n: ergo si o, est longius
c quam

quàm E, ita Ω, quàm H. Quòd autem O, sit longius, quàm E, probant per regulam: Quinti casus syllabam ultimam aut eandem esse cum postrema Recti syllaba, aut minorem. Igitur ὦ λόγε, cùm non sit eadem cum λόγε, minor erit. Ratio autem Mathematica est contra hanc, à proportionem societatis: Quæ est proportio totius ad totum, eadem est partium ad partes: si æqualia inæqualibus demas, quæ remanent, sunt inæqualia. Ergo cùm E I, diphthongus sit longior quàm O I: exempta utrobique I, communi uocali, erit quod remanet E, longius quàm O. Quòd autē E I, sit longior quàm O I, patet ex accentu. Nam in fine posita E I, nunquam aut antepenultima acuetur, aut penultima circumflectitur: at si O I, sit in fine, utrumque fiet. οἶκος, φιλόλογος. Afferre etiam illud possumus, E, ante L, apud Homerum productum aliquando, μέλῳ ἰλῶεα. O, autem nunquam: repugnat enim naturæ eius productio.

Hæc argumenta etsi sunt magis exercitatoria, quàm necessaria: tamen etiam pertinent ad ueritatem: neque enim illud Quintiliani recipiendum est: Grammatico expedire, etiam si quædam nesciat. Nam quem tandem ille fingit è quadriuiò extra encyclopædian? Dicamus igitur, E, esse breuius, quàm O, plus enim temporis in hac ponitur proferenda. Diphthongorum autem obiectio illa nulla est. Nemo enim ignorat, A, esse longius quàm O. & tamen idem euenit ipsi A I, quod ipsi O I, euenire dicebant: posita enim in fine acuitur antepenultima. Præterea eidem O I, non id contingit semper: non enim Aduerbijs, non Optatiuis, οἶκος, ἀκροῖσι. Et in secundo libro usus is reprobatus est: nam si scircò non acuitur antepenultima, cùm postrema est longa, quia resolui potest: igitur accentus acutus in quartam à fine recipetur: quod est absurdum: sic, τὴν ὕψους participio scemino in quarto casu: idem monstrum sequetur etiam si penultima longa resoluatur, sic τὴν ὕψους. nec tamen ad id respexere. Usus tamen Atticorum, si accentu rem metiare, huic sententiæ aduersatur, & fauet priori: dicunt enim, μέλειος.

Locorum affectus à potestatibus inuestigantur.

HAc ferè sunt potestates cuiusque soni singulares : ex quibus siquid præterea in medium afferatur, possit tolli con-
trouersia. Neque enim optimi artificis est (ut ait Galenus) omnia persequi. Nunc secundum loca sedes cuique debitas uideamus. est enim potestatis pars, comitem aut uicinam lis-
teram aut pati, aut non pati. Igitur literæ aut sunt in dictio-
nibus, aut non sunt. si sunt, patiuntur mutationem aut in
substantia, aut in loco. In substantia bifariam : nanque aut
abolentur à principio, à medio, à fine. Sic nomina tria in-
uenta sunt, Aphæresis, Latine ablatio : Syncope, Latine
concisio : Apocope, Latine abscisio. Aut transmutatur in
aliam, Græcè μεταβολή. Patiuntur in loco, Latine transla-
tio, Græcè μετάθεσις, transpositio. Si non sunt, addunt, aut
principijs, προσθήκη, Latine appositio : aut medijs, ἐπένθεσις,
Latine interpositio : aut fini, Græci dixerunt hanc παραγωγή,
productionem. Hæc sunt genera. Species autem, sic :
Nanque aut sunt eiusdem notæ, & potestatis, aut diuersæ.
Item à numero : una, aut plures. Affectus autem non omni-
bus ijdem, aut æquales : neque enim eiusdem generis con-
sonans aut principijs, aut finibus additur : neque duplices
geminantur, ut nunc usurpant Itali, ut exprimant uitia lin-
guæ degeneris à Latina : ponunt enim duplex Z Z. Acci-
dunt autem hæc, aut ex usu : ut quæse, quali : aut ex arte, &
hoc aut ex inflexione : ut, ago, egi : aut ex deductione, &
hic bifariam : nam aut à peregrino, ut Patroclus πάτροκλος :
A V O, Punicum, unde nostrum, A V E : M A R A T H,
Hebræum, unde M A R E, nostrum : aut à Latino, & hinc
dupliciter : aut enim simplex fluxit, ut, à T I T V L O,
T V T V S : non, ut ait Varro, è contrario : nam T I T V =
L V S, παρὰ τὴν τιμήν : unde & τίειν, aut compositum à
suis partibus, ut, abigo. De quibus suo quoque ordine,
agendum est. Sed quia transpositio faciliior est, ab ipsa, cum

uenia,incipiamus:nihil enim nocet.

CAPVT XVIII.

Transpositio.

TRanspositione sanè interest utrum intelligas,relatas in priores sedes literas, an dilatas in posteriores. Nam si dicas **FRETVM**, quasi **FERTVM**, à **FERVENDO**: utrum intelligas **R**, antelatum ipsi **E**, an **E**, postpositum ipsi **R**? Sed omittamus exemplum:fortasse enim fuit **FERVETVM**, atque inde nulla transpositione, sed extritione, factum **FRETVM**. In rem ipsam intendamus: uocalisne, an consonans transponatur. Rectius sanè iudicemus, consonantem, non uocalem transferri. Differunt enim difficultia: difficultas autem in consonantibus: quare qui statim nō possent, mox in proximam sedem transulere. Est etiam à Græcis exemplum, *σφαγῆν* dicimus, unde *σφαγῶν*. quare cūm *σφαγῶν* dicatur, consonans, non uocalis translata uideatur.

CAP. XIX.

Abolitio, Ablatio, Concisio, Abcisio, Præpositio, Interpositio, Appositio.

ABolitio est, cūm tollitur litera. genus hoc est, ablationis, concisionis, abscisionis. Quæ prius tractanda sunt, quàm Præpositio, Interpositio, Appositio: propterea quòd tollimus quod est:at quod est,prius est,quàm quod non est: est enim habitus prius, priuatione. Si autem ita consideres, iam ablatas esse: tunc è contrario & Sycopam, & alias primo tractes loco. Ne sit igitur fraudi, siue quasi ablatas, siue quasi auferendas contemplemur. Additur ergo diuersa in principio: **EDVRVS**, apud poëtam, pro **DVRVS**. In medio, **MEDERGA**. quæ euitandī hiatus causa inuenta est. maximeque pertinet ad **V**, uocalem: **ALCV MENA**, **AESCV LAPVS**, **HERCVLES**. I, quoq; eius usus sit particeps: **NAVITA**, *ναῦτης*, **NAVTA** enim primum fuit. & **C**, consonans, **ICVBI**, **COMBVRO**. & aspir

& aspiratio uehemens: MIHI, PREHENDO. & ante medium, post principium: LOVMEN, pro LV MEN. & in fine: ut, COMPERIOR, pro COMPERIO. Additur autem similis, AH AH, in principio: in medio, REDDO: in fine NAVSICAA. Quod autem ueteres adducunt pro exemplo ex Horatio:

Reducet in sedem uice. item ex Terentij Phorm.

Sectari in ludum ducere, ac reducere.

hoc est, librariorum manum, non autoris fidem implorare. neque enim in his iambicis uel in illo dimetro, uel in hoc tetrametro, necessaria spondeo sedes est. Sed è Lucretij libro primo poterant afferre:

Redducit Venus: aut reductum Dædala tellus.

Quemadmodum autem s s, & r r, & l l, geminata debeantur superlatiuis, suo loco dictum est: contra quam recentiores deprauarunt. Contra autem tollitur ab iniitijs: ut, NATVS. fuit enim GNATVS, à GENEROR. De medio: ut, PERICVLVM. de loco ante mediũ qui est: PRATVM, quod fuit PARATVM. Hæc à Nigidio Figulo Intercisio dicta fuit: potest etiam Concisio dici. ut, sermo breuis, qui uocatur cōcisus. Ratione carminis interdum factum est, ut apud Homerum, ἀγνῶ, pro ἀγνώ. & ἀδούητα, pro ἀνδούητα. & apud Oppianum, μόλυθ, pro μόλυθ. Interdum ob tædium proluxæ dictionis: PERICVLVM. Aliquando ob difficultatem: ut, ἰσλός, quod alijs est ἰδλός. Aliàs ob utrumque: BRVMA, βραχὺ ἡμα. Aufertur à fine: ut in plerisque uerbis, & lusit Ausonius:

Qui reminisco putat se dicere posse Latine:

Hic, ubi CO, scriptum est, faceret, COR, si cor haberet. Sed & in usu communi abijciebant M, & appellabant ἐκθλιψι, extritionem. Item s, Multi' modis. Sed & in scribendo. nanque asunt M. Catonem sic scripsisse: DIE' HANC, pro DIE M. Pindarus poëta non solum elisit, s, sed etiam eiecit exulem: cum poematum condidit, in quo nullus penitus sibilus reperiebatur.

Mutatio est parte incolumi uel manifesta, uel occulta, partis alterius abolitio, assumptioq; extranei: neq; enim mutaretur sine symbolo. Appello nūc symbolum, quod philosophi, communem quandam rem à natura collatam. Quanquā enim elementum indiuisibile est: tamen quia sonos quosdam latentes inter se affines habent: ideo ea soni parte incolumi, altera inducta est. Ac manifesta quidem est in duplicibus. Et enim, Z, cum sit ex S, & D, in M E D E N T I O, D, remansit: sibilus abiit. hæc mutatio per ablationem, non per transmutationem facta est. At uerior in uerbo Plautino, S I C I L I S S O, S, remanet: D, in alterum S, abit. *σικιλλισσώ*. Occulta autem in CASSANTRA, ex CASSANDRA, communis namq; sonus est quidam D, & T. neq; differunt, nisi mollitiæ quadam, aut exilitate. Alia mutatio, ex inflectendi modo, haud ita uera est. Cum mutantur ea, quæ habent inter se cognationem, aut genericam: ut, uocalis in uocalē, consonantis in consonantem: aut quæ secundū speciem fit: ut, certa uocalis in certam. At participium actiuium præsentis temporis à præterito perfectio cum deducimus: duas diuersas consonantes recipi, uocalemq; transmutari constat.

Generica mutatio hæc, atq; huiusmodi est: cæteras nunc secundum species exequamur: ac primū eam, quæ ex usu facta est: certissimis enim sonis cognationem ostenderunt: nam quod ueteribus fuit, M A G E S T E R, A M E C V S, M E N E R V A, Q V A S E, N I S E, S I B E, H E R E: nunc per I, M A G I S T E R, & reliqua. Sic olim L E P A R E N S E S, postea L I P A R E N S E S, autor Festus. Contra I, ponebant, ubi nos E: N I, apud Plautum, & Vergiliū, quod nos N E. & E, pro V: A V G E R, nos A V G V R: illi

HEMONA, nos HUMANA. & pro O. illi COMPES, nos COMPOS: Aeolum more, ut toties diximus: qui *ἑσπύλα*, quod Attici, *ἑσπύλα*. Sic etiam HELVS, pro HOLVS. & HEMONE, pro HOMINE. Vbi etiam O, pro I, quoniam HOMONEM, dicebant: Nunc HOMINEM. etiam E, quod nos, A. Cato enim DICEM, FACIEM. quæ post illum DICAM, FACIAM. Item O, in A, ut iam ostendimus, HEMONA, pro HUMANA. Et pro E, AMPLOCTI, pro AMPECTI: nam eiusdem fontis est *πλέκω*, & *πλέκω*. Sed etiam in alijs: VOSTRIS, VORTI, nunc VESTRIS, VERTI: ut primus omnium Africanus emolliuit: nam quod erat VORTEX, & VORSVS: ipse VERTEX, & VERSVS, maluit. Sic etiam in I. OLLI, nunc ILLI. Item quod erat V, fecimus O, ISTHVC, nos ISTHOC. contra illi VOLTIS, nos VULTIS. illi è contrario FVLGVRI BVVS, ut apud Lucretium, nos FVLGORIBVS, CVNCHA, GVNGRVM, FRET V, LAVRV, HVMINEM, FRVNS, ACHERVNS: nos hæc omnia per O. De V, & I, satis suprâ dictum est: aiunt enim C. Cæsarem primum omnium, OPTIMVM, & MAXIMVM, quod erat apud priscos OPTVMVM, MAXVMVM, pronuntiassè. O, Thufcos, Vmbrosq; caruisse, memoriæ proditum est. Quare qui EPISTVLAM, & ADVLESCENTES malunt dicere, Vmbros sese, non Romanos profitentur. Nam contra Romani POLCHRV M, & HERCOLEM, & DAVOM, & SERVOM, protulere.

Ex diphthongis autem, illi OE, nos V, MOERI, nos MVRI. adhuc antiquitatis uestigia remanent in MOENIA, posteritatis autem in MVNVS. origo autem erat ab OI: *μοῖρα*, rata scilicet cuiusque civis pars. Apud eosdem AE, integra mansit, quam nos in I, mutauimus: EXQVAERE, apud Plautum: nos EXQVIRE. AV, in O, & è contrario: CLAVDIVS, CLODIVS: AVLA, OLLA: PLOSTRVM, PLAVSTRVM.

- C**onsonantes autem ueterum sic mutauit usus: posuit enim **CB**, pro **D**, **DVONVM**, **BONVM**: **DVELLVM**, **BELLVM**: quod & in Græcis notauimus, *dis*, *Bis*. & eandem, pro **F**: illi **AF**, nos **AB**: illi **SIFILVM**, nos **SIBILVM**. Sicut è cōtrario, illi **BRVGES**, nos **FRVGES**. **D**, posuimus pro **R**. illi **ARVENA**, nos **ADVENA**: illi **ARVOCATI**, nos **ADVOCATI**. & eandem pro **S**: illi **ASVERSA**, nos **ADVERSA**. **F**, posuimus pro **PH**, **FAMA**, quod fuit **PHAMA**. & **FVGA**, quod fuit, **PHVGA**. **G**, posuimus pro **R**. **ARGER** illi, nos **AGGER**. illi **ARGREGO**, nos **AGGREGO**. Itali quoque hodie **ARGER** dicunt, curiose nimis Victorinus, ut diximus, **ANGER**: sicut contrā, **AGCHORA**, non **ANCHORA**. **M**, posuimus pro **S**. **COMMITTERE**, quod illi **COSMITTERE**. **R**, posuimus pro **D**. **MERIDIES**, olim **MEDIDIES**. quia *μεσος*, & *μεσος*, & medium, cognata erant. Elissimus, **CARMENA**, **CAMENA**. & eandem pro **S**. **ODOR**, **VAPOR**, atque eiusmodi: olim **ODOS**. Sed & ab illis **PASSES**, dictum fuit: quod nos **PASSER**. Vulgatum quoque illud est, **VALESIVS**, **FVSIVS**: nos **VALESRIVS**. Item illi **CASMENA**, quod postea **CARMEENA**, quod retinuimus in, **CARMINE**. Item **OSRENA**, posterius **ORRENA**, Aeolensium imitatione qui non dicunt *ὄρεω* ὄρεσθαι, sed *ὄρεω*. **S**, posuimus pro **C**. **SVSCEPIT**, olim **SVCCEPIT**: sed ita puto, à ueteri uoce posteros deduxisse, quæ fuerit **SVS**: priscos autem à communi **SVB**. Et eandem pro aspirata: nam quod est nobis **MVSA**, illis fuit **MVHA**. Et pro **M**, **PRORSVS**, quod erat **PRORSVM**. Etiam elissimus: nam illi **CASMILLA**, **COBSNA**, **DVSMVS**: nos detraximus sibilum. In quibusdam tamen mansit solus, **STREN**

STRENNA: sed cum alijs, ST LITES, ST LATVM, non mansit: LITES, LATVM.

T, posuimus pro D. ADQVE illi dixere, nos ATQVE. sanè melior priscorum ratio: nam & mollior sonus est, & origo seruat. præpositionis enim uis adhuc manet, ut dicamus, Tu atque ego: & sit, Tu & ad te ego. Sed uolucere discrimen esse inter præpositionē, & coniunctionem. Eiusdem modi fuit, SED: nam è contrario olim erat, SE ET: disiungit enim, Tu curris, SE ET ego sedeo. Separata enim est actio mea ab opere tuo. aduersatur enim uox illa, SE, ut seorsum, securus, segrego, separo, & alia innumera. Etiam AV D, nō AV T, & illi dixere, & nos dicere deberemus: nam si negatiuæ HA VD, addita est aspiratio differentiae causā: sanè cætera elementa ad quærendum discrimen non sunt mutanda. quin fortasse potius utrunq; sicciore elemento scribendū sit, AV T, HA VT. Græcum enim fuit, αὐτ. Omnis autem disiunctio uim obtinet negationis.

V, posuimus pro F. SERVVS. at Aeolice sic scribebant, SERFVS.

Aspirationē supposuimus: illi, BELENA: nos HELENA. detraximus autem multis, CHARVM scribebāt, nos CARVM, unde & CARERE: quoniam deficiente annona carebant, atque ibi tum illa cara erat. Aiunt remansisse in tribus, ORCHVS, PVLCHER, LV RCHO. Orchus tota Græca fuerat, & trāslata aspiratione à uocali ad consonantem ὄρχος. uidetur ex epitaphio Næuij poetæ, aspiratè pronunciatum:

Postquam est Orchio traditus thesauro.

Lurcho, contra analogiā aspiratum fuit: nam Mucco, à mucis: & Bucco, à buccis: ita Lurco, à lura, ob ingluuiem: sed ratio significationis potior fuit, ob sonitum uoratoris. Sic φλῆγ, aspirationem admisit. At quare PVLCHER aspiretur, ratio declarat: fuit enim Græcum πολύχαιρος, id est, fortis: sic omnium doctissimus poetā:

-Satus Hercule pulchro Pulcher Auentinus.

f Igitur

Igitur Romani qui omnia ponerent in fortitudine, cum deum bonum, & formosum putarunt, qui esset fortis. Itaque fortis quoque pro pulchro positum est apud Plautum in *Militate*: neque sine ratione: exemplo enim Graecorum factum est, qui καλὸν, æquè & formosum, & bonum significarunt. at bonus fortis est: malus autem, κακός, imbellis: unde *Caculæ*, qui in numero militum non essent, παρὰ τὸ χεῖρ ἔχειν, quod est cedere. χεῖρ τοῦ χείρ.

Idem ueteres multa inuertere: *Catamitum*, pro *Ganymede*: *Melonem*, pro *Nilo*: *Lubedontem*, pro *Laomedonte*. etiam inueni ubi *Saguntum* pro *Zacyntho* dixerint: quæ nos omnia funditus euertimus, nō solum elemēta immutauimus.

CAP. XXIII.

Mutatio per inflexionem. Vocales.

POTERAMUS sine flagitio, non exequi partem hanc ab inflexionibus: neque enim certa nititur ratione, & puri Grammatici interest. Sed nequid omitteremus, apposuius: non tam ut omnia complecteremur, quàm ut principia ipsa statueremus.

Igitur *A*, breue in longum mutatur, ut *Rectus* fert primæ declinationis, & sextus casus: è contrario longum in breue, *PAR*, *PARIS*. *A*, breue in *E*, breue, *PARCO*, *PERCI*: nam parco est, partē arceo: id est, cōtineo: *PARS* autem natura corripitur, à πάρος, quoniam pars præcedit totum: sumptum nomen à messoribus, & uindemiatoribus, & lignatoribus, & pastoribus. *A*, breue in *E*, longum, *FACIO*, *FECI*. *A*, longum in *E*, longum, *FALLO*, *FELLI*. *A*, longum in *E*, breue, *STAS*, *STETI*. *A*, breue in *I*, breue, *CADO*, *CECIDI*. *A*, breue in *I*, longum, *PECCATA*, *PECCATIS*. *A*, longum in *I*, longum, si à sexto singulari primæ deducas sextum pluralem, *BONA*, *BONIS*.

E, breue in *E*, longum, *SERO*, *SEVI*. *E*, longum in *E*, breue, *FIDES*, *FIDEI*. *E*, longum in *A*, breue, & longum,

gum, ANCHISES, ANCHISA, sexto casu, & ANCHISA, quinto. E, breue in I, breue, CVLMEN, CVLMINIS: in I, longum, EO, IVI. E, breue in V, breue, PELLO, PEPVLI.

I, breue in I, longum, AVDIO, AVDIVI. I, longum in I, breue, AMBIRE, AMBITVS. I, breue in A, breue, SIQVIS, SIQVA, rectus femininus: in A, longū, SIQVA, aduerbium. I, longum in A, longum, QVI, QVA, aduerbium: fuere enim olim casus quarti, postea facti sunt aduerbia. I, breue in E, breue, RAPIO, RAPE: in E, productum, TVRRIS, TVRRES. I, breue in V, breue, RAPIO, RAPVI: sic enim uolunt: nam nos putamus fuisse olim RAPIVI. Sed sunt alia exempla, ALITIS, ALITVM: in V, longū, QVIS, CVIVS. I, longum in V, longū, QVI, CVIVS. Sed & in O, quod & prius fuit, QVOIVS.

O, breue in longum, PVLMO, PVLMONIS. O, breue in A, longum, AMO, AMAVI: in A, breue, DO, DARE: in E, productum, & correptū, LEGO, LEGERE, LEGERVNT: in I, correptū, HOMO, HOMINIS: in I, productum, SCINDO, SCIDI: in V, correptum, DOMO, DOMVI: in V, productū, SEQVOR, SEQVVTVS. O, productum in V, productum, ERATO, ERATVS: in I, breue, AGNITVM.

V, breue in longum, DOMVS, DOMV. V, longum in V, breue, PENV, PENVRIS. Sic enim scripsere primum, quod nos PENORIS. Sed est & aliud exemplū, CORNV, CORNVA. V, breue in A, breue, CORNV, CORNA: in E, correptum, GENVS, GENERIS: in I, longum, BONVS, BONI: in breue, CAPVT, CAPITIS: in O, breue, FOENVS, FOENORIS: in O, longum, BONVS, BONO.

CAP. XXIIII.

Mutatio Diphthongorum ex inflexione.

f 2

Fortasse

Fortasse & aliæ quædam sint mutationes, quæ addentur, si quis inueniat: sed si quæ sunt, non multæ super sint. Diphthongi autem sic transeunt: AE, in A, QVAE, QVAE RV M: in I, longum, CAEDO, CECIDI: diphthongus enim ibi fuit, à Græco *καίω*. Contrà ex I, factum est, OE, INCIPIO, INCOEPI: quoniam fuit, COEPPIO. Inuenias autem etiam inter ipsas mutationes, si Nigidium sequar, cui rectus pluralis fuit, BONEI, ad differentiam secundi casus singularis BONI. & fecit TVRREIS quartum pluralem, ne esset, TVRRIS unus è singularibus. Quod si ita debuit, debuit & uariari quartus pluralis sic, DOMOV S, ne esset unus è singularibus, DOMV S. Sed nos præclara ingenia admiramur, consuetudinē sequimur. Sic etiam relatiuum uariabis: rectus singularis, QVI: tertius casus, QVOI: rectus pluralis, QVEI. Verteres autem etiam tertium simplicissime scripsere, QVI, non QVOI. sic enim legimus illud Vergilianum:

—Qui non risere parentes:

Nec Deus hunc mensa, Dea nec dignata cubili est.
est enim positum pro, QVOI, siue CVI. Scriptura autem communis etiam recto, fecit ut & sensum inuerterent Grammatici, & pessimè Historiam, aut fabulam, quam asserunt, adaptarent.

C A P. XXV.

Mutatio consonantium, ex inflexione.

MAior adhuc restat labor: sed sanè sit cum uenia, si gratia carebit. Boni enim artificis partes sunt, quam paucissima possit, omittere. B, C, D, G, M, N, Q, R, T, mutantur in S: IVBEO, IVSSI: PARCO, PARS: LAESDO, LAESI: SPARGO, SPARSI: PREMO, PRESSI: PONO, POSVI: TORQVEO, TORSI: VRO, VSSI: FLECTO, FLEXI. Videretur autem etiam aspiratio in S, mutari in TRAHO, TRAXI: sed acutius inspicienti palam erit, aspirationem in gutture mansisse, atque induisse

induisse proximi elementationem, ipsius scilicet C, additumque potius esse sibilum, sicut in, PRESSI, M, mutatum, sibilum additum: in TORQVEO autem Q, ablatum, atque in ceteris alia. Contrà, S, in D: PARIS, PARIDIS. Item sic dixere: quemadmodum B, in geminum SS, IVBEO, IVSSI: ita & D, CEDO, CESSI: & T, CONCVTIO, CONCVSSI. Sed profecto prudentius contemplabimur, consonantes illas in simplex S, mutatas, alterum autem esse præteriti ipsius. Ita, G, mutatur in suam comparem: ut, PINGO, PINXI: nam in CT, mutari quod aiunt, falsum est, in uerbo, AGOR, ACTVS. Sed eadem proportionem affinitatis in C, mutata assumit T: sicut faciebat in uerbo FINGO, in præterito assumebat S, in supino, T, FINXI, FINCTVM, apparet id e contrario: namque C, in G, GREX, GREGIS. Quod autem statuunt, C, in V, eo exemplo, PASCO, PAVI, abiecto sibilo, puto non ita esse: sed uerbum uetus fuit *πάω*, quod significauit & sequi, & assequi: unde etiam *ὑπάω*: quasi *ὁμῶς*, ut *ὁτρέψης*. Aeoles enim & decurtabant, & tollebant aspirationem: idem uero addebant *σκω*, inde factum est nostrum PASCO. Eiusdem originis fuit & *πένω*, quoniam in pacato, non in hostico pascebant: unde etiam PAX. Ab utrouis autem præteritum illud fluxit: neque enim PASCO, fuit primigenium: sicuti neque NOSCO NOVI: sed *γνώσκειν*, fuit *γνώω*, *γνῶ*. Sic neque in T, mutatur, ut putabant, in uerbo, IRASCOR, IRATVS: fuit enim IRASCITVS, quod postea desitum est: & abiicit sibilum, qui retentus est alio uerbo, PASCOR, PASTVS. Non est igitur S, quod mutetur in T, ut prodidere: in eo namque uerbo mansit incolume: neque C, in T, mutatum: etenim fuit PASCITVS. N, abijcitur, SCINDO, SCINDI. neque mutatur in V, ut scripsere, in uerbo SINO, SIVI. Aliquando enim fuit, SINIVI. Q, in suam germanam, SEQVOR, SECVTVS. Nec transit in

X, ut uolucres, in CO-QVO, COXI: sed assumit sibilum. Neque R, in V, quod aiunt, in SERO, SEVI: fuit enim SERVI: quod extritum est, ad differentiam eiusdem uerbi in alio significato: uix enim mutatam eam litteram inuenias inflectendo. At S, mutatur in N, SANGVIS, SANGVINIS: quoniam fuit SANGVEN. In D, ut diximus, PARIS, PARIDIS. abijcitur ex duplici, remanente altera parte, PERDIX, PERDISCIS. Transit in R, FLOS, FLORIS: in T, NEPOS, NEPOTIS. Sed non est uerum, quod proficiscitur, in V, consonantem mutari sibilum eo exemplo, BOS, BOVIS: assumpsit enim Aeolicum digamma, ut in OVE, & OVO. Neque mutari in T, in uerbo PACISCOR, PACTVS, ut sensere, iam colligi potest ex ijs, quae supra diximus. sed T, est peculiaris ipsi participio, AMATVS, DOCTVS, LECTVS, AUDITVS, LATVS: sed in POS, POTIS. T, in X, transire, iisdem male docuerunt, illo exemplo, FLECTO, FLEXI. sed in sibilum, ut supra diximus: quod coaluit cum C, & fecit duplicem. X, in V, consonantem aequè malè mutari arbitrantur, in ea uoce NIX, NIVIS: Verùm *νίξ*, & *νίξος*, *παρὰ τὸ νίξω*, unde etiam nostrum NEPTVNVS: non, ut Cicero prodidit, à nando. Inde nostrum, NINGVO, & NINGVIS in recto: & NIVIS, concisum: & aliud concisum, NIX, mutato G, in C, & concreto cum sibili in X. in obliquis autem mansit prisca uox. Neque rectè sensere, aspirationem in CT, transferri, VEHO, VECTVM: sed ita fuit, ut diximus. Habet aspiratio aliquid simile cum C: itaque alicubi in Vasconia quod alij Hodie dicunt, ipsi sua lingua GODIE. Ergo VEHO, faceret VEHSI, assumpto sibili, ut DVCO, DVCSI. postea, VECSI: & supino mutato sibili in C, ut diximus, VECTVM. V, quoque abijci notauere. Citant Solum in collectaneis: quasi uerò is sit autor ueteris Latinitatis: eius uerba sunt: Tatius hominem exijt. quasi uerò
apud

apud probatissimum quenque REDIIT, EXIIT, ADIIT, PRAETERIIT, desideretur. & fortasse apud Solinum EXIIT, legendum est. Mutatur quoque in seipsam, recepta uocalis pristina natura: & è contrario, GAUDEO, GAVISVS: & PERSOLVIS SE apud Tibullum: quoniam SOLVO, fuit *δολυ λύνω*. Mollescit uero adeo, ut etiam abeat, ut apud Catullum eundem,

Non ita me diuī, uera gemunt, iuerint. pro I V V E S R I N T: quemadmodum etiam in libro de Comicis dimensionibus obseruauimus.

Proprium trium liquidarum L, R, N, C, T, non mutari in quibusdam nominibus: SAL, SALIS: CICVR, CICVRIS: TITAN, TITANIS: HALEC, HALECIS: CAPVT, CAPITIS. Proprium & L, & R, assumere sibi alteram: MEL, MELIS, FAR, FARRIS. Ipsius autem C, assumere etiam T: ut, LAC, LACTIS: nisi sit à recto prisco: dicebant enim LACTE, à Græco, amputatis duabus literis, *λεκτ*. Obseruauerunt etiam id, L, P, S, X, in præteritis non mutari: CAELO, CAELAVI: STVPEO, STVPVI: LASSO, LASSAVI: LAXO, LAXAVI. Sed his adderent etiam R, TORQVEO, TORSI. & C, DICO, DIXI: coaliuit enim, non autem mutatum est. & P, SCALPO, SCALPSI: nam si duplicis literæ figuram haberemus in hoc, ut habuimus in DIXI, posuissēmus. B, autem non mansit semper, sed in comparem suam mutatum est: SCRIBO, SCRIPSI.

Proprium X, quod mutatum fuerit in compositione, in declinatione elidi: EFFERO, ELATVS: quoniam uerbum quoque mutatum est.

CAP. XXVI.

Mutatio in deductis à Græcis. Vocaless.

QUæ à Græcis deducuntur, in ijs ita fiunt uocalium mutationes: Breues aut longæ in æquales, aut in inæquales: contra

contrà natura communes, in illas. Igitur longæ Græcæ in longas nostras, ὄρν, O V V M: breues in breues, ὄνϑ, onus: breues in longas, ΜΕ, ab eo quod fuit με: longæ in breues, ὀρείχαλκον, orichalcum: κρηπίς, crepida: φηρ, FERA: in natura communes, ἐγώ. Corripitur maximæ partî poetarum: producitur Statio, Catullo, Cornelio Gallo. Item uerba, ἄγω. Communes natura, in natura communes: ut Pharsalia, Sicania. Eadem in breues perpetuo, Η V M V S, ab ὦ, ὦμαι. & in longas perpetuo, V D V S, ab eadem origine. sic πλύνω, sputum. Idque non solum ob usum, sed etiam ob partes, nanque positione interdum fit hoc: ut ἐν: à qua I N, natura brevis, aliquando fit positione longa: ut, I N D I G E N A. aliquando fit natura, propter naturam positæ consonantis: ut, I N F E L I X, I N S O L E N S: ab S, aut F, incipientibus cum coniungitur. Hæ sunt in communi præceptiones: sigillatim autem sic recenscas.

A, in A, mutatur, κάλαϑϑ, Calathus: in I, κένναρον, canistrum: in O, si C O P O, à κέπληϑ uenit: in V, βρίαμβϑ, Triumphus: τραγμαλίζειν, strangulare: κραπέλη, C R A S P V L A: non, ut dixere, quod caput graueret. Quod autem aiunt, A, in V, apud Græcos uerti eo exemplo, ὀλυμπϑ, quasi ὀλϑ λάμπων, falsi sunt, est enim ὅπῃ ὀλύνω πόδας, ὀλινωίς, montis nomen ob altitudinem: quem cum ascenderent, interrogati quod irent, dicebant, in cælum, unde cælo communicata uox. A, etiam sibi assumit I, more Aeolico, φαισίη φασίη. Ita αἰσκληπιός, nos Aesculapium.

E, in E, breue, θεός, Deus: in longum, ἑδϑ, S E D E S: & per abscissionem, δέω, D E: sic enim dicunt εἰησι, δινούη δόντων: nos, D V O D E V I G I N T I. In I, τέγω, T I N G O: In O, ἐμῶ, V O M O: In V, ἐνός, V N V S. Abijciatur ἐρέτω, R V C T O: sed puto E R V C T O, fuisse simplex non compositum.

H, ut diximus, in sui dimidium, κρηπίς, C R E P I D A: ἡρως, H E R V S. In se totam, πηνελόπην, P E N E L O P E. Numquam

quam autem H, in I, transit, ut barbari inuertêre, atque etiam corripuere in PARACLETVS, ELEESON, ELEE MOSYNA, IORDANES. neque, quod possent suspicari, VESTIS ab ἑδῆς, sed ab VAE, & ἑννῶσαι, Græca origine, Latina terminatione. Malè corripuit Iuuenalis in Satyra XIIII. CALPE: neque enim tuit ut χεῖμας. In AE, diphthongum non mutatur H, ut dixere, sed in E, illo exemplo, σκηνή, SCENA: si enim diphthongum quispiam comminiscatur, id nulla faciat ratio ne. sed in A, frequens eius transitus est apud Dorienſes, & nos Aeolensium imitatores, καθαρῆς, CITHARISTA.

I, in A, θηγάθω, TANGO: in E, ex diphthongo, ποιή, POENA: etiam solum, κερκίνθ, CANCER. in I, longum, λίβις, liuidus: φίλθ, FILIVS: & uoce usitata manſit, ὁμιλία, HOMILIA: falso enim transmutandum iudicarunt. sic λιθός, LITVS, quod esset terra tenuis: & nostrum MITTO, παρὰ τὸν μίτον, quoniam qui mittit elongat. Abijcitur, γνώμα, NORMA, è medio: sic etiam à fine, περί, PER. Additur, ναύτης, NAVITA.

O, in seipsam breuem, οἷς, ouis: in longam, ὅλθ, SOLVS: in A, ἀροτρον, ARATRV M, ut uoluere: sed commodius à supino ARATVM: sicut RVTRVM, à ruendo. neque bonum est exemplum, ab ὄξυς, acus: sed acus, ab ἄχυρον, tam pro arista excussa, ACVS, ACERIS propriè, quàm metaphoricè pro instrumēto sutorio. In E, γόνυ, GENV, Aeolum more, qui ἑδνός, quod alij ὀδνός. sic EVAN DER, ἐνανδρθ. In I, ἄμβροθ, IMBER. in V, ἰόβας, IVBA: πάτροκλθ, PATROCLVS: ὀδυσσεύς, Vlyſſes. Sic in principio, medio, fine. In V, longum, βροτός, BRVTVS. In AV diphthongum, ὀρεχάλκον, AVRICALLCVM. Abijcitur ab inītijs, ὀδνός, DENS. A fine, ἀπὸ, AB.

Y, in V, τυρρηνός, Turrhenus: πυρρός, BVRRVS: ἰλλυριός, ILLVRIVS: δύο, duo: δύο uerbum, DV MV S, tam breue, quàm longum est his exemplis. In O, ἀγκύρα, ANCHORA: φύλλον, FOLIVM. In E, ἄλκυον, ALA

CEDO. In I, breue λύϑ, uimen, unde nostrum LI-
GARE, non à legendo, ut Varro. In A, κυνός, CANIS.
Ω, in se totam, ὠόν, O V V M. In sui dimidium, ἐγὼ, EGO.
In V, longum, φῶρ, FVR: non ut Varro, à F V R V O.
In AV, ᾠς, Aeolicum, οὖς commune, AVRIS, Latine.
In V, breue, ἡρϑ, HERVS. In E, φρεάτης, FRATER,
sic enim mutarunt Aeoles, quod erat φρεήτης, & integrum,
φρεάτης: non autem plagiariorum falsæ etymologia.

CAP. XXVII.

Diphthongorum mutationes, A Græcis.

AI, AE, αἰνέας, Aeneas. In A, longum, κραπέλι, CRAS-
PULA, extrito I, more Aeolensium: sicut è contrario quos-
que, ut diximus. In E, breue, βένω, uenio. Imperite nan-
que uerbum hoc ita sunt interpretati, quasi uersus nos eo.
habes deductionis nostræ exemplum, in FENESTRA,
παρὰ τὸ φαίνεσθαι. aut mutata, aut abscissa, saltem ab ἔφανον.
Non sic in PLEGETHONTE, & PHAETHONTE
neque enim ab αἰθεδαί, diphthongum traxere, sed παρὰ τὸ
δείν, ut ex Cratylo Platonis, & Aristotele in primo de cœs-
lo, & M. Tullij multis locis diximus in libro de insomnijs.
neque diphthongum illam redigi ad sonum breuem: quip-
pe δ' αἰ, dixere: sicut etiam δ' εἰ: & γ' αἰ, sicut γ' αἰα. Abie-
cta A, remanet I, longum: quoniam Aeolensium more fa-
cta est diphthongus EI: ἀχαιός, Achiuus: Aeoles enim
ἐχ' αἰ: unde etiam sine digamma inuenias ACHEV S.
quod ego non per diphthongum scripserim Latinis AI, sed
per E, ex diphthongo Aeolensium, ut LYCEVM, λυκεῖον:
eos enim maxime sequimur.

AY, manet in TAVRV S, παῦρϑ: mutatur in V, σκυρός,
SVRV S: quem & lacertum piscem uocant. Abijcitur,
παῦρον, PARVM: nisi à parte ducatur: nam PAVLV M,
inde uenit omnino.

E I, ante consonantem, semper in I, si sit naturalis uerbo, θη-
σείδης, THESIDE S. at θ' αἰο φθόντε non sic, nisi Græcè
loquamur

loquamur syllabæ gratiâ, ut nos in hendecasyllabo dactylum fecimus X E I N I A. hæc autem mutatio semper fit sequente consonante, non autem L, tantum, ut dixere, illo exemplo, N I L V S, νῆλϙ. Diximus autem literam naturalem, quæ esset ipsius dictionis, θινός, θινείδης: nam in ξείνῳ, aduentitia est: ideo non seruatur à Latinis. Ante uocalem ipsum I, solitarium nunquam mutatur, S O P H I A, C O M O E D I A: neque diphthongus semper, T H A L I A, A L E X A N D R I A, N I C O M E D I A, L A N G I A, L A M P I A, A R G I A, L Y C I V S: sunt enim θάλασσα, & eiusmodi: & λυκῆϙ, si L Y C I E, apud Statium scriptum est: nam etiam L Y C E E, legimus. At sæpius in E, productum, ut in A C H E V S, dicebamus. D A R E V S, P E N E L O P E A, A D R A S T E A, & Seruius T H A L E A M, didicere autumat. Est autem E, longum Aeolensium imitatione, qui διημοδιέην, pro διημοδιέει dicunt: & ἡδῆν, pro ἡδίην: & μῆν, pro μείην: unde & μῆς, ex interpretatione Platonis: & πλῆν, pro πλείην. Interdum mutatur in E, correctum, more Dorico, expuncto I: φοινίκην, P V N I C E V M, ut apud Vergilium τυφώϊα, T Y P H O E A, pro τυφώϊα, & φοινίκειον. In fine uocum quoque unica litera scriptum fuit in uetustissimis codicibus, O R P H I Calliopea: & V L Y S S I, quod erat ὄρφη, ὀδυσσεῖ. Horatius diuisit,

Laboriosi nec cohors Vlyssæi. Itaque etiam in meris Latinis pronuntiandum monent, I D E M, E I D E M: I S D E M, pro E I S D E M, eorundem more Aeolensium.

E Y, manet, φεύ, heu. Abijcit Y, A C H I L L E S, ἀχιλλεύς. Itaque etiam Achilleus legitur, cuius obliquum secundum posuit Horatius,

Heu peruiacis ad pedes Achillei. Neque enim uerū est, ut aiunt, in V, mutari, illius uerbi exemplo, φεύγω, fugio: nam ab aoristo ductum fuit ἔφυγον: sic ἐρεύγω, R V C T O, dempto E, & posito frequentatiuo.

O I, in O E, ποιή, P O E N A. Patitur autem multa diphthongus hæc: diuidunt eam Aeolenses, κώϊον, κώϊον. Eorum les

gibus nos ΤΡΟΙΑ, τροία: sicut ΜΑΙΑ, μαία: ΑΙΑΧ, αίας. Interdum mutatur eius pars, interdum aufertur, ar-
bitrio eorum, ποιητῆς, POETA. Vertitur in ΕΙ, ut
οἱ. ΗΕΙ: in V, φοινίκον, P V N I C E V M.

ΟΥ, in V, nostrum, ΜΥΣΑ, μούσα. In V, breue, ΒΥΒΥΛΙΣ
C V S. In O longum more Aeolensium, βῆς, βῶς, ΒΟΣ. In
breue, βούλομαι, V O L O: abiectio Υ, more eorum, qui
ἀμπέλῳ, dicunt pro ἀμπέλους. dico, abiectio in mora, non
in scriptura. nam ΟΥ non est illis consonans. Sic enim di-
cunt θυγάτηρ, sicut Iones θυγάτηρ. Qui autem putant, hanc
diphthongum ad Gallos mansisse ex μού, & βού: non semel
ineptiunt. Eorundem enim in alijs uitium est, Ε, uocalem
sic deprauare. Sic enim corrumpere nomina mutarum: sic uult
quod cum uolunt interrogare Q V I D ῖ aut Q V A E ῖ sic
R E X, F I D E S, V I C E M, & alia infinita penē. ΟΥ
eadem in Ε, ὄδους, D E N S. πούς, P E S. etiam aliquo mo-
do mutata est, cum ex λούω, L A V O, factum est.

Ω, diphthongus spuria in legitimā ΟΕ, κωμωδία. C O M O E S
D I A. In O, ὀδία, O D E.

Υ, eiusdem notae atque ordinis est. recipitur in uocibus Grae-
cis integra H A R P Y I A, ἄρπη.

ΩΥ, Latini ualde distortam, Ionibus reliquere.

C A P. XXVIII.

Consonantium mutatio in deductis à Graecis.

B, Graecorum & facile, & legitime transit: idem enim esse supra
ostendimus βῶς, ΒΟΣ. In V, digamma, ἄββα, A V V S.
In affinem huius P H: θρίαμβῳ, T R I V M P H V S.

Γ, in G, γόνυ, G E N V: aut in similem, ut τῆμι, C A I V S.
nam quemadmodum apud Athenienses ἀντόχθους, & apud
Thebanos σπαρτοί, ita Latinis à uetustate, & O P I C I, &
I N D I G E N A E, & C A I I, dicti sunt. In N, aut ei pro-
pinquam, ἄγγελῳ, A N G E L V S. Abijcitur, γνώμα,
N O R M A.

Δ, in D, δολῳ, D O L V S. In L, ὀδυσσεύς, Vlysses. In B, δῖς,
B I S

B I S. In s, nam quo flexu illi, $\psi\alpha\mu\mu\acute{o}\sigma\iota\eta$, nos eorum exem-
plo, ARENOSVM.

Z, in z, iccirco apud nos etiam figura eadem cum eadem pote-
state recepta est. $\zeta\epsilon\phi\upsilon\rho\epsilon$, ZEPHYRV S. In ss, $\mu\acute{\alpha}\zeta\alpha$,
MASSA. In i, $\zeta\epsilon\upsilon\gamma\omicron\varsigma$, iugum.

Θ, in TH, $\theta\rho\acute{\alpha}\sigma\omega\rho$, THRASO. In D, $\theta\epsilon\acute{o}\varsigma$, DEV S. In T,
 $\theta\rho\acute{\iota}\alpha\mu\beta\omicron$, TRIVMPHVS.

K, in C, CALARE, $\kappa\alpha\lambda\acute{\alpha}\mu$: CALONES, $\kappa\acute{\alpha}\lambda\epsilon\mu$. In cognas-
tam suam Q, QVATVOR, $\kappa\acute{\alpha}\tau\tau\epsilon\rho\alpha$, pro $\kappa\acute{\alpha}\tau\tau\epsilon\rho\alpha$, sine aspira-
tione, apud Acoles. nam cum dixissent Vnum, Alterum,
Tria: pro quarto dixere, & alterum. Sic apud Poëtam,
Alter ab undecimo. &

Aurea mala decem misi: cras altera mittam.

Sic etiam, QVINQVE, deduxere: ut esset, & unum præ-
ter quatuor, $\kappa\alpha\iota\acute{\epsilon}\nu\alpha$. In G, $\kappa\upsilon\beta\acute{\epsilon}\rho\eta\sigma\iota\omega$, GVBerno.

Λ, in L, $\lambda\acute{\iota}\beta$, LIBS. In D, $\mu\epsilon\lambda\iota\tau\acute{\alpha}\mu$, MEDITARI: falso
enim negarunt.

M, negarunt mutari, attulerunt exemplum illud, $\tau\eta\lambda\acute{\epsilon}\mu\alpha\chi\omicron\varsigma$, TE-
LEMACHVS: sed frustra fuere: nam ex $\mu\acute{\alpha}\lambda\alpha$, BALARE,
factum est. Et extritum est, $\alpha\mu\mu\alpha\tau\alpha$, AMENTA: $\sigma\acute{\alpha}\gamma\mu\alpha\tau\alpha$,
SAGVS, SAGITTA.

N, in N, nostrū, NINVS, $\nu\acute{\iota}\nu$ Θ. In D, $\kappa\acute{\alpha}\nu\omega$, CAEDO. $\epsilon\kappa\acute{\alpha}\nu\omega$
 $\nu\acute{\epsilon}\varsigma$, $\epsilon\kappa\acute{\alpha}\nu\omega\tau\epsilon\tau\omicron\upsilon$ $\epsilon\mu\lambda\acute{\omega}\omega\mu$ $\tau\omicron\upsilon$ $\acute{\alpha}\rho\epsilon\iota\sigma\omega\mu$, ex Euripide. In L, nā quinqs
quagenarij numeri nota fuit Græcis N, nobis L. sic quod
illi $\nu\acute{\upsilon}\mu\phi\alpha\varsigma$, nos LYMPHAS: & apud Vergiliū sic legēte
quidam:

Dant famuli manibus Nymphas. In M, $\pi\acute{\alpha}\lambda\epsilon\gamma\eta\omicron\upsilon$, PAE-
GNIVM. Additur à Græcis nostris nominibus, $\kappa\acute{\alpha}\tau\tau\omega\rho$,
Cato. Demitur à nobis in illorum, $\sigma\acute{\iota}\mu\omega\rho$, SIMO: & in nos-
tris ab illis defluxis additur, $\delta\acute{\epsilon}\nu\varsigma$, DEN S.

Ξ, falso negarunt mutari: namq; $\acute{\alpha}\xi\omicron\upsilon\varsigma$, ASSERES, non ab as-
sidēdo, ut dixere. Suprà declarauimus ACVM, & ACVS-
TVM, unde duceretur: itaque ab $\acute{\alpha}\xi$ Θ, non putauimus fieri
ACOR: nam potius ab $\acute{\alpha}\kappa\acute{\upsilon}$.

Π, in B, $\pi\upsilon\phi\acute{\epsilon}\varsigma$, BVXVS: $\pi\upsilon\phi\acute{\epsilon}\rho\acute{\epsilon}\varsigma$, BVRRVS: $\acute{\alpha}\pi\acute{o}$, AB: $\acute{\upsilon}\sigma\acute{o}$,

- S V B. accipit aspirationem: τροφῶν, T R O P H A E V M.
- P, nimis imprudenter mutari negarunt, ut ἀήρ, A E R : nam mutatur, καρκίνος, C A N C E R, ne esset C A R C E R. & in L, πᾶν, P A V L V M. sed potius est diminutivum: In D, στανείω sit, unde fiat nostrum G A V D E O.
- Σ, in D, μέδω, M E D I V M. Tollitur non solum in prima inflexione, ut dixere, πυρρίας, B Y R R I A : sed etiā in alijs, ἄλς, S A L : & in principio, σάντος, C V T I S : alibi servatū s C V T V M. In X, αἶας, A I A X. Contrā quidā scripsere V L Y X E S. In R, κυβερνήτης, G V B E R N A T O R : quoniam Acolenses κυβερνήτης, & λαβερνήτης, qua forma uerbalia nostra sunt. Quin Eretrienſes, usq; ad proverbiū dicebant, σελκρότης, quod alijs esset σκληρότης. quod & in Francis notabis. E' contrariō s s, in X, nostrum μασσάω, M A X I L L A : nam M A L A, per syncopā curtatum fuit. M A N D E R E quoq; à μάσσω ductum fuit, sed sanē non pauca eget interpolatione.
- T, in s, ἑσᾶ, O S S A. sed cōmodius sit dicere, subductum fuisse: alioquī translatitia sunt inter se, θεσσαλός, T H E S S A L V S.
- Φ, in P H, φορμίον, P H O R M I O. In F, φύω, F V N D V S. Φδ, F O R.
- X, in C H, C H R O M I S, χρωμῖς. In G, ἄγχω, A N G O. In K, λόχος, L O C V S. In Q, λείω, λείλαχα, L O Q V O R. neq; enim à locis, ut Varro vult. Sic & ἀχελῶς, A Q V A. Omnis enim aqua dicta est eius amnis nomine, & à lauando, quoniam erat, ἀχελῶς: quod & Macrobius docuit nos, & Vibius Crispus: & non ignorauit doctissimus omnium poeta,
- Poculaq; inuentis Acheloia miscuit uuis.
neq; enim ab æquore, aqua: sed ab ea, æquor.
- Ψ, in P S, ψύλλιον, P S Y L L I V M: & in proximas, B S, ut λύψ, L I E S: ἄραψ, A R A B S.
- Aspiratio, manet, ὁμῶς, H O M O : est enim animal sociale, nō ab humo, ut somniant. Adimitur, ἀλκυον, A L C E D O : ἄμμα, A M E N T V M. Mutatur, ἐδῶς, S E D E S : ἔρω, V E R P V S, lumbrici genus, translata uox ad obscœna, ob exilitatem, non à uertendo pellem, ut aiunt: sed mediū digitum propter

propter gracilitatē significauit metaphoricē. Manet cum consonantibus, THOLVS, θόλος. Adimitur, ut θειαμβος, TRIVMPHVS. Additur, τροπαιον, TROPHAEVM. Subtilius autem intuenti etiā id deprchēdatur, aliquas, etiā si mutetur, remanere: ut, τροία, TROI A: etenim I, & eadem, & non eadem est.

Digamma interponitur, ut diximus, οἰς, OVIS. Præponitur, ἰς, VIS. Interponitur & C, αἰς, SPECVS.

CAP. XXIX.

Mutatio ex deductione in simplicibus.

IAm multæ operæ prouinciā capeſſimus: ſibi enim quiſq; placuit in uerborum deductione. Ergo quæ ipſi non inuenire, nolunt eſſe ita: doceri enim turpe putant. Aliqui autem, inter quos Varro, etiā malignè eruerunt omnia ē Latinis, Græciſq; ſuas origines inuidere. Nos cum ſciremus Magnæ Græciæ nomine priſcos AVSONES, atq; Latinos frequētatōs, reddidimus ſuis quancq; natalibus uocem.

Deductio, eſt creatio noui uerbi, ex prioris elemētis. Prius igitur de ſimplicibus, mox de compositis.

A, breue in breue, PARO, PARIO: in longū PARO, PARO: in AE, AQUA, AEQUOR. A, longum in longum, VADO, VADES: in breue, VADO, VADVM: ATER, ATROX: feroces enim fuſceſcunt ira. In E, apud Græcos, ἑλμα, βέλ: apud Latinos, PASCO, PECVS, non eſt: nam πῆκος, Homero fuit lana: quo nomine etiā nunc faſciculum certum, ſiue penſum uocant in Italia alicubi, ſed genere fœminino. Itaq; à lana uetuſta uox πῆκος. In O, VENA, VENOX. In V, MARE, MVRIA.

E, breue in A, longum, LEGERE, LEGARE, quoniam ad legendum, hoc eſt, dicendū mittebantur, παρὰ τὸ λέγειν.

E, longum in breue, SEDES, SEDILE. In I, VEHA, VIA: ut uult Varro. In O, TEGO, TOGA. Græcorum exemplo, λῆγω, λόγος. Et longum in O, breue, SEDES, SOLIVM. In V, TEGO, TVGVRIVM. In V, longum,

gū, DIES, DIV. In AE, SEQVOR, SAE CVLV M.
 I, longum in breue, DICERE, DICARE: in longum, SIMVS, SIMIA: non autem *μαγε το μυσιδρα*, ut ineptiunt.
 I, breue in breue, MINA, MINAX: in longum, VIA, VILLA, VILIS. In A, non mutatur illo exemplo, GENERIS, GENERATIM: sed à plurali rectio fere deducitur, VIRITIM, OSTIATIM. In E, correptū, ILLICIO, ILLEX. In V, SPECIO, SPECVLA.
 O, breue in longū, VOMER, à VOMENDO, ut uult Varro: in breue, VOLO, VOLONES. Longum in longū, DONVM, DONARIA: in breue, MOLES, MOLES STVS. In A, longum, DICO, DICAX: in E, longum, TVTOR, TVTELA: in breue, BONVS, BELLVS: fuit enim BONVLVS, BONELLVS. In I, & longū, & breue, AMO, AMICVS, AMITA. In V, TEGO, TEGVLA. sed TEGA, prius fuit: STOLO, STVLSTVS.
 V, longum in longum, PVS, PVTIDVS: in breue, SCVTVM, SCVTVLATVM: RVVS, RVDIS. Breue in breue, LVTVM, LVTOSVM: breue in longum, PVER, PVSIO: SVO, SVTILIS. In A, VEREDVM, VEREDARIVS: nisi sit à plurali, quod & puto: CVDO, QVATIO. In E, PIGNVS, PIGNEROR, quia fuit PIGNERIS. In I, CVRES, QVIRITES. In O, PIGNVS, PIGNORATIO: sed ab obliquis potius: DECVS, DECOR, commodius exemplum est.

CAP. XXX.

Mutatio in diphthongis ex deductione.

OE, in V, POENA, PVNIO: MOERI, MVRI, ut diximus.
 AV, in V, breue, RAVDVM, RVDE: nam *ῥαβδος*, fuit uirga dempta ex arbore impolita: inde Raudum æs: & ab ea ruditate, RV S.

CAP.

CAP. XXXI.

Consonantium mutatio ex deductione.

B, in M, GLOBVS, GLOMVS.

C, in G, præcedente N, CENTVM, QVADRINGEN-
TA. In R, SECO, SERRA: sed puto primam syllabā
fuisse originis: canina autem litera geminata, strepitum imi-
tatos. Geminatur, PECVS, PECCARE: non ut gram-
maticorum ineptiæ, pedem capere.D, in T, CVDO, QVATIO. fuit enim uetus uerbum, *κύνω*,
adhuc durat *κύνω*: significat strepere: unde *κύνος*, conuitiū,
& *κύνος* gloria, strepitus ille popularis.G, in C, GENERO, CNEVS: GVLA, CVRGVLIO:
VIGINTI, VICESIMVS: PERTINGO, PER-
TICA, rusticum instrumentum ad fructus decutiendos.L, in X, non mutatur exemplis illis, ALA, AXILLA: MA-
LA, MAXILLA, ut aiunt: non enim ab ALA, AXIL-
LA: sed ab AXILLA ALA, extrita, ut ait Cicero, elemē-
ti uastitate: sic enim censuit M. Tullius. VEXO, VEXI,
VEXVM, VEXVLVM, VEXILLVM, & *κατὰ οὐρανὸν*
κινῶ, VELVM: AGO, AXO, AXA, AXVLA, AX-
ILLA, ALA: MASSO, MAXO, MAXA, MA-
XVLA, MAXILLA, MALA, unde *μασσηγῆς*: PAN-
GO, PAXO, PAXVS, PAXILLVS, PALVS: ut
non parum errent, qui ab Ala, putent, Axillam, diminutum
duci. Axo autē & alia, sic sunt dicta, ut FAXO, GRAXO.
Etiam falsō mutant in R, illo exemplo, TABVLA, TA-
BERNA. nam Tabula, fuit diminutiuum nominis, quod
nunc nō extat, à quo TABERINA, ut SVTERINA,
TONSTERINA. Sed in his, E, abiit. in TABERINA,
sublatum est I. Omnino autem à TABVLA etiam TA-
BVLERNA, sicut NASITERNA. est autem TABA,
& TABVLA, *τὰ τὰ*, quoniam tabulata in ædibus, &
ulmis planiciem extendebant.N, in L, VNVS, VLLVS: VINVM, VILLVM: non
h mutatur

mutatur, ut dixere. Sed fuit VNVLVS: & VINVLVM. In S, mutatur, FINDO, FISSVS. In T, CANIS, CATVLVS. sed à CATO, deducunt potius, & placet: at ijdem, à CANIS, CATVS ipsum, trahunt.

R, in N, MVRVS, MVNVVS. fuit enim MVNVVS, onus muris reficiendis, ubi primum unum in locum è vicis conuenissent ad condendum oppidum: inde MVNIMENTA. Id oneris cum remittebatur uirtutis ergò, DONVM dicebatur. Ab AERE autem non fit AENEVS, ut dixere, ut mutetur R, in N: cuius rei argumentum est, quod etiam AESNEVS, dixere. Itaque fuit AERINEVS. Sic AETHERNVS, ab AETHERE: & fuit AETHERINVS: unde SEMPITERNVS, quod fuit SEMPAETERNVS: mutatur enim AE, in I. QVAERO, INQUIRO. & abiecta est aspiratio, ut in multis. Sic à VERE, VERINVS, VERNVS. I, enim abiicere, quod mansit in MASTVTINVS, & alijs eiusmodi. Nulla igitur ratione corripuere secundam syllabam: Mutatur R, in L, NIGER, NIGELLVS, quia fuit NIGERVLVS. & in S, ARDEO, ARSVM. ASSVM, unde ASSARE.

T, in D, QVATVOR, QVADRA.

X, additum est in VIX, aduerbio, à VI, quod negat facilitatem. unde VICES: nam quod per uices fit, uidetur difficile esse, & uix fieri. Fortasse etiam rectum ipsum fuit, VIX, VICIS.

Z, tota Græcorum est. neq; à Latinis in Latina deriuatur. Demitur aspiratio, FINGERE, PINGERE.

CAP. XXXII.

Mutatio in compositis. Vocales.

Compositio, est coalescentia similium aut specie, aut genere: neque enim unum fierent, nisi esset ea similitudo, quam Græci uocant *σύμβολον*. Dico autem, compositionem non actionem, quæ præcedit ipsam concretionem: est enim in prædicamento motus: sed ipsam mixturem duarum uocum, partim

partim diuersarum, partim similium. Est autem modus quidam inter ipsa: Nomina enim nominibus propiora sunt: facilius enim dicitur, PONTIFEX quam PROCONSUL. nam consuetudine extortum hoc fuit: erat enim per initia, PROCONSULE. Sic etiam uerba cum diuersis partibus desinunt esse uerba, ut, MANCIPIUM.

A, breue in A, breue, COMPARO, PARO. In A, longum, INDAGO. & ratio est euidens, concreuerunt enim uocales duae. A, longum in A, longum, GNARVS, IGNARVS. A, breue in E, breue, SACRVM, CONSECRO: CAPVT, PRINCEPS. A, longum in E, longum, ARMA, INERMIS. In E, breue, TIBIA, TIBICEN, tibia canens. A, breue in I, breue, AGO, ABIGO. In I, longum, INSTIGO, ex coalescente O, & A, insto ago. uerbum agasorum, & armentariorum. Sic, TIBIA, TIBICEN. ex I, & A. In O, HISTORIA, HISTORIOGRAPHVS. In V, SALVS, INSVLSVS. In TROI VGENA quoque uidetur A, in V, mutatum. In diphthongum, MUSA, MUSAEV M: si *μουσα* sit, in E, ut supra diximus.

E, breue in E, breue, FERVS, EFFERVS. HERCISCO, NOVERCA, noua diuisio familiae, non ut nugantur. In E, longum, ARE, RETTVLI. E, longum, in longum, TELARE, PROTELARE. In I, longum, LEDO, COLLIDO. In I, breue, LEGO, COLLIGO.

O, in O, longum, SOLVS, CONSOLARI: à uiduis, quae cum se solas relictas lamentarentur, oratio leniens desiderium dicebatur. In HOMICIDA, non uertitur in I, sed ab obliquo fuit, HOMINICIDA. In V, uertitur, à solo, EXVL.

V, breue in breue, I V BEO, FIDEI V BEO: neque ferè cum alia uoce compositum inuenias: à longa tamen fit, I V S HABEO, quam quantitatem retinuit etiam in I V B I L O: nisi sit, ab *ἰσθ*, uocibus triumphatorum: superstites enim uitam Apollini acceptam ferebant, cui canerent praena in uictoria. *ἰσθ* *ἰσθ*, *παύ*.

V, in E, breue, I V R O, PEI R O. In I, h 2 breue,

breue, CORNICEN. V, in seipsam, consonans in uocallem: PITVITA, quadrissyllabum Catullo. contrā in AVCEPS.

CAP. XXXIII.

Diphthongorum mutatio in compositione.

AI, in I, ut diximus. AETERNVS, SEMPTERNVS. AV, in O, PLAVDO, COMPLODO. In E, AVDIO, OBEDIO. ubi ob, nihil detrahit, sed causam finalem dicit. In V, CLAVDO, INCLVDO.

CAP. XXXIIII.

Consonantium mutatio in compositione.

B, mutatur in C, F, G, I, M, P, R. SVCCVRRRO, SVFFERO, SVGGERO, SVLLEVO, SVMMITTO, SVPPETO, SVRRIPIO. id Aeolensium more, qui *κάππεον, κάββαλον*, dicebant praecedentem sequentis uī pronunciantes. Neque tamen in omnibus his literis semper eadem cōnixio est. Malim enim SVSLIMEM, quā SVLXIMEM dicere, & SVBMVRMVRARE. at Plautus SVMMANARE, à manu, furari, sicut à VOLA, INVOLARE: item SVBREPERE. Cum D, autem integrū manet, SVBDO: cum N, SVBNIXE: cum S, SVBSILIRE: cum T, SVBTICERE. Ante seipsum quoque non mutari par est: nam si aliorum sonos sequitur, ne obturbet, ipsum se fouebit: ut in simplici OBBA, quæ esset ob bibendum: ita igitur dicetur, OB BIBO. Neque mutatur ante T, in S, ut dixere, in SVSTOLLO, nanq̃ fuit uetus uox, SVS, quæ motum cœlum uersus significaret, *ὑποδψ*. fortasse autem fuerat, SVBS, sicut, ABS: quanquam hoc uidetur fuisse *αβ*. & à SVS, fuit SV SVM: fecit autē ex se SVSTVLI, non enim à suffero, uenit. Eadem est ante C. SVSCIPIO, quod ueteres SVCCIPIO, ut diximus, Aeolensium more, quemadmodum suprà declaratum est, quos

quos prisci etiam in alijs obseruarunt, ut est apud Plautum, in *Afinaria*,

Suppendas potius me, quàm tacita hæc auferas. Quod
 qos *SUSPENDAS*. Parí exemplo, *SUSPICIO*, *SUS*
STINEO, *SUSCITO*, *SUSVM*, *CITO*. Exerit
 tur ante *M*, aliquando, *OMITTO*.

C, mutatur in *G*, *NEGLIGO*, *NECLEGO*: sicut *NEGOTIVM*, *NECOTIVM*.

D, in *C*, *QVICQVID*, *QVIDQVID*, *ACCVRRO*,
ACQVIRO: in *G*, *AGGERO*: in *F*, *AFFERO*: in *L*,
ALLEGRO: in *N*, *ANNO*: in *P*, *APPONO*: nam
 quod in *APERIO*, sublatum est, factum fuit poetica licen-
 tia, nam etiam *APPARERE*, dicimus. In *R*, *ARRO*
GO: in *S*, *ASSIDEO*: in *T*, *ATTOLLO*. Sed in
 uenias, *ADREPERE*, & *ADSVM*, & *ADNITI*.
Consules enim auribus, & materiæ: sicuti *Plautus* cum ioca-
 tur: & maluit *ASSVM* dicere, quàm *ADSVM*: ut sub-
 inferret, *ATEGO*, *ELIXVM VOLO*. Ante *M*,
 manet, *ADMITTO*. Eximitur sequente *s*, coniuncto,
ASPIRO, *ASCENDO*, *ASTRVO*: item *G*, coniun-
 cto, *AGNOSCO*. Contra, additur inter uocales, uel mu-
 tata altera, ut *REDIGO*, uel neutra, *PRODEST*,
MEDERGA, *REDHOSTIRE*.

M, in *N*, ante omnes, præterquam ante *B*, *P*, & seipsam. *IM*
BVO, *IMPONO*, *IMMOROR*, *CONCIO*, *CON*
DO, *CONFERO*, *CONGERO*, *CONIVRO*,
CONVTIBILIS, *CONNITOR*, *CONQVI*
RO, *CONRVGO*, *CONSEQVOR*, *CON*
TVEOR, *CONVOLO*, *ANXVR*. Sed aliquando
 etiam sequentis *L*, aut *R*, naturam subit, *COLLIGO*,
CORRIGO: fuit enim *CVM*, præpositio, non *CON*,
 alia ab illa, quæ in compositione tantum inueniretur: Nam
 etiam in aliquibus integra mansit, *CVMPRIMIS*, quod
 uerbum, qui diuisere, ut duo facerent, pauca fuere lectio-
 nis, neque meminere etiam dictum à ueteribus, *CVM*

PRIME. sicut, APPRIME. Item si esset CON, ut dixeret, quænam illa sit, quam audimus in COMES, COMITIVM, & clarius etiamnum, in MECVM, TECVM? Præterea sequente uocali, quis unquam abiecit N? at abijcitur consonans in hac præpositione composita cum uocalis inijs: ergo talis est, qualis abiectionem patiatur, ea autem est M. Nam alioqui interponimus consonantes, ut diximus, MEDERGA, REDEO: etiam sequente aspirationis crassitudine, REDHOSTIRE. At in COGO, quod fuit COAGO, & COHORTOR, & COORIOR, & COOPERIO, quid dicant? Postremo ineptè putet IN, aliam esse, cum per N, aliam cum per M, scribitur. Sed curto fuere prisca Grammatici iudicio, quorum nostri nomen potius, quàm merita sunt sequuti. At satis constat sonum ipsius V, in CVM, rotundiorẽ fuisse, qui etiam nunc manet. Vmbri enim, non Latini obscuriorem illum alterum in usu habebant, quem in NVNC, Gallis pronunciari, admonebamus supra. M, abijcitur, CIRCVITVS, & CASEVS, si à cogendo, ut uult Varro, non à CASA, ut nos iudicamus, deducatur. Itẽ in COGNOSCO, nam γινώσκω, integrum fuit, neque enim est additum, G, ut putarunt, erat enim γινώσκω.

N, in M, ante B, P, M. IMBVO, fuit enim à Græco, BVO, priscum uerbum, βύω, & significauit infercio: IMMORTALIS, IMPONO. In C, etiam uolunt illis exemplis, EN, QUID, ECQVID: EN, CE, ECCE. Abijcitur qua lege M, supra, IGNAVVS, IGNOTVS. In G, non uertitur in IGNOMINIA, ut putabant: sed est ut GNOMON.

R, in L, INTELLIGO. hoc autem usu, non lege factum est: nam INTERLVO, & SVBTERLABOR, & PERLITVS, & SVPERLATIVVM. At Politianus, cum mauult, PELLEGO, uidebatur in hoc, ut in cæteris sibi, non posse esse princeps literarum, nisi solus esset: sed aliunde poterat diuinum ingenium sibi parere gloriam, quàm

quàm ex deformatione Latinae puritatis. Abijcitur in uerbo, PEIERO.

s, in F, DIFFVNDO: neque enim fuere duæ præpositiones, ut sunt arbitrati Grammatici, DI, & DIS: sed DIS, Græca. nam binarius numerus primus est, qui diuidi potest: quod igitur bis facimus, discontinuata opera fit. ideo præpositio hæc ex uno plura demonstrat, DIVIDO. quoniam quæ secta sunt, bis uidentur. Seruatur in multis, DISCOLOR, DISGREGO, DISVINGO, DISPONO, DISQVIRO, DISSIDEO, DISTVLI. Ante cæteras tollitur, DILIGO, DIMOVEO, DIGNOSCO, DINVMERO, DIRIMO, DIVIDO, DIIVDICO. Inuenias tamen DISRVMPPO. Ante B, nondum uenit in mentem, an ponatur hæc præpositio.

x, ante F, mutatur: EFFICIO. ante uocales manet, EXARO, EXEO, EXILIS, EXOLETVM. Non abijcitur ante D, sed ipsum D, tollitur, EXVO, ἐξών. Ante alias manet, EXCIO, EXLEX, EXPONO, EXQVIRO, EXTERO. In alijs autem non eximitur, sed E, præpositio est, non EX, EBIBO, EDICO, EGERO, EIICIO, ELIGO, EMINEO, ENATO, ERVO, EVADO. Inuenias tamen ante F, integrum, EX: sed in eo uerbo, quod quia nolo hic ponere pudoris gratia, aut per te ipse intelliges: aut si non intelligas, non docebo. Cum uocibus autem ab s, incipientibus si componas, quid facias? tollas sibilum? non enim necessarium est, nanque in x, syllaba potest terminari: sed soni suauitatem sequendam censeo: Itaque commodius dicemus EXEQVOR, Græcorum exemplo qui certis locis ἐκ, alijs, ἐξ, dicunt. Sed recentiores, ut sapere uideantur, omnia obturbant: at nos ueterum sequimur simplicitatem, qui EXVL, scripsere, quanquam ab EX, & SOLO, duceretur. Hoc itaque cum recte sic se habeat, pessimo argumento probandi rationem male inuere. Nam inquirunt, si post x, liceret seruare

uare *s*, initio uocum compositarum : pari ac simili lege etiā liceret post *v*. sed non licet: neque enim dicimus, *ABSS ECTVM*, neque *OBSS ESSVM* : sed unica *s*, fuit contentus usus. Vbi dupliciter peccant : primum, cum putant *s*, quod in *EXEQVOR* est, præpositionis esse, non uerbi: hoc enim falsum est: nam significatio uerbo debetur, ergo & partes. & remanet uestigium præpositionis Græcorum lege, quos imitatur, *ECSEQVOR*. Alterum errorem uideas manifestum, cum putant *ABs*, esse integram & naturam præpositionem, cum tamen sit *AB*, per apocopen, *αβ*, quod & patet in *OB* : neque enim necesse habeas dicere *OBs*. sed per apocopen *βως*. nanque *βω*, fuit simplex, *βως* compositum. *OBs* tamen fuisse in quibusdam, uidemus illis exemplis, *OBSCVRVS*, à *CVRA*: *OBSCOENVS*, *παρα το κοινον*, unde *COENVM* nostrum. At in *ABSCEDO*, *ABs* est, & *CEDO* : sed nihil ad rem. *T*, mutatur in *R*, si à patre, non à parente, sit *PARRICIDA*: sed hoc plus placet nobis.

CAP. XXXV.

Ordo literarum, quatenus dictionis partes sunt.
Quæ cuique syllabæ debeat.

ORdinis nomen Græcum est. Dicebant militibus Tribus: Hactenus tibi licet: Hic consistes: Ed progredire: Huc reuertere: *ἔργον αὐτοῦ*, inde ordo. Acoles autem non aspirant, quorum instituto sanè libens accedo: nihil enim helluonem magis sapit, aut Barbarum, quàm è gutture insufflare aduersus eum, quicum loquare. Est igitur *ORDO*, loci ratio, qua quid aut præit, aut sequitur: uel ante, uel retro: uel dextrorsum, uel sinistrorsum: uel sursum, uel deorsum. Nam prioris ratio est, præeundi: posterioris, sequendi. In militia, ut diximus, nata uox. sic & Græci *τάξις*, ab aciei directione: Translata in ciuitatem pro statu hominum, liberorum, seruorum. Inde patrum, plebis: additi & Equites. Et Lex Othonis Theatralis. In plebe etiā fuit ordo: classiariorum,

riorum, proletariorum, duicensorum, capiteensorum. Ab his ad corpore carentes res fufum significatum, ut etiam ordo in numeris dicatur, non folum in rebus numeratis: non temere. Est enim & numerus & mensura cauffa rei numeratae, uel mensuratae, non quidem ut sint, quod sunt: sed ut à nobis cognoscuntur, aut tot, aut tantae, sed haec altioris sunt operae. Est igitur in literis ordo, potestatis pars, secundum quam licet ipsis aliam atque aliam fortiri sedem, propter uim qua inter se aut conueniunt, aut dissident. Quamuis autem in syllabis cognoscitur, non tamen à syllabis fit, sed facit syllabas: est enim forma syllabarum Ordo: ac propterea non ad loca, quae de syllabis statuunt, referendus, ut fecere ueteres: sed hic retinendus, ubi agitur de elementis: Elementa enim syllabarum materia sunt: ordo autem forma, aut potestatis pars, aut ab ipsa pendens potestate. Est igitur unum ex duobus principijs syllabarum. Cum autem duplex sit ordo: unus ob compositionem, quo quid aut praestit, aut praestitur: alter in discendo: ut de quo elemento primum sit scribendum: prior species ordinis uera est: quippe ex qua syllabae constantur: is enim literarum finis, qui partium propter totum. Alter modus, qui, qualis ue sit, suo mox dicitur loco. Est enim accidentalis, quanquam ab ipsa profectus substantia. Nam cuius forma est eiusmodi, ut prima prodierit in lucem atque usum sermonis, hoc de sese praestat, ut prima quoque dicatur, proxima namque est naturae communis. Ac quanquam de syllaba nondum dicimus, tamen hic tanquam de principijs syllabae scribentes, nomine tenus syllabam referemus.

Omnis igitur literarum cohaerentia, aut in eadem syllaba fit, quam propterea Graeci *σύνταξις*, quam nos in philosophia aliquando constitutionem, alias concretionem, hic facilius coniunctionem dicamus, per quam syllaba, quae literarum coniunctio quaedam sit, constat, aut in diuersa destituuntur literae, neque sub eundem tenorem ueniunt, ideoque *διάντησις* uocant Graeci: nos discretionem, distinctionem ue nominamus: ipsaeque literas dissitas. Id autem uocum dignoscitur
i tur prop

tur proportione : quarum ut quæque initia obseruamus, ita & syllabis ascribenda iudicamus. quoniam enim ab his incipiunt uoces per syllabas, ipsæ quoque syllabæ incipient. Exemplum est CONSPIRO : quia ab NSP, nulla uox incipit, ne syllaba quidem incipiet : sed N, prioris erit syllabæ finis in diastasi, cum sequente, propterea quod à cæteris duabus inueniās principium dictionis, SPES. Neque uero euenit id propterea, quod ex CVM, & SPIRO, compositum est, ut quasi in partes pristinas reducat : sed idem modus erit etiam in PVLCHRO : erit enim PVL, prior syllaba. Altera autē à duabus incipiet consonantibus : ideo quia uocis initium inueniās tale, CREDO. In EXCEDO, autem si quis quærat, ubi sit distinctio faciunda, intelligat non esse necessarium scindere X. nam quanquam est duplex ui, figura tamen una est, & indiuisibilis, quemadmodum supra diximus, alioqui non esset elementum. Neque si sit facta uis dictionibus, per concisionem, ut EXTINCTI. duarum enim literarum ultima erit syllaba, quia LYNX, dicitur.

Proprium autem est coniunctionis, certas uocales, certasque admittere consonantes. Disiunctionis autem, omnes quidem uocales, non omnes consonantes : ut N, non admittit ante se P, aut B. Et in coniunctione Q, non aliam admittit, quam V, & ad diphthongos conficiendas non omnes concurrunt uocales. Eas igitur se mutuo anteire, aut consequi diuersis in syllabis, iam declaratum est. In eadem autem syllaba præcunt, A, E, O : subeunt, E, V. Quinetiam uetere in diphthongo EI, subit, I, ut QVEIS, pro QVIBVS. scriptum tamen à Vergilio esse unica litera, constat ex Gellianis narrationibus. In interiectione tamen, HEI, manet adhuc. At Græci postposuere etiā ipsi V, in HARPYIA : & Ω, & Η, & Α, *ωδὴ, ἥλω.* Sed & post V, in eadem syllaba inueniuntur A, SVAVIS, SVADEO.

Consonantes autem sic ordinantur : Omnes pene consonantes antecunt duas liquidas, L, & R. Duplices autem non antecunt, præter Z : antecedit enim ipsum M, si uerum est, quod placuit

placuit quibusdam, ZMYRNA. Exempla liquidarum sunt, BLÆSVS, BRVTVS, CLÆRVS, CRÆSVS, DRACO, FLACCVS, FRANGO, GLORIA, GRACCVS, PLICO, PRECOR, STILATVM, TRICA. At Q, neque liquidas, neque aliam quampiam præcedit. Neque D, nisi unam ex ipsiſ: non enim L. Cæteras B, nullas præcedit, ac ne ipſum quidem N, in uerbo ABNVO. Sed in ABDOLAS, amplectitur ipſum D, quoniam inuenias, BDELLIVM. Etiam in AETNA, diſiuncta ſunt T, & N. At uero, C, D, G, P, non reſpiciuntur. Exempla ſunt, *Αναφύξις*, CNEVS, GNATVS, *πνίω*. Igitur coniuncta erunt in CYDNVS, *Αἰώνιος*, AGNVS, SYPNVS. M, in eadem ſyllaba cum nulla ſequentē eſt, præterquam cum N: ut in MNEMOSYNE: & ipſum ante ſe unam aut alteram tantum patitur: D, apud Græcos, *Δμωγ*. & S, SMARAGDVS: & ſi uerum eſt quod aiunt, etiam Z, ZMYRNA: quod ſi uerum eſt hoc, duplicem præcedere, etiam utrauiſ eius pars idem munus obire poterit, tam S, quàm D. Habet autem ipſum M, eandem rationem cum P, & C, & liquidis: ut poni poſſit ante S. Nam quemadmodum dicimus, EX, &: ſic etiã HYEMS, SIREMS, & S, MENS, ARS. Nam M, & N, inter liquidas quoque recenſuere. Sic ante X, tres ponuntur, FALX, LANX, ARX. quod commune habent inter ſe, non autem cum M. E contrario ipſum S, antecedere poteſt B, C, D, F, P, Q, T, *σβερνίω*, SCALIGER, *δοδω*, quia eſt in Z, *σφενδύνη*, *σμήνη*, SPES, SQVILLA, STOLO: cum cæterarum nulla. Veteres hic cum alios admiſſere errores, tum inſignem illum, qui negarent ante D, poni: at tanto nobilius ac uerius: coeunt enim adeo, ut literam efficiant unam, Z. Nulla mutæ inter ſe coeunt, niſi BD, ut BDELLIVM. quod etiã uidebatur quibusdam aſperiuſculum, iccircoq; mitigarunt interpoſita uocali, BEDELLIVM. Sed tamē apud Græcos eſt *Βδάνω*. Qui negant Z, præponi ipſi M, in SMARAGDO, forſe

tasse uera dicunt. Sed eorum argumentum falsum est: sic enim aiunt: In fine carminis dactylici non posset collocari uox illa, neque enim præcedens syllaba finalis in præcedenti dictione posset corripī, non enim potest abijci ipsum *z*, sicut abijciitur *s*. Sed falsa est comparatio: interposito enim interuālo non coniunguntur uoces: itaque non fit positio ad productionem. Quam qui sibi cōfinxere, ut euadant hanc incommoditatem, modò mutam cum liquida excusant, modò sibilum, modò aspirationem tollunt: sed tot monstrosus opus non est: multa sunt exempla, multæ rationes. Nam quemadmodum dicent illud Homericum dactylo comprehendi? αἶσϋλα φέζωρ: aspiratio enim cum ipso *R*, producit præcedentem, quod est manifestum in uersu Theocriti ex Herculillo, ὃ ρ ὁι ὕπερθε. finis enim senarij dactylici est. Itē *I*, consonans inter duas uocales semper longa est. Ergo quomodo dicamus, REGIA IVNO. Est & illa ratio inuicta, si diphthongi finales, non semper corripuntur sequente uocali, sed etiam poetarum arbitratu producuntur: sequens syllaba initio uocum, fines præcedentium non mutabit. Sed hæc alibi propria opera sunt expedita contra ambitionem Grammaticorum.

CAP. XXXVI.

De disiunctione, siue disitis literis. Vocales.

Disiunctio accidit omnibus uocalibus, & mutua inter diuersa, & sua cuique ab seipsa. *A*, cum cæteris, *AER*, *SAIS*, *TETRAON*, *PHAVLV*. *E*, cum cæteris, *EI*, *EO*, *EVNT*, *EA*. *I*, cum alijs, *FIO*, *FIVNT*, *FIAT*, *FIET*. *O*, cum reliquis, *COVS*, *COA*, *COEO*, *COIT*. *V*, cum reliquis, *SVA*, *SVE*, *SVI*, *SVO*. Itē cum seipsis, *NAVSI*, *CA*, *DEEST*, *DII*, *COOPTO*, *SVVS*. Sunt hæc disiunctiones numero quinquæ & uiginti. Quarum uiginti inter se reciprocae sunt: Nam ut quæque præcedit cæteras, ita præceditur ab illis.

CAP.

CAP. XXXVII.

Consonantium disunctiones.

D, disiungitur à B, ABDOMEN: & quidem mutuo, ADBI-
BO. B, ab N, ABNVO: sicut M, à D, ADMITTO.
B, præcedit F, sed mutatum, AVFERO: neq; enim est *av*,
ut ait doctissimus Gellius: eius acumen laudamus, iudicium
non sequimur. Præceditur autem à tribus liquidis, idq; com-
mune habet cum suis cōparibus, ALBUM, AMBO, AR-
BOR: ALPES, AMPULLA, ARPINAS: ALFE-
NVS, ARFERIA. sed M, ab hac excluditur, ut dixi-
mus. Item præceditur ab ipso C: idq; cōmune habet cum
M, T, S: PYRAMON, FLECTO, FLEXVM: est
enim FLECSVM. Præceditur etiam à G, EGBATA-
NA. idq; habet commune cum D, MIGDONIDES: &
cum M, AGMEN.

T, præceditur à C, & P, siue tenuibus, siue aspiratis: sed plus
Græcis, quàm nobis, *τῆτα, τῷτα, φθονα, χθύς*. quorum exem-
plo intelligamus *τῆτα* in illis, ACTVS, APTVS, A-
PHTHONIVS, *ἐχθύς*. Ipsum C, præceditur ab X, EX-
CVTIO. Item suum par, EXQVIRO. Habet hoc com-
mune cum L, EXLEX: cum P, EXPVO: cum T, EX-
TVLIT.

M, præcedit B, & P, ut diximus, & seipsum, ac præterea nul-
lam, AMBO, AMPLVM, AMMENTVM: neq; enim
antecedit N, ut dixere: nam in AMNE, est *ονσιν*: exem-
plum, MNEMOSYNE.

L, & R, ferè omnes præcedit, ARBOR, ARCERRA, AR-
DEOLA, CORFINIVM, CORGO, PERIVRVS,
PERLEGO, PERMEO, PERNOX, PERPES,
PERQVIRO, PERREXI, PERSONO, PERVO-
LO: ALBION, ALCON, ALDVS, ALFENVVS,
GALGVLVVS, SALIVNCA, ALMON, ALNVVS,
ALPES, ALSIOSVS, ALTELLVS, ALVEVS.
Iccirco diximus, Ferè: quia L, non præcedit Q, neq; R. Ita
i 3 N, quo

N, quoque multas præcedit, ANCON, ANDES, ANFRACTVS, CONIVNX, ANGERIA, CONLVSTIBILIS, ANQVIRO, CONRVGO, CONSVL, ANTES, CONVOLO, ANXVR, ZINZIBER. Ante B, M, P, nunquam.

s, interdum obsidetur utrinq; à c, in ipsa duplici excipiens adueniēs c, initio subeuntis dictionis. EXCOQVO: idem enim est ECSCOQVO.

Duplices nullam præcedunt, neq; in constantia, neq; in distantia: sed uocales semper in constitutione. *Σίλω, Ξερόν, Ϊαίω.* at non retinent eam pertinaciam in subeundo: dicunt enim ARIOBARZANES, Persæ, & XERXES: & nos ANEXIVS, ut ostendimus iam: Græci, *κέρω*: Arabes etiam ALZIT, & ALZIBIB, oleum, & uua: & alia multa etiam extra articulum.

CAP. XXXVIII.

Ordo discendi Elementa.

IS est ordo, qui est principium, ac quasi forma syllabæ: nunc autem diligenter ordinem natalium, atq; usus earum uideamus. Neque enim recte fecere prisca, aut Latini, qui quem à Græcis, aut Græci quem à Syris accepissent, ordinē retinuerunt. Sed ut quæq; prima nata fuit litera, ita prima quoq; sese offert ad pronuntiandum. Idcirco & à uocali, propterea quod uocales syllabarum formam ferunt secum, & à notissima earum recte omnia idiomata ordinem auspicata sunt, Chaldæi, Arabes, Scythæ, Græci, Latini. Est enim A, prima, notissimaq; infantis uox, cum qua uitæ huius spiritum primū hausimus: neq; re ulla eget alia, quàm hiatus oris solo, line ullo cæterorum motu instrumentorum. Ludunt enim Græci, qui à Phœnicibus ALPHA, bouem dictum autumant: cuius pecoris quasi auspicio quodam Cadmus urbem Thebas condiderit: cuiusq; opera seminio illo fabuloso ciues suos, quos ideo *αἰετὲς* uocauit, collegisse: à terra enim oriundos mentiebantur, eo dimetientes & nobilitatem suam & possessionē peregr

peregrinis inaccessam: quo iure quasi parentem ab occupatorum amplexibus arcerent. Sic & GAI, & OPICI, in Italia ab eadem terra sese nuncuparūt. Cæterum Græcorum in mentiendo audaciam superauit quorundam stultitia, non in credendo solum, sed etiam in prodendo. Nos autem Arabicæ linguæ non totius ignari, scimus & à Syris hodie, & à Mauris qui inde aduecti sunt, T A V R, bouem dici: putamusq; in Græciâ à Cadmo eam uocem translata. Igitur uocales duæ quæ essent amplissimi soni A, & O, præponendæ alijs fuerant, quemadmodum huic illa est anteposita: quæ autem esset obscurissima postponenda, V, eiusq; similis altera ei apposita Y. Duæ autem mediæ, E, & I, medium in locum cōuenissent. Sed de E, post A, primo statim loco scribendum fuit, propterea quod esset magistra quasi quædam omnium consonantium: Quarum nomina, paucis exceptis, aut in eam desinerent, aut ab ea inciperent. Ante alias autem consonantes de Sibilo primo loco agendum fuit: uocali enim proximus est: simul & de Aspiratione: nam paulo compressiore spiritu Aspiratio, paulo tenuiore Sibilus effertur. Atq; etiam de Aspiratione prius, quàm de Vocalibus dicendum fuerat. Sed quia affectus potius quidam est, quàm elementum, postremam omnium commodius ponemus. Octauo eam loco Latini constituere, ueterum imitatione. Nam cum à Simonide E, uocalis sonus, ubi perpetuo produceretur, notatus fuerit figura H, qua Athenienses usi essent antea ad aspirandum: atque ille eam post E, cui substituisset, statim reposuisset: Latini receptam ab Atticis & figuram & potestate, Simonidæ ordinem sunt secuti. Nam Latini ipsam F, cum interponeret, sanè numerū auxere: cui sedem eam quare assignarint, haud facile explicari possit. Nam & inusitata littera apud multos Græcorum est: & si spiritum eius in pronunciatione respicias, ipsi D, anteponi debuit: si originem contemplare, post G, statui: fuit enim ex duplici, F, unde etiam digamma appellata: partes enim totum anteire debet. Primores autem consonantū in cunnis sunt B, G, M. quare Arabes

Arabes atque Hebræi, Græciq; longè quàm Latini sapien-
tius, qui statim post A, ponerent B. post quem G, non C, ut
nostri. facilius enim G, quàm C, pronunciatur: quanquam
inter linguæ uitia aliquos inuenias in C, aliquos in T, hæsi-
tantes. L, quoq; facilima fuit, atque inter primas reponen-
da: lactentis enim ætatis est: itaque udam Græci appellarūt:
minus commode communicato nomine etiam ipsi R. quàm
equidem iudico postrema in sede recensendam, sed ante du-
plices tamen, quarum unaquæq; eo loco statuetur, quo eius
origo fuit: ut ψ, prima sit, quia B: at ζ, ultima quia C: me-
dia autem z, quia D. Q, nouum inuentum Latinorū, aut
statim post C, aut omnium ultima collocaretur. N, autem
post L: idem eius filum pronunciationis utriusque fuit. Neq;
uerò idem ordo apud omnes sit nationes, sed ut cuique fres-
quentior est litera, ita prior alia esse debet. Quemadmodum
etiam illud intelligas, apud Vmbros prius de v, quàm de o:
contrà apud Romanos.

C A P. XXXIX.

Figuræ Elementorum & earum causæ.

Nunc de figurarum causis dicendum est: de antiquis figu-
ris loquor: quas qui Atticas, non antiquas uoluerunt ap-
pellare, ostenderunt, quàm & multum scirent, & parum sape-
rent. Neque enim Atticarum cognomento circumlatæ ullæ
unquam literæ fuisse, sed Ionicarum: pars enim Ionix Attica
regio fuit. Nam cum in duas partes uniuersa esset Græcia di-
stributa, Peloponnesum, Dore, cæteram regionem Iones
obtinerent. Duos super hac re uersus ponit Strabo certis in-
scissos columnis, quos qui uolet, leget. Nam idē cum in Asia
Ioniam recensent, colonias pro matrice ac primaria regione
supposuere. Quorum mores in luxum, ac mollitiā Barbar-
orum cum abiissent, puditum est Atticos Ionicæ appellati-
onis. Cæterum nomen & illorum usui in literis, & Dorien-
sum mansit consuetudini. Idcirco autem dictæ sunt antiquæ,
quia recentiores alijs notulis uti maluerunt, quibus etiam ma-
ximam

ximam horum partem descriptam uidemus : quare etiam MAIVSCVLAE sunt appellatae : à notioribus igitur incipiendum est.

Ac figura quidem accidit literis, per lineas. Quanquam autem figura est spatium lineis contentum, paucæq; literæ, aut totæ concluduntur lineis, ut D, B : aut partes earum, ut P, Q, R : quædam uero etiam unica tantum linea describuntur : tamen est eis attributum figuræ nomen, propterea quod non essent ueræ lineæ Mathematicæ, sed potius superficies angustæ quædam. Omnis autem linea, aut est obliqua, aut recta. Nam quod Galenus diuidit in curuam & cauam, id est per accidens : eadem enim lineæ contingit, ut & caua sit & curua : sicuti obliqua dimetiens linea quadratum, inferiori triangulo curua erit, superiori caua : neque enim in linea obliqua cauum à curuo melius distingui potest, quam in puncto dextrum à sinistro, superum ab infero. Sed eadem linea distinguitur figuræ unius cauum, ab alterius figuræ curuitate. Omnis igitur litera, aut linea, aut lineis constat : item aut recta, ut I : aut rectis, ut H : aut obliqua, ut O : aut obliquis, ut Q : aut recta, & obliqua, ut P : aut obliqua & recta, ut G : aut recta, & obliquis, ut R, B. Hæc est diuisio à substantia : ab accidenti autem sic : nam transversum, & perpendicularare, & diametrale, & iugale, & decussatorium accidentia sunt lineæ uel rectæ uel obliquæ. Perpendicularis una, I : duæ H, eæq; iugatae : Duæ angulares ad medium perpendiculum, A : una perpendicularis cum una iugata, L : cum duabus, F : cum tribus, E : Duæ perpendicularares iugatae diametro quadrati, N : & alio situ Z : duæ diametrales X. Sunt & curuæ inordinatæ S : nam Græca ex æquo respōdet sibi, z : sunt simplices, ut alia : compositæ, ut co, & F : quarum illa originem suam repræsentat, o, o : hæc nullam r, r, potestate.

C A P. X L.

Causæ singularum.

Nunc singularum causas uideamus. A, tota Græca est : hoc satis habebamus : sed ne illi ipsi quidem sine causa : à

k Syris

Syris enim. Quid Syri? Quidam dixerunt latum sonum in angulum desinere, iugumque ipsum præscribere metas latitudinis. Sed eorum audaciam arguit & Α, Græcorum, à quibus ipsum illud Α, fluxit: & Δ eorundem, cuius iugum præscribat hiatum nullum: nam quo pacto aut ex ore, aut in ore triquetram possint figuram constituere, sanè nescio. Differt autem utram incas rationem. Nam si propterea simplicissimū putes elementum, quia primum est: ita sanè scribas sicut Arabes, qui positæ lineæ perpendicularis calcem sinistrorsum uersus produxerunt, quasi in figuram nostri L, aut G, Hebræi inuersi. Sin hiatum cōtemplere, patula facies ei potius debeat. quam etiam quadratam primum finxisse Hebræos par est, item Chaldaeos: uel ut ante hos fabulantur quidam, nescio quos Aramaeos. eamque linea dimetiente dissecatam, sic □, quam postea concinnarunt. Sic igitur esto diuaticata propter hiatum. Huic autem cum soni exilitate atque obscuritate contraria esset Υ, unde & Ὑδρῶ accepit cognomen: figuram quoque opposuere inuersam, bifurcatam. Huius itaque sono cū proximum sit V, nostrum, non ualde ab eius figura diuersam faciem habuit. sed subducta columella, furcas bifidas contrarias ipsi Α, retinuit. cuius naturæ ipsum quoque esset contrarium pronunciationis obscuritate. Ac sanè aliquando fecit, ut dubitarem, uir doctissimus Ausonius poeta, an V, notula fuerit in usu Græcis. ille enim Græcam negationem οΥ, unicam fuisse literam illis uersibus professus est:

Vna fuit quondam, qua respondere Lacones

Litera: & irato Regi placere negantes.

Sed uidetur allusisse ad sonū Græcum, & ad figuram nostrā: exprobrat enim hoc illis Nigidius Figulus, qui nesciuerint figuram unam inuenire, qua V, nostratis exprimeret sonum. O, suis sibi à natalibus usque figuram attulit, expressa pictaque oris rotunditate: sicut I, soni maximè exilis, excusso omnium tumore, ac uentre: quā tenuitatē cum E, faciat pinguiusculam, iugulaui mus obeliscis quibusdam: quorum sanè numeros pot

rus potius seruiuit decori, quàm necessitati: sed aut duobus extremis satis efficere poterant sic, c: aut medio uno, sic, r: sed illa propius accedebat ad c, apud nos: hæc autem apud Græcos ad aspirationis notam. Nam quominus summo tantum essent contenti, in causâ fuit r, Græcis: quemadmodum Latini, imo solo nequiuērunt esse contenti, propterea quoddam figuram l, occupasset: placuit itaque ternis rostris faciem efficere pleniorē. Vbi autem antiqui sunt longiuscula forma, ipso l, describendo, cum geminaretur: idēq; decoris gratia, sic, l v l i l. Huius cōsuetudinis literam longam uocat Plautus in aulularia. quam interpretes iccirco, pro l, sunt interpretati, quia Barbarorum usu sic nunc scribimus.

B, item Græca est, sicut m, n, t, z, uel sono, uel figura: at c, ex dimidio Græca est: subtracta nanque columna ipsius k, cuspis nuda remansit, sic, z: cui ad faciliorem scripturam angulum ademere. Sicut etiam ipsi Δ, quod fecere ut esset d: sic ex z, creauere s, subducta basi, & angulo hebetato, ut non amplius Scythicum arcum imitaretur: id quod notabat Athenæus ex priscis fabulis. sic ex r, quod abscidissent de π, finxere ipsum p. circuli enim quàm anguli ductus facilior: propterea quod unica linea unico absoluitur motu: at Angulus duabus lineis, ergo duobus motibus, igitur quiete interposita. hoc enim in naturalibus declaratum est. Postea cum nostrum hoc p, concurreret cum illorum litera, quam Canis nam uocat Persius, ut à nostra distaret, caudam addidere, r: sicut & ipsi c, ex quo cognatam effingerent g, atq; eodem consilio eidem addita alio modo cauda ut fieret Latina litera, qua Græci carent sic, q, quam postea in hunc modum clausere. Q. Est etiam ratio, quare subdidissent caudam: deferendus enim ei semper comes suus fuit illi, sic, qv.

Factum autem est, ut non solum Angularum hebetatione, & uirgularum additione, ademptione, Græcas in usum suum transferrent Latini, sed etiam integras seruatas inuersa figura reponerent: nihil enim aliud est nostrum l, quàm illorum r. quoniam illorum Δ, nimis prope esset ipsum A, cuius ius

gi describendi possent obliuisci. simul turpe fore arbitrabantur, si uocalis nota plus egeret operæ, quam consonans: cum pronunciatio è simpliciori penderet potestate. Digamma quoque inuersum α , duplex est β . Quare non male excogitauerit, ut ν , Græcam exprimerent per antisigma, Σ . neque, quominus id reciperet, in caussa fuit, ut aiunt, soni mollitia, quam ipsum ν , representat, nostra ρ ς , non assequuntur. nam quod argumentum adducunt, id est nullum. $\alpha\rho\alpha\psi$, quia facit, $\alpha\rho\alpha\beta\theta$. est enim ubi non faciat, $\sigma\alpha\psi$, $\sigma\alpha\pi\theta\varsigma$: quare quod officium præstat illis, nobis non denegasset. Age uero quid prohibuit, quominus illi aliqua figura exprimerent nostrum ρ : nam qui à Romanis uiuendi leges acceperant, etiam loquendi non negligerent. erat enim eis in promptu $\alpha\nu\tau\iota\kappa\alpha\pi\pi\alpha$, χ . neque addere ν , quod ne Latinis quidem fuerat necessarium. Nam quem sonum, ipsum ρ , cum ν , iunctum habet, potuit etiam seorsum, si attribuisent, per se obtinere. Ita etiam in ANGELO , si non est χ , in $\alpha\gamma\gamma\lambda\theta$, si non est τ , geramus morem morosis istis, & antigamma statuamus sic α . quod ipsummet sit hoc, quod neutrum illorum quiuit esse.

Acceperunt autem non solum easdem eadem potestate, & figura, eodem uel inuerso situ, sed etiam & figura & situ eadem, potestate uero longe dissimili: ut χ , quæ illis esset aspirata, nobis esset duplex: & quæ illis esset media simplex τ , nobis esset aspirata geminatu ϕ . Sed & uocalis notam ab Atheniensium institutis usque repetiuimus ad aspirationem, cuius illi usum inuertissent. η , enim nunc pro ϵ , longa: olim pro aspiratione Attici posuere, ita etiam, ut insererent: quos Latini sunt secuti, HERATON : etiã in medio, $\kappa\tau\alpha\eta\alpha\eta\alpha$. quod ne nos quidem negleximus, PROHOEMIVM . Quare postea semper tenuit consuetudo, ut centenarij numeri nota esset η . quod fuisset illius uocis initium. sicut apud nos, eadem ratione, ϵ .

ι , autem & ν , consonantium figuras non excogitarunt. poterant tamen sic fieri, I , & V , nisi Acolicum illud maioris α .

CAP. XLI.

Literarum notæ cum potestate numerorum signan-
dorum, & Nominum.

FVit & certus usus literarum, qui etsi ad potestates potius referendus est: tamen quia sine figura cognosci non potuit, huc, ut opinor, commodissime distulimus. Est autem duplex: quippe uel ad numeros digerendos, uel ad certa nomina indicanda. Igitur Vnum per 1, signabant, quoniam minimo spatio esset uirgula, sicut unitas nullo: Ac repetebant sanè unitates, ad Quinque usque, quem numerum per v, describebant: non propterea quod ea nota esset dimidium ipsius x, quo denarium designarent: neque iccirco, quia olim scripserant Qv, & postea Q, sustulissent: sed quoniam esset quinta uocalis: cum qua repetitis, atque appositis unitatibus, ducebantur ad numerum Denarium: quem iccirco x, litera notauere, quia in numero atq; ordine uulgari statim ipsum v, sequebatur. Quo consilio etiam Centenarium numerum cum statuissent per c, sequenti elemento, scilicet d, Quingenarium deposuere. Ratio autem Centenarij à prima litera ipsius nominis accepta fuit: sicut & Millenarij, per m. Quinquagenarij autem notam non à nomine, sed à Græcorum instituto excogitarunt: nam cum illi per n, pingerent quinquaginta, priusci Latini, qui huius elementi loco ponerent identidem l, in hunc quoque usum substituere: & monuimus apud poetam sic scriptum legitur à doctioribus,

Dant manibus famuli Nymphas. Sanè uero Lymphas à Græco νύμφη ductum nemo negat. & πρίγλη, quasi πρίγλη, ut uolunt. In nominibus quoque designandis usi sunt certis literis, ijsq; eorum primis: c. Caius: p. Publius: & inuersa, ut c, Caia diceretur. Ergo Publiam si legemus, etiam inuerso q, scribendum fuit. Sed de his suo loco inter nominum rationes, ac prænominum disputatum est.

CAP. XLII.

Potestas mutua quarundam cognatarum literarum,
 quas Græci uocant ἀντιστοιχία.

POSTquam de communi omnium, deç singularum diximus potestate, nunc elementorum cognationem quandam uideamus. Proprium igitur est Nouem literarum, in quincunx, quasi dispositarum triplici serie, constitui: quas iccirco Græci ἀντιστοιχία appellarint, quia inter se mutua subirent sede. Nos elegantissime dicere uicarias possumus. Cognatae uero, atque etiam coniugatae recte uocabuntur. Sunt tenues tres, C, P, T: quibus addita aspiratio, totidem creat Græca prudentia, unica sua quæque notula insignitas, X, Φ, Θ. Mediam autem inter C, & X Græcam, habemus G. Itaque & ἀγκύρα, & Anchora, dictum est: & C N E V S, & G N E S V S. Inter P, & Φ, fuit B. quare & βιστία, & quisτία, & πιστία dici consueuisse, prodidit Athenæus. Inter T, & Θ, situm est D. iccirco ἰνδαία, & ἰνδαία dicere Græci sine flagitio instituere: & nos A D Q V E, in A T Q V E mutauimus. Quincunx igitur sic disponetur: Tenues tres, Mediæ sub his, imæ Aspiratæ. Vt quam proportionem ipsæ inter se habent propter speciem, à qua tales dicuntur, eam habeant ad cognatas, propter affectionem. eiusdem enim speciei sunt C, P, T, P, B, Φ. quippe aspiratæ sunt semiuocales, tenues sunt mutæ, mediæ inter eas. at inter se habent proportionem affectionis, id est potestatis, quam Græci τὸ ἰδιόν uocant. Has autem coniugationes quartus ordo etiam augebit. Nam quemadmodum tenues aspiratione mutabantur: ita per sibilum additum in alium ordinem transibunt. eo enim duplices euadunt, ex Q V I N C V N X C, & S, nostrum X: ex P, & S, Græca Ψ: ex T, & S, fieret aliæ qua pari exemplo: neque repugnat aut communi potestati pronunciandi, aut Barbaræ Vasconum consuetudini, qui I T S E, pro I P S E, pronunciant. Sed Matricem suam Græciā secuti sunt Opici nostri: à quibus recipere unā cum uocabilis

C	P	T
G	B	D
X	Φ	Θ
Ψ	Υ	Z

uocalibus quibusdam placuit usum diuersæ duplicis, Z. Di-
uersæ sanè, propterea quod & media cum sibilo iungitur, nō
aspirata : & postponitur illi, non antepōnitur. Duplices igitur
in suas compares soluuntur cum inflectiuntur: F A E X,
F A E C I S: G R E X, G R E G I S: σήψ, σκωπός: λήψ, λιβός.

CAP. XLIII.

Natura quædam propria I, uocalis.

Est & natura quædam propria I, uocalis : Nam cum cætes
eræ uocales ante uocales corripiantur (hoc effecit facilitas
pronuntiationis, nihil enim moræ inter simplices hiatus in-
ferebatur) una tantum obtinuit quadam quasi prærogatiua,
certis ut locis Græcorum more produceretur, *ἰόντος ἰόντων, δίδω.*
Id quod non penitus sine ratione factum est : Multum nan-
que temporis ponimus in exilis uocalis pronuntiatu, pro-
pterea quod flatus cunctabundus exit inter oris angustias:
iccirco Græci in multis, Latini parcius produxere. Quem
admodum in uerbo, F I O: quo in uerbo ueteres dum le-
gem uolunt constituere, errarunt : sic enim dixere, Semper
in eo producti I, nisi sequatur E, ut in F I E R E M: Hoc
enim falsum est : nam in futuro F I E T, item longa est : ubi
enim esset multisyllabum, multitudine syllabarū, uocalis bre-
uitati quasi supplementum misere. Sed illi perstant in senten-
tia, adduntq̃, Non satis esse, ut E, sequatur : sed id quoque
opus esse, ut E, sequatur in prima persona : at F I E S,
F I E T, non est in prima : uerū adhuc errant : nam F I E S
M V S, prima est : itaque addere debuerant & id, Vt esset
singularis. Sed ne sic quoque procederet è sententia: ita enim
priscos esse locutos constat, F I E M. Cuius rei argumen-
tum habemus ex analogia secundæ, & tertię personæ: & præ-
sto est Catonis auctoritas : Qui ita & pronuntiavit, & scrip-
tum reliquit. Sicut & illa D I C E M, F A C I E M. Eius
enim uocalis sonus cum infinitui uocali coniunctus est,
A M A B O, A M A R E: D O C E B O, D O C E R E: A U D I B O,
A U D I R E: sic, D I C E R E, D I C E M: F I E R E

R I

RI, FIERI. Præterea, quam afferunt regulam, non bene exprimunt. sic enim dicunt: Produci, nisi in ijs cuius persona prima habebit E. at FIEREM, est persona prima, ipsa autem personam primam non habet. Postremo non est ratio hæc ulla, sed observatio: at observatio neminem cogit, sed ostendit, quid inuenerit. turpiter autem quidam recentiorum corripuere in FIO. In secundis autem casibus pronominum quorundam & relatiuorum, quare corripiatur, in promptu ratio est, quippe ante uocalem: at quare producat, sicut ne aliarum quidem rerum, nullam causam assignarunt, ILLIVS, ISTIVS, VTRIVS, VNIVS: quare eam sic eruamus nos: Quæ ad hunc modum exeunt, non ita olim pronuntiabantur: nam consonans in multis, non uocalis reperietur, CVIVS, EIVS: sic erat, ILLE, ILLEIVS: sic quasi diphthongus Græca remansit, ac longa fuit. Ergo uir doctissimus Terentianus non fuit ueritus producere in ALTERIVS, cum tamen cæteri corripere. Neque enim uerum est, quod aiunt, corripitur propterea, quod syllaba una numerosius sit, quàm cætera eiusmodi: neque enim est ALTRIVS, quemadmodum VTRIVS: sed sanè quomodo fuit VTEREIVS, sic ALTEREIVS. Neque uerò eorum ratio bona est: sed usus contentus fuit communi regula, uocalis sequentis uocalem. Analogia autem etiam in cæteris constat. Nam secundus casus, Possessiuus dictus est: Possessiuorum autem multa sic inuenias, PETREIVS, LVCEIVS, LOCVTVLEIVS, à petra, luce, locutione. Quæ autem Græca sunt, non solum disyllaba, ut dixere, de CHIO, DIA, sed etiam multisyllaba, ut SOPHIA, & IONIVM. Theocritus enim illud produxit, in Syringa: hoc autem etiam omnes Latini. Nam quod addunt à Stratio, Tempia Lycie dabis: non facit ad præsentem observationem: est enim λυκῆα, cum diphthongo. Geminata quoque, & in seipsum concreta, syllabam potest producere correptam, ut in decima satyra Iuuenalis:

- Eloquio sed uterque peritorator. esse enim debuit, perijt

rijs. Diuisa contrà passa est moræ diuisionem, M I H I, pro M I. & interposita alio elemento, *mi*, T I B I: *si*, S I B I: quemadmodum suprà diximus: T I, enim, & S I, olim fuerant. Cuius rei argumento sunt alij casus, T I S, T E, S E.

CAP. XLIIII.

Proprietas quædam mutarum, & semiuocalium.

Proprium mutarum, ut uocales natura correptas habeant, A B, A D, A T. sed C, uariat: L A C enim longum est, sic H Î C, aduerbiũ: H I C pronomẽ breue: & H O C, apud Plautum, ut docuimus in libro de comicis dimensionibus. Dîs sputant, an F A C breue sit: uerũ apud Plautum eundem in Curgulione longum est.

Sed grandiore gradum ergo fac ad me obsecro. Altera enim est syllaba spondei. Sic etiam apud Ouidium in primo de Remedio:

Durius incedit: fac ambulet. —

Nam litigiosi Grammatici peruerterunt, cùm uolunt deprauare, ut legatur, O B A M B V L E T: nesciunt enim quid sit, obambulare. neq; enim in uetustissimo codice aliter, quàm uulgo legitur: & ambulantiẽ uult uideri, ob uitium: nam obambulare nihil est necesse. Duo quæ afferunt argumenta, nulla sunt. Primum ab exemplis, ubi corripitur: nam in illis F A C E, scriptum est, non F A C. Alterum ab analogia: nam si Apocope in alijs nõ produxit uocalem, F E R, quod erat à F E R E, ne in hoc quidem debuit. At enim non semper sequitur nos proportio illa: ut in F I O, F I E S, F I E S R E M, eadem uocalis nunc longa, nunc breuis est: & usus extorquet multa. Apocope quoque multa produxit breuia, cùm moram, quam subducebant ex consonante subtracta, res ponerent in uocali: P E C V S, breuem habet finalem: P E S C V, longam. Quare illi iñdem dedere manus, adducti Ouidij manifesta autoritate, in primo de Arte:

Hos fac Armenios: hæc est Danaëa proles.

Quanquam autem hæc eorum natura est, tamen alijs quoq;

1 competit

competit, sed uario sanè euentu, MEL, VEL: EN, NO:
MEN: VER, PER. M, semper corripitur. Sibilus uas-
rius est, S V V S, S V O S. Dicimus autem commodius
nos, quàm ueteres dicebant, mutas habere uocales breues:
at illi aliter locuti sunt, Mutas esse breues, duplices autem
longas. Neque enim consonantium affectio est, uel corripí,
uel produci: sed quarundam natura est, ut patiantur uocas-
les corripí: duplicium autem efficere, ut illæ producantur.
Si enim consonantes producerentur, aut corriperentur, non
egeremus uocalibus in pronuntiacione: neque enim teno-
res, aut tempora in consonantibus sunt: Z, enim producit,
non est producta ipsa. Sic non rectè dixere liquidas esse bre-
ues: neque illa oratio proba est, Liquidæ breuem efficiunt
syllabam. Nam quodd duplices longam faciunt, mora ac diffi-
cultas in caussa est: at liquidæ breuem facere non possunt:
si enim possent, ubicunque ponerentur, facerent: hoc autem
falsum est: sequitur enim tam L, quàm R, longas: ut, *μῆ-
λιν, ἦρος*. Sic duplices, aut duplicatæ, non producunt quā-
libet syllabam: nam *τῆς* priorem producit natura, non pos-
sitione: sic, *γλῶσσα*. Non faciūt igitur ut sit breuis, sed per-
mittunt, neque mutant: nullam igitur habent actionem: ut
in P A T R E, nihil mutant, sed patiuntur talem tantamq̃
esse, quanta fuerat in P A T E R. iccirco à Græcis & molles,
& udx dictæ sunt: at mollis non est agere, sed pati.

C A P. XLV.

De aspirationis potestate secundum loca.

I Nterest aspirationis omnibus interdum præponi uocalibus:
uni autem Y, semper, nisi more Acolico: eam enim nō aspi-
rant, ut diximus. In medio autem inter, A, E, I, O, Athe-
nienſium imitatione, qui ΚΤΑΗΩΝ, scribebant. exempla
sunt, HAMVS, HERVS, HIO, HONOR, HV-
MVS: VAHA, VEHEMENS, MIHI, OHO. Præ-
terea anteponi diphthongis omnibus, HAV, HEV, HEI,
HAE, HOEDVS. Huius sonum me puero non audisſes:
nunc

nunc maximè obseruant literati : quidam etiam putide. In-
 docti uerò etiam locis non necessarijs, ita, ut latrare uidean-
 tur : id quod irridebat in Arrio Catullus poëta: cuius sales
 cum Politianus exultabundus factat sese intellexisse, non est
 affectus. neque enim satis est deprehendere aspirationes,
 quæ ibi tum essent ascriptæ : sed opus fuit cauto, ne lepidis-
 simi poëtæ festiuitas refrigesceret. Nam quare, multa uerba
 cum proposuisset, CHOMMODA & HINSIDIAS,
 clausit epigrāma fluctibus potius Ionij maris, quàm Adria-
 tici? Sanè quia ab Ione cum dicta esset tum regio, tum mare,
 factum est ab Arrio, ut ab hiatu, quem aspirando affectabat,
 Hionij dicerentur. Consonantibus tribus apponitur, qua-
 rum exempla sunt, CHREMES, PHILIPPVS,
 THRASO. Non temerè autem dubitatum est à nobis
 olim, utrum R, ab aspiratione antecedatur uocalium more,
 an antecedat eam ritu consonantium. Ratio dubitandi fuit:
 nam cum aspirationis loco ponebant, B, præponebant ipsi
 R, ut BRETOR : ergo si uices gerit, uidetur etiam locum
 uindicare. Præterea R, nulli consonantium præponi potest:
 ergo neque ei, quæ consonantis habetur loco. Sanè uerò aspi-
 ratio ante uocales statuitur, neque ualde differt ab Aeolico
 elemento. Potest & illud augere dubitationem : excogitatu-
 ros fuisse Græcos aliquam notam, qua concretam aspiratio-
 nis & illius literæ significarent potestatem, sicut cum com-
 plexi sunt, alia tria, ϕ , χ , ψ . Sed notula imposita ipsi R,
 ostenderunt eundem usum aspirationis in eo fuisse, qui & in
 uocalibus intelligeretur. Contra tamen Latini etiam in ue-
 rustis monumentis postposuere. Causa aspirandi fuit so-
 ni uolubilitas, atque uibratio, ut dicebamus. In omni autem
 uibratione recipitur aër per interualla : quare intra ipsum
 potius elementum aspiratio ipsa, quàm præposita percipia-
 tur. Latini autem spreuere illam asperitatem. Nam quemad-
 modum extra ipsum R, eam deprehendas aëris crassitiem
 geminetur enim, quod apud Græcos fit, non possis præpo-
 nere sic, PYFRRVS. sed si postponas sic PYRRVS,

l z non

non potius uideare priorem literam, quàm posteriorem onerare. Quidam minus sapienter etiam R O M A M aspirant, cum tamen Romani ipsi de suo R, omnem exemerint usum aspirationis. Stultius autem, qui etiam R E N V M fluuium: neque enim Germani ei elemento apponunt flatum ullum: Lenissime enim sua lingua pronunciant, iudicem, & annulum, & equum, & alia. neque par est nobilissimæ gentis fluuium à Græculis rationem nomini accepisse: sed qua nunc uoce pruinam appellant, fortasse aquam omnem gelidam, atque inde etiam Renum nominarint. In *ῥενυδος* autem & *ῥενυδος* uideris quemadmodum præponatur ipsi R, fuit enim *ῥενυδος ὁδὸν*.

Richter,
Ring,
Roff,
Riff.

CAP. XLVI.

De modo, ac ratione scribendi.

POSTquam literarum originem, numerum, causas, atque usum contemplati sumus: interest ueri philosophi illud quoque indagare, uter sit modus naturæ propior in scribendo: is ne, quem Hebræi sequuntur, à dextra nostra in sinistram introrsum: an noster, qui à sinistra in dextram extrorsum excurrit: est enim motus una ex causis literarum: quare motus ipsius ratio siue modus literarum quoque generationis crit affectio. Atque illi quidem tuentur se mundi origine, quasi cum naturæ legibus omnia instituta sua tum in corrupta nacti sint. Cæterum hoc nihil iuuerit eos: quippe multarum artium inuenta post illa rudimenta emergere, quare consulto factum sit, ut multis cum alijs eorum legibus, hoc quoque sit emendatum: atque ideo à rationibus deducenda sint consilia huius consuetudinis. Poterunt afferre, motum cœli esse à dextro in sinistrum: atque ita eorum tractum in scribendo cœlestem motum imitari: à dextro enim in sinistrum ducunt. Huic rei summa cura certis in locis respondimus: & in libris de Cœlo, & in Commentarijs de Insomnijs. Cœlum neque dextrum habere, neque sinistrum. Ad hæc multæ sunt rationes, quibus peruersè scribere arguuntur

guuntur. Principio motus manus naturalis extrorsum est. quies enim intus ad pectus & oculos in foetu. igitur primus motus extrorsum explicatur. quare pugna quoque sic cietur, & cætera opera, extento brachio, non retractio. Præterea nobis relinquatur sub oculis ad contemplandum, quid, quantumque descriptum sit: quod illis calamo ac manu regitur. item in dextrum humerum conuersa facie sunt statuarum, atque imagines: sic enim & creditæ sunt opus suum respicere, & contra hostem stare: quare Aquilarum rostra in signis ad eam quoque partem picta fuisse. Ergo obtutus noster suapte natura plus dextrorsum uersum fertur. Illud uero argumentum inuicium est, eos ipsos inter scribendum literarum ipsarum uirgulas ac lineas directas aut transuersas à sinistra inchoatas, in dextram definientes terminare. Quæ igitur partis ratio, eadem etiam sit totius: & quemadmodum linearum tractus, ita literarum quoque ordo seruandus erit. Sed extrinam prius inuenit gens illa, quam scripturam. Textores enim tramæ primum filum introrsum iaciunt: id autem coacti, non natura: quoniam dextra manu cum incipiunt, & sinistra operam uicissim petunt, sic motus fuit auspicandus. Verum ipse ipsi, ubi cætero operæ naturæ legibus ad mouendum libere uti possunt, poliuntque telas, aut pannos, aut seipsum inducunt, & furfures: tum uero extrorsum uersus à sinistra in dextram, iure suo ut fruatur manus in excursum, faciunt.

CAP. XLVII.

Elementorum affectus ad principia syllabæ constituendæ.

HActenus quæ cuiusque esset natura literæ, uisum est: Nunc antequam de syllaba dicimus, explicanda est earundem ratio, quam ad syllabam ipsam constituendam inire debeamus. Consonantibus igitur conuenit omnibus dictiones inchoare, atque etiam terminare, præter G, Q, Z: his enim nulla præfinitur. nam confessum est VESPERVG, ita scriptum esse, sicut PONT. MAX. item FORTITVD. sicut

TERT. & EXERCIT. De P, non oportet dubitare:
 VOLVP. enim & apud Ennium, & apud Plautum etiam
 nunc quibusdam uersibus extantibus de seipso facit fidem.
 Vocales autem æquæ omnes, & incohant, & claudūt, A M A,
 E D E, O R O, I V I, V S V. Item diphthongi, A E N E A S,
 O E B A L I A, E I D V S, E V G E, A V R V M: & claudes
 re, V A E, E V O E, H E I, H A V, H E V. Vocalis una Græ
 ca ab inijs exclusa fuit sine aspiratione, nisi more Aeolis
 co, Y. A duabus consonantibus potest incipere, sicut à du
 abus uocalibus, ut C R A S: sed etiam à tribus, ubi sunt li
 quidæ cum C, P, T, sibilo præcedente, S C L O P V S,
 S C R V P V S, S P L E N D O R, S P R E T V S, S T L A
 T V M, S T R E P I T V S. & apud Græcos etiā addita
 aspiratione, σφραγίς. In duas possunt desinere,
 H Y E M S. & in tres, S T I R P S. Quarum
 quædam iam sunt declarata, sed hic per
 conclusionem quandam collecta
 sint pro principijs syllabas
 rum, more Peripa
 tetico.

IVLII CAESARIS

SCALIGERI



DE CAUSIS LINGVAE LATINAE, LIBER SE- CVNDVS.

CAP. XLVIII.

Quæ sit forma syllabæ, quæ materia.



VE M A D M O D V M ex elementis primis
quatuor naturalibus in unum coalescenti-
bus fit id, quod mistum dicimus, & ex pun-
ctio fit linea: ita ex literarum constitutione id
confieri dixeret, quod ab ea comprehensione
συνμαθλῶ Græci uocant: quam ob causam
etiam sic definiuere: Syllaba est comprehensio literarum sub
uno accentu, & uno spiritu indistincte prolata. Quam defi-
nitionem & falsam esse, & eius partes male coherere osten-
damus. Nam sicut litera ipsa est quiddam indiuisibile, non
autem priuatio diuisionis: ita syllaba erit quiddam diuisibile
le, non autem ipsarum partium comprehensio: atque id ex eo
manifestum est, cum dicunt, syllabam ex binis aut pluribus
literis constari: at comprehensio non diuiditur in literas: ne-
que enim unio materie & forme corpus ipsum est. Male etiā
dixere prolatam: accidit enim syllabæ proferri: potest enim
& scribi, & in mente reponi ipsa: quare ita dicant recte, Quæ
proferri possit. Tertius error ex his manifestus est: nā si sub
uno accentu est, erit & sub uno spiritu, & sine interuallo: suū
enim quæque syllaba accentum habet: uacant igitur hæc. Pos-
tremo pessimo consilio putarunt omnem syllabam multis
concrelescere elementis: accidit enim huic rei, quam syllabam
appell

appellant, numerus elementorum. Si enim esset essentia syllabæ, ergo substantia reciperet intentionem & remissionem: hoc autem falsum est: atque hac ratione, syllaba hæc *STIRPS*, esset magis syllaba, quam hæc, *AB*: at maior est per quantitatem, non autem magis per substantiam. Nam quod aiunt monogrammatas uocales, non esse ueras syllabas, ridiculum est. Quid igitur sint? Imò uerò uerissimè sunt hoc, quod falso nomine syllabæ uocant: quoniam & priores sunt, & simpliciores, & hoc ipsum sunt, quod alijs communicant literis. Syllabæ igitur nomen falsum est, atque aliud quærendum: utemur tamen usitato ut intelligamur: definitur autem sic, Syllaba est elementum sub accentu. Itaque & materiam habebis, & formam: est enim elementum materia: id autem per quod accentum potest suscipere, forma.

Schrampts. Accidit autem numerus elementorum syllabæ, sicut plantis foliorum & ramorum, & radicum, & fibrarum. Nam animalibus quoque satis est, si unum instrumentum habeant sentienti: neque enim desinunt esse animalia. Itaque si animal definias, falso apponas, pluribus constitui. Hoc autem quod dicimus accidere, aut sit quod Græci proprium uocant, aut esto etiam differentia species certas distinguens in rebus naturalibus: at in syllaba *DE*, nulla forma est separans eam ab hac syllaba, *B*: sed pars illa tantum materialis scilicet, *D*, accidens ipsi *E*. Numerus autem est, à singulis ad senas usque, *A*, *AB*, *ABS*, *MARS*, *STANS*, *STIRPS*, *negros*: dempta enim diphthongo tot remanent. Germanis etiam longè maior. Intelligo autem nunc diphthongorum uocales numero notarum, non sono separatas. Aut igitur sola uocalis est: aut cum alia, ut in diphthongo: aut consonantem unicam præcedens, *AB*: aut duas, *ABS*: aut tres, *STIRPS*: aut unam sequens, *DA*: aut duas, *DRACO*: aut tres, *STRENNA*. Quare licet non admiserit usus, tamen quantum earum natura fert, octo esse literarum potest syllaba: siquidem trinis obsideri consonantibus diphthongi sonus patitur. Eam tamen asperitatem mitiorē fecit usus, exhilarata tristitia confrago
 sæ pro

sæ pronunciationis: ut alternis, si tres præcederent consonantes, duæ subirent. & è contrario.

CAP. XLIX.

Consonans, quæ inter duas uocales est, utri applicetur.

PRIORE libro de Systasi & Diafasi diximus: ut literarum mutuam cognationem, quæ pars erat potestatis, intelligeremus. Nunc uerò uidendum est, quod & ueteres disputarunt, ad utram syllabam constituendam compareretur consonans, quæ inter duas uocales sita sit. Ac Herodianus quidam ita sensit, qualemcunque uocalem hæcere præcedenti consonanti: si dictio inueniatur, ab eadem incipiens consonante. non quodd hoc illius causa sit: sed quia per hoc illud cognoscatur. ut in uerbo *FERO*, quod bisyllabum sit, *R*, posterioris uocalis esse, non prioris: idemque in compositis debere obseruari. Nam quanquam ex *AB*, & *ACTVS*, componitur, *ABACTVS*, tamen ubi duo hæc in unum conuenere, *B*, coire cum *A*, sequenti in syllabam, non cum præcedenti. Sed aduersus hanc sententiã sic argumētantur: in *ABIGO*, si *B*, accedit ad secundã uocalem, ibi prima non poterit corripī, propterea quodd iam sit *A*, præpositio, quæ semper & ubique longa est. Item in *CIRCV MAGO*, non fieret elisio ipsius *M*, si sequenti applicaretur; præterea in *ABHINC*, & *ADHVC*, *B*, & *C*, aspirarentur. id quod est absurdum, ac nusquam receptum. In eandem sententiã uidetur inclinare Quintilianus, atque in uocibus compositis syllabas diuidere pro modo partium, in *ARVSPICE*, & *ABSTEMIO*. Ut has rationes soluamus, animaduertendum est, cum ex duabus uocibus una sit, non accentum solum, sed literarum quoque exigi coherentiã: neque enim ita pronuncies, *ABACTVS*, compositum, ut *AB*, *ACTVS*, disiuncta. quam igitur pronunciatione efficietur, ut *B*, à sequenti uocali subtrahatur? Ad hæc, si pituita à petendo uitam ducatur, nisi cohæreat *T*, cum *V*, semper sit *V*, consonans: at non est. Sic in hac uoce, *ETIAM*, duæ essent syllabæ, *ET*,
m I A M:

I A M: est enim consonans I, in I A M: sed pronuntiacionis tractus cogit nos elementa coniungere. Postremo, eorum regula hæc est, & uera: Nulla syllaba aspiratione terminatur. Igitur in his uocibus, *πρωδύσσω*, & *ἀχινῶ*, apud Lycophronem, & *ἰφίππιον*, quid cōminiscentur? aut enim in aspirata desinet prima syllaba, aut id fiet, quod nos censemus. Nam argumēta illa omnia ridicula sunt: ac primum quidem putidum. Nam in A B I G O, licet B, subtrahatur pronuntiacione, non tamen est A, præpositio, sed uocalis ipsius A B, non enim propter B, fit A, aut longum, aut breue, sed usus autoritate: neq; enim fieret unum compositione: sed fit tamē: quare quam quisq; potest, sedem occupat. Neque uerò dicamus, quod is, qui ita corrupit uersum Ouidiarum,

Siue quis Antilochum narrabat à Memnone uictum.
 quanquam in compositione, si uellim pertinacius cauillari, ostendam in uoce hac A M A R V M, etiam corripi, si illorum *ἔτυμον* sequamur. quoniam à M A R I, uenit. Alterum argumentū sic diluimus, auferri M, in C I R C V M A G O, quia subiens uocalis non patiatur. non tolli autem, si nolis. ut apud Ennium,

Tum delecta uirū sunt millia militum octo.
 quod & in C O M I T I O, manifestum est. Postremum argumentum aduersus nos non est. Negamus enim hoc, semper postremam consonantem accedere ad subeuntem uocalem: sed id tantummodo euenire, cum eiusdem initij reperitur, ut diximus, uox. Quare cum nulla uox à B, incipiat aspirato, disiunctis sedibus hæc duo inter se erunt. Sicut in A D B I B E R E, nemo nostrum dicat præpositionis consonantem, cum initio uerbi cōiungi: impeditur enim. Hoc igitur impedimentum etiam ab ipsa aspiratione allatum est.

Ex his sequitur, in simplicibus tantum, si syllaba incipiat à uocali, necesse esse etiam præcedentem uocali terminari. In compositis autem non necessario: C O M I T I V M, C O B O.

Item quemadmodum syllabarum initia à uocum initijs mensurantur: ita & fines à finibus. Quare in uoce hac I S T H I C, debet

debet etiam esse aspiratio, quam, male faciunt, cum omittunt recentiores. Cum enim reperiatur similis literarum societas in uerbo **EST**, potuit prima syllaba esse **IST**, postrema **HIC**: at in uerbo **ILLIC**, non potuit: propterea quod nulla uox in eandem desinit geminatam, neque ab eadem geminata ulla incipit.

Illud quoque hinc constat, in quamuis uocalem desinere syllabam posse, quauis sequente consonante. Itemque syllabam non finalem qualibet consonante terminari, quae geminetur. quod si duae diuersae sint, in **F**, **G**, **P**, **S**, nequeunt desinere. His enim non finitur syllaba, nisi geminatis. Quod autem etiam addidere, **B**, & **T**, errarunt, **ABNVO**, **ATQVE**, **ABSECO**, **AETNA**. In **Q**, nullam terminari uerum est, quia **V**, habeat comitem: Sed in **C**, non est uerum, **ECBASIS**, **ECQVIS**, **ECDOSIS**, **PYRACMON**. Quod autem addiderunt exemplum **ACNE**, falsum est. Sed **C**, translit cum **N**, ad finalem uocalē: quia dicimus, **CNEVS**, **CNIDVS**. Sicut & illud errarunt idem in **ACTVS**: dicimus enim **CTESIPHO**. In **D**, autem desinit sequentibus ferē omnibus, si antiquorum more maneat incolumis in compositione, **ADBIBO**, **ADCVRRO**, & reliqua. In **L**, desinit, cum mutae sequuntur, **ALBVVM**, **CALCAR**, **CALDVS**, **ALGEO**, **ALPES**, **ALTVS**. & ante semiuocales, excepta **R**, **CALFACIO**, **ALMON**, **ALNVS**, **ALSIOSVS**. & consonantes duas, **ALVVS**, **SALLIVNCA**. Eandem proportionem nactum est **R**, **ARBOR**, **ARCVS**, **ARDEO**, **ARGVS**, **ARPI**, **ARTVS**. Item ante semiuocales, etiam ipso **L**, uicissim non ex cluso, **ARFERIA**, **ARMA**, **ARNVS**, **ARSVS**, **PERLEGO**. & utranque consonantem, **PERVICAX**, **PERIVRVS**. etiam ante ipsum **Q**, **ARQVITES**.

In **H**, nisi per Apocopen syllabam exire negarūt. **AH**, **VAH**. fuisse enim **AHA**, **VAHA**. & uerisimile sit ita factum esse: saepe enim dolentes etiam nunc sic geminatum pronunciamus.

• m 2 In M,

In M, si sequatur B, P, AMBO, AMPVTO.

In N, subeunte C, D, F, G, Q, S, T. ANCON, ANDES, ANFRACTVS, ANGERONA, ANQVIRO, ANSANTVS, ANTES. & more ueterum ante R, CONRVGO. & in paucis ante duplices duas, ANXVR, ZINZIBER.

His rationibus deduci potest, syllabam terminari posse quauis consonante, cuius natura sit apta geminari.

Item constat, ueteres ea sententia falsos esse, s, syllabam finiri ante C, in ABSCONDO: etenim, SCALAM, dicimus. Neque uerum esse, in X, desinere syllabam sequente uocali. quippe diximus, XENIA: & ANXVR, eorum sententiam iugulat.

Omnis autem litera præcedens I, aut V, consonantes, necessario syllabam terminat, si eas consonantes alia sequantur uocales: ut CVIVS, PERIVRVS, ADVOLO, CAVVVM. Nam in CVI, & HVIC, nulla sequitur uocalis. Item si ipsa geminetur, MAIIA.

In X, autem definit syllaba præcedens C, & comparem suam, Q, & P, & T. EXCVRRO, EXQVIRO, EXPONO, EXTENDO. item L, EXLEX.

Z, semper initium syllabæ facit, nunquam finem.

Nulla diphthongus in duas definit consonantes: non quodd eius natura repugnet, ut diximus: sed quia usus sic obtinuit. Duplici enim potest terminari, FAEX, FAVX.

CAP. L.

Syllabarum affectus.

QVoniam syllabarum substantia partim ex materia fit, quæ sunt literæ ipsæ: partim ex forma, quæ est ipsa natura recipiendi pronuntiationem in partem dictionis: syllaba iccirco affectus quosdam nacta est secundum materiam, ut numerum elementorū: alios autem secundum formam, ut tenorem, spiritum, tempus. De numero igitur primum diximus: materia enim quam forma prior. De numeri autem affectionibus nunc.

CAP.

CAP. LI.

Syllabæ præpositio, geminatio, appositio, interpositio,
ablatio, extritio, abscisio, transpositio.

Cum igitur ab singulis ad senas literas syllaba augeatur: quibus affectibus eius partes obiectæ sunt, iisdem etiam ipsa agitata est. Nam quemadmodum præponebantur elementa, sic & syllabæ, DV RV S, ED RV S. Interponuntur, IMPERATOR, INDVPERATOR. Apponuntur, VIDERI, VIDERIER. Hoc autem amplius, quod ab nullo geminato elemento incipiebat uox: at incipit à syllaba geminata, PVPVG I. In nullum geminatum desinebat: at in geminatam desinit, SCINDIDI. Contrà, Elementa in medio geminabantur, syllaba autem nulla: uicissim quoque aufertur, ut apud Vergilium,

Inter se coisse uiros, & cernere ferro. pro, decernere: sic enim legunt, Abscinditur, VAHA, pro VAH. & apud Homerum, δῶ, κρῖ, λίπε, pro δῶμα, κριδὴ, λιπερόν. quod & iussit in poëmatio monosyllaborum doctissimus Ausonius. Exeritur è medio DEVM, pro DEORVM. Transponuntur, QVEIBAM, & ADEIBAM: quod ADIEBAM, & QVIEBAM fuit postea. Mutari uerò syllabas ut elementa, omnino constat ex eo, quod uocales mutantur ipsæ: quare syllabam ipsam mutari necesse est. Ac quemadmodum ex una litera dux fiunt, MIHI, ex eo quod erat, MI, & contrà: ita euenit syllabis quoque, AQVAI, AQVAI. & CUI, CUI. è contrario apud Varronem,

Et te flagranti deiectum fulmine Phæthon. Et sicuti quædā ex elementis semper præponuntur, ut Z, & V consonans, & Q: nunquā postponuntur: Alia è contrario postponuntur semper, ut, V, quando neque consonans neque uocalis est: nonnulla sine discrimine utranlibet fortiuntur sedem: ita syllabæ quoque, quæ ex illis sunt constitutæ.

C A P. L I I.

Affectiones à forma syllabarum. Accentus.

QUæ uerò syllabæ accidunt propter formam per quam syllaba hoc est, quod est: ea sub accentus appellatione, tripartita diuisione complexi sunt: Tenore, Spiritu, Tempore. Hoc igitur loco, quid sit Accentus, quoque modo hæc contineat, uideamus. Canere Latini ab hiatu dixerè, Græca uoce *ἐχενον*: nam Acoles ab eo quod est *χάενον*, non apposunt incrementa præteritis, sed dicunt *χένον*, demuntque aspiraciones, quasi rem Barbaram. Est autem canere, uocem modulis certis tollere, aut premere: certisque temporibus producere, aut corripere. Id quod cum in pronunciando necessario eueniat, quibus legibus syllabas moderaremur, eas leges Accentiones, Accentus, Accentuunculas, Moderamentata, Voculationes Latini uocarunt, Græcos imitati, qui eadem de causa *μετροποιήσας* nominabant. Cum igitur uocem quantitate metiamur, & syllaba in uoce sit, ut in subiecta materia, & quantitas triplici dimensione constituatur, Longa, Lata, Alta: necessario syllaba quoque iisdem rationibus affecta erit, ut Leuatio aut Pressio in altitudine: Afflatio aut Attenuatio in latitudine: Tractus in longitudine sit. Hæc igitur tria interdum uni eisdemque syllabæ aliter atque aliter cum possint contingere, uidemus eandem longam aliquando circumflexo, aliquando acuto insigniri: alteram uero nunc tenuem, nunc aspiratam: non potest fieri, quod quidam professi sunt, Accentum esse modum quantitatis syllabarum: unam enim tantum uim ex tribus complexi sunt. Sed nos sic definietur, Modus syllabæ. Intelligo nunc modum, quod Vitruuius & Horatius Modulum, id est, mensuram propositæ rei.

C A P. L I I I.

Quomodo distinguantur inter se tria membra diuisionis, & Tenorum ratio.

Modi

Modi igitur syllabæ rot sunt, quot dimensiones : Altitudo, Latitudo, Longitudo. Quare falsi sunt ueteres, qui Accentum syllabæ qualitatem definiuere. Graue enim & leue in Elementis primum est. Inde translata ratio eorum ad dimensiones quantitatum, propterea quod locus sit superficies ambiens locatum : motus autem fiat in loco : graue & leue ratione & motus & locorum dicatur. Igitur in uoce quæ esset affectio aëris, inuenta sunt rationes quantitatis, secundum aëris dimensiones : idem mathematicis lineis depressum est : nam altitudinis ratio est linea perpendicularis. Idcirco cum uocem tolleremus, ea linea signata est. Sed cum eadem linea secundum superiorem partem indicet altum, secundum inferiorem notet profundum : faciendum fuit, ut leuatio uocis diuersam notulam haberet, à depressione. itaque excogitarunt uirgulam ascendentem, eo tractu quo scriberemus, in dexteram scilicet nostri partem sic 1. quæ autem depressam indicaret, quasi caderet contrario situ, 1. Cadit enim manus nostra cum pingimus eam. Atque hanc quidem suo nomini reliquere, Grauemque appellarunt, ab instrumentis scilicet uocis : propterea quod in guttur, aut pectus eam demitteremus. Alteram autem priorem illam ab effectu potius nominarunt, Acutam : ferit enim aures, quarum uiribus obiecta est : ac sanè plus ponas spiritus latioris in graui uoce, angustioris autem in acuta. Quare & pueri acutius canunt, quorum guttur angustius est : & latiora, crassioraque instrumenta grauius sonant : ut etiam ab illis grauem sonum dixerit Pythagoras. Ita omnibus in rebus certissima ratio sibi ipsa respondet natura. Euenit autem ut duæ syllabæ inter se concurrerent, quarum prior priorem haberet, id est Acutum : altera posteriorem, id est Grauem : quare eæ cum coalescerent, concreuerunt in unum etiam ipsi apices, sic, Λ. quem Græci cum *παραπύμλον* dixere, abusi sunt licentia inuentionis : neque enim circumtractus fuit, sed *συναπύμλον* rectius nominassent. Nostri quoque Circumflexum cum appellarunt, ad celeritatem potius pingentis manus respexere, quæ

quæ unico motu uirgulam arcuatam fecit, angulo dempto sic, \cap .

Hos omnes Græci *τίονες*, uocauere, translata ratione à fidibus, quarum intentione aut remissione acutior grauiorue redderetur uox. Inde nos Tenores, propterea quod nostrum tenere inde duxissemus, scilicet *παρὰ τὸ τένας*. nam quod nixu quodam arceremus, id beneficio *τῶν τινόντων* fieret: & translata fuit significatio ab helcyarijs, & aurigis currus inhibentibus: item militibus prædam diuidentibus. Hoc potes etiam percipere ex maximi poëtæ Oppiani piscatione quadam, atque ante eum ex Theocrito: quorum uersibus trahentium tenentiumq; nixu primarij nerui *τίοντες* extantes declarantur.

Si igitur Latum à Longo, & utrunque ab Alto distinguitur specie, specie quoque Tenores à spiritibus, & à temporibus distinguuntur. Verum non ita est: perpendicularis enim linea à duabus transuersis decussatis non distat specie. Sed in corpore quadrato mobili eadem linea nunc latitudinis, nunc altitudinis, nunc longitudinis erit: neque enim differunt, nisi accidente. Id quod sanè pertinet ad Metaphysicum: & tactum est à nobis atque explicatum in quarto historiarum de animalibus.

C A P. L I I I I.

Spiritus.

ALter syllabæ dimensus est Latitudo, secundum quam syllaba est aut Crassa, aut Tenuis, nam præterquam aut producas aut tollas uocem, dilatare spiritum potes, atque addere uel uocalibus, uel consonantibus. In tenui autem pronuntiatione minus exit spiritus: nam & hoc errarunt ueteres, cum in tenui negarunt spiritum esse: sine spiritu enim non esse uocem in quarto historiarum, & in secundo de anima declarauimus: Nullum enim animal pulmone carens, uocale est: sed sonum emittere alijs instrumentis constat. Idcirco *ψιλήν*, Græci uim illam uocauere, nostri leuem: propterea

pterea quòd crassum in corporibus uideretur esse graue : & lene, quia facilius laberetur. Hoc quoque ex philosophia depromptum est. Nam corpora latiora, ut laminæ plumbeæ, diutius fluitant in aqua: breuiora autem citius euadunt ad fundum. At eadem ratio est corporum grauium ad descendendum, & leuium ad ascendendum : Nebula enim angustior citius ascendet: sic & spiritus præterfluit commodius fauces, quo est arctiore superficie. Qui student uocalis mutandis, maluerit dicere Læuigationem, malè: neque enim ipsa λ læuigat uocalem, sed nota est uocalis læuigata. Catullus autem eo, quo diximus, epigrammate utrumque coniunxit,

Audibant eadem hæc leniter, & leuiter.

Alteram Græci $\delta\alpha\sigma\epsilon\acute{\iota}\alpha\gamma$, nostri Denfam: stipatur enim spiritus uberior ac frequentior inter fauces: itaque & Crassam, & Flatilem uocauere. Nam Aspirantem æquè perperam, atque illam læuigantem. Atq; olim quidem tum apud Athenienses, tum apud nos, sola crassa notam, quam suprà diximus habuit, H, quæ in ordine literarum poneretur: ubi autem deesset ea uis, is defectus, defectu quoque notulæ signaretur. Postea uerò usus obtinuit, ut secta hæc litera, aspirandi notam exhiberet dextra sui parte sic, h . sinistra autem, quæ contraria esset, contrariam quoque signaret sic, h . Neque iam inter literas, sed tanquam apex literis imponeretur. Mox ad celeriores motum anguli illi, ut in alijs multis habetati, reductæq; notulæ in compares semicirculos dextrum læuumq; sic, c , c . Quæremus autem & hoc ueteribus indisscussum: propriæne hæc affectio sit uocalium: an etiam communis consonantibus: uidetur enim coaluisse cum T, in e , & cum alijs duabus. Verum in libro superiore, ne omnia turbaremus, secuti sumus priscorum simplicitatem. At hic exactius interest philosophi contemplari haud ita esse: flatus enim crassitudo antecedit uocalem, non sequitur: sic, ὄσσοϋ . ergo cum præponitur consonans ad compositionem, idem flatus eiusdem elementum est, πρωτόσσοϋ : non autem consonans

n nantis

nantis, nisi quatenus ex ea & aspirata uocali una syllaba fit.

CAP. LV.

De tempore.

Syllabæ moram maiorem minorem uel longitudinis linea dimetitur: production enim uocis comparatur. Itaque tardus sermonis, aut citi dicimus hominem. Idcirco cui syllabæ plus impenderent temporis, eam Longam dixere: cui minus, Breuem: utrunque autem sub quantitatæ ratione continetur: sed ita, ut inter se referantur, atque relatione sint contraria, sicut magnū & paruum. Idcirco uno pluribus uel temporibus constitutas, dixere syllabas. At omne tempus quantum. Sed de numero uidendum est. Antiqui sic dixere: longam constare duobus temporibus, breuem uno tempore. Sanè rectè: cum enim syllaba breuis prior sit & natura & tempore, quàm longa: ita eius mensurā agnouere, ut unum tempus dicerent: quod tempus cum protraherent ad alterum tantum, non immerito & longitudinis additione, & geminatione tractus metiti sunt. Itaque figura quoque longæ transuersa linea signata est sic, —. Breuis autem dimidio tantum erat explicanda: sed inter scribendum excurrentis interdum manus error fallere potuisset: quare eò deuentum est, ut notula, quæ circumflexo aduersaretur, aduersam quoque ei figuram haberet, sic, v. propterea quod non nisi longa syllaba circumflectatur.

CAP. LVI.

Non esse plures accentus, quàm quot dicti sunt.

Cum igitur syllabas non nisi prædictis modis tribus dimetiatur, non nisi accentus septem erunt: quorum Primus extrema duo, medium habet unum: Alter duo extrema tantum, sine medio: ac Tertius eiusdem modi est. Idcirco erat aliquid, quod dubitaremus. Etenim relatiua si carent medio, graue & acutum, quo modo mediū habuere circumflexum? aut si inter ea hoc fuit: quare inter tenuitatem & aspirationem

nem non fuit, quæ erant contraria per positionem: In utroque enim exit spiritus: quare etiam mediocris potuit. Ac de longa quidem ac breui mora iam supradictum est, quem admodum in musicis, ita in syllabis certa ratione alia atque alia, plus minusve moræ poni. Nam si longa sit natura, & subeat duplex, aut duplicata, ut τῆξις, γλώσσα, uidetur in ea plus poni temporis, quàm si simplex consonans sequatur. Itaque etsi longum breueque ratione comparationis medio carent: ipsæ tamen quantitates, in quibus sitæ sunt relationes, possunt magnitudine addita, aut dempta, medium recipere. Omnis enim quantitas apta nata est fieri uel maior, uel minor, quatenus quantitas est. Dico autem secundum rationem quantitatis, propterea quod corpora ratione substantiæ eius affectus immunia sunt. est enim maior homo, ut est quantus, non ut est homo. Sic inter aspirationem extremam & extremam exilitatem spiritus siue nuditatem, aliquod fuit medium: ut inter τ, & θ, fuit δ, & alia quæ suprà diximus. Id quod manifestum est, si idiomatica ipsa comparentur: nanque Arabes aspirant suum δ: & Græcum χ, si ad Hebræum comparetur, non iam sit extrema, sed media aspirata: è summo enim gutture Græcum, Hebræum ex imo penè pulmone prodit. In graui quoque & acuto ratio par: ex utriusque enim compositione factum est tertium quiddam medium, sicut ex elementis naturalibus corpus aliquod, cuius motus extremorum loca nō appetat. Harum autem differentiarum notulæ quæ medias illas naturas indicarent, alijs atque alijs consilijs sunt institutæ. Nam in tenore composito figuram excogitarunt. In spiritibus medijs non ita, propterea quod certis consonantibus includeretur, B, G, D. In temporibus autem omnem tractum qui unum tempus superaret, breuitati necessariæ opposuere. Dico necessariam breuitatem: iecirco quia est etiam breuitas indifferens in breui uocali, quæ sit muta liquidaque affinis.

CAP. LVII.

Tres notulæ ab accentuum ratione excluduntur.

n 2 Ergo

ERgo si accentus est modus syllabæ: non erunt accentus tria illa, quæ Græci *ὑφὲρ, διασολὴν, ἀποστροφὴν*: nos Coniunctionem, Disiunctionem, Auerfionem nominamus. Falsò autem inter accētus relatas à ueteribus uideamus. Nam Coniunctio, dictionum duarum affectus est compositarum, quoties eæ nulla facta partium mutatione ita cohærent, ut propter seruatam integritatem non cohære etiam uideantur. exempla in promptu sunt: ANTEVOLANS, ANTEMALORVM: & apud Lucretium, SEMPERFLORENTIS: huic indicio figuram apte attribuere pando semicirculo supposito, sic, ~ sumpta similitudine à subscudibus carinarum: quibus asseres coagmentantur. Contraria huic Disiunctio: quæ, quas uoces posses temere componere, distantî pronuntiatione iubet pronunciari, ut in exemplo Vergiliano,

~In litore conspicitur, sus. ne ursus, legatur. Et itaque eundem locum attribuere quasi parietem herciscensem fami lias. ac satis quidem fuerat uirgula perpendicularis: uerùm ne acciperetur pro uocali I, curuam pinxere: cuius tamen cornua præcedentem complectendo dictionem, præscriberent ei metas quasdam. Auerfionem autem nostri Conuerfionem dixerunt: at si Græcam uocem contemplere, *ἀποστροφή*, illud non hoc signant. est autem affectio non syllabæ necessariò, sed literæ per se, syllabæ autem per accidens: neque enim semper syllabæ defectum ostendit: sed semper literæ aut literarum quæ cuiuspiam syllabæ partes sint. Exemplum utriusque est,

Mult' ille. desiderantur enim duæ partes illius syllabæ, TVM, uocalis scilicet cum postrema consonante. exemplum syllabæ est.

Dura uerò est, quæ sternit iter dominatibus altis. desit enim A, ut sit, VIA. Est igitur nota defectus literæ: accedit enim ut sit aut literarum, aut syllabæ integræ. Defectus autem duobus modis usu uenit: aut per Synalœphen, aut per Suspensionem: ac Synalœphen quidem dixerunt ueteres, cum

cum elisis literis, uicinas coniungerent : ut in exemplis positis constat. Est metaphora à glutinantibus sumpta, cum delisbutas ferruminatione particulas componunt, ut unum faciant, hoc fuit ἀλέγειν. Id quod cum non possit euenire in syllabis quibusdam, nisi demptis medijs literis, ideoque Latini Collisionem affectum hunc appellatum maluerunt : nam sanè affectio syllabæ illius deficientis est Collisio, non autem Coniunctio: neque ex illis uocibus una fit, neque semper unus pes, neque semper continuatur pronuntiatione, ut in altero exemplorum superiorum. Quare melius nos quàm Græci. Alter modus est, per Suspensionem: quoties non excipiente alia qua dictione, prior amissa uocali suspenditur: idque aliquando simpliciter fit, ut apud Poëtam,

Mortalin' pro mortaline. Aliquando autem multipliciter, ut apud Catullum,

Viden' ut perniter exilueret: hic enim est amissa non solum uocalis, sed etiam consonans: V I D E S N E.

Hanc affectionem Græci nominarunt ἀποσπασθῆναι, quoniam auersi ab ea litera, quam sustulimus, suspendimus pronuntiationem. ideoque in superiore parte quasi habenulas inhibendo excursui dictionis appendere, eadem forma, quam fecerant Disiunctioni: propterea quod idem esset officium limitibus præscribendis. Totum autem genus hoc sapientes πᾶσι appellauerunt, rectè. Sed cum syllabis uniuersum attribuerent, errasse ostendimus.

His ergo constat, ut in elementis, tanquam partibus, & eorum corporibus, uel syllabis, uel dictionibus, & materia, scilicet figura, & forma est, qua inter se differunt hoc ipso, quo sunt: sic in eorum affectionibus, utrumque esse iam planum fecimus.

CAP. LVIII.

Causa finalis Tenorum, primum de Acutiaccentus usu.

POST accentuum substantiam tam ex materia, quàm ex forma, quæ erant duæ causæ, quibus constituebantur, nunc causa finalis contemplanda est: eorum ergo usus, cuius gratia sunt

tia sunt instituti, deinceps videndus est. Ac quod ad nostra quidem tempora attinet, nihil turpius putamus, quam can-
tiunculis, & uocularū tremulis assultibus gesticulari. Itaq;
seruata temporum duntaxat ratione, seuerioribus sæculis o-
missus est scæmineus ille tinnitus, unoq; ductu multæ uoces
eodem tenore pronuntiatae. At ueteres aliter consueuere,
quorum leges fuere hæ: Syllabæ aut sunt in priuīs uocibus,
aut in ijs quibus oratio constituitur: priuæ uoces sunt,
AMOR, ERGO, PEREO: ex quibus possis orationē
texere sic, AMORIS ERGO PEREO. Primo modo
nullum est nomen impositū, propterea quod dictiones non
propter seipsas, sed propter orationem sunt inuentæ: iccirco
secundo modo nomen indidere: σωτήριονq; appellauere:
nos Consequentiam dicere possumus: quam illi alia uoce
paulò asperiore, σωτηριῶν, & molliore σωτηριῶνισιν τῶν λέ-
γων. Nos commodius, Ordinem continuum orationis desi-
nimus. Cū igitur Græci tam in ultima syllaba singula-
rium separatarumq; uocum, quàm in altera, ac tertiā à fine ses-
de acutum imponere consueuissent: in consequentia siue con-
textu orationis, quos accentus in fine ponebant acutos omis-
sere, proq; eis graues substituere: idq; eo egere cōsilio, pro-
pterea quod acutus accentus uidetur tollere syllabam ita, ut
sequens syllaba prematur: in qua tanquam finī suo quiescat
uox. Cū igitur nihil haberent, quod sequeretur, nihil quo-
que metuere: at cū esset uox, quæ subiret, cauere ne tan-
quam una fieret cum præcedente. Id quod etiam in Encli-
ticis euenire uideretur. Igitur acuiunt τὸς, & περί, & τὸν: quæ
cū contextuere, grauib; insigunt, τὸς, περί, τὸν ἄθισιν.
Nos uerò hanc eandem animaduertentes rationem, qua acutus
accentus tollit uocem in syllabam, quam acuit, ut sequēs
prematur, in fine uocis non ponimus, ne expectemus aliam
syllabam subeuntem, in qua uox conquiescat: id quod Latini
suis libris omnes testati sunt, Nullam apud nos supremam
syllabam acui. Acutus enim positus, aut exigit alias con-
sequentes syllabas, aut non. Si exigit, igitur non est ponendus
in fine

in fine uocum separatarum: si non exigit, ergo in consequentia quoque poni potuit. Sed falsi Græci sunt, cum putarent, grauem accentum nihil ad uocem pertinere, sed ad syllabas tantum, unde etiam Syllabicum uocauere. Idcirco adducti sunt, ut crederent, turpe esse, edere dictionem, quæ nullo accentu insigniretur. quasi cum iura quoque absurdum censent, hominem intestatum mori. Id autem eueniebat, nisi acutum in fine saltem reposuissent: cum dictio in syllabis præcedentibus neque illum haberet, neque circumflexum. Sed ea ratio, aut perspicenda fuit etiam in consequentia, ubi grauem colles localissent: aut ne in priuis quidem uocibus admittenda. Apud nos igitur aut in penultima, aut in tertia à fine sedem ei statuere. Occupare autem alias initio propiores, Græci sibi licere noluerunt: quos etiam præci Latini secuti eandem posteris, imitatione potius, quam consilio ducti, leges præscripsere. Nam quamobrem non liceat mihi uocem tollere in quarta à fine, nulla ratio musica potuit persuadere: possunt enim eodem tenore tam in uoce, quam in tibia, aut fidibus deduci multæ uel breues, uel longæ. Quod si idcirco noluerunt, quia duabus syllabis sequentibus imminere acuta syllaba uideatur, in quibus tractus uocis non immoretur: quod fieret, si essent plures: uideamus quam non rectè seruarint hæc. Est eadem ratio tam apud Græcos, quam nobis, sed diuersus modus. Nam utrique negant ante tria finalia tempora singula, id est, ante tres breues syllabas, acui posse syllabam. quare si duæ postremæ sint longæ, quoniam solui possunt in quatuor breues: non potuit in præcedenti ulla syllaba acutus collocari. Ratio hæc una communis. At modus diuersus sic: Græci, si ultima longa sit, & penultima breuis, ultimæ longitudinem, ex qua fieri duæ breues possent, obseruarunt: at si penultima longa sit, & ultima breuis, miseræ huius penultimæ, tanquam ibi nulla esset, nullam rationem habuere. Latini contra, ultimæ longitudinem non curarunt: penultimæ ius suum attributum retinere. Ergo iam deprehendimus accentuum horum cantillationem ridiculam, non natura, sed usu quodam gestic

gesticulatorio constare. Videamus uerò, quod & suprà tetigimus, quàm ipsa sibi suis non constet legibus. Principiò Græci diphthongos aliquot, quas producebant in pronuntiando, quod attinebat ad accentuum sedes, pro breuibus habuere, ut *ῥέτυγαι*. præterea Latini eadem ratione ultimas omnes neglexere. Postremo antepenultimas omnes Græci longas, nullo detractò tempore, acuto accentui postposuere. Quare si una ex his uel in fine, uel in proxima fini sede soluitur in duo tempora, sanè in quarto à fine tempore acutus ille Græculus, quem ab ea sede exulare iubent, inuenietur. Quare sapienter à posteris factum est, qui præter quàm in quibusdam partibus orationis, ut in exclamationibus, indignationibus, interrogationibus, nullum huius putidi seruitij iugum ferre uoluerint. Nam si ante acutum in eadem uoce plurimæ syllabæ graui pronunciantur, *καὶ νῦν παρὰ μάλιστ' ἵς*: quare post illud totidem non possint? Quod si respondeât, inclinari nequire tantum numerum: quare, ubi nulla est quæ inclinetur, hunc eundem ipsum statuere? ut in præsentis exemplo, nulla syllaba secuta.

CAP. LIX.

Grauis accentus sedes.

Grauis accentus locupletissimus fuit usus: Nam cum acutus non plures duabus sedibus occupasset, hic quaecumque premit syllabam: quare syllabicum, ut suprà diximus, appellarunt. Non, ut putarunt, propterea quod non interesset dictonum: sed quia passim quamcunque syllabam uindicaret: sunt enim dictiones quæ præter hunc nullum habent. Omnis igitur dictio, aut habet acutum, ut *Á M O R*: aut grauem, ut *F Á X*: aut circumflexum, ut *M Í L E S*. Quare præter eum accentum tam præcedentes syllabæ, quàm quæ subeunt, grauem suscipiunt, sic, *À M Ó R Ì S*. Non rectè igitur Quintilianus præceptores, quos ait ipse sic se docuisse, ut priore acuta pronuntiaret, *Á T R E V S*, quo necessario posterior grauem susciperet. nam ad hunc modum grauem susciperet per accid

accidens: at ipsa hæc uox, *ATREVS*, per se graui terminatur, ut non solum syllabæ sit accentus, sed etiam dictionis: quemadmodum multa alia quoque proferuntur. ἀλλ' ἄνδρ' οὐκ, ἔγω τῆς σωτηρίας. Quamobrem grauem accentum interdum primum censerī necesse est: aliàs autem accessorium. Cuius etiam propriū sit quantamcunque syllabam nullo discrimine admittere: & quotamcunque sedem accessoriè. postremā autem legitimè, & primariò.

CAP. LX.

De usu locisq; circumflexi.

Circumflexus accentus si, uti diximus, ex utroque illo constat: necesse est, nullam nisi longam syllabam admittat. Nam sicuti affectus is compositus est: ita & subiectum corpus compositum agnoscemus. At uerò omnis breuis syllaba simplex est: Eius autem ortus ad hunc modum iam declaratus est. Cum aliquando duæ coaluissent, prior acuto elata, altera depressa graui, ut *διδότι*: certe etiam affectus ipsi in unum coire, sic, *διδί*, ex legibus autem, quas supra recitauimus, non potest nisi aut in fine, aut in proxima fini constitui. in præcedentium autem nulla potest. si enim dissolueretur, acutus in quarta inueniretur, sic, *ΑΕΝΕΪΣ*. *ΑΕΝΕΪΣ*. Quare ne in penultima quidem ponitur, si subeat suprema longa. Hac enim dissoluta, dissolutaq; circumflexa, idem error eueniret: ut quartam à fine acutus accentus tolleretur. si autem subeat breuis, tum uerò circumflectitur. quoniam in ea & penultima cum graui, & antepenultima cum acuto sit. intelligo autem hoc apud Latinos, qui nullam finalem acuunt: nam apud Græcos inuenias longam ante breuem ultimam, quæ longa accentum nullum propriū habeat: sed ultima acutum, *σπῶς*. Hinc satis constat, quod dicebamus, grauem accentum etiam ad dictionem pertinere, non solum in *σωτηρίας*, ut demonstrabamus, sed etiam in compositione citra consequentiam: ex eo enim & acuto fit circumflexus. Item, non solum in eadem dictione, sed etiam in eadem syllaba & acutum & grauem inueniri: sic

niri: sic enim quidam pronunciant γλῶσσα, & eiusmodi ut & moram intelligas, & in eadem syllaba & leuatum & depressum sonum audias in suo quocunque tempore sic, γλῶσσα. Constat & Erasmi lapsus, qui P L A N E, aduerbium, cum aperte significat, & cum affirmat, differre sic pote prodidit, quod illud priorem circumflectat syllabam: hoc, quod acuat posteritorem. utrumque enim cum sit spondiaca dictio, non potuit per ultimam circumflectere. Aduerbia enim eiusmodi semper produxere ultimam quæ à secunda fuere declinatione. ideo quod erat A P P R I M E, Vergilius coactus est A P P R I M A, dicere. fuere autem eiusmodi aduerbia pleniore sono, & originis analogia. à sexto casu, sicut F A L S O, R A R O, C I T O, sic etiam P L A N O. quorum quædam ad arbitrium poetarum correpta sunt interdum, S E R O apud Martialem, & C I T O apud omnes. At in E, quæ desinerent, nullum, præter duo, M A L E, & B E N E. & à tertia totidem S A E P E, P E N E. quibus ideo facile potuit breuitatis syllaba contingere, quia in ipsis nominibus breuis quoque fuit.

C A P. LXI.

De ἄρσι, & θέσει.

Syllabæ igitur modus quo tollitur in ea uox acutior, dictus est à Græcis ἄρσις, rectè sanè. in alteram autem subeuntem cum demittatur uox, θέσις appellarunt, minus commodè. Principio θέσις significationem habet latam: nam in acuta quoque ponis uocem: est enim positio, collocatio: itaque melius κατὰ θέσιν dicta fuisset. Sed ne id quoque cuius accentui graui conueniebat: nam initium quadrissyllabæ dictionis grauem accentum habet. at tunc quis dicat me uocem deponere, quæ nondum leuauit: ergo Aequabilitatem uocis potius appellarent. unde etiam in musicis ὁμοφωνίαις quidam dicuntur tractus, in quibus ἄρσις est nulla.

C A P. LXII.

Quemadmodum accentuum leges soluantur.

Nullam,

NUllam, inquit Quintilianus, Latinam uocem aut acutus aut flexus accentus cludet: sed in eum locum introductus acutus est à Grammaticis pro aduerbijs tantum, & præpositionibus, in cæteris ueterum mansit lex. Tres igitur causas assignauere Grammatici, quibus aduersum præcā puritatem nouam inuherent pronounciationem. Distinguendi ratio, una fuit: altera, Ambiguitas ut posset euitari: tertia, Necessitas pronounciandi. Nam ut **PONÈ**, aduerbium à uerbo **PONÈ**, distingueretur, accentus mutatus est: eodem modo **CORÀM**, aduerbium, à **CORAM**, præpositione. hæc sunt exempla primæ rationis. Ambiguitatem autem sustulerunt in uoce, **INTEREALOCI**, translato accentu in tertiam à fine: ut ne quis duas putaret partes. Tertium consilium fuit à necessitate pronounciationis: ut cum encliticas ponimus, præcedentis dictionis postrema fuit acutenda, **HOMINÉSNE**, **FERAÉNE**. Has tres partes si quis acius contempletur, inueniet duas esse tantum: unam enim priores duas, utrobique enim uitamus ambiguum: in secunda partium, in prima, uocum. Ita in duo membra diuides, sicut & tertiam in duo. Nam necessitas pronounciandi, aut per se est, ut in encliticis: earum enim natura ita fert, quod & nomen, ut inclinent in sese accentum: aut per accidens, ut cum exempta syllaba, decurtata dictio ne, coeuntibus in unum extremis, fit circumflexus. Cuius rei exempla multa sunt, **ARPINATIS**, **ARPINÂS**, **NOTRÂS**, & alia eiusmodi. Sic etiam putarunt in tertio diuini operis legendum, ut respondeat cæteris præteritis:
 -ceciditq̃ superbum

Illum: & omnis humo fumât Neptunia Troia.
 ubi circumflexus potius mansit, quam concreuit. In Græcis autem sæpenumero creatur ex duabus, ut diximus, *vôds, vrs.*

CAP. LXIII.

An admittenda sint, quæ superiore capite à ueteribus recepta sunt.

O 2 Hæc

HAec ueteribus cum placuissent, qui contradiceret, nullum habuere. Verum interest philosophi placitis humanis anteponere rationem: Nihil enim pretiosius ueritate: ea enim hominis solius sola meta est. Quæ igitur ratio soluebat accensuum leges, ob componendas uoces, eam falsam esse conuincimus exemplis eiusmodi uocum, quarum syllabæ sequentes translatum illum accentum, longæ sunt, ut in *MALESANVS*. Si enim acui potest ultima prioris uocis compositæ, poterit & in simplicibus: si non in illis, ne in his quidē: neque enim substantia rei mutari potest ab accidente: neque id, quod ἰδιον Græci uocant, mutabile est, ab essentia enim fluuit: cumque illa mutuo conuertitur, quippe cui soli, & semper competit. Quare doctissimus quoque uir Gellius ita sensit libro septimo. Igitur in istis uocibus, quas nos non acui diximus, ea causa est, quod syllaba insequitur natura longior, quæ non ferme patitur acui priorem in uocalibus syllabarum plurium quam duarum. intelligere uoluit priorem penultima. Dixit autem, ferme, quia Grammaticorum istas regulas tum obseruabant. At enim uero si eam causam, qua sunt adducti, probauero nullam esse, etiam legem ipsam probauero esse nullam: sublata enim causa, tolletur & effectus. Ergo in uoce hac, *ANTEMALORVM*, & *PRAEVLANTES*, & *ANTECURSORES*, & *ANTEAMBVLONES*, si ratio hæc frustra est, & tamen una dictio intelligitur: eodem modo & aliæ intelligentur. Quid? non ne etiam tribus partibus quædam compositæ sunt? si igitur Donatus, aut alius quis in hac uoce *EXADVERSVM*, uult acutum transferri supra *AD*, quod erat supra *VER*, in *VERSVM*, antequam componeretur: eaque ratione adductus fuit, ut una dictio uideretur: non absoluit consilium suum: adhuc enim extra septimum illud istius accentus, posita est particula, *EX*. quare frustra laborauit, ut rerum confunderet naturam: atque ideo intelliget ὅτι inuentam à Græcis, cuius figura duceret oculos ad compositionem: forma autem, id est, continuatus spiritus pronuntiationis, cogeret aures unum audire.

Hoc

Hoc quoque è Græcorum obseruationibus constat planius: nam cum *ἐκδιδαλμι* dicant, non audent *ἐκδιδαλμις*, sed *ἐκδιδαλμις*: & adhuc maiore ambiguitate *ἐκδιδαλμι*: duæ enim ueræ partes constructæ non coniunctæ possint intelligi. Præterea quis dicit *Μ Ὑ Σ Τ Ε Λ Α*, cum acuto in prima? quis hoc modo, *Κ Ο Μ Π Ο Ν Ο*? quis *Π Ρ Α Ε C V Ρ Ρ Ο*, & eiusmodi? Quid, quod iidem monent *Τ Ε Ρ Ε Φ Α C Ι Σ*, dicendum *παραφύσινως*, & cætera à facio? Quare ubi syllaba patitur, transferendus accentus erit, quemadmodum ubi numerus syllabarum non repugnat. Habemus quoque Festum autorem grauem, ueterumque sententiarum accuratum & narratorem, & interpretem: is in aduerbio *Α Δ Ε Ο*, mediam præcipit acuendam: ergo, ut faciat differre à uerbo *Α Δ Ε Ο*, quo tollit unam ambiguitatem, alteram ponit: dicam enim duas esse partes, sicut *Υ Σ Ο Υ Ε Ε Ο*. Cum aduerbijs enim iungebant præpositiones ueteres, contra quàm negant Græci, *Δ Ε Ρ Ε Π Ε Ν Τ Ε*, *Ι Ν Σ Ι Μ Υ Λ*, *Ι Ν Ι Β Ι*. Vltimam acuunt quidam in tribus tantum, *Π Ο Ν Ε*, *Ε Ρ Γ Ο*, *Π Ε Ν Ε*: alij nullam excludunt: non desunt, qui priscorum adoratis uestigijs, pro illis pugnent: uerum memoriæ proditum est, Aeolenses, quorum exemplo ac iudicio penè omnia Latini compararunt ad loquendum, nullius uocis postremam acuisse, præpositionibus exceptis. Ego malim Latine, quàm curiose sapere: putoque maiores nostros inter se, cum loquerentur, sine istis legibus peregrinis intellexisse. Nam si hæc distinctiones sunt arcessendæ: sanè longe plura inuenias, maioremque uel ambiguitate, uel necessitate. Nam præpositiones à nominibus ipso contextu, ipsoque sensu ualde differre illico intelliguntur. At omittam *Φ Α C Ε*, uerbum, & *Φ Α C Ε* nomen, aliisque infinita, quibus modis discernes casus, & numeros binariorum, & ternariorum nominum: adeo ut cum dixerint, *Μ Ε Α Ι Ν Τ Ε Ρ Ε Σ Τ Σ Α Π Ε Ρ Ε*: posterorum multi ignorarint prænomen *Μ Ε Α*, utrius esset casus: quartine pluralis, an sexti singularis. Quid? differentia istius causam, quam statuebant, miserè subuertere. Cum

enim præpositionem hanc CIRCŪM, ultima acuta pronuntiarent, ne CIRCŪS locus ad ludos esse uideretur: Vbi eam postponerent casui, MISTIQUE ALTA RIA CIRCŪM, translato in primam accentu, sublatam prius, ut putabant, ambiguitatem, contra quam putabant, redintegrarunt. FVMAT, autem Vergiltanum præsentis temporis est, non præteriti, ut dixere: euerfas enim incendijs urbes complures dies fumare, miserrimis exemplis experti sumus, & NOSTRAS, atq; alia eiusmodi, SARASINAS, ARPINAS, per apocopen relicto tantum syllabo, in quo nullus esset accentus, factum dicimus. Itaque transferri accentus potuit, Græcorum exemplo, πῶς ἀγαθόν. Nam sicuti illis turpe fuit, uocem sine accentu esse: ita apud Latinos supremam syllabam acui. Id quod etiam ex præteritis quartæ coniugationis deprehendi potest: nam AVDÎS VIT, mediam circumflectit: concide, ut sit, AVDIT: non mediam accentu afficit, sed transfert in præcedentem. & tamen acutus ibi potuit poni, ut in προσωπός. Sic in MERCVRIO, remanserat acutus suo loco, licet grammaticorum superstitione translatus fuerit.

CAP. LXIIII.

Vfus Temporum.

Temporum usus satis ex ijs, quæ suprà diximus, patet: quod simplicissimè tum pro rei, locorumq; ratione diuisimus in longum, & breue. Quædam igitur uocales erant semper breues, E, O, his singula tempora sunt attributa: earum comparibus longis bina, H, Ω. Tres sunt communes, A, I, Y: ita ut quibuscumque in uocibus semper sint breues, ut neutra pluralia, καλὲ: in alijs semper longæ, ut in casu quarto plurali primæ, μούσας: in quibusdam indifferentes, ut in φαρμακία, & σικανία. Variantur quoque per dialectos: nam Dores ultimam illam quarti μούσας corripunt: exempla multa apud Theocritum. quare pro suo quæque captu, ut fors fecit

ret, tempus aut tempora nanciscetur. Hæc est ipsarum substantia : à qua, natura fluit certa quantitatis, quæ natura est το ἰδιον, neque unquam fallit. Quod si quærat philosophus, quomodo erit propria hæc ipsarum communium? incerta enim est. Primum respondebo, ut numero, secundum totum genus, utrunque competit, par, & impar: sed certo numero, alterum tantum: sic communibus uocalibus in genere utrunque conuenit, corripí, & produci: at uní cuiuspiam designatæ, alterutrum tantum. Præterea acutius adhuc: hoc ipsum esse earum proprium, uariari: hocẽp ipsum quod est, uariari, perpetuum esse, nec uariari: sicut esse corruptibile, est affectio rerum naturalium, quæ hac ipsa scientia comprehenduntur, quod corruptibilia sunt: hoc enim ipsum, esse corruptibile, non corrumpitur: semper enim tale est. Accidit autem extrinsecus augeri ipsas productiones, ut supra quoque monuimus, per consonantium concursum, quam positionem appellarunt. Additæ muta & semiuocalis breuî uocali, semissem temporis afficeret: duæ mutæ geminatæ tantundem, sed necessariam productionem, quam illæ solum contingentem: neque enim necessariò producebant. RR geminatum plus afferet moræ. Sic etiã longæ uocali hæc elementa superuenientia component pro rata, plura tempora. Ita alio modo producit mediam, TENEBRA: alio ABBA: illa enim potest & produci, & corripí: hæc corripí non potest. Itaque in illa posuere unum tempus ac semis: in hac duo tempora. Si autem longam natura sequatur muta cum liquida, non minus apponent temporis, quàm duæ mutæ, neque enim potest corripí. Sed addent æquẽ unum tempus. Scio aliter à ueteribus positum esse: sed neque rectè, neque perfectè: nam sequente simplici, unicatq; consonante longam, uoluere affici duobus temporibus ac semis. Ergo non plene dixere: debuerant enim ostendere, nulla sequente consonante quanta esset. Et ridiculè putarunt ab una consonante addi tempus. Omnino autem hæc omnia ad ostentationem literatoriam sunt inuecta.

CAP. LXV.

Spirituum officium, & loca.

SVpererat officium sedesq; spirituum, quæ declararemus: sed qui meminerit, quæ de H, decq; coniugatis dixerimus consonantibus, is facile intelliget commodius abs sese huc ea euocari posse, quàm à nobis repeti debuisse. Accensuum ratio, figura, usus, tribus causis expedita sunt: Formali, Materiali, Finali. Absolutaq; contemplatio partium materialium, quibus dictio, quod est subiectum argumentum præsentis operæ, constituitur. Nunc de ipso toto quid sentiendum sit, uideamus.

I V L I I C A E S A R I S
S C A L I G E R I



D E C A V S I S L I N G V A E
L A T I N A E , L I B E R T E R -
T I V S .

C A P . L X V I .

Dictionis nomen, atque definitio.



A R T I B V S , partiumq; affectibus inue-
stigatis, quibus subiecta materia nostri operis
componeretur: nunc de ipso toto agendum
est. Quod Græci *διωρυ* uocant, Causam nos
appellamus: quare addito iuris uocabulo, etiā
Græcum sonum mutuati sumus, & Iudicium
nominauimus: Qua in Causa, siue Iudicio, propterea quod
orationis usus maximè uiget, Latini postea uerbum D I -
C E R E , sumpsere ad significandum, quoties loqueremur.
At sicuti uox hæc D I C E R E , contextū magis uerborum,
quàm singula uerba significat: ita è contrario, uerbale no-
men hoc D I C T I O , non solum dicendi actum, ut est apud
Liuium, sed etiā unicum quoduis notauit uerbum: ex qua
origine, atque usu, cum definitionem satis commodè possi-
mus elicere: tamen ut sapientius agamus, paulo altius est
contemplandum. Sicut in speculo ea, quæ uidentur, nō sunt,
sed eorum species, unde etiā nomen obtinuerit, ut Species
appellarentur, atque iccirco à Catullo dictum est imaginō-
sum, ab rerum imitatione, quas obiectas repræsentaret: ita
quæ intelligimus, ea sunt re ipsa extra nos, eorumq; species
in nobis. Est enim quasi rerum speculum intellectus noster,
cui nisi per sensum repræsententur res, nihil scit ipse. Argu-

p

mento

mento sunt muti, qui nutibus loquuntur ex usu oculorum: aures, quarum officio sunt destituti, non potuerunt conferre ad uocum receptionem, quas exceptas redderent uicissim. Itaque fuit quasi, quod Plato de alijs rebus dicit, *ἐκμαρτυροῦν* quoddam intellectus noster, in quod res ipsæ certo modo receptæ conderentur, promerenturq; ad humanam, diuinamq; sapientiam communicandam. Igitur harum rerum notiones suæ cuiusque sunt, in cuius intellectum recipiuntur. At enim uero cum homo animal sit non solum sociale, ut formica, sed etiam diuinum: opus habuit officio quodam atque instrumentis, quibus hanc societatem non fortè aut instinctu oblata, sed prudentia, atque consilio quæsitam, comparatamq; conseruaret: quare & doceri debuit, & docere. Necessaria igitur fuit illa quoque naturæ facultas, qua ipsæ illæ notiones, quæ in intellectu sitæ erant, sensibus concipi possent. Per sensilia ergo erueniendæ fuerunt illæ species: at ineptus ad id fuit Tactus: non enim ad eum poterant elici res immateriales, qui maximè materialis est. Ineptus æquè Gustus: qui cum tactus quidam sit, tanto minus potuit seruire, quod minore ambitu, quàm tactus, præscribatur. In odoribus quoque transfundi non poterant, quibus exceptæ, à discente perciperentur: est enim Odor res minime posita in potestate hominis. Duo igitur sensilia reliqua facta sunt, Color, & Sonus: ac Sonus quidem interpres fuit animi dupliciter: uel ut sonus simplex: quippe suppositione pedum, & applausu manuum, & crepitu digitorum, atque alijs eius modi declaramus cuiusdam animi nostri affectiones: uel ut sonus in specie, scilicet uox: cæq; fuit duplex: altera rudis, Sibilus, Ululatus, Gemitus, Cachinnus, & reliqua talia: altera conformata, ut Verba, & Nomina. Alterum sensile fuit Color: omnis autem color cum figura, utrumque enim in corpore est: Igitur duobus quoq; modis factum est: nam aut rudi, ut nutu, & gestu: aut perfecto, idè dupliciter: aut Pictura, aut Scriptura: unde apud Græcos uterque artifex dictus est communi nomine *ἡγεμῶν*. Ergo rerum notiones

nes à rebus in mentem primum per sensus sine medio humano profectæ sunt : intelligo autem per sensus omnes , eacq; scientia *avrodisiaxis* dicta est : aut per medium humanum ; quoniam non ab rebus , sed à notionibus , quæ essent in doctis intellectu , prodire in duos sensus , Auditum per locutionem , Visum per scripturam : unde postea in intellectum ipsum insinuarentur . Quemadmodum autem res naturam non mutant , sed eadem apud omnes sunt , ita & earum notionēs : tam enim Equus ipse , quàm eius species apud omnes est : neque homini solum , sed quibuscunque animalibus tribuit natura aptum sensum ad percipiendum . At nomina rerum , & literæ non eadem sunt omnibus . Sicut igitur imagines rerum sunt notionēs intellectui : ita voces sunt notionum illarum notionēs , & uocum ipsarum scripta quoq; sunt notionēs , ut talis ordo naturæ sit : Equus , equi species in intellectu , equi nomen in uoce , equi repositio in scriptura . Prima igitur duo à natura sunt : nam equi principium & forma , & materia , & finis natura est : Equi quoque speciem ab equo eductam intellectus agens in intellectum possibilem impressit . At altera duo ab arte , aut casu sunt : quanquam enim natura fecit uocem loquentis , & atramentum , calamus , manum : tamen & uoci flexuum , anfractuum , articulorum , temporum , spirituum , ordo ac sedes fortuita fuere : & eodem modo scribentis manus cursus , mora , series . Multa sunt in operibus nostris naturalia : uel ipsa Ambulatio : at fortè fit , ut tantum faciam spatiorum , ut rectè incedam , ut properem , ut subsistam , ut alternem , ut diuaricem , ut uacillem , ut suspēdam gradum , ut reuertar . Possum etiam hæc aliquando simul miscere , quæ coire queant . Itaque equi crus semper suo loco est : at Q , litera in nomine equi , apud Græcos nulla . quare arbitrio eius qui hoc primum nomen inuenit , factum est , ut sic appellaretur . Ex his itaque definimus Dictionem , Nota unius speciei , quæ est in animo , indita ei rei , cuius est species , secundum uocem , pro arbitratu eius , qui primo indidit . Dico , Notam unius speciei : quoniam oratio

multarum specierum est : & dictio composita rei compositae est : omne autem compositum pro uno accipitur : ita eximitur hæc dubitatio. Sed quæremus etiam super definitione, una enim est res omnis definitio : non copula, non alio instrumento, sed natura : neque enim aliud est, Animal rationale mortale, quam Homo. Quare si in definitione una est notio, & plures dictiones, uidebitur dictio notionis pars, non totius tota imago. Sic est respondendum : In rebus singulis esse multa suapte natura, quæ unum fiunt ab una forma : ut esse, uegetari, sentire, intelligere : hæc omnia ab una anima unum fiunt in homine : in quo ita sunt, ut unum alterum complectatur, & capiat : quam seriem & in octauo historicorum, & in XI I. Metaphysicæ satis declarauimus. Ergo definitum unum est & re, & nomine : ipsa enim res est, ut est, definitio autem unus rei & unum dicens, quia dicit definitum : sed per multa dicens illud unum, quoniam unum illud per multa est constitutum. Non recte uero ueteres definiuere, qui Dictionem partem orationis dixere. Principio malè factum est, cum per partem definiuere : est enim dictio etiam extra orationem : itaque coacti sunt addere, Constructæ : ergo non constructa oratione Dictio nulla erit. Præterea ea est dictio quædam, quæ etiam sit oratio perfecti sensus, ac quidem tota, ut imperatiua, *LEGE, SCRIBE* : & interiectiones, *HE V*. Postremo pessimo consilio fecere, ut adderent, minimam : quis enim dicat minimam partem hominis manum ? Nam sicuti in multis rebus naturalibus, ita in oratione partes sunt, non uniusmodi : aliæ enim sunt diuisibiles : aliæ non, ut literæ. Diuisibiles autem duplicis sunt naturæ : quædam diuiduntur in consimiles, quædam in contrariissimiles : ut, sanguinis pars sanguis est, & ossis os : at pedis pars, non est pes. Hæ partes non possunt minimæ dici in homine, quia in alias ultimas secantur partes : ita neque dictiones in oratione : quare coacti fuere seipsos interpretari : Minimas, inquit, intelligemus quo ad sensum. ergo malè omisere in definitione, quod per interpretationem addendum

dum fuit. Dubitare possit aliquis sic: Nomina, quæ notiones sunt figmentorum, non esse dictiones: rei enim nullius sunt notæ. Hoc sic est accipiendum, Hoc quod dicitur *EN S*, aliquando verum esse, ut *DE V S*: aliquando non verum, & hoc dupliciter: aut enim est Priuatio, aut est Fictio. Priuatio, ut Vacuum: Fictio, ut Phœnix. Itaque sanè horum nomina non significant eodem modo ipsa, quo modo Deus Deum: sed priuationem per habitum sic: Quia Plenum significat locum tactum ubique à corpore: eius contrarium Vacuum significabit: quod quanquam non est, tamen per illud, quod est, intelligitur. Ficta autem facilius percipiuntur, sunt enim quasi orationes falsæ: idem enim est Phœnix, & oratio hæc, Auis rediuiua, sui causa. Dictionem Græci λέξις, unde nostrum Legere, & ab hoc Legatī, quorum scilicet officium esset, dicere.

CAP. LXVII.

Verum Dictiones à natura sint, an arbitrio inuentoris.

Verum quod diximus, ita indita esse nomina, ut inuentori libitum esset: neque nunc primum à nobis inuentum est, & olim commouit huius sententiæ autor Aristoteles quosdam Platonis defensores, cuius sententiæ in Cratylo uidetur esse hæc: Sermonem rem esse naturalem, non ab arte. Id quod congebantur ita sentire, quippe qui nihil scientiarum adipisci nos profiterentur, sed reminisci tantum. Quod & ex eo dependebat, cum dicerent animas in corpora alia atque alia transmigra- re, quemadmodum è Pythagoræ institutis referebat ipse Plato in Atlantico. Habebant autem etiam, ut sibi uidebantur, rationes: nam loquendi instrumenta, & materia sunt naturalia, Pulmo, Septum, Guttur, Palatum, Lingua, Aër, ergo & ipsa nomina. Trahi præterea nos à rerum causis, quibus moti ductique, sic potius, quam sic loquamur. Quod si contingit ut eandem rem aliter nos, Græci aliter appellent, nihil mirum: diuersæ enim causæ sunt eiusdem rei, quarum una illi, altera nos agamur ad nomina imponenda. Verum hæc

moræ defensionēs errorum sunt. Atque equidem sæpenū-
 mero miratus sum mortalium uel audaciam, uel pertinaciā,
 qui tuerentur errores, quos ij, qui commiserē, si uiuerent,
 emendarent. Neq; enim errasse turpe est: est enim initium
 sapientiæ: si non ei ipsi qui fallitur, at alijs non fallendi. Ve-
 rum errores fouere, id uerò uel extrema dementia est: uel ut
 isti faciunt, qui semel atque iterum deiectioni, malunt confodi,
 quàm conciliari. Principio argumentum est nullum: Ma-
 teria & instrumenta sunt naturalia, ergo & figura imposita.
 Quis enim dicat, currus, aut carpenti figuram naturalem esse,
 nisi Anaxagoras? Is ita dicebat, Nisi carpenti figura fuisset in
 ligno, non fuisset futurum ut inesset. Sed nugabatur: neque
 enim inerat, sed inesse tantum poterat. Itaq; à maioribus nos-
 tris Facies dicta est à faciendis: sit enim, quod non est: itaque
 etiam pretium persoluitur artifice. Et Accidens à Latinis ap-
 pellatur, quoniam casu factum est, ut Dei imago potius fie-
 ret, quàm scamnum è sicu Horatiana: si enim naturalis facies
 fuisset illa, omnibus sicubus inesset. Sic etiam Vocem esse na-
 turalem fatemur: item Flexus, & Tempora, & Modos: sed
 eorum seriem, aut misturam forte, aut arte factam constat. Si
 enim natura eorum esset autor, unus omnium modus esset,
 una enim natura: uelut in auiculis manifestum est: eæ enim
 sua in specie æquè idem cantillant omnes. At quod ab arte
 est, & discunt, & dediscunt. Quod autem aiunt in rebus esse
 quædam peculiaria, id sanè uerum est: at cùm addunt ijs nos
 excitari ad certas uoces creandas, falluntur. Nam quæramus
 sic: aut nota sunt nobis ea propria & peculiaria, aut non sunt.
 Si non sunt, non ducimur: sed non sunt nota maxima ex par-
 te: nam quotus quisq; rerum ipsarum naturas compertas ha-
 beat: fatemur sanè nos, non pauca esse dicta à certis causis:
 sed ipsæ causæ, quæro porro, an causas habeant. Si non ha-
 bent, ergo nomina erunt fortuita: sin habent, ad ultimas tan-
 dem procedendum erit, quæ præterea nullam habeant. Si dis-
 cant ab effectiōibus comparari nomen causæ, ergo erit cir-
 culus, ut causa ab effectu, effectus à causa dicatur: quare
 utrunq;

utrumque erit fortuitum. His rationibus repulsi aiunt, à Providentia regi nos. Nugæ. Si enim in rebus civilibus, in bellicis, in re diuina, destituimur rectis cōsilijs, atque adeo illa Providentia: sanè putida illa fuerit, quæ maximis in rebus neglectos nos, apprehensos manu trahat in nominum ueras causas. Sanè uerò pulchram Providentiam, quæ Canis & Vrsæ etiam (si dijs placet) caudatæ nomen in cœlum tulit. Quid Cani cum cœlo? quia herbas exurit. At neque exurit Canis, neque herbiuorum animal est. Atque uni quidem rei diuersa nomina impōita sint, ut Ventum à ueniendo dixerint Latini, à σπῆρανδο ἄνεμος Græci. Esto: diuersi, inquit, affectus totidem nomina exegere. At diuersas res quare ipsædem uocibus dissitæ nationes appellarunt? Quænam? inquires. Illyrica, Arabica, Iudæa, Germanica, Latina, Scythica. AIR, uocant Scythæ quam pro calamo aromatico circumferunt: at Veneti arborem quandam, quam puto esse albam populum, non enim memini, sed arbor est. ZITH oleum dicunt Arabes, at Græci ex hordeo potum. GELO N, Hebræis misgrans, at cum migrabāt flebant: Græcis autem ridens. MANEB est illis numerus, nobis pars diei. NV M, est nobis interrogacionis particula, illis piscem notat. BAGOA nomen est Persis & Medis impurum: at in eo apud Hebræos est & cellitudo, & excellentia: Cantabri autem sic appellant glandem faginam: pulchræ uerò causæ coherentes ipsædem principijs, REX, GLANS, BVNVCHVS. Illyrij Fluuium eodem nomine uocant, quo Itali diuitem. Nolo dicere quid Mauris significet ZVB, sed longè diuersum est ab Illyrico significato, Dentes enim sic appellant. ABBA est nomen quo Deum ueneramur, Syri appellant sic τὸν θεόν. RVB Liguribus Taurinis numerum significat ulces numquid, Illyrij mappam intelligunt. PAZ Græcis quid sit, etiam pueri sciunt, Illyrij Canem sic uocant. Vaccam ipsædem CRAVA uocant, at Ligures sic Capram. Agè uero quot Latina aliter accipit Germanus: ARANEAM uocat SPINAM: VICEM, MALVM: ALTVM nominat fenem:

senem: ALBVM, quod nos mediū: GLVT, appellant prunas, nos collan: carbonem, COLLVM. Quid quodd etiam contraria ijsdem uocibus sunt comprehensa? Nam Germanis est CALDVM, quod nos, frigus. Sed iam modulus sit, ut etiam intelligant certis nationibus Illyricis, & Cantabris notas affirmatiuas, alijs gentibus negare, quare etiam eandem uocem contraria significare passi sunt Latini, VESCVM & OBESVM, & alia. Et ijsdem Pythagorei mutanda nomina suasere malefortunatis: propterea quod cum eorum genio iam imposita non conuenirent. In quo si nos illa prouidentia deferit, quanto magis despiciabitur, cum mastellam poscemus?

CAP. LXVIII.

Vtrum nomina sint penitus fortuita, an certo consilio.

CVm igitur nomina à rerum natura non fluxerint, rectè definiuimus, notam esse rerum Dictionem, ut libuit inuentori. At libido duplex est uno modo, cum impetu actus primum quodq; obuium sumam: altero, cum iccirco libitum mihi fuerit ita facere, quia id ratio quæpiam persuasit. Ergo cum priores orta cum rebus nomina contenderent, sunt explosi. Alij consultius acceperunt: Natura quidem non ortas, sed arte, ac prudentia factas Dictiones, Nam substantia, inquit, sensu non apprehenditur, sed affectiones: puta, Magnitudo, Qualitas, Motus, Actio, Passio. Quare his affectibus moti atque instructi nomina imposita sunt. Affertur igitur exempla duo: Lapidis, & Petræ. Nam Lapis, inquit, à pede lædendo dictus est, habuit igitur nomen à duritia, & actione: Petra uero, quia pedibus teratur: ab eo quod patitur inuenerit appellationem. Hinc deinde digressi, multa milia monstrorum conficiunt. Alij contrà, omnia casu facta nomina, multò audacius affirmant: Nimirum quibus uniuersi mundi compago, series, temperatio, casu, ac temere orta constituuntur, seruantur constituta. Atque hos posteriores, postremos esse sinamus: neq; enim merentur dici homines, qui

qui ipsi esse nolunt. Nam quod ad uocum attinet rationem, quis mentis compos, ab amando amatorem negabit esse dicere. Illis autem sic respondeamus: Principio, non necessarium concludere tribus quatuor uel exemplis omnium naturarum uocum: Deinde, ridiculum attribuere pro causis Latinas appellationes. Lapis enim, & Petra, utrumque Graecum fuit, λίθος, & πέτρα: nam Laterem, pro quo solo barbarè petram capiunt, πλίνθιν Graeci uocant. Sic igitur censemus: Multa nomina temere extitisse primum, sine flexu, sine ornamento. quo tempore nondum rerum naturae cognitae fuissent: ab his multa simplicissimè ducta, ut flexiones: alia immutatis particulis, ut denominatiua, & alia eiusmodi: nonnulla distorta sunt compositione. Quod autem in quaedam principia deducantur, in quibus necesse sit sistere intellectum, id & ex rebus patet naturalibus, ubi nullum est infinitum, & in uocibus ipsis sic constabit. Amaritudo ducetur ab Amaro: Amarum à Mari: Mare unde deriuabitur: ab Hebraeo, Marath. Quæro porro, unde sit hoc. Vt fingas quod uelis, diuertendum est ad unum, in quo conquiescas, quod aliorum causa sit: ipsius nulla sit causa.

CAP. LXIX.

Plures esse uoces primarias.

SI igitur ad certas uoces cæteras referimus, operæpretium fuit, quotnam essent illæ, inuestigare. Etenim si, quemadmodum res ab re, ita nomen à nomine procedat: ab hoc nomine **DEVS**, potissimum, omnia deducerentur: at ab hoc pauca deducuntur. Duo igitur modi restant principiorum: unus in Materia, & forma: adde etiam si uis *τὸν εἶησις*, siue Carentiam, ut delicatiores, siue Priuationem, ut ex Topicis M. Tullij colligere potes, uoces. Verum extra hæc omnia, inuenias multa, Calidum, Magnum, Filium, Armatum, atque alia eiusmodi. Alter modus est in decem prædicamentis: sed neque à substantiali nomine deducas substantiale, neque à relatiuo relatiuum, neque ab alijs generibus eiusdem generis
q alia.

alia. Nam à Cæsare cum dicis Cæsarianum, potes tam prudentiam intelligere, quàm equum. sic à patre patrimonium cum deducis, à filio eadem lege non potes. & quæuis dictio in prædicamento relationis est, est enim nota, cuius est. uerùm hoc ipsum nomen relationis, non est relatio: neque ab ipso relatiua ducta sunt. non enim quis, aut qualis, Quicquã cum uerbo refero, tanquam cum origine sui, habet affinitatis. Certus igitur atq; finitus primogeniarum uocum numerus est: sed nunc quidem, non autem semper: multa enim finxere ueteres: ut etiam apud Pindarum inauditum aliàs conquerantur Grammatici, τοῦ ἰωφ, pro eo quod alij *νίσσημα* dicerent. Satis autem nobis sit, scire, multa à Græcis deducta esse, in quorum principijs sani fuerit hominis acquiescere.

CAP. LXX.

Non eodem modo rem ab re duci, & nomen à nomine.

QUæ uerò deducuntur, non necessario rerum ordinem seruabunt: ut quemadmodum res ab re, ita illius nomen ab huius nomine excipiat. Nam quantum à quantitate est, si rem species. at contrà quantitas à quanto dicta est uox à uoce, non quantum à quantitate. Ratio huius rei est, propterea quod cognitio nostra contrarium habet ordinem, quàm natura: prius enim natura notam habuit quantitatem, quàm eam poneret in quanto. Contrà, nobis ea, quæ concreta uocant, notiora sunt ijs, quæ abstracta nominant. Itaque antiqui, *QVALE*, dicebant: *QUALITATEM* non dicebant. Menim Tullius primus eam uocem commentus est. Et adhuc in multis abstracta desiderantur: ut in pingui. neque enim ferè ante Plinij tempora, *PINGVEDINEM*, legimus. Nunc quoq; animum hostilem dicimus: *HOSTILITATEM* an dicat quis, non memini. Illud scimus, à probatis autoribus *INGRATVM* usurpari, *INGRATITVDINEM* explodi. Harum legum rationes cum ignorarent recentiores, falsò putarunt, eundem ordinem deberi nomini- bus significantibus, quí significatis rebus inest.

CAP.

Dictionis affectus secundum definitionem sunt exequendi:
 ac primum secundum materiae rationem: nam sicut in syllab
 labis literarum numerus recensetur, ita in dictionibus syllab
 barum. Accidit autem ut dictio sit uel monogramma, uel po
 ly syllaba. Exempla autem sunt eo initio, atque ordine. A,
 AMOR, AMATOR, AMATORES, AMATORIE, ad superlatiuorum, atq; adeo dithyrambicorum usque
 numerum: neq; enim Græcorum audaciae lex ulla certa pos
 sita fuit, qui uel ipsos pedes poëticos ad octonas syllabas
 produxere. Patiuntur quoq; dictiones sicut & literæ, & syl
 labæ: commutantur enim, & appellatur in genere *ῥυθμιζόμεναι*:
 quemadmodum cum ponitur declinabilis pro indeclinabili,
 & è contrario. Flos apprima tenax. &, μέμνητο καλὸς ὦρ, pro
 εἶναι. &, καλὸς ποιῶν, pro καλῶς. Dico autem in genere: nam
 si particulas ipsas spectes, dicitur *ἀντιμερία*: ut cum nomina
 pro nominibus, uerba pro uerbis, & alia suo quæq; in gene
 re, suis congeneribus supponuntur, de quibus omnibus lo
 cis scriptum est. Item transponuntur, ut si quis dicat, PLE
 BIS TRIBVNVS, PATRIAE PATER, CON
 SCRIPTOS PATRES. Et quomodo syllabæ præpo
 nebantur dictionibus, aut postponebantur, aut interponebā
 tur: ita & dictiones orationi. Anteponitur à Iureconsultis,
 ECCE: sic, Precium ob causam datum, causa non secuta,
 condici posse. ut: Ecce Meus decem dedit, ut tutò sibi in
 foro esse liceret. Cita illam uocem, ECCE, oratio perfecta
 erat. Sic adduntur pronomina sine emphasi: Ego amo, uos
 militatis. In medio, coniunctiones completiua, Tu quidem
 aberas, ego seriebam. Et in fine, apud M. Tullium ad Atti
 cum: Trīginta erant dies, ipsi. Geminatur, Ah Corydon,
 Corydon. Eximitur, Quos ego. Mutantur autem ut li
 teræ ac syllabæ, quatenus illæ quoq; mutantur. Ad hæc &
 diuiduntur, ut apud Ennium, -Cere, dimīnuīt, brum. Et è
 contrario componuntur, MALESANVS. Et sicut lite

rae atq; syllabæ incolumes coniunguntur interdum, interdum uerò uitiatae: ita & dictiones. Nam aut ex duabus integris una fit: ut, Manucapio. aut duabus corruptis: ut, Mācipi. aut integra & corrupta: ut, Cumprime. aut è cōtrario: ut, Omnipotens. Hoc autem fit, aut in duabus Latinis: quales eae sunt, aut duabus Græcis: ut, Menelaus. aut Latina & Græca: ut, Mustela. aut Græca & Latina: ut, Epitogium.

CAP. LXXII.

Dictionis species, qua ratione sint inuestigandæ.

SI igitur dictio rerum nota est, pro rerum speciebus, partes quoque suas sortietur. Videamus ergo in magna autorum controuersia, quot, quæ ue sint. Quod Græci, ὅψι, uocant: apud nos autem usitato potius, quam Latino caret nomine: id partim significat res permanentes: ut, equum, album, decempedam: quarum natura postquam perfecta est, diu perstat: Partim fluentes, quarum natura est, esse tandiu, quandiu fiunt: ubi uerò sunt absolute, non sunt amplius. In hac partitione tota uis orationis nostræ consistit: complectitur enim etiam Deum: nam postquā perfectus est, diu est: hoc autem diu sine caret. Constantiū igitur rerum notam, **N O M E N** dixere: eorum uerò, quæ fluunt, **V E R B V M**. Nam tametsi nomina quædam rem fluentem significant, ut **A N N V S**, at non rei fluxum. Quin hæc uox, **F L V X V S**, quanquam uis detur actum fluendi indicare: non tamen mensuram ipsius fluxus connotat. id quod uerba ipsa faciunt. Quoniam uerò hæc omnia ad orationem comparata sunt, quæ quippiā alteri inesse ostendit, ut Amorem in Cæsare, id aliquando se iuncta nota signatur: ut, Cæsar currit. aliquando propius ac felicius naturam imitari instituimus: sicuti nanc; Cæsar ipse, & ipse cursus uno eodemq; corpore continetur: ita inuenta est à priscis nota idem efficiens suo significatu, quæ quasi inscriptione quadam unum statueret. Quare uelut ex Equa & Asino fit Mulus, seruatis utrinque aliquot utriusq; naturæ particulis: ita ex Nomine & Verbo confectum est Participium:

pium: quod sic appellarunt, ut hac quoque in parte Græcos, qui *μετὰ* dixissent, imitarentur. At enim uero uocabulorum ratio diuersa est: nam Græca uox actionem significat: ut, *ἐπὶ* apud Mathematicos, coeli pars, quæ sidera continet: & Pyrrhonis affectio, qua in dubitando mentis cursum inhibebat. Verum participium nō sic uidetur: Analogia namque alia est in Mancipio, falsiua scilicet quod manu caperetur. sed fuit sicut Municipium. In oratione autem etiam pro modo usuque loquendi deerat adhuc aliquid: interdum enim nomine nō suppetente, aut iam semel dictum ne repeteremus, nutu aut digito indicauimus aliquid: exempli gratia, *LANCEAM* si petam, & imminentibus hostibus clade sociorum turbatus præcipitem consilia suppetarum, nomen non edam: sed indicatam petam: huius quoque rei nota inuenienda fuit, nutus scilicet ipsius, atque indicationis. Quare Pronomen inuentum est, quod esset Notarum, id est nominum, nota: sicut indicatio digito aut capite facta, erat nota lanceæ. Nisi enim sic inuestiges, non potes, quin ueterum errorem committas. Quorum definitionibus nequeas Nomen à Pronomine distinguere. His positis, illud quoque ex rebus explicandum fuit: Nam omne quod est, aut fit, aut est causa, ut Deus: aut est effectus, ut Ridere: aut utrumque, ut Homo. Causarum igitur naturam per nomina indicabantur: at causarum modus non potuit: itaque excogitandæ fuere notæ, quibus hoc quoque explicaretur: quas à situ nimis ruditer ueteres appellarunt Præpositiones: sed de hoc suo loco. Igitur Cato cum esse posset efficiens causa, & posset idem esse finis, hoc nomen Cato efficientem causam indicauit sic, Cato ædificat, ratione uero bi intelligis ipsum esse causam: at sine uerbo si sit, nihil intelligas: quare addita præpositione *A*, statim efficientem declarabit: si autem apponas *AD*, aut *PROPTER*, finem explices. Porro ut his notis Nominum modi declarantur, ita uerborum quoque modi, qualitatesque temperandæ fuerent: Nam cum signantur eæ res, quæ dum fiunt, sunt: aut

temporis finibus certis præscribuntur, ut Hodie lego : aut qualitatibus modum recipiunt, ut Bene curro. Iccirco hic quosque notas suas habuere, quæ cum uerba ipsa moderanda suscepissent, uerbis ipsis appositæ, aduerbia dici meruerunt. Restabat etiamnum aliquid, quod in rebus positum deberet etiam notis insigniri. Nam res una est, aut forma, ut Animal rationale : aut accidente, ut Lac album : aut subiecto, ut Album & dulce in lacte : aut mixtione, ut oxymel : aut cumulo, ut aceruus. Ergo quæ fierent unum, ut unum quoque discerentur, commenti sunt sapientes coniunctiones, quarum natura suo loco acutissime explicata est. Sic igitur in præsentia satis est dicere, Lac est album, & dulce. Atque his quidem septem partibus uniuersus rerum ambitus, modusque contineri uidebatur : nisi animorum affectus quidam superfuissent, qui neque iunguntur uerbis, neque nominibus cohererent : sed eorum uis in animo tota sibi consistit. Nam uox hæc, DOLOR, affectum significat : sed HEV, non hoc ipsum, quod dolor est, quin dolore affecti animi nota est. Igitur cum orationes indignatione, atque dolore, atque alijs euentis interrumpi soleant, maluerunt interponere, unde & interiectio est appellata. Ac potuit quidem etiam anteponi, etiam postponi : sed qui anteponeret, temere nimis, non red dita causa aut irasci, aut minitari uidebatur : qui postponeret, leuiter dolere. Itaque & consulto interposuere, & perturbationi animi seruire.

Ex his ut patet partium numerus, ita excluduntur falsò ascripta : etenim Appellatio, idem quod nomen : Articulus nobis nullus, & Græcis superfluous, nisi cum rem notam repetit subijcere intellectui. at tunc est relatiuum. Idem enim est, ὁ δὲ λέγει μὲν, quod δὲ λέγει ὁ ἄλλος : alioqui otiosum loquacissimæ gentis instrumentum est. Infinita quoque uerba à uerbis receptis separanda non esse, ex definitione constat. Præpositiones autem idem esse quod Coniunctiones, negamus ex his, quæ diximus. Nam Vocabulum qui addidere, ne meriti quidem sunt, ut refellantur : genus enim est ut Dis-

ctio.

ctio, non nominis species, ut ineptiunt. Nihil enim distat à uoce Vocabulum, nisi quia flexus atque articulos in uoce habet. Idem enim est Mendicus & Mendicabulū, Saburra & Sabulum, Statio & Stabulum. Erunt igitur Dictionis species octo: Nomen, Verbum, Participium, Pronomen, Præpositio, Aduerbium, Interiectio, Coniunctio.

CAP. LXXIII.

Qua ratione inuestigandæ sint species, quæ inflectuntur:
& quare non plures sint aut Personæ,
aut Numeri.

HArum autem partium quædam cum inflectantur, quædam eadem, eademque facie perpetuo sint: quæ & quare ita afficiantur, deinceps dicendum erit: si prius inflexionis ipsius rationes, atque necessitates eruamus. Elocutio ab uno, pluribusue proficiscatur, nihil interest: sed unum pluraue significet: scilicet unius, pluriumue nota sit. Forma enim orationis, Significatio est: Significatio autem, à re est, non à loquente: loquens enim efficiens est. Omnis autem numerus ternione continetur: nam Vnum numeri initium tantum est: Dualis primus numerus imperfectus: Ternio autem primus numerus uerus. Quod enim æquales in partes potest diuidi, Finiti habet rationem: quod non potest, Infiniti. Et Ternio ipse & numerum continet, & numeri principium: at Dualis non nisi in principium, idque unum, resolui potest: itaque Potentialis potius numerus sit: quippe numeri potentiam, id est, Vnitatem bis continens. Ternio autem actualis, qui quidem diuisibilem fecerit indiuisibilem. Quare Græci quoque *πρωτον* nominauere: Nempe quem si diuidas, inuenias infiniti habere aliquam imaginem, quæ super sit. Ergo in rerum natura separatus in corporibus non reperitur puncti fluxus, ut lineam efficiat, quæ prima dimensionem obtinet unitatis proportionem: neque lineæ fluxus, ut superficiem seorsum delignare nobis liceat, uerum cum ad Tertium perueneris, ut superficiem ducas in seipsam, corpus

corpus efficies, præter quod nihil est, quod, quoque metiamur. Videmus igitur omnia principio, medio, fine contineri: sanè hæc tria sunt. Motus præterea, aut est à centro, aut ad centrum, aut circa centrum: neque ab his ullus est alius. Nam qui in animali inuenitur uoluntarius, ex his compositus est. Sed & in sacris tam ueteribus, quam nostratibus, ter pleraque aut fiunt, aut dicuntur. Et unam Dei substantiam tres, neque plures personas esse uerò credimus. Et grammatici ipsi genys illud, quod tres caperet articulos, omne genus appellarunt. Quare cum de duobus loquimur, dicimus, Ambo: cum de tribus, Omnes. Hæc ita sunt Tria. Sed & hæc eadem tria, duo sunt. Nanque principium numeri unum est: Numerus autem ipse, plura. Ergo in oratione quod significatur aut unum est, aut plura: quare duo tantum numeri inuenti sunt, quibus dictiones afficerentur. Nam Dualem Aeoles ut superfluum omisere. At ordo significandi accepit Ternionem, à causa efficiente: ea enim cum sit principium, rectè Prima dicta est: itaque cum de se loqueretur, Primam constituit personam. Finis autem eius est, communicare quod sentit cum quopiam: ergo Secundam rectè dixit. Materiam autem ipsam, de qua loqueretur, Tertiam. Est igitur Prima efficiens doctrinæ: doctrinæ enim causa oratio: Secunda Finis, docetur enim: Tertia materia, de ea enim agitur: Oratio autem Forma, sunt enim Propositiones forma conclusionis. Quarta autem sub tertiæ ratione comprehensa fuit, propterea quod à prima semper esset tertia: pro materia enim habebatur. Verum Personæ uocabulo abusi sunt ueteres: nam Primam quidem ut loquentem, Secundam ut audientem agnoscimus: hæc sanè personæ sint. at Tertiam quare personam dicam, quæ muta res sit: hoc factum est propter rei nobilitatem. Est enim Homo sibi ipse omnium rerum regula quædam, si sese intueatur, quare etiam Paruus mundus appellatus est: itaque de seipso semper loquendum præcepit, quasi de re cognita sub ratione regulæ, cuius mensura cætera cognoscerentur, ideo personæ non
men

men ad ea, quæ persona carerent, non temere translatum est. Sanè Persona intelligitur status hominis ab animo, aut fortuna. Neque uerum est, quod aiunt, significare indiuiduam substantiam rationalem, ut uulgò utuntur, cum Itali nunciant turbam nomine personarum: sed accidens notat, ut seruum, liberum, ingenuum, Heroem, Senatorem, sceneratorem, militem. Itaque cum definiuimus ab Animo, uirtutem & uitia comprehendimus: cum Fortunam, libertatem, & dignitatem, & contraria. Sic enim semper locuti sunt probati auctores. Nam M. Tullius in octauo ad Atticum in epistola ad Pompeium cum dicit: Mea persona ad improborum ciuium impetum semper habuisse uidetur aliquid populare: non intelligit suum corpus simpliciter, sed uirtutem, ac fortunam suam, quæ meritorum nomine iam commemorat. Itaque in primo Rhetoricorum loca à personis explicat, nomen, naturam, uictum, habitum, & alia eiusmodi. & in oratione pro Sylla sic locutus est: Si mihi propter res meas istas hanc imponis personam. Cum dixit Mihi, intellexit substantiam: cum dicit Personam, intellexit accidens: cum dixit Res gestas, intellexit causam persone, & circumscriptionem. Et, suscipere personam boni uiri: & sustinere, idem alibi sæpe dixit. at neque suscipit substantiam, neque mutari potest sine interitu. Igitur idem est, si dicas, Persona Cicronis: & Status consularis: sic enim ad Atticum scribens, cum negat esse è dignitate consulari, dicta quædam iacere in Clodius, possis interpretari, Non pertinere ad personam eius. Vnde autem dicatur, contra quàm Gellius senserit, quotque significatibus aucta sit, in libris Originum amplissimè narratum est. Fuit & aliud imitandum, quod extabat natura: siquidem intererat, ut quod mas, feminaue esset, & quod præterea neutrum, indicaretur. Quare quoddam per marem feminamque propagarentur genera, genus id dictum fuit: quod autem extra hæc duo esset, non directio significati generis nomine accipi debuit (ut iocatur super ineptijs Grammatici lepidissimè Ausonius) sed per negationem. Neutrum

r enim

enim, genus est, quia non est genus : ipsum enim nomen indicat, non esse genus. Hoc igitur est, quod non est. Hoc enim habent negationes, ut non ponendo ponant, ueluti cum dico, Nullus homo uenit: hic actio est, sine persona : si enim non subest homo aduentui, non erit actio. Nam praeceptores mei hoc errabant, cum more medicorum Neutrum genus ex utriusque participatione constituebant. Temporum autem rationem fuisse necessariam intelliget, qui motum, quid sit, scit. Sed illud fuit animi officium, opusque perspicacis. Nam cum affectus uarij sint in functionibus humanis, puta Optandi, Imperandi, ueritatem designandi, uerba ipsa, quae actiones significarent, inflexere, eosque flexus Modos appellauere : propterea quod aliter, atque aliter animi propensiones temperarent. Videndum est igitur has dictionis affectiones, quae, quot uel partes orationis, quibusue de causis sibi uiuident.

Substantias, quae seipsas constant, easdem semper esse, qualiscumque animi affectu notentur, manifestum est. Nam *E Q V V M* pronunciatio uel optando, uel imperando, non mutabitur : itaque cum neque mei animi mutatione, neque temporis mensura mutetur, quin idem equus sit : neque nomina, neque nominum notae pronomina, tempore aut modo uariabuntur. Simpliciores autem notae, quae uincula tantum essent orationis, non magis potuerunt mutari, quam uinctio ipsa in rebus. Si enim Caesar cum Catone bellum gerit, neque personam possis ei hosticae conuentioni, neque numerum, neque alia apponere, ut uarietur : idem enim semper est *το ἐνωμενον ἰσχυριον*. Sic reiectae sunt Coniunctiones, Praepositiones, Interiectiones : nudae enim, & simplicis rei notae sunt. Vnum uenit in controuersiam, Aduerbium : nempe cum dico *Heri, Cras*, uideor tempora discernere. Sed non ita est, haud magis, quam cum dicam, *DIES, ANNVS* : tempus enim significat primo statim significatu : at uerbum non tempus, sed sub tempore. Itaque non una eademque uoce, sed diuersis diuersa tempora sunt aduerbijs significata : itaque etiam a numeris

meris exempta sunt : cū enim essent temperamenta quædam uerborum, uerborum numeros sequi satis fuit.

Erunt igitur Nomina uariata per Numerū, & Personam, sicut & Verba : peculiaria autem illis alia, alia his, de quibus suo loco. Nunc enim causas declinabilium, & indeclinabilium ut perscrutarcmur, satis hæc hic habuimus declarare.

CAP. LXXXIII.

Affectus specierum dictionis alterius modi.

ATque his quidē affectibus rerum ratio explicabatur : sed & alij fuere potius, ut ita dicam, materiales : Figura, & Casus. Casus enim ad distinctionem intellectōis sunt inuenti, non ex ipsarum rerum mutatione. Figura autem non semper à re. Nam quoniam uel mistæ, uel compositæ essent substantiæ, composita quoque nomina fuere quædam, ut Tragelaphus, Vulpanser : aut substantia & accidens, ut Equiferus. At quædam fuere figuræ, quæ nihil ostenderent in re compositum, ut personare, insistere, & alia talia. De specie autem dubitari possit : nam quemadmodum qualitas intellecta per se, à nullo tunc dependet, puta *IVSTITIA* : at in *Cæsare* eam si contemplemur, uidetur ab eo & constitui & pendere, itcirco uideri quoque possit derivatum nomen *IVSTVS*, substantiam ipsam tanquam sui principium consignificare. Illa omnino est in uerbo materialis, Coniugatio : nihil enim refert quodnam in elementum abeat, modo actio, aut passio significetur : quare diuersæ inueniās Coniugationis idem uerbum, *LAVO*, *DENS*, *SO* : *LAVARE*, & *LAVERE* : *DENSARE*, & *DENSERE*. Ordo uerō, neque à re sumptus seruetur, neque immutat orationem, nisi certis modis transponantur : neque enim eodem dicas modo, Omne uiuens est animal : &, Animal est omne uiuens : sed structura omnino non mutatur. An autem sit proprius affectus cuiuspiam, suo loco dictum est.

Hinc colligere possumus, cū alij sint è rebus nati, alij materiales

riam ipsam uocis potius sint secuti, ex quibusdam constare necessariò ueritatem, ex alijs non necessariò: nanque uitiatò tempore, falsa fit oratio: ut, Vergilius iterum nascetur. Si autem uities genus, non fiet falsa, Vergilius bona. Figura autem etiam falsam facit orationem, ut si dicas, Vergilius est poësis. Modorum autem solus Indicatiuus pertinet ad ueritatem. Sed de his suo loco.

CAP. LXXV.

Quòd Persona, & Numerus accidat omnibus partibus,
& quomodo: & an Sexus Verbis
addi debeat.

STatuæ intellectio non uniusmodi est, ita pec uoces: statuam enim interdum agnoscimus, ut est signum Cæsaris, interdum ut marmor est: posteriore modo, percipitur ut substantia: priore, ut refertur. Sic imago in speculo & res est quædam per se, & signum alterius rei. Eodem modo cum uoces rerum signa sunt, earum quoque naturam imitantur: ubi uerò per se accipiuntur, ipsæ quoque tanquam res quædam intelliguntur. Quare tum Aduerbia, tum Coniunctiones, aliæque eiusdem modi, cum Nominibus Verbisque & secundas personas, & tertias obtinebunt: sed non eodem modo: nam Nomina Verbaque res significant, personas con significant: Coniunctiones, atque cæteræ tales partes, rerum modos significant, personas non con significant, sed ipsæ sub persona con significantur. Exemplum rei huius hoc est: tractabo naturam huius coniunctionis **Q V A N Q V A M**: in ea narratione semper apponam uerba tertie personæ. Exclamabo ad ipsam oratorum more: ut in fabulis, **O cœlum, o terra, o maria Neptuni**: quæ nihilo melius respondunt mihi: apponam secundæ: conficiam Prosopopœiam, addentur primæ. Eodem quoque modo uox hæc, **P A S T R E S**, erit numeri pluralis, cum significabit: cum significabitur, singularis: quæ ratione etiam pluralis numerus, dicitur

dicetur singularis. Sed restat quaestio, Quamobrem Verbo sexum nō addidere, id quod fecerūt Nominibus. At fieri debuisse uel ratione uidetur posse comprobari: Nam cū Verbum sub tempore id significet, quod Appellatio sine tempore: sicuti Appellationes secutę sunt fixorum naturam, ita etiam Verba sequi debuer. At Appellationes sexum, iusta sexum nominum fixorum, id est, substantiuorū, mutant: igitur etiam Verba mutare debuer. Curro enim cursum significat sub præsenti tempore, & albescō, album. Si igitur res cū dictum est, mulier alba, quo in loco, album, mulierem sequitur: eodem modo ALBESCI T, quoq; mutare genus debuisset. Satis igitur est colligere, fieri potuisse: breuitati autem cōsultum esse, cū factum non est. Quare Verbum, cū transijt in Participium, faciliē ipsum genus recipere quīuit. Diuiditur igitur in Declinabilem, & in Indeclinabilem, quaternis dispositis speciebus: ibi Nomine, Verbo, Participio, Pronomine: hīc Aduerbio, Præpositione, Interiectione, Coniunctione.

I V L I I C A E S A R I S

S C A L I G E R I



DE CAUSIS LINGVAE LATINAE, LIBER QVARTVS.

C A P. LXXVI.

Nominis essentiam, tam ab appellatione, quàm à re
ipsa, statuit.



HACTENVS post partes, dictionis Substantiam ipsam uenati sumus, eiusq; Affectus: tum Species, earumq; affectiones in cōmuni: quibusq; essent causis in usum profectę. Nunc iam deinceps singulis libris singulorum ratio explicanda est, eodem ordine, quo res ipsas, quarum notæ habebātur, sunt secutę. Nomen igitur primū exequamur: esse enim notam rei permanentis, ex ijs, quæ suprà diximus, satis constat. Itaque in ipsa appellatione comprehensa est uis quædam actionis: quasi ipsum esset causā quædam notionis. Nam ut à Moueo, motui, motum, Mouimen, Momen: sic à Nosco, noui, notum, Nouimen, Nomen: est enim imago quædam, qua quid noscitur: instrumentum quasi quoddam cognitionis: ac ueteres quidem rectam uiam instirere, cū dicerent, quasi notamen. Verū minus rectē bonam sententiam explicarunt: Notatum enim posterius est, quàm Notum: sic Notamen, quàm Nomen: ut ē contrario ab hoc illud potius sit. Fuit prius Noo, à quo Nosco: ut *νεμεω*, à quo *νεμεωσκειν*, apud Theocritum: Aeoles enim sic loqui consueuere. Multo minus audiendi sunt, qui à Græco *ονομα*, quod *παρὰ τὸ ρῆμα*, sicut & *ῥῆμα*, deduxere: quoniam quo pacto lex suum cuiq; tribuit: ita &

ita & nomen suam cuiq; imaginem rerum reddit. neq; enim rectè deductum intelligas ex ipsa, quam temere auferunt, uocali. sed ὄνομα rei ut titulus fuit, à iuuando, quasi ὀνόμας: cuius usu rem agnosceres. Hæc est uocis origo. Res autem sic se habet in definitione. Dictionis declinabilis per casum, significans rem sine tempore. omnes enim partes huc species dictionis, per genus suum, scilicet per dictionem sunt definiendæ: ut constet error grammaticorum, qui eam partem grammaticæ appellassent. Aliud enim est grammatica, aliud grammaticæ subiectum Dictionis, siue Oratio. Sicut neque uerum est quod aiunt alij, qui Grammaticæ partes quatuor fecere, Literam, Syllabam, Dictionem, Orationem. neq; enim est grammaticæ pars Oratio, sed totum ipsum argumentum quod uocant ἑρμηνείαν. Quis enim dicat Architecturam diuidi in ædes? Differentiæ autem illæ necessariae sunt. nam Præpositio non declinatur: Verbum remouetur per casum, Participium per temporis priuationem: Hac tamen definitione non differt à Pronomine, nisi adhuc aliquid agas, sic primò, uel sine medio rem significans. Nam pronomen hoc, Q V I, Cæsarem significat, sed non statim: primum enim refert ipsum nomen hoc C A E S A R, deinde rem ipsam. ueteres autem ut in cæteris definitionibus, falsi sunt, cum dixere significari, substantiam aut qualitatem, propriam, uel communem. Nam etiam aliud quàm substantiam significant, uel qualitatem: quippe quantitatem, relationem, situm, priuationem, τοῦ ἔχοντος, τοῦ ὄντος. Illi uerò etiam ridiculi sint, qui in nominis definitione rem à corpore distinxere, nihil enim infelicis grammatico definitore. Nominis affectus etiam accidentia appellauere, quoniam Græci συμβεβηκότα, uerum ita intelligas, non πῶς, sed ἵδια, quæ Quintilianus rectè propria uocat: sunt autem sex, Species, Genus, Numerus, Figura, Persona, & Casus. Atque horum quidem quinque à ueteribus confessa sunt, persona autem turpiter omissa. Principiò, si iccirco reiecere, quia eadem uox sine ulla uariatione, quamlibet significet personam, etiam à pronomine auferenda erit: neq; enim hoc pronomen

IPSE, ut primam aut aliam notet, uariatur: neque hoc pro-
 nomen EGO, aliam, quàm primam indicat. Sed hîc quoque
 acrius iudicandum est: nam Pronomina personam significât.
 At aliud est significare, aliud consignificare: ut hoc nomen
 TEMPVS, significat mensuram motus, uerùm non consi-
 gnat motum. at nomen hoc PERSONA, id quod su-
 prâ diximus significat, sed personam certam non consigna-
 cat. sic Pronomen hoc EGO, personâ significat quamlibet,
 pro quolibet enim nomine ponitur, sed primâ tantum consi-
 gnat: quare cum per personas non uarietur, non assigna-
 bit affectum personæ Pronomini. Postremo id falsum uide-
 mus esse, quod de Nomine afferunt: idem enim nomen ut
 alio flexu casum, numerum, figuram mutat, sic & personam.
 Nam secundæ personæ quinti casus omnes sunt, quos dixe-
 re Vocatiuos. Verùm neq; hanc subtilem sententiâ illi in-
 tellexere, & omnino tertiæ tantum personæ nomina putarût,
 adeo ineptè, ut nisi adiecto Pronomine, negarint posse dici,
 Homo curro. At ô bone, quod Pronomen agit, uicarius
 quidam: herus ipse, Nomen scilicet, pro quo illud ponitur,
 non ager: ergo non Pronomē à Nomine, sed Nomen à Pro-
 nomine dependebit. At fuit aliquando, cum nullum esset
 Pronomen: tum miseri mortales de seipsis nihil poterât enū-
 ciare. Concedunt prudentiores usum uerbi substantiui, & si-
 milium, Homo sum, homo fio, homo nascor, homo dicor: at
 quid est, Homo curro, aliud, quàm Homo sum currens? Itaq;
 paulo modestius alij sunt nugati, Appellatiua huic usui con-
 cessere, Propria sustulere: ut non nomini in suo genere com-
 petat uariatio per personas, sed eius speciebus aliquibus:
 proprio autem non. Verùm qui intelligat, quid grammatica
 sit, facile eorum reprimat audaciam. Est enim Grammatica
 scientia loquendi ex usu: neq; enim constituit regulas scien-
 tiæ usus modum: sed ex eorum statis, frequentibusq; usur-
 pationibus, collegit communem rationem loquendi, quam
 describendis traderet. Igitur cum tam apud Græcos, quàm apud
 Latinos prima uerbi persona cum proprijs nominibus po-
 sita sit:

sita sit : idēq; & à probatissimis, & frequenter factum sit : de-
 buere ab illis isti leges accipere sibi, non de suo fingere pos-
 tius, quàm fingere. Omitto illud Euripidæ, ἡκω πολὺ δαίωθ'. &
 in oratione Demosthenis contra Midian, παμμένους παμμένους
 ἑπαρχος, ἐχον γριόχοτον, οὐδ' ἂν καὶ καταγίνομαι ἐργάζομαι. Ves-
 nio ad nostros : Ovidius sic loquitur, Hospita Phyllis que-
 ror : in epistola Heroïna. In fine comœdiarum Terentij uer-
 ba illa sunt : Calliopius recensui. Suctonius C. Cæsaris uerba
 refert : Tantis rebus gestis C. Cæsar condemnatus esse.
 T. Liuius in primo, Romuli hæc : Hæc tibi uictor Romulus
 Rex regia arma fero. Idem in persona Annibalis : Annibal
 peto pacem. Sallustius in oratione C. Cottæ consulis : En C.
 Cotta consul facio. Neque uerò subest ratio, qua possis dice-
 re, Homo lego : & non possis, Cæsar lego. Imò uero multo
 rectius : Cæsar enim ego sum, non alius, at alius homo æquē,
 atq; ego. Quare in tertiam potuit transferri appellatiuum :
 proprium autem remansit mihi in prima. Est & illud ualē-
 dissimum argumentum, Nomen esse notam rerum. siue igitur
 tur tempus inspicias, siue dignitatem, primum seipsum nomi-
 nauit homo : at in homine, primo persona, & ab eo alijs com-
 municata. Quid illud? si Nomini, in comuni, ut nomen est,
 competat casus : & tamen casuum uariatio defecit aliquot no-
 mina : ergo quid dicendum? Respondebunt, & rectē : casus
 quidem esse, ut in nomine C O R N V, sed per diuersa elemē-
 ta non esse manifestos. Ita etiam nos, personarum ordinem in
 nominibus esse indiscretum, quem in uocatiuis apertē postea
 explicarent. Ex his constat Linacri lapsus, qui ita scripsit,
 Sine certæ personæ adsignificatione significare : quintus
 enim casus certam secundam præscribit. Et ipse in participij
 definitione dicit, Capere à nomine numerum & personam.
 Est autem persona primo nominis affectio, secundo uerbi,
 quod ipsum sit Nomen secutum, ut diximus, quod, Prima :
 ad quod, Secunda : de quo, Tertia. Efficiens, finis, materia.
 Hæc est igitur nominis essentia, significare rem permanen-
 tem : at prisca id esse proprium eius ridiculē prodidere : qua

inscitia etiam in alijs substantiam cum accidente confundere.

CAP. LXXVII.

Quo quisq; ordine affectus tractandus sit.

ORdinem quoq; horum affectuum ueteres inuertere : nam ut quisq; à Nominis ratione enatus fluxit: ita debuit explicari. Ac nemo debet dubitare, quin & Numerus, & Persona primas sibi sedes occuparint : sed Numerus prior fuit. Nam primum & secundum, quod est in persona positum, est relatiuum: prima enim dicta est, propter secundam. At Numerus non est relatiuus, sed absolutus: absolutum autem prius relatiuum. Post Personam autem Genus editum est : uidemus enim in pronomini- bus primitiuis genera cōfusa. Post Genus emerlit Casus, quem expressit ambiguitas: cum primum sic essent locuti, Cato interficit Cæsar. Itaque ut distinguerent orationem, flexum apposuere. Vltimæ fuere Species, & Figura : ac Species quidem multo magis necessaria, itaq; Figuram præcedet : sine Figura enim constabit oratio, sine Specie non omnis constabit. Neq; enim dices, Cato est iustitia. Atq; ipso quidem Casu Species fuit præstantior: materiæ enim affectio simplex casus est : Species autem etiam ipsi rei necessaria est ad significandum : mutat enim Species modum significationis, Casus autem non mutat. Sed serò & à philosophis ipsæ sunt Species introductæ, Denominatiuum, & eiusmodi : at Casus usu tantum exorti facilè sunt, ac propterea priores fuere. Sic igitur recensentur : Numerus, Persona, Genus, Casus, Species, Figura. Sed prisce ita peruerterunt: sicuti cum ante Verbi, aliarumq; partium definitionem, propria eorum narrant.

CAP. LXXVIII.

De Numero.

AC de Persona quidem iam dictum est: coacti enim disputatione id fecimus : de Numero autem est hîc agendum. Numerus est quantitas, quæ per se ipsa diuisa ac cumulata
ultimo

ultimo termino ab alijs distinguitur. Est enim Binarius numerus duæ unitates, Ternarius tres: quæ sua natura non sunt simul, sed cumulatione, siue aggregatione, siue appositione dicas, nihil interest. Distinguitur autem omnis numerus ab alio numero unico tantum termino, eoque ultimo: unam enim habet dimensionem quantitas discreta, quippe longitudinè: fluit enim unitas discontinuata: neque enim rectè dicitur fluere. Cum igitur omnis numeri unitas initium sit, non differrent numeri inter se hoc termino unde fluunt, sed eo in quo sistuntur. Hoc enim Quaternio à Ternione distat, unitate scilicet postremo apposita loco. Occupatum autem est consuetudine, ut Vnum, etiam numerus diceretur: quare id quoque secutū fuit, ut numerus alius diceretur Singularis, alius Pluralis: neque enim mediū ullum est inter unum & plura: quoniam plura ex uno frequentato facta sunt. Quare Iones non rectè fecere, qui Dualem numerum à plurali discrepsere: atque iccirco seueriores Aeoles neque recepere, neque in Latinos transmissere. & nugacitas illa Ionum in multis temporibus uerborum personas aliquot non potuit eruere in eo numero: in nominibus autem pauculos casus expressere. His autem, quæ diximus, infelicissime grammatici obstrepunt: egressi enim è septis suis non possunt quin ineptiant. Singularis, inquiunt, numerus uerissimus numerus est, propterea quod repetitus facit numeros, inque cum ipsi resoluuntur. Principio, hoc est disputatum in diuina philosophia, Unitatem non esse numerum, sicut neque punctum quantitatem: neutrumque esse in prædicamento quantitatis, nisi tanquam principia. Multis autem argumentis deijciuntur de statu suo. Si enim numerus est quantitas discreta, id est quantitates diuise per superficies, & coniunctæ per comprehensionem; imò uero ipsa quantitatum ratio comprehensarum: non erit Unitas numerus, non enim diuidi potest: idem enim est diuisum, & discretum: sicut idem concretum & indiuisum. Sumptis quoque eorum principijs, directo aduersus eos colligamus. Numerus, inquiunt, singularis rectè dicitur: quia geminatus, aut mul-

tiplicatus cæteros omnes creat. Ergo numerus non est : hac enim ratione punctum esset linea , linea superficies , superficies corpus. præterea Binarius, Ternarius, Quaternarius, nō esset unusquisq; numerus seorsum : sed Binarius, duo numeri : Ternarius, tres : non esset igitur quantitas, sed quantitates : numerus enim quantitas est, ergo numeri quantitates. Nihil uerō mirum hoc errasse, qui cum male iam definiuerāt, Numerus est dictionis forma, quæ discretionem quantitatis facere potest. Principio male assignarunt dictioni: neq; enim competit dictioni, ut dictio est: omnibus enim competeret dictionibus : hoc autem est falsum. Deinde formam dixere, cum tamen numerus sit accidens. Et male dixere, discretionē quantitatis facere : sed potius discretæ quantitatis modum, aut differentiam notare. neque excluduntur Aduerbia illorum definitione : Nam Bis, Ter, formam habent dictionis, qua distingui potest quantitas. Proprium autem est Singularis, finitum esse: id est, certum : quia scimus quantum sit hominum, cum dicimus, Homo. At pluralis infinitus est, nō quod sine carcat, nihil enim in natura infinitum : sed quia sit incertus. Si enim dicas, Homines: quot sint, nescias : itaq; additur aliquid præscribens, ut Decem, uiginti. Accidit autem interdum, ut eadem uoce diuersus numerus intelligatur: quemadmodum est in secundo casu singulari secunde inflexionis, & in primo plurali eiusdem : in neutris pluralibus tribus, ac singulari fœminino : ut, S A C R A. In quibus autē eueniat, in capite de casu dictum est. Secutus autem est numerus grammaticorum, sui ipsius naturam in rebus ipsis, par enim & dispar, ut diximus, non simul adsunt eidem numero: sic neque pluralis, & singularis : sed satis est alterutrum uni uoci inesse. Ac quemadmodum numerus quiuis addita unitate acquirit rationem pluris, ita aut numero syllabarum, aut temporum, plurales numeri nostri maxima ex parte, singulares superarunt: P O Æ T A, P O Æ T A E: D O M I N V S, D O M I N I: P A T E R, P A T R E S: C O R N V, C O R N V A: pauca enim aliter inuenias. Sed & in alijs casibus ferè

ferè idem inuenies. Quare cùm idem numerus nō possit esse unus, & plures, & idem nomen utrunq; significare queat, ut AMOR, AMORES, consultum est huic rei, ut per syllabarum aut temporum appositionem, idem nomen esset se ipso maius, & aliquo modo à seipso diuersum. Hoc autem, ut diximus, maxima in parte nominum est, non in omnibus. Sermo enim temere inter agrestia ingenia primum ortus refragatur aliquando legibus doctiorum. Igitur quædam sunt nomina eiusmodi, ut numerum utrumque obtineant, qualia diximus: nonnulla semper singularia: quædam semper pluralia: & in his quædam pro numeri natura numerum reddentia: quædam non: sed alia singulari numero plura significantia: alia plurali numero, singula. Semper igitur singularia, aut semper pluralia ut essent, effecit aut natura, aut usus. Natura sunt singularia, quæ certa sunt indiuidua, ut Sol, Cæsar. Item pluralia, quæ multa sunt, ut sunt hoc, quod esse dicuntur, ut Gemini, Pisces. Dico autem, Et sunt hoc, quod esse dicuntur: propterea quodd collectio illa plurium singularium maxima ex parte pendet ab intellectu: usus autem tyrannide extortum est, ut quædam sine ratione essent singularia, ut fumus: nam quare non dicam duos fumos? & duos sanguines? Hæc igitur sine ratione. Quin etiam contra rationem: etenim Pulverem, & Arenam dicimus, totum illum cumulum, cùm tamē ipsarum partium minutarum potius esse debuisset. Pluralia autem quare dicas unum diem, Saturnalia, Floralia, ratio subest. Comprehendit enim & ludos, & ioca, & mercatus, & comestiones, & alia. At Ceruices quare dicebant, cùm Collum quoq; dicerent: aut quare Colla, unius tantum hominis? Emendat tamen sese aliquando publicus usus tollendo quod statuerat, probatorum autoritate: quibus aliter placuit postea dicere: ut Ceruicem primus Horatensius pronunciauit: item Farra, & Mella, & Vina alij: & quibus placuit idem nomen proprium diuersis imponere: ut, mihi, & Iulio Cæsari Dictatori. Eadem quoque autoritate coacti sumus uerum singularem in plures diuidere. Vna

Gallia est, singulis utrinque montibus, totidem maris limitibus, & fluuiio Reno præscripta. quare igitur in tres, quatuorue Gallias diuisimus? cum una Græcia, una Italia diceretur. Ac sanè commodius Italia in plures potuit distinguì: nam uetus Aufonia, quæ & Oenotria, & Italia nominata fuit, ne Tiberim quidem attingebat. Postea Romani ne Barbari essent, uì extorsere, ut ad Rubiconem usque fines extenderetur. Octauius rerum potius, etiam nomen dominus esse potuit: atque etiam, si Dijs placet, ad Varum usque propagauit: ut Alpes ipsas quoque, quas natura fixerat communes, à barbarie uindictas Latino nomini attribueret. Sanè uero, qui Nicæam in Italiam transtulit, potuit Italiam ipsam, ad sociam & participem uel nominis, uel gloriæ Romanæ Massiliam prorogare. Sed de his aliàs. Est & illud contemplandum: Nihil referre, unum pluraue sint: an unum pluraue putemus. Ita cum ex diuisione prouinciarum ac præfecturis, Transpadanam, Cispadanam, Cisalpinam, Transalpinam, Belgicam, Celticam, Aquitanicam dixere, propterea quod ita esse arbitrabantur: sic philosophorum quidam cum plures Mundos, Soles, Lunas intellexere: quod à nobis numero singulari prolatum fuerat, ab illis non est uitiosius in uerbis quam in rebus multiplicatum. Itaque Ioues etiam dicimus, & Veneres, & Cupidines. Itaque scribunt, Orbem terræ: & Orbem terrarum. Nam Terra nomen proprium est in singulari unius elementi, quæ Elementum est, atque idē semper in sui similes partes diuiditur. Cum autē in plurali ponitur, est idem nomen literis, & materia, sed non substantia. Neque enim ex proprio fit appellatiuum, ut dixere: sed aliud est re, licet uoce cōueniat. Sicut in Casibus & Numeris idem quoque euenit: Nam, sacra generis fœminini, numeri singularis, non est eadem uox cum pluralibus neutris: accidit enim, ut iisdem scribatur elementis. Terræ autem diuisionem auspicati sunt à familiaribus occupationibus, & ius ipsam iniuriā appellarunt: neque enim melius Terra debuit alij atque alij attribui, quam aër. Itaque natura uindicat

dicat sese, & mortuos Tyrannos non maiore tegit tumultu, quam unum ex oppressis, sese omnibus æqualem ostendens matrem. Quæ uerò singulari numero plura significant, naturam ipsam in euentibus rerum sunt imitata: quippe unus cumulus, unus aceruus dicitur: at id unum, plura sunt: ita Populus, Turba, non sine ratione simplici numero, multiplicem significatum comprehendere. Nam Thebæ, & alia eiusmodi, secuta sunt conuentum libertatemque ciuium: quorum omnium nomine, non unius gererentur res: alibi enim apertius hoc declaratur: ut in Commentarijs Cæsaris, Heluetij, Menapij, Aruerni. Multitudo enim in populis, non moenia in urbibus explicantur. Harum autem urbium numerus cum singulari flexu profertur, ut apud Statium, Theba, sequitur unionem ipsam in significando. Quæ igitur pertinent ad numerorum naturam, affectus, usumque, hæc sunt.

CAP. LXXIX.

De Genere.

Naturalia quosdam habent affectus propter se: ut, mouentur animalia, quia sentiunt: ergo ut euitent noxia, & ut comoda consequantur, mouendi facultate prædita fuere. Alios affectus habent propter alia, non propter se: ut excrementa, sunt, ut cuius sunt, ipsis exonerentur. neque enim alii qui pili quibusdam in partibus hominis ullum propter se finem habent: nulli enim usui sunt: sed ut fumosis exhalationibus illis uacet intus ibi corpus. Est & alius modus, ut generatio. affectus enim animalis est non propter ipsum, sed propter speciem. Nisi enim indiuidua certa producerent sibi simile, interiret species ipsis deficientibus. Quare generandi facultas eis data est: atque alij quidem alio modo: perfectis autem, per sexum: in quibus mas, & foemina distinguerentur. His de causis, quæ uoces sexus essent notæ, qua ratione id iudicarent, eam rationem Genus appellarunt, à potestate earum rerum, quæ significarentur. Sexus enim est alterutra potestas generandi. Neque rectè antiqui dictioni attribueret: Trium

re : Trium enim tantum partium est, non autem Dictionis. Sed ipsi falsi sunt, cum non esset nomen positum ei generi, quod peculiariter has tres solas partes capit. Alij addiderunt sic, Dictionis declinabilis : sed falsò : neque enim Verbi est. Est igitur illius subalterni : sic enim media uocant : generis affectus terminatione sexum notans. Sita enim est in fine uocis, ut Cæsar, Musa. Neque uerò impedimento est, quod etiam masculina terminatio cum foemina cōcurrat: ut Murena, Aurata, quæ sunt cognomina uirorum. Hoc enim accidit à cognominibus animalibus : sic Sylla, à prudentia, quasi Sibylla : & alia, quorum ratio fuit hæc secuta. Neque Barbara obsunt, Iugurtha, Iuba : illis enim ea fuerit terminatio ad hoc officium, ut nostra nobis. Quod si qua est utriusque sexui communis, non destruitur iccirco definitio: ut, Legens, & Felix : intelligis enim utrumque genus includi: quod non facies in LECTVS, LECTA : aliter enim terminantur. Iccirco sapienter diximus, Notans, non autem distinguens: nō enim semper distinguit, ob uerborum scilicet penuriam: sunt enim res plures, quam uocabula. Cætera autem genera aut non sunt, aut hæc sunt. Ac de Neutro quidem diximus: nomen enim hoc, Neutrum, negat ipsum esse genus. Cum enim dicis, Neutrum genus est, significas ipsum esse, quia non est. Sicut ἀνώνυμα quædam herbæ dictæ sunt: quæ quia nomen non habent, nomen inuenere. Est autem Neutrum duplex : unum, quod utrumque simul reijcit genus : ut, SCAMNUM, neque enim aut mas, aut foemina est. Alterum, quod neque reijcit, neque statuit: ut, Mancipium. Ad didere autem, quod Incertum uocarent: ut, Dies: sed hoc ab ipsa re, neutrum quoque est. Sexus enim non nisi in animalibus, aut in ijs, quæ animalis naturam imitantur, ut arbores. Sed ab usu hoc factum est, qui nunc masculinum sexum, nunc foemininum attribuisse, hoc itaque nonnulli etiam Dubium appellarunt. At illud ferendum non fuit, cum animalia quædam suis generibus non notarent : hanc negligentiam Græci uocarunt genus ἐπίγνωτον, pessimè : nam κενόν, id quod

quod Duo comprehenderet genera nominabant. hoc autem Alterutrum tantum cum recipiat, non potuit habere præpositionem *ἐπί*: addit enim quantitatem mathematicis. ut *ἐπί τριτῶν*. Nostri melius promiscuum, quod differret à comuni: quoniam commune idem æquè caperet utrumque sexum, & esset uox generica aut specialis capiens indiuidua: ut homo, cui aliquando foemininum, aliquando masculinum apponeres adiectiuum. ut homo bonus, homo bona. At Promiscuo non item: sed alterutro sub sexu captæ uoci, utrumque sexum assignares: ut passer albus, etiam de foemella. Is autem defectus cum in usum furtim irrepsisset, timiditate quadam fatus est. Nam ut Mulus, Mula, Ceruus, Cerua, quare non Aquilus, Aquila, & cum haberes *δυνῶ*, *δυνῖς*, quam obrem non dixisti, Thunnus, Thunna. Nam quæ admittunt communes terminationes, ausim ego communi quoque genere insignire: ut hic & hæc ouis potius dicatur, quam aut hæc, aut hic uel hæc, ut etiam ueteres pronunciabant. Atque illi quidem, cum Taurum rectè dicerent, etiam ad conuicium TAVRAM, commenti sunt. Quare igitur uoluptatis diuerticula quasiuere: necessitati autem non inseruere? uerum nulla ars repente perfecta extitit. Ille uero in multis uocibus, sic in uocum terminatione fatalis defectus fuit, cum tria genera unica unius uocis terminatione comprehensa sunt: ut, FELIX: una enim uox est, materiam si species: at si formam introspecies, tres sunt una facie. Illud quoque ex antiquis est cautius accipiendum: Nam cum discrimen generum statuunt, per notam Pronominis, à posteriori accipiunt cognitionem: neque enim Cæsar, est generis masculini, quia ei præponitur hic: sed cognoscitur ita esse, quia ita præponitur: præponitur autem, quia est. Hæc de re ipsa, eorum autem uoces etiam sunt declarandæ. Nam MAS, Osca dictio fuit concisa, à Mamerte: Mamers enim, & Mauors, & MARS, fortem apud illos significarunt: non quod magna uorteret, ut aiunt: neque enim Latinae uoces fuere. Foemina autem à foetu: foetus autem *παρὰ τὸ φῦτον*: nam hoc

uerbo ueteres rem Venream significarant pudenter : sicut Latini, Coire: quid enim purius, quàm comitem esse: item consuetudo: sic Græci *συνεῖναι*, & *συνήνοδαι*, & alia multa, quæ in libris historiarum diligenter annotauimus. Disputarunt autem Grammatici Mascula genera, an Masculina dicenda essent: & Festus in XII. Masculina mauult, quoniam Græci quoque *ἀρρενικά* ἢ *θηλυκά*, non autem *ἄρρενα*, & *θήλυα*. Idem Festus in primo, Fœmineum dicit Genus, non Fœmininum. Recentiores delicati malunt dicere, Generis neutrius, quàm neutri. sed antiqui sic inflexêre Vter, utri, utro: sicut, Vnus, uni, uno, unum, une: ut est apud Catullum, & Terentius, Mihi solæ. Et ut nomen generis differat à cōmuni illa uoce negatiua, prudenter, qua potuit, effectum est. Proprium autem Generum esse, pati mutationem, satis patet ex genere incerto, ut etiam Armentas, dixerit Ennius, quæ nos Armenta. Sed de his in historia originum satis dictum est.

CAP. LXXX.

Casus.

NVnc eo ordine, quem præcepimus, de Casibus agendum est, opcroso sanè negotio. Casus igitur, per ueterum definitionem, quid sit, non satis cognosci potest: quippe, & Nomen per Casum, & Casum per nomen cùm definiant, neque hæc inter se sint relatiua, circularis erit cognitio: sic enim uocant philosophi, cùm ignotum per æquè ignotum explicatur. Nam si nomen est declinabile per casum: Quæro, quid sit casus. Est declinatio (aiunt) nominis. quare per hæc nihil notum mihi fit. Sed addidere, Vel aliarum casualium dictionum, quæ maxime fit in fine. At uerò Casus non est declinatio: Declinatio enim duo significat: Actum illum inflectendi primo suo significato: motum enim notant eius modi uerbalia, ut ambulatio. Id non est casus: non erit igitur hoc modo declinatio. secundo, significat caput quoddam, ad quod reducuntur eiusdem flexionis nomina: ut primam, secundam

secundam, & alias dicimus: ne sic quidem erit casus, declinatio. Casus enim ipsi ad ea capita reducuntur. Quod autem ad aliquid reducitur, non est cum eo idem. Reducere enim notat motum: at omnis motus statuit priuationem: igitur si idem essent, idem careret seipso. Voluit igitur intelligere declinationem ipsam mutationem terminationis: sed Casus non est illa mutatio, sed hoc ipsum quod iam mutatum est: Casus enim Vocatiui est, *B O N E*, quod iam est mutatum à *B O N V S*, non nunc mutatur. Itaque uox hæc, *C A S V S*, est præteriti temporis, declinatio præsentis. Præterea Species est declinatio nominis, hoc modo per terminationem: ut à Iustitia Iustus: hæc enim est definitio Denominatiuum. Quid, quod illa uerba, Quæ maximè fit in fine: perturbant, non declarant. Nam uox hæc, Maximè, accipitur pro eo, quod est potissimum. At potissimum remittit inter dum amplitudinem significati: ut cum dico, Potissimū hyeme pluit: significo nō semper æquè pluere: quare ostendunt ea uerba, euenire aliquando, ut Casus non fiant in fine uocum, sed alibi quoque. Quod si eò confugiant, ut dicant, Maximè, idem esse quod, Semper: adderent potius uocem manifestam, Semper. Verum ne id quidem faciunt docti: Definitiones enim ita sunt natura comparatæ, ut hoc aduersus bio ne egeant. In ipsis enim signa uniuersalia, tum numerorum, tum temporum necessariò, & semper intelliguntur. Idem enim dicas, Homo est animal: &, Omnis homo est semper animal. Cum enim à substantia constent definitiones, ipsa quæ abesse nequeat: & de omnibus, & semper dicentur: erit igitur casus terminationis effectus diuersus à prima impositione: est enim idem nomen alterius, atque alterius casus, quia alia atque alia terminatione mutatus est. Is autem affectus est in prædicamento Qualitatis, in capite de figura. Intelligo figuram mathematicam, non autem istam falsam de qua mox. Est enim Figura terminus quantitatis: igitur hæc uox *P O Ë T A*, quantitate certa, & figura est: *A*, enim uocali clauditur. At uox hæc *P O Ë T A R V M*, alia quantitas

alia figura terminatur. Est autem affectus is Nominum primò, & uerò: Pronominum autem, quatenus illorum uis carij sunt: Participiorum, ut in ipsis Nominum natura inest. Sicut ego sum calidus, quia ignis calidus est, qui in me est: ita proprium accidens alicuius, potest esse hoc modo commune: quoniam substantia illa, cuius est proprium, est substantia imperfecta, & comparata ad ulteriorem finem, quam suum: cuiusmodi sunt elementa, quæ non sunt propter se, sicut neque materia prima. Illud in memoria habendum est: Si quæ uoces casu distinguuntur, quæ tamen non sunt mutatae, ut *M V S A*, in Rectio, & Vocatiuo, hoc defectu materiae, non formæ euenire: Quæ fuit ratio, ut etiam æquiuoca nomina orta sint. Dico autem diuersam à prima impositionem: inuentores enim nomen indidisse Rectio patet ex usu loquentium, qui præsentis temporis primam personam, *ῥήμα*, appellant, & Rectum ipsum *ῥήμα* nominis.

Casus essentia hæc est: igitur de numero eorum, de quibus appellationibus nunc agendum. Cadere dicimus moueri deorsum naturaliter: intelligo naturaliter, secundum graue. Nam alia, quæ ingressu, aut uolatu, aut alio quouis modo deorsum mouentur, non feruntur naturali motu grauitatis, sed uoluntario: quo motu etiam sursum subeunt. At naturalis motus ad unum tantum fit. Quare palus erectus, aut columna cum ruit, cadere dicitur: non quia tota deorsum feratur, sed quia plurima eius pars. Translatum est deinde, ut quoties aliter quid aut esset, aut eueniret, quam aut prius erat, aut sperabatur, uerbum hoc usurparemus: ut, Cadere causa, in qua erat: Cadere spe: Excidere memoria. Corporis enim solius interest naturaliter moueri: sed ad res corpore carentes translatum fuit. Huius uerbi origo tota Græca est à præterito medio *ῥήματι*, quo sono integro præsentis etiam nunc Vascones pronunciant. Cum igitur apud Homerum dicantur uerba excidere ab ore, à mente quoque cadant necesse est. Quare cum à cadendo Casus sit, passiuæ forma, ut Occasus Sol, quemadmodum supra diximus, qui iam occidisset, in *X I I*.
tabulis

tabulis legebatur : Casus appellatione etiam Rectum ipsum afficere ausi sunt, quia à mente caderet imponentis. Sed cum nos de affectu nominum scribamus, non erit ea recta sententia: reliquæ enim quoque partes Casus dicerentur : igitur non esset nominum affectus ex mutatione finali, sed sine mutatione cuiusvis uocis: ut H E V : ut appareat, quàm negligenter sibijplis isti aduersentur. Sed ferendi eò erant, quòd uera dicerent, quanquam non secundum ea, quæ proponerentur. At contra, qui ita sentiunt, Casus omnes esse Rectos, quia à generali cadunt nomine : sanè ineptiunt. nam quid est hoc, quod generale nomen appellât? N O M E N ipsum? At quis dicat, C A E S A R E M à nomine cecidisse, in quo nunquam fuit : quis S P V T V M? cuius ne unam quidem habet syllabam. Materia igitur huius, ab illius non cecidit. Quòd si hoc ab illo contemplantur, quia illius species sit, sanè non cecidit: quis enim dicat speciem à genere cadere? in quo est ut pars comprehensa prædicatione: & in qua illud est ut pars constituens essentialis, ut omittam tempora uerborum futura casus, quoniam à uerbo generali cecidissent. Ergo alij subtilissimè dixere, Rectum esse Casum, quoniam ipse est qui cadit, cum definit esse Rectus, & fit Casus. Si enim Rectus est, qui declinatur, qui flectitur, nempe erit Casus. Itaque Aprotà uocata nomina, in quibus rectus nō caderet. Verum ne hi quidem sunt audiendi : Nam quæro, Rectus antè quàm cadat, Casus ne sit? si est casus ante quàm cadat, ergo sine causa, id est, sine mutatione & flexione erunt obliqui casus. Sin hi casus sunt, ille non fuit: mutatum enim non est idem. Quidā ubi deiectioni sunt his rationibus, ad alia commenta confugere: eundem esse posse & Rectum & Casum : quia stylus è manu postquàm cecidit, rectus adhuc est. Hic fallacia est Recti & Erecti: iccirco duplex fuit uox, ὀρθῶς, & ὀρθῶς. interpretamur primam uocem rectam, alteram erectam. Rectæ ratio est à partibus, ne extremorum tenorem egrediantur : nam qui sic definiunt, Breuissima extensio, per proprium, non per essentiam definiuere. Erectæ autem ratio est à situ, & relatione

uniuersitatis: cuius scilicet partes extremæ non egrediuntur lineam mundi perpendicularem. Ita etiam curuus stilus poterit erectus esse, & stilus rectus, iacens: opponitur enim Rectio Obliquum, Erectio autem Iacens. Iccirco dicimus in definitione Erecti, cuius extremæ partes non exeunt lineam mundi perpendicularem. quoniam etiam curua erecta esse possunt. Verè autem Erectum sic intelligas: nam Nutans licet non sit Iacens, non tamè uerè Erectus est: sed est, ut aiunt, in fieri: definitiones autem rerum sunt perfectarum. Hinc Nominatiuum uocabimus *ὀρθῶς* Rectum, quia breuissimum nominis extensio est: ut linea recta: iccirco *ὀρθῶς* apud Græcos significat statim. *ὀρθῶς* autem, quia stat: neque dum flexa est: erectum dicas, si lubet. Cæteras autem partes inflexi nominis, à Rectio quidem Obliquas, ab Erectio autem casus. Sed rectius fiat, ut obliquorum nomen omittas: nullo enim modo potest competere ratio curuitatis. Casum autem appelles illam terminatā mutationem, exemplo Aristotelis, *τῆς ἀπὸ τοῦ ὀρθοῦ εἰς τὸ πρῶτον πῶς*.

CAP. LXXXI.

Enumerantur Casus; explicatur usus: recipiuntur Nomina.

CAsus, uoce largius cum rectio quoque communicata, uideamus quot sint, & qui, & quare non plures, quàm à ueteribus traditi sunt, neque pauciores. In omni actione est id quod agit, id quod fit, id quod factum recipit, priuatio, & finis cuius causa fit. Quinque casus fuere necessarij: Agens, Rectus: quod fit, Secundus: cui fit, id est finis, Tertius: quod recipit, Quartus: priuatio, Sextus. Agit enim faber, facit formam freni in ferro, facit Cæsari, recipit formam ferrum, quod carebat ea. Ita constituit orationem, Faber cudit ferrum Cæsari ex catena. Interroges igitur, Quid facit ferro? Formā freni: ex catena, in catena enim non erat. Ac quanquam uidetur forma illa esse finis: imposita enim forma, cessat artifex: tamen non est finis ultimus: est enim finis operæ, id est, actionis, non autem operis. fit enim propter equum Cæsaris.

Sic &

Sic & super Quarti natura poterat dubitari: uidetur enim formam non materiam significare, cum dicimus, Aedifico domum. At rudibus philosophiae hoc ueniat in mentem: Dominus enim & materiam dicit & formam: Vocabulum igitur hoc facit, non autem Casus. Cuius rei signum est, dicam, Cedo lapides: hic nihil est, praeter materiam: Cessura autem forma est, puta Iouis, aut Caesaris. Ita in domo, si formam a materia intellectione distinguas, sic dicas, Lapidem cuius sunt? Domus: a forma enim hoc habent, ut ne sint Pontis, aut alterius rei. Mutantur autem locutionibus Casuum rationes: aliter enim accipias in passivis: sed simplex inuentio rerum talis ab ipsis principiis fuit. Quoniam uero sermo institutus est, ut dicebamus, quo cum altero sententiam nostram communicarem: ideo Quintus casus inuentus est, cuius officium uocandi esset. Sapientius autem a nobis fit, quam sit factum ab antiquis: cum ordinis nomen indimus casibus, Primum, Secundum, Tertium, non autem officiorum. Nam cum in uarios usus fusi essent, non solum diuersa nomina, sed etiam superuacanea sunt sortiti. Quid enim Vxorium casum dixerunt Secundum? modestius alij Patrum, prudentius Possessorium. Nam Hectoris Andromache, non est Vxorius, sed Maritalis: sicut apud Valerium, Terentia Cicronis. Ita cum dicis Caesar Syluij pater, Filialis sit, si sit Patrius ibi, Syluius Caesaris. Sic enim Cicero: Cato, huius pater, qui Vtica se se interfecit. Qua ratione etiam Genitium nominarunt. Quid? non ne erit etiam Carpentarius, cum dicam, Carpentum opus Epei? Sed grammaticis nullus finis ineptiendi. Datium non inepte dixere, Acquisitiuum melius: nam quod contraria natura inuenitur: ut, Aufero tibi librum: hic etiam acquisitionem intelligamus: nam recipit ablationem. Accusatiuum pessime Latini, Graeci mitius, *αιτιατικον*, ut causa sit, non accusatio. nam sic oportet dicas Sextum casum, Defensorium: nam quemadmodum est, Contra Vatinium: sic erit, Pro Vatino. Sed & ridiculum sane: etenim ut est, Accuso Clodium: sic, Defendo Clodium: potior autem defensio esse

esse debet. Salutatorium etiam Vocativum, non malè: sed hoc generalius: etiam salutans, uocas: neque enim Vocare primo significatu fuit, arcessere, aut cìere: sed, uocem edere: postea fuit, nominare. Sic Clamare, uocem contentam edere, postea appellare: ut apud Plautum transitivè, non absolutè, Clama hominem, *καλεω*. Ablatiui quoque nomen non semper seruit, sed etiam dat: A Cæsare datur regnum Antonio: nisi dicas, auferri ab eo quod dat, id quod datur, & rectè. Septimus autem à Sexto non magis distat, quàm Genitiuus à seipso, cum aliud quàm gignere, & Dativus aliud quàm dare significat. Is autem casus Septimus, ut uoluere, ut nos Sextus, habuit rationem instrumenti: nam hoc quoque inter causas numeratum est. Ac Platonicus quidem, inter quos etià Galenus fuit, instrumentariam causam ab alijs distinctam posuere: at Peripatetici (ut omnia) sapientius, ad genus causæ efficientis: est enim Malleus efficiens Annuli: neque ipse sine Aurifice, neque sine ipso Aurifex: sed ita, ut si Malleo non agat, agat alia re, quæ illius loco sit. Adeo ut Aristoteles etià ipsam motionem inter efficientes numerarit. Igitur in recto nõ potuit esse, propterea quod simplex est. In sexto casu fuit, quomodo est efficiens in passiva locutione: ut idem sit, A Cæsare, & à Lancea uulnus factum est: utrumque enim est agens. Itaque & à Lancea, & Lancea: quare cum neque Cæsar sine Lancea, neque Lancea sine Cæsare uulnus possit facere, & tamen Cæsar multo potior sit, quippe agens à seipso, tenuit priscus usus, ut præpositio hæc C V M, adderetur: sicut, Theſeus cum Hercule. Verùm quia non erat societas equalis, sed uerus motus actiuus in agente, motus passiuus in instrumēto, sustulerunt præpositionem, qua uerus comitatus in alijs indicaretur. Ratio igitur, & usus sequens rationem priscus ad hunc modum fuit. Nunc uerò cum grāmatici negant inueniri dictum à doctis cum præpositione, falluntur. Nam in quarto Factorum, in antiquis exemplaribus Florentinis sic scriptum fuit:

Hæc modò uerrebatur raro cum pectine terram.

Verùm

Verum ita in codicibus doctissimi viri Gryphij emendatum inuenimus:

Hæc modò uerbatim stantem tibicine uillam.

Nec displicuit festiuitas priscae uocis, fulturaq; casae tenuioris. Sed is loquendi modus fuit peculiaris illi poetæ: cum aliibi, tum in primo Transformationum,

-Concussit terq; quaterq;

Cæsariem: cum qua terram, mare, sidera mouit.

Plinius quoq; in libro 1 x. de mollibus loquens piscibus, sic scripsit: Cæteri cirri, cum quibus uenantur.

Proprium autem est Sexti, & Secundi mutuò subire sedes quasdam. Quædam enim uerba æquè ipsos respiciunt, ut Egeo, & eiusmodi: sed & alio usu loquendi: ut, Imperator miræ fortunæ: & Mira fortuna. Vbi si multa iungantur cola, idem casus ferè repetitur: Bonæ indolis, summæ spei, raræ fidei. Plinius uariauit lib. v 1 1. Chormandorum gentem syluestrem, sine uoce, stridoris horrendi, hirtis corporibus. Alius dixisset, Stridore horrendo: ubi etiam uocem à stridore oris malè separauit. Sed & Cicero eodem modo elegantiam condiuit uarietate: Lentulum nostrum, eximîa spe, summæ uirtutis adolescentem. Vbi semper inuenies adiectiuum: nam exemplum ex inuectiua in Sallustium falsò adducunt, sic, Quos protulit Scipiones, & Metellos, ante fuerint opinionis. legunt enim docti, Tantæ, & rectè.

Rectus autem, & Quintus apud Atticos idem fuit: quos etiam poeta imitatus est:

Corniger Hesperidum fluuius regnator aquarum.

& in plerisque uocibus tam Nominum, quàm Pronominum, atque etiam Participiorum adhuc ita est. Idcirco in oratione utrunq; simul iunctum inuenimus: ut apud Plinium in v 1 1. Salue omnium primus, parens patriæ appellate. Nam ea uerba, Primus, & Appellate, simul coeunt in constructione. Illud autem ex Virgilio,

Nate, meæ uires, mea magna potentia solus,

Nate patris summi, qui tela Typhoea temnis:

u

duobus

duobus modis aptari potest, ut eximatur ex eo modo dicendi : primò, ut solus sit magna potentia : secundò, qui solus temnis tela.

CAP. LXXXII.

Casuum ordo, quare talis sit.

EX his patet ordo : Nam efficiēs, cum sit omnium primum, Rectum habuit : & quia primam habuit posituram. Secundum locum forma occupavit : est enim statim in animo efficientis, ut materiae eam imponat : quippe, uti dicebamus, operæ finis est. Proximam huic sedem vindicavit is, qui ultimum finem significavit. Reliqui erant duo : alter materialis, quem Accusativum dicebant : alter, qui signaret priuationem : ideo merito huic illum præposuere. Vocativus autem postremo loco fuerat collocandus : verum Sextus cum totus Latinus sit, atq; ab ipsis, cæteris additus, omnium ultimus fuit. Neque enim verum est, quod aiunt, *ἐμὲν, σέθεν*, Sextum fuisse Græcis : non enim flectitur : sed est, sicut apud nos, cœlitus. Itaq; etiam alios sic inuenias, *ἑρμῶνδε, ἑρμῶδι*, quare etiam plures casus sint. cæterum adverbia loci sunt, ut *θύραζε*. Quid quòd illa addita terminatio non semper distinguit. nam etiam præpositio addita est, *ἑρμῶδι πρό*. sicut & *ὧ*, quæ particula omnibus additur casibus, neq; ipsos uariat : & omnibus numeris : id quod ab Urbano diligentissimè ex Horæ meritis obseruationibus collectum est.

CAP. LXXXIII.

De ijs, quæ unico casu constant, & pluribus, & an Aptota inueniantur.

Quemadmodum igitur interdum uidemus nomen quoddam, uerbum uē uoce conuenire : ut, face : neq; tamen eadem est natura : ita quanquam quidam casus eiusdem uocis, limitibus ijsdem contineantur, nihil tamen impedit, quin sui quæq; uox Casus naturam usumq; seruet. Sunt enim quædam nomina per omnes Casus uariata, quæ ideo Scenaria dicta

dicta sunt, ut Solus. Quædam per quinque, ut Pater: quæ, Quaternaria. Quaternaria: ut, Puer. Ternaria: ut, Turris. Simplicia, quæ unum tenorem semper obtinent: ut, Frugi. Binaria autem, siue Bipartita quidam fecere, adduntque exemplum à Genu: propterea quod in Secundo, & Tertio, & Sexto producat, in Recto, Quarto, Quinto corripiat ultimam syllabam. Apud poetas tamen eam semper productam inuenias:

Nuda genu, nodoque sinus collecta fluentes.
est Genu, Quartus casus, sicut & Sinus fluentes. Neque necesse est inueniri defectus hos in omnibus numeris: ut quoniam sint, Singularia, & Ternaria, & deinceps, etiam Binaria statuantur. casu namque, non consulto hæc euenire: quin etiam si consulto factum esset, ad id non cogerentur. sicut in natura animalium, sunt Bipedes, sunt Quadrupedes, Sex pedes, Octo pedes, Tripedes autem non sunt. neque in arte. nam culinarii Tripodes sunt: quadrupedes ut essent, non placuit.

Antiqui igitur sic minutatim collegere. Senaria Modum habent unicum, ut Solus. Quinaria duos, Rectum eundem cum uocatiuo: ut, Mater. is primus modus est: Alter, cum idem est Tertius cum Sexto: ut, Marcus. Quaternaria sex: Primus, Genitiuum cum Datiuo, & Vocatiuum cum Ablatiuo: ut, Aeneas. Secundus, Nominatiuum cum Vocatiuo, Datiuum cum Ablatiuo: ut, Aper. Tertius, Genitiuum cum Vocatiuo, & Datiuum cum Ablatiuo: ut, Iulius: Genitiuum enim unico I, scribebant. Quartus, Nominatiuum cum Vocatiuo, & Genitiuum cum Datiuo: ut, Dies. Quintus, Nominatiuum cum Genitiuo, & Vocatiuo. Sextus, Nominatiuum cum Accusatiuo, & Vocatiuo: ut, neutra, Sidus, Scamnum. Ternaria quoque sex sunt modis: Primus, Nominatiuum cum Genitiuo, & Vocatiuo: Datiuum cum Ablatiuo: ut, Turris. Secundus, in ijs, quæ sunt sicut PORTVS. ubi antiqui Datiuum eodem sono, quo ablatiuum proferebant. Tertius in ijs, quæ sunt sicut POËTA: nihil enim habent præterea, nisi POËTAM, & POËTAE. Quartus in ijs, quæ sunt sicut THISBE: in quibus idem est Nominati-

uus, Genitiuus, Datiuus, Vocatiuus, Ablatiuus. Quintus, in Græcis femininis in O, antiquorū more. Sappho, Sapphonis, Sapphoni. Sextus, ut in neutris Secundæ, scamnum.

CAP. LXXXIIII.

Veterum dicta examinat diligentius.

HAs minutias omittere aliquādo in animo fuit: sed nequid desideretur, apposuimus: simul ut ueterum errores castigaremus. Primū, singulares tantum casus sunt persecuti: at enim uero plurales aliter sonant: iccirco tota hæc uia non solum inutilis, sed etiam falsa. Præterea capita quoque ipsa non omnia uera sunt, inter quæ illa emendes: nam Ternariorum secundus modus idem est cum primo: nam in Portu, & Turri, iidem sunt casuum modi, si literas species, Nominatiuus, Genitiuus, Vocatiuus, unus: Datiuus, ut prisci, PORTV, & Ablatiuus unus. & Tertius, accusatiuus. At enim uero differt Genitiuus, Portus, à nominatiuo suo syllabæ finalis productione. Itaque ad maiorem numerum referenda hæc erunt: ipsi enim Binaria agnoscebant, ex eiusdem uocalis diuersa quantitate. Quare Tertius quoque modus Ternariorū reijciatur in Quaternaria: nam DE A, aliter sonat in Nominatiuo, aliter in Ablatiuo. Quartus uero etiam ridiculus est. Quis enim dicat in THISE, eundem esse uel Genitiuum, uel Datiuum cum Recto: quem ab eo diphthongus longe diuidit: ut suspicari libeat, iam Diomedis tempore desitas esse diphthongorum pronunciations. Quintus quoque modus excludendus est: Nam si ueteres sequimur, ut Sapphonis, & Sapphoni dicamus: etiam Sapphonem, etiam Sapphone, addeamus. integrum enim declinabant. Sin cultioribus sæculis obsequamur, in aliam mox formam erunt redigenda.

Hæc igitur omnes sibi habent casus, eorum enim usus omnibus præstò est: at casuum formam desiderant: uerū inueniuntur nomina multis defecta casibus. quædam etiam omnibus, præter unum: ut, SPONTE. is enim Sextus casus cum sit, sui usum cum aliorum nullo communicat: quare hæc Græci rectè

rectè *Μονόπρωτα* dixere. alia uerò quibus duo tantum relictæ essent, Diptota: ut, Iuppiter, rectum tantum & uocatiuum habet, reiectis antiquorum, Iuppitris, Iuppitrem. alia, Triptota: ut, Iouis, Ioui, Iouem. reiectio Recto antiquorum, eo uersu,

Quem Iouis ipse tremit. In quo Apuleius secutus est uetus carmen, quod recitatur à Martino,

Mercurius, Iouis, Neptunus, Vulcanus, Apollo.
Et Tetraptota, & Pentaptota, à numero quoque dicas, si inuenias: ut pronomen Ego, caret enim Vocatiuo. Hexaptota autem etiam *πενταπρωτα* nominauimus, quoniam omnes casus complecterentur.

Si igitur, ut ostendimus, aliud est, esse Bipartita, Tripartita, Quadripartita: & aliud Diptota, Triptota, Tetraptota: satis constat, ueteres non rectè inuexisse, Aptotorum appellationem. Nam, Frugi, & Nihili, non carent casibus, ut dixere: sed Nihili, Monoptotum est, casus scilicet Genitiui: ut sit Homo nihili, sicut homo nullius precij: & Frugi omnium casuum est. omnibus enim casibus iungitur, licet uoce non uarietur. Si enim id tolleret casuum naturam, non posses dicere, Turris magnæ: quoniam Turris in Nominatiuo ius sibi certum occupasset, quo excluderet Genitiuum. Verum, ut dicebamus, materia tantum, id est uoce sola conueniunt, forma autem distant: ut homo pictus, & homo uerus. Illa uerò etiam *ἀνόκλητος* est inuicta: Si nominis definitio est, per casus uariari: ergo casus est, aut essentia nominis, aut ab essentia fluens: Omni igitur nomini competet. His autem capitibus usi sumus appellationibus uulgaribus, Genitiui, Datiui, & aliorum, ne si Primum, & Secundum, & Tertium, ut polliciti fueraus, dixissemus, confusa esset oratio, in qua identidem eadem nomina inculcanda erant, Præmus modus, Secundus modus.

CAP. LXXXV.

Singulorum casuum ratio, quæ pertinet ad terminationes.

u 3 Casuum

CAsuum ortus, usque is est. Verum nondum acquiescit Animus: reddenda enim causa est ipsius terminationis: si quidem casus Terminatio est, ac pleraque sane ad Græcos referre, nobis satis sit, à quibus penè uniuersa lingua fluxit. Tres igitur ordines declinationum potissimum secuti sumus. Nam ex prima & secunda unam conflatam uidemus: ex eorum tertia, secundam nostram: ex quinta illorum, tertiam, quartam & quintam. Igitur tertium casum ut illi per diphthongum spuriam scribebant: sic nos per legitimam *πειτῆς*, *μῶς*, poetæ, musæ. Quartum casum, Aeolice pronuntians uimus, *πειτᾶρ*, *θιβαρ*. Poetam, Thebam. Secundum autem quare non secuti sumus, sanè miror. Nam in *v*, *πειτῶ*, ut Genu, esse potuit. Musas, autem in secundo, sicut Aeoles, non diximus, quia concurrisset cum plurali Quarto: atque illi distinxere lic, ut is ultimam produceret, Quartus autem corripere, exempla sunt petēda ex Pindaro, & Theocrito. Et sanè ueteres Latinos lic quoque locutos constat: quod etiam patet ex Vergilio in undecimo, —Nihil ipsa, nec auras, nec sonitus memor. Sic enim legendum: non ut im-periti mutarunt, Auræ. Cum igitur ex duabus unam fecissent, quam ob causam potius uocalem secundæ, quàm primæ retinuerunt: propterea quòd rectius & facilius ex *A*, huius Recti *POËTA*, facies *POËTAE* quàm *POËTV*. Plurales autem casus duo integri sunt, Rectus & Quartus, *πειτᾶι*, *πειτᾶς*. Tertius autem abiicit e diphthongo priorem uocalem *πειτᾶς*, poetis. Cum tamen Aeoles ualde amarent diphthongum illam *φαισι* pro *φασι*, & *Ἀσκληπιδίς*, pro *Ἀσκληπιδίς*, ut diximus. Secundus autem casus, ut cuius taret consonantiam cum quarto singulari, distortus fuit, *πειτᾶρ*, poetam: *πειτᾶρ*, poetarum: propterea quòd accentu non potuerit apud nos distinguí: neque enim ultimas accentu afficimus. Itaque secuti sunt alterum illud dum uocalem casuum, *πειτᾶων*: sed effugere hiatum illum dum uocalem sunt, *R*, interposuere: maximè enim accedunt uestigia huius elementí ad hiatum: nam etiam qui ipsi non possunt plene

plenè pronuciare, idem sonant, quod obscurus hiatus. Secundæ autem declinationis casus penè omnes Græci sunt: solus secundus effugit illam obscuritatem ipsius *v*, ut Homeri potius, quàm ὁμήρος dicemus: sed ita puto efferrî solitum, sicut in OPTIMVS, ut aliquid esset, quasi etiam in OPTVMO. Nam in ueteri exemplari Terentiano, quod uidimus in manibus præceptoris nostri Cœlij Rhodigini, sic scriptû fuit, APPOLODORV. Quantum autè pluralè contrà euenit, ut pronuciarent: Cùm enim ex ὁμήρου fecissent Homerus, contrà ex ὁμήρος, fecere Homeros: sic enim proferebant, ut diximus, Aeoles ὁμήρος. Secundî autem casus ratio eadem quæ in prima, & altera longè maior. nam cùm dicerent, ὁμήρου, nos Homerum, & ὁμήρων in secundo, nobis non licuit seruare. eadem enim fuisset uox, ita que caudam illam addidere, Homerorum, sanè insuauem, quam etiam caudata litera explerent, *r*, scilicet. ac per initia quidem, ut Græci loquebantur, sic Nos locutos puto: ut censeam, & Meûm, & Deûm, & Liberûm, dixisse, pro Meorum, Deorum, Liberorum: adeo, ut contra omnes sentiam, non per Syncopen sic enunciari, sed integras fuisse uoces. Tertia maximè, ut diximus, à Quînta pendet, sed exilem literam maluimus nos: πατρός, patris: sicut etiam in Quarto patrem, ex πατήρ: addito illo mugitu ex priscis, ut opînor, opîcis: sic enim Græca suauitas fuit contaminata. Pluralis autem secundus nō coactus fuit exire in caudam illam, neque enim cum quarto singulari conueniebat. Sed ea infelicitas contigit Tertio plurali, ut PATRIBVS, barbaro sanè exitu dicerent. nam PATRIS, non potuere: erat enim iam occupatus sonus à secundo singulari. Quarta autem declinatio sub hac fuit per initia ipsius linguae. Sic enim dicebant, Anus, anuis, anui: postea etiam breuioribus uocibus, Anus, anus, anu: sed mista fuit cum Secunda, Anum enim dicunt. Sic etiam in plurali cum Tertia conuenit, Anusum, anubus. At quinta longè diuersa fuit: nam terminatio quoque ipsius Recii, sua ipsius priscæ Italiæ fuit, Dies, Fames

Fames, Spes. Secundo casu plurali secundæ declinationis terminationem est secuta. Tertio autem casu, Tertiæ: Diebus, ut Patribus: sicut etiam Secundo singulari, Secundam: Domini, Dici: quam tamen bis mutarunt: nam & Dies, & Dic, in eodem casu dixisse, autor est doctissimus uir Gellius: ut uel hinc pateat, arbitrio loquentium & nasci nomina, & interire.

CAP. LXXXVI.

De Specie.

Specere uetus uerbum fuit. In compositis nunc inuenitur, & in suis deductis: ut, Specula, Speculari: uox sanè ipsa militaris. Cum positis insidijs aut è specubus contemplarentur agrestes olim Latini prælia inituri: aut supra Specus ipsas, edito saxo stantes obseruarent, quid rerum agerent procul hostes. Specus autem Græcum est, σῶς. Inde Species, pro re uisa, sicut facies, pro re facta. Ipsa igitur imago rei quæ in specendi instrumentum reciperetur, Species dicta. Ergo si res erit primi status, eius imago species primaria dicta est: ut, nomen I L V S, Regem Troianum representabat, qui primus ita dictus est: iccirco Primitiuam speciem appellarunt. Quæ uerò fluere à priore, Deriuatiuam, quoniam nomen alterum à priore per eius uim deriuaretur: ut, ab I L V S, I V L V S. Quòd si figura est decomposita, quæ à composita deducitur: erit sanè ultra speciem Deriuatiuam alia species, cui nomen non posuere, propterea quòd ad eam animum non aduerterant: à I V L V S, I V L I V S: & item alia, I V L I A N V S: & alia porro, I V L I A N I V S: Verùm de figura illa, mox. Hic autem consultius dicamus, multos esse modos, ordinesq; in deriuatis, ut quædam primo sint: quædam deinceps. Duobus autem modis Primum dicitur: aut quod ante alia omnia sui ordinis est: aut ante quod nihil, licet post ipsum, nihil. Ita etiam primaria, seu primitiua: aliqua enim sunt à quibus nihil deductum sit. Quòd si hæc duo inter se comparentur, præstantiore ratione dicatur

dicatur Primum, ante quod nihil est, quàm quod alia præcedit: prior enim ratio est absoluta, & longe, ualidior. Deus enim antequam quicquam crearet, erat Primum, priore ratione. Nomen tamen tam Græcum, quàm Latinum posteriore ratione indicat: & facilius Græcum *πρῶτον* (est enim *πρὸ, πῶν*) etiam in duobus potest esse, unde & *πρότερον, πρὸ ἵστερον*, sic enim orta sunt comparatiua, ab, *ἵστερον*. Latinum autem morosius, superlatiuum enim est: nam Pri, uetus uox fuit, sicut N I. postea latiore uocali fusæ sunt, Ne, Præ: unde aduerbium, pridem: comparatiuum, Prius: superlatiuum, Primum: nam ab aduerbio Pridem, Primum qui ducunt, errant.

CAP. LXXXVII.

De Figura.

Πράγμα dixere, lineas ducere. Pictura primum ab Sole & umbra orta est, unde *μονοχρῆματοι*: postea addidere lucem & umbram: à potiori Latinis uisum est denominare, ut à *φίγγω*, dicerent Fingere, & detracta aspiratione, Pingere. Est igitur Fingere, exprimere imitatione uerā rem: ideo dicta Figura in signis, & tabulis: atque hinc porro in grammaticis. Figuræ physicis sunt, quæ extrema quantitatibus eiusdem subiiciunt aliter, atq; aliter oculis, quatenus extrema sunt. Rei naturalis diuina definitio. Principiò in plurali definiuimus, ut facilius intelligeretur. Et diximus, Quatenus extrema sunt: quia colores aliter atque aliter etiam obijciunt quantitatem oculis. Et quāquam etiam tactu comprehenditur figura: tamen primarium obiectum oculorum est. In re literaria modus idem: Nam sicuti coniunctione certarum partium corpora coalescunt, ita notarum notionum uel coniunctione, uoces componuntur, ita, ut alterius modi fiat alia uox, ex M A G N O, & A N I M O, M A G N A N I M V S. quare M A G N V M, Simplices figuræ dixerunt, item A N I M V M: at utrunque iunctum, Composita. Dubitatur: Si nomen est nota rei, an nomen compositum

positum sit nota rei compositæ. Duplex est compositio: una uera, altera non uera: & prior huius posterioris regula est. Connectuntur enim interdum res duæ, ut Animus, & Magnitudo: ergo nomen compositum, coniuncta illa tanquam unum significabit. Alter modus est inijs, quæ sunt, sicut INDOCTVS: significat enim compositionem, positionis & priuationis, quæ in re non sunt: intellectus autem eas non potest apprehendere, nisi aliquo componat modo.

CAP. LXXXVIII.

Non recte addi Decompositam.

HAec sic ueteres: quæ à nobis sunt perspicacius contemplanda. Igitur etsi crescit quantitas, non tamē necesse est, ut mutetur figura. ueluti cū additur quadrato Norma, quam Græci *γνώμων* uocant: augetur quantitas: figura nō mutatur. Interdum uerō mutatur, ut si eidem quadrato apponatur Triangulum. Eodem modo aliquando crescit uox eadem, neq; mutatur figura: ut Magnanimus, eadem facie est, qua magnus animus, licet maiore. Si autē addatur Animitas, fit diuersitas à diuerso: neq; enim semper compositio figura mutatur. Quod etiam in rebus liquidis, & in prima Elementorum mīstione constat. Quare hoc quod appellant ueteres Figuram, mihi potius uocanda uidetur Species, id est facies quædam: quanquam enim usu, Animitas, non dicatur: at Analogia hoc non respuit, sicut Pietas, Felicitas, & alia. Quare duæ tantum erunt quantitates: Simplex, & Composita. Decomposita uerō, quæ à Græcis dicta est *παράσχησις*, non uideo, quare tertium faciat membrum. Neque enim Magnanimitas à Magnanimo deducitur: sicut neque ab Impio Impietas, sed ex In, & Pietas, factum est. Quædam enim simplicia non inueniuntur, quæ inueniuntur composita. Exemplo est Epitogium: non enim Togium dicitur. Igitur non erit compositum, cū partium altera nulla quam extet separata. Item alia multa eiusdem modi sunt: Mustela, Conspicor: quarum partes desiderantur. Sed fac
ita

quadra
tum
norma

ita esse, ut uoluere : species erit quædam potius deriuata à Magnanimo, non autem Figura diuersa, si species compositionem : nihil enim priorì uocì additum aut demptum est. Quare decompositum esset aliter : cum priorì compositioni, aliqua uox apponderetur porro : ut, Incuruiceruix.

CAP. LXXXIX.

Redit ad superiora, ob Figuræ usum.

Quæ ratione componerentur dictiones, inter earum affectus commemoratum est : is uero affectus totus nomini competit, quanquam non soli. Euenit duobus integris : ut, Iusiurandum. Duobus corruptis : ut, Beniuiolus. Integro, & corrupto : ut, Extorris. Corrupto, & integro : ut, efferus. Componuntur autem nomina & inter se, ut diximus, & cum alijs. cum Verbis, Lucifer : cum Participijs, Omnipotens : cum Pronominibus, Eiusmodi : cum Aduerbijs, Beneuiolus : cum Præpositionibus, Imprudens : cum Coniunctionibus, Vterque : cum Interiectionibus, Væicuis. Partium autem numerus in compositis, à duobus ad plures, Semiuir, Imperterritus, Cuiuscunque modi : & illa faceta uox, nulli Græcarum cedens, Incuruiceruicumpectus : unica enim dictio est, non duæ, ut putarunt : & illa uetus, Solitaurilia : non ut sunt interpretati malè ueritatem, Sue, Oue, Tauro : neque enim in uoce hæc, Soli, est Ouis : sed sic fuit per initia, Sue, Soloce, Tauro : sic enim pecudem lana tectam prisci appellarunt, quam ad sacrificium egregiam habebant, id est grege segregatam : integram, non tonsam : unde & nomen, quoniam cum tota lana esset. Solon enim Osci dicebant totum, ut Græci *ὅλσις*. Igitur non in simplices solum, sed in compositas quoque partes resoluentur : sicuti dictiones non in literas tantum, sed & in syllabas : & naturalia corpora non in materiam modò & formam, sed etiam in Elementa. Quoniam autem tam Recti quàm Obliqui inter se promiscuò componuntur, Rectus flectetur, Obliqui non flectentur. Quare falsò excepere, **ALTERUTER**, quoniam in

secundo casu faciat, ALTERVTRIVS. Nam tamen si in Quinquaginta libris, itemq; apud alios legitur, ut in libris Originum dictum est: at M. Tullium, & in Protagora & in Epistolis, ipsumq; Catonē in oratione de Ambitu, alterius utrius scripsisse constat. Itaque cum dicimus, Alterutrus: vox illa Alter, hoc loco non est Rectus, sed Genitiuus casus, & prisco modo amputata uocali cum sibilo. Sarti rectis, recti fractis. Ergo non debuit excipi ab ea lege, qua dicebāt, Rectum semper flecti. Illud quoque errarunt: sic enim aiunt, Obliquum hoc Alterutrus, siue foeminius sit, siue a neutro Recto, necessario exclusisse syllabas postremas prioris uocis, ALTERIVS, quoniam iam idem fecerant in Recto. sic Alterutra, & Alterutrum, non Alterautra, & Alterum utrum. At enim uero hoc ridiculum est: Nam quod in Rectis facta sit collisio, passa est uocalis, & consonans M, id quod patitur altera uocali subeunte: At dissimilis ratio in Obliquis: quod etiam sua ipsorum ratione debilitarunt. Nam in rectis ob hiatum euitandum, elisam aiunt uocalem, ergo in obliquis cum nullus sit hiatus, nulla esse debuit elisio. Neque enim quia elides sic, Patrem eius, ut dicas in carmine, Patr' eius: ideo pro Patris eius, eodem modo audeas, Patr' eius. Quid quod hae uoces duplici usu receptae sunt: nam Alter fuit, & fuit Alterus: αλτ' & ιν' αλτ'. Itaque in foeminis etiam durauit, Altera, alterae ut diceretur aliquando apud prisca: quare soni commoditati seruientes, molliissimam quanque flexionem sunt secuti, ut Alteruter, potius dicerent, quam Alterusuter: & Alterutrus, ab eo quod esset Alteri utrius. Elisionis autem exemplum habeas ex Amphitruone Plauti, Culest qui donum dedit: pro, qualis est.

CAP. XC.

An alia sint nominum accidentia, siue affectiones.

HAec sunt ab antiquis Accidentia numerata. An uero satis fecere? Atq; equidem puto eos unum omisisse: Nam cum declinatio

declinatio sit affectus genericus quatuor partium: imò uerò differentia essentialis, habuit etiam aliam significationem. priore namq; modo communis est tam Nomini, quàm Verbo: est enim mutatio quædam terminationum. At in uerbo, & in nomine aliud quiddam est utrique suum & peculiare. Quorum alterum, quod esset Verbi, uocarunt Coniugationem. quod esset Nominis, Declinationem. Est autem declinatio non illa sola inflexio communis, sed certà & propria: ut aliter dicatur Poëta, aliter Dies declinari. Ergo affectus nomen quidam est, sicut & species. Quare cum Verbo attribuerint coniugationem, & rectè: Nomini Declinationem cum non assignarunt, inconsultò fecere: cum frustra timerent, ne quod esset genericum, Nomini ascriberent.

CAP. XCI.

Nominum species uenatur ex Elementis philosophiæ.

STatim post definitionem Nominis, eius affectus posuimus merito, antequam species enumeraremus. sicut animalis affectus sunt, moueri uoluntariè, & sentire, priores ipsis speciesbus, Homine, Ostrea, Leone: in quibus postea per differentias disponuntur. At ueteres more suo in hoc quoque nobis negotium exhibuere, cum Species nominum prius, quàm ipsorum affectiones tractant. Nos igitur his castigatis, eas deinceps, earumq; origines atq; causas contemplemur. Rerum numerum penè immensum totidem uocibus cum assequi nequiuimus humana mens, necessario comparauit, ut non solum quæ eiusdem substantiæ participes essent res, eodem quoque nomine signarentur, ut Equus & Homo animalis nomine, cuius natura constarent communi: sed etiam quæ re ipsa diuersa essent, ueluti, Canis coeleste sidus, & Canis animal. Quarum sanè rerum substantiæ apud Auerroëem, ut aiunt philosophi, etiam plus quàm genere differunt. Nos autem quid sentiamus, alijs libris dictum est, *ἀνώνυμα* Græci uocant: nostris recentioribus aptissimo uocabulo Aequiuoca libuit appellare: quasi uocis hæreditate æquali rem inæqualem re-

præsentarent. Siquis Vnomina uelit dicere, nihil uetat, sed Græca appellatio magis sapit, *ῥῆμας* enim simul significat, non autem *ῥῆμα*. Nam perfectio ut in re non sunt eadem, ita nominis significato alio, atq; alio sunt. Itaq; sic uerè possis dicere, Canis nō est Canis: id est, res Cœlestis, nō est res Terrestris: at nomen, id est materiam habet, ipsas literas, C, A, N, I, S: & formam, id est significatum: ergo Canis cœlestis materiam eandem habet Elementorum, quam Canis terrestris: formam autem, id est significatum, non habet: ergo non est idem nomen: à forma enim est, quod est: ideo Græci *ῥῆμας*: at Latini non ita rectè, cū æquitatem illam interseruere. Itaq; cōmodius fortasse nos, Vnomina: ut unā, sit aduerbium, simul. Hæc autem non uno modo orta sunt: sed quædam temere, atque ut fors tulit: qualia sunt Alexander, & Achilles, tam in Regibus, quàm in Nautis nequam. Alia autem consultò: ut, cū cuiuspiam similitudo ad imponendum idem nomen alteri similis traxit: ea similitudo fuit aut Substantiæ: ueluti cū dicimus, Xiphian piscem, & herbam ab instrumento bellico. Aut Quantitatis: ut est in proverbio, Montes & maria polliceri: & apud Callimachū, *ὅς δὲ δὴ πόντος πόντος, ἀείδει*, in hymno Apollinis: & Mare Solomonis. Aut Qualitatis: ut cū metallo & præuiæ dici parti, fulgoris nomen inditum est Græca uoce, *αὐρόν*: prisca enim est, quod testatur *αὐρόν*, scilicet sequens mane: quod & Germani imitati sunt, & Hispani, & Itali. Item ab alijs prædicamentis: ut cū arbores masculas aut feminas, & Thura mascula, & uires masculas, & nigra toxica, ab actione, & relatione: & Regem, diuitem quempiā, *παρὰ τὸ ἔχον*: & Delphos, orbis umbilicum. Hæc omnia nomina sibi aliqua imitatione sunt consecuta. Ac reliquis quidem generibus euenire fatentur. Substantiam autem hoc ut admitteret, dubitarūt. Cū enim non intendatur, non remittatur, non uidebatur dari gradus ad similitudinem in ipsa. Verūm faciliè id intelligimus, eandem substantiam non intendi: sed genus commune multis, arctari in species multas: quare non potest fieri, ut æquales sint illæ: æqualitas enim in substan

Morgen.
Malland.
Dimane.

substantia, est idētitas. Quod & in octauo Historiarum dixit diuinitus Aristoteles: Species sub eodē genere cōiunctione quidem generis illius unum esse: differentiarum autem successione, hærere. Esse enim tum in materia, tum in forma, tum in compositis certas aut affectiones, aut differentias inter se uicinas, & inæquales. In materia, ut ossa in Homine, in Leone, differre per medullam: in Delphino paululū abesse: in cæteris piscibus pro osse spinam: in Sepia esse aliud: in insectis aliud: quod nomine careat. Sic & in formis: Rationē in anima Hominis: Instinctum naturalem in Formicæ anima. Sic in compositis: Artem in Homine: in Ape quomodo dicas uim illam fauificandi: in Psittaco mirificum nidum texendi: Itaq; species sunt æquales in genere: inter se autem comparatæ, inæquales ab ipsarum differentiarum inæqualitate. Adeo enim sunt inæquales, ut altera unum genus interdum constituat subalternum, altera in multa distribuatur genera. exempli gratia: Corpus diuiditur per differentias, Mortale, & Immortale: hoc cælum tantum constituit: Mortali autem cætera omnia comprehenduntur. Sic intelligas Vniuocū, quod idem genus dispertit, æquē omnibus: ut animal. Analogum, quod non æquē, sed ordine quodā: ut sapere. Aequiuocum, quod nomen solum cōmunicat: ut, Prata ridere, Masce irasci. Hæc postrema diximus, quomodo appellaretur. Analoga autem à Latinis Proportionalia: sicut ciuium ius non idem omnibus, sed suum cuique attributum, Senatori, Equiti, Plebi. Quod C. Cæsar dicit, Pro rata: nos, Pro portione: Vt cuiusq; res fert: id est, rata pars, siue portio. Ditiores enim plus obibant muneris. unde apud Athenienses, *ἀντιστοιχίας*. Vniuoca autem à Græcis *συνώνυμα*, prudentissimè: cum nomine enim rem communicabant: non enim τὸ σὺν, coniungit ea sub nomine: sed nomen & nominis rationem. Latine Cognomina rectissimè dicas. Cum autem res non omnes eodem modo sint: sed aliæ per se, ut Substantiæ: aliæ in alijs, ut Accidentia: atque hæc dupliciter, ut hoc sunt, quod sunt: & quomodo sunt, quod sunt: nam Albedo etiam sine

nīue

niue aliquid est: intelligimus esse, quod est: & Albedinem ap-
pellauimus, percepimusque esse Vniuocam, quia eadem ge-
nere esset in niue, & in lacte. Aliquādo intelligimus ipsam
esse, quomodo est: licet enim aliud sit à niue: tamen non pos-
test esse sine aut niue, aut alio corpore. Is igitur est modus,
per quem est, id quod est: quoniā inherētia, est essentia acci-
dētis. hoc quoque opus habuit nomine aliquo: iccirco ab Al-
bedine, Albū deductū est: nā id quod est, posterius est, quā
id quo est. igitur etiā nomē hoc ab illo ductū. unde orta sunt
τὰ πλῆθυνα, quæ *παρὰ ἑτέρων* deriuarentur, sola terminatione
à priore differentia: Latini Denominatiua commodè uocita-
rūt. Contraria autē Aequiuocis quædā sunt: nā ut illa unā
uocē multa habēt: ita multas uoces in his, unum: Ensis, Spa-
tha, Gladius. Græci hæc *πολύωνυμα*: quidā è nostris *συνώνυμα*
falsō. fortasse autē explicatius essent locuti Græci, si *μονώνυμα*
appellassent, quæ solo nomine extarēt indicātia res diuerfas.
Igitur colligamus sic: Communes res, quæ aut sua natura per
se sunt, ut Homo: aut licet sint in alijs, si intelligantur sine eo
in quo sunt, ut Albedo, Vniuocis nominibus sunt indicatæ.
Sin quomodo in alijs insunt, accipiuntur, Denominatiuis: ut
Album. *πολύωνυμα* autem eadem sunt quæ Vniuoca. Res
autem singulares quarum natura ab alijs disita est, si eodem
nomine, quo illæ appellantur: nomen illud erit Aequiuocū:
ut, Cæsar: neque enim quicquam mei, in altero qui dicatur
Cæsar erit: neque solæ substantiæ, sed etiam accidentia, quæ in
ipsis indiuiduis sunt, ut hic rubor, hæc cicatrix, Aequiuoca
est, propria Cæsarīs unius: sicut & substantia in qua est. Quare
tam nomen hoc Cæsar, quā hoc, Cæsarīs cicatrix, plurali
carebit: sed eius pluralis numerus erit uagus: uelut cūm dis-
cis, Homines: at, Hic homo, caret numero plurali: *ἄθμα* enim
facta sunt, apud Græcos: apud nos, Indiuidua. Itaque in Des-
clinationibus, quod præponitur pronomen nominibus, Hic
homo, Hæc cicatrix, non est nota indicans, & præscribens in-
diuiduum, sed sexum tantum. Nam quo modo hæc cicatrix
indicata, potest fieri cicatrices? Quinimo ne in eodem quidē
Cæsare

Cæsare si plures sint, possis iccirco flectere ad numerum pluralem. Etiam fac ut cætera paria sint, Tempus, Qualitas, Magnitudo: at loco different. Communia autem, siue Vniuersalia loco non præscribuntur. Hæc omnia tam Vniuoca, quàm Acquiuoca ueteres Substantiua, sanè ambigüe, uocauere. Substantiæ enim appellatione abusi sunt, pro Essentia: sicuti Græci nomine *οὐσίας*, in prædicamento. Nanq; *οὐσία* etiã conuenit rebus extra prædicamenta, ut Deo. At Substantia neq; extra prædicamenta, neq; in omnibus: sed in ijs tantum, quæ substantiis accidunt. quare nomē hoc Albedo, non erit Substantium, quia substantiā non significat: iccirco alij Fixum dicere maluerunt, propterea quod rem indicaret, quæ non mutaretur alio atq; alio subiecto. Sed anceps ea quoque uox fuit: nā Fixum uideretur esse indeclinabile, opponitur enim Mobili. Itaque nos longè consultius Essentiale nomen appellauimus: quippe quod tam substantiæ, quàm accidentis hoc ipsum quod sunt, significaret. Denominatiua autem eadem quæ Adiectiua: quæ etiam Accidentalibus dicere posses, nisi nomina differentiarum impedirent: nam à Ratione, Rationales duces: hoc est Denominatiuum, sed non est Accidentale. An uerò sit Essentiale? Iccirco intelligendum est, *οὐσίαν*, siue Essentiam triplicem esse: Materiam, & Formam, & Compositum. Forma igitur dicitur Essentia, quia dat essentiam: Materia, quia dantem gerit: sed proprie *οὐσία* est totum ipsum: à qua quod Substantium uocabant, nominauimus Essentialem. Denominatiua intellexere uariari, ac propterea Mobilia uocitarunt: ut conueniat idem nomen uiro & mulieri, si sit uariatum: Albus, Alba. Hac de causa in oratione semper Denominatiuum posterius esse debuit Essentiali: uir fortis, equus celer: uerum usus obtinuit elegantia causa, ut aliter quàm uulgus loquitur, loqueremur. Neq; uerò penitus temere factum est: nanq; ut equus potest celer, & non celer, ita celeritas esse potest & in equo, & in non equo: quare quod subibit, moderabitur. Quod si est Denominatiuum proprium, ut Sentiens, est proprium animalis: nihil refert utrum præ-

y ponatur:

ponatur: paria enim sunt, sed natura ipsa Essentiale prius est. ridiculè enim profecti sunt, Fixum sequi Mobilis naturam, si præcedat Mobile. idem enim est, Animus peruersus: & Peruersus animus. Sed ita intelligebant differre, si dicamus, Corrupta mente & corpore: & Mente & corpore corrupto. Verum hoc non est, Fixum sequi Mobilis naturam: neque enim mutatur: sed ex duobus fixis diuersis genere, & numero, alterum apponi ipsi adiectiuo, quod ei simile sit. Verum ridiculè negatur posse dici æquè Corrupta mente: & Mente corrupta. Neque uerum est, Substantiua obsequi Adiectiuus: sed contra, Adiectiuum prospicere ad utrumque Substantiuum, aut ad id, quod propius est: & ipsi contra hanc male explicatam sententiam etiam ex Ciceronis Philippica, dicendi modum obseruauere. An uerò Adiectiuum & Substantiuum sit affectus, aut species solius nominis, in sexto libro declaratum est.

Nominis igitur uel Fixi, uel Mobilis hæc ratio est. Fixum autem aliud Proprium, quod unius tantum est: aliud Commune fecere: atque hoc Appellatiuum quare uocarint, sanè nescio. Verum neque diuisio bona est, neque nominis impositio. Namque etiam Mobilia, siue Adiectiua, partim sunt communia, ut candor: partim propria, ut hic candor qui in Cæsare est. Itaque diuisio nominis in Fixum & Mobile, est sicut diuisio rei, in esse, & in modum quo est. Diuisio autem in Commune, & Proprium, non est Fixorum tantum: sed generica nominis: sicut diuisio rei in uniuersalem, & indiuiduatam. Appellatiuum autem quare dixere? an quia sub se uocat multa? at etiam Adiectiuum id interest: nihil enim differt Concretum ab Abstracto, nisi modo significationis, non significatione: at etiam propria nomina suam rem appellant.

Hoc autem ipsum quod sunt aut Propria, aut Communia, aut Fixa, aut Mobilia, recentiores Qualitatem nominis uocarunt: eaque inter accidentia cum specie, & genere, enumerarunt. Item Comparationem, atque alia cuiusmodi, magno errore. Nam Homo & Cæsar, non differunt qualitate: neque album ab homine qualitate

qualitate differt, sed essentia : neque enim qualitatis qualitas est. Comparatio autem atq; alia eiusmodi non sunt nominis qualitates genericæ. omnibus enim nominibus conueniunt. At propria non recipiunt Comparisonem: neq; substantia- lia : sed Denominatiuorum affectio est. Sicut Patronymicum, non est Nominis qualitas, ut nomen est: sed ut Nomen proprium.

Illud quoque contemplandum est, Nomen hoc, Sol, & Luna, & alia eiusmodi, Commune sit, an Propriū. Nam species prior est indiuiduo: igitur si unum indiuiduum explet totius ambitum speciei, id quod facit Sol, erit nomen speciei, non indiuidui. Nomen enim priori inditur. Hoc sic sensere ueteres falsò : nam qui nomen imposuit rebus, indiuidua nota prius habuit, quàm species. Romanus enim qui unicum Elephantum primus uidit, ei nomē indidit, Lucam bouem: nihil dum metitus animo uniuersalem naturam illam. Sic etiam Soli, quod solus esset: & eius cōforti operis, Lucinæ, quam postea concisa uoce Lunam diximus. Est igitur nomen hoc indiuidui indiuiduo impositum per se, speciei autem per accidens. Itaq; cū dicas ex Democrito, Mundos, & Soles, & Lunas, fiet quasi cū appellabis, & me, & Dictatorem, CAESAR E S. aut si speciei tunc uoles, ut fiat : erit. indiuiduis autem alia tibi erunt quærenda nomina.

CAP. XCII.

Quid quoque loco statuendum : deq; Propriorum natura, atque affectibus.

QUæ res, ut diximus, hoc habeant, ut sint aliquid prius, quàm sint alicuius: ea nomina quæ eas res sic significant, primo quoq; loco tractanda erunt. Quoniam autem Singularia sunt notissima: Propria item nomina, quibus significatur, notissimo, hoc est primo loco, explicanda sunt: ut, Cæsar, Bucephalus, Athesis, Roma. Igitur à Latinis quæ nomina bina, trina uel sunt uni homini constituta, an propria sint appellanda? Hoc sic agamus. Voces, quibus Romana capita

y z recenset

recensebatur, fuere hæc, Prænomē, Nomē, Cognomē, Agnomē. Horum autē natura, atq; origo sic fuit: raptis per initia Sabinarum uirginibus, atq; ea de causā conflato bello, ipso in conflictu earum interuentu uterque populus conciliatus, non solum animos mutuo beneuolētes conciliauit, sed etiam nomina communicauit. Sic aiunt: putōq; ita fuisse in aliquibus: nam in omnibus, non cōstat: quippe ipsi Heriliæ unum nomen & fuit, & mansit solum: item Romulo, & Tatius: Numæ Pompilius Sabino, & Metius Curtius item bina: Hostius Hostilius Romano totidem: Itaq; hoc sentio, à uirtute cuiuspiam nomen primum mutuos, ut ab Iulio, Iulij dicerentur, quorum Iulus autor generis fuisset: ideo, Nomen appellatum, unde Nobiles, id est noti essent. Inde ut dignoscerentur, additum aliquid notæ ab euentu: statimq; Cognomen ortum fuisse: ut Pompilius, à ceremonijs, Numæ: Hostilius, ab rebus gestis, Hostius: Curtius, à celeritate, Metius: Herdonius, à strenuitate, Turno: Proculus, ab euentu natalium, Iulio. Postea nobiles cum liberos procreassent, & neque Nomen possent, neq; Cognomen auferre uellent, aliam notam excogitarunt: quam quoniam infantibus imponerent, quos sola ea appellarent, præposuere: atq; ideo dixere Nomen. Hoc inde satis constat, quod quæ primo loco essent olim Nomina, postea secundo fuere: ut, Iulius Proculus: Iulius prius fuit: at, C. Iulius, posterius. Quæ Prænomina ab euentis quoque orta sunt, aut natalium, aut alterius fortunæ: à fortitudine, MARCVS: ab antiquitate, CAIVS, *raios*, à terra scilicet, quasi *αὐτοχθόνος* essent: ab honore & dignitate, TITVS: ab generositate, CNEVS: à generis defraudatione, SPURIVS: à numero liberorum, QUINTVS, DECIMVS: à decore, DECIVS: à cultu populi, PUBLIVS: à tempore natalium, LVCIVS: & item alia. Quæ fors etiā alijs obligit nominibus. Nam MANIVS, à Mane dictum fuit. & habuit prænomen, QUINTVS. Ausa autem Republica, numeroq; ciuium illustrium, factum est, ut aliorum nominum nouæ causæ extiterint. quæ nomina, quod accederent ad priora

ad priora, cumq; eis uni attribuerentur, Cognomina dicta sunt. Horum origo fuit, à corporis habitu, LABEO, CRASSVS, LONGVS, VARVS, VALGIVS, SEDIGITVS, BVCCVLEIVS, PLAVTVS, PLANCVS, VARIVS, PANSA, RVFFVS: ab euentis alijs, POSTHVIVS, PROCVLVS, GEMINVS: à rebus gestis, AFRICANVS, NERO, CELER: ab actis, SALINATOR, VENOX, SERANVS, & alia eiusmodi. Quæ posterì à maioribus suis honoris causa accepta cum retinerent, aliqui etiam au-
xere, additis alijs insignibus, ut PVBIVS, à populari-
tate: CORNELIVS, à viro forti, qui eam familiam pri-
mus illustravit: SCIPIO, ab opera, quam patri præstitit
seniori: addidit his vir summus ab Africa domita, titulum
AFRICANI: hoc quoniam tandem accessisset, Agnos-
men merito appellauere. sicut Agnatos dicimus, qui fami-
liam augent accessione sua: & Agnata membra, apud Plin-
ium, quorum additamento corpus auctius factum est. Qui-
dam recentiorum assentiti sunt negantibus uocem hanc
AGNOMEN, probam esse, sed grammaticorum supersti-
tione commentitiam: uerum à M. Tullio in secundo Rhe-
toricorum posita est. Hæ sunt Romanorum causæ nomi-
num atque essentia, quæ sic definiuntur: Nomen, familiae
nota: Prænomen, proprium cuiusque: Cognomen, quod
euentu accessit: Agnomen, quod euentus accessionem no-
tat. Ordo patet ex ipsarum uocum ui: Materia autem No-
minum sic pote est, ut cum scribuntur, cætera omnia omni-
bus suis elementis explicentur, Prænomina non omnibus:
sed aut singulis: ut, C. aut binis: ut, CN. aut trinis: ut,
SEX. pro SEXTVS. Ex his patet, non rectè aliquos
prodidisse, Nomen esse unius illius, cuius est: rectius ab alijs
Gentilitium, & ab illis ipsis nomen Familiarum. Græci Præ-
nomine carent: sed posito nomine unico, apponunt patris
nomen. Ἀλιξανδρὸς ὁ φιλίππου. Hoc idem etiam Arabes fa-
ciunt: sed etiam auctoris nomen subiciunt, & patris tantum
y 3 ponunt

ponunt: Auen, rois. Auen, pace. Auen, zoar. Græci uerò etiam cognomine usi sunt, sed rariore, ut *Ευπείτωρ*, *Οιλάδης* φθ', *Κεραυνός*, *Χαλκίππερ* θ'. ut multi putent *Πρίαμος* & *Άγας μέμνονα*, & *Άδριανον*, & alia multa fuisse cognomina à mislitibus excogitata: ille, quod filij cadauer redemerit: alter, quia diu ad Troiam sederit: hic, qui re infecta ab obsidione reuersus sit, ut dicantur. Quin etiam Dijs ipsis à potestatis bus quibusdam sunt attributa: ut, *Απόλλων*, *Παίσας*, utraq; appellatio τῶ φαίε: *Ἐνόςγαυος* Neptuni: *Παλλας*, τῆς Τριτωνίδος: *Άργεφόντης*, τῶ Ἑρμῆ. Hoc *εἰσώνυμον* Græci, Agnomen autem *φειρώνυμον* appellarunt. Videamus nunc affectiones. Proprium est Prænominis in uiris ijs, qui sibi cognomen illustre compararunt, aliquando subiecti: ut, *Cæsar Dictator*: intelligis enim c. E contrario, positum, necessario interdum aliorum appositione declaratur: ut, c. ap. pones *Cæsar*: item addes, *Dictator*: aut, *Dictatoris pater*. Proprium item & id, certis familijs certa ascita esse Prænomena: ut, l. & c. *Cæsarum*: p. l. & c n. *Scipionum*: l. & m. *Crafforum*. Legimus etiam quædam quibusdam interdicta: ueluti m. Prænomine cautum fuit s. c. nequis *Manliorum* appellaretur, ob m. *Manlij Capitolini* mala merita in Rempub. quanquam Senatus Consultum illud postea abolitum est uetustate. Illud quoque patiuntur nomina & cognomina, ut sedem inter se mutant in narrationibus: inuenias enim & *Cæsonem Fabium*, & *Fabium Cæsonem*. Etiam in *Pacuij Epitaphio* Prænomen postpositum est:

Hic sunt *Pacuij Marci* sita ossa.

Vt iam defināt altercarī pauca lectionis grammatīci super uerba *Quintiliani*, *Victori Marcelle*: an, *Marcelle Victori* scribendum sit. Illud etiam est obseruatum, multa Nomina facta esse alijs Prænomena: ut, *Iulij Dictatoris* nomen, mihi: cū ita *Paulus Mideburgius*, qui postea *Forosempronius Pontifex* fuit, *Mathematicus incomparabilis*, *Diouorumq; Friderichi*, atque *Maximiliani* & *alumnus* & *altor*, persuasisset patri. Verū ab antiquis quoq; factitatum fuit:

Nam

Nam Tullī, uox fuit Regi Hostilio Prænomen : at posteris in nomen recepta est. L. Sergium legimus : hīc Gentile est : at alijs Prænomen. Etiam Romæ in monumentis sic scriptū, SER. Et in lib. XXXIII. apud T. Liuium, Pacuius Calanius : hīc est Prænomen : at Nomen est poëtæ, post Prænomen: M. Pacuius. Proprium & illud Cognominis, atque Agnominis, si post Prænomen, aut Nomen, patris Prænomen ponatur, postremum locum obtinere: sic, C. Iulius, C. F. Cæsar : C. Cæsar, C. F. Dictator. Item duo Prænomina præponentur uni Nomini, aut Cognomini pluralis numeri : sic, M. &, Q. V. Tullij Cicerones. Itaq; Prænomina uerè nō queunt flecti numero plurali, cætera omnia queunt : sunt enim generis, non uiri : nisi sit Cognomen, aut Agnomen eius cui primum est attributum : eius enim solius est tunc. Agnomen autem ab Antiquis etiam Cognomen dictum fuit: Africani enim Cognomen uocat M. Tullius in Sexto de Rep. Proprium etiam Prænominis, ut idē & patris sit, & primogeniti : ut, M. Tullius, M. F. Quod autem ait Probus grammaticus, Prænomina non esse solita imponi pueris antequam togam sumerent uirilem, puellis antequam nuberent, falsum est : sed septimo die, quam nati essent, cum lustrabantur, Prænomen inditum fuisse constat. Sicut & apud Græcos, ut ait Aristoteles in septimo historiarum. Et ridiculum fuerit sex liberorum patrem unum appellare, omnes respondere : hoc enim faciant, nisi nomine distinguantur. Hæredes esse non possint, quos ille non possit nominare. Est etiam præter hos certos legitimosq; modos, usus alius quidam nominum communiorum. Maior, Minor, Superior. Quæ tempora perpendunt semper, uirtutem non semper : ut nolint dici Dionysium Tyrannum Maiorem, sed Superiorem. An uerò Inferior in ea significatione inueniatur, non sine ratione disceptatum est : Iuniorem enim dicimus, Inferiorem autem nondum memini. Ex his patet, Male à Seruio dictum, Iulo Ascanium fuisse Agnomen. patet id quoque, ἐπὶ τῶν Λατίνων etiam Latinis Dijs attributam

tam, ut Græcis: Marti, Gradiui; Romulo, Quirini; Herse-
liæ, Horæ.

Si igitur uerum est carere plurali Prænomena, & Agnomina &
Cognomina paria, excludentur etiam ab eiusmodi locutio-
ne, Alter Cæsar, Alter Tullius: uirtutes enim & fortunam
possis innuere, at Nomen non erit idem: sed sic dices, Cæsar
alter à Cæsare. *διώνυμα* autem & *τριώνυμα* non rectè di-
ces: nullum enim nomen est Binomen: sed res ipsæ. Omne
enim quod est, unum numero est. itaque Irum Ouidius, Au-
sonius Istrum binominem dixere. Ita Xanthum, & Alexan-
drum uoces. ut etiam quæ *πολύωνυμα* suprà dicta à ueteri-
bus legas, male sint appellata: neque enim Ensis nomen est
πολύωνυμον, sed ferrum hoc: quoniam & hoc, & alijs nomi-
nibus recensetur.

CAP. XCIII.

De Fixis, siue Essentialibus communibus, eorumq; speciebus.

Fixa communia sunt, quæ uniuersalis, ut uocant, rei sunt nos-
tæ: ut, animal. Intelligo autem Commune, sicut suprà di-
ximus, sumpta significatione à ciuili consuetudine. Quod
enim aut opus aut officium faciundum fuerit omnium ci-
uium opera, aut impensa, id dictum sit, Communi studio
factum iri: quoniam munia sua quisq; in unum conferrent.
Itaque id opus ut complectitur omnium ciuium functiones,
Commune dictum est: ita nomina quæ eadem ratione uni-
uersitatis præditas res significarent. Hoc summum genus
diuisere ueteres in multas species, non omnes necessarias, &
temere digestas: Nam & falsò sub Appellatiuo posuere
Adiectiuum: & incondito, ac tumultuario uocum numero
rem difficilem effecere. Ac si omnia rerum genera, quæ Sub-
alterna uocant, sequi uelint, & nequeant, & confundant ar-
tem: sin nolint, ne congeriem quidem eam affectent. Eæ uerò
sunt: Ad aliquid dictum, Quasi ad aliquid dictum, Gen-
tile, Patrum, Interrogatiuum, Infinitum, Relatiuum, De-
monstratiuum, Similitudinis, Collectiuum, Diuiduum,
Factiuum

Factitium, Generale, Speciale, Ordinale, Numeralis, Abso-
lutum, Temporale, Locale. Has dixere esse Communes no-
minum & Principalium & Deriuatiuorum : proprias au-
tem seorsum Deriuatiuorum has, Patronymicum, Posses-
suum, Comparatiuum, Superlatiuum, Diminutiuum, Des-
nominatiuum, in quo, aiunt, intelligimus cum multis alijs,
Comprehensiuum, Verbale, Participiale, Aduerbiale. Hæc
est eorum sarcina : quam ut introspeciamus, publicanorum
more soluenda est.

Principiò malè dixerunt, has omnes Species esse Appellati-
uorum : nam etiam sunt Propriorum : Vafritia enim Vlyssis,
Adiectiuo nomine indicatur, quæ ei propria est. Item eius
locus, in quo est, eius solius est. Et confundunt Adiectiuum
cum Substantiuo : ergo malè diuisit nomen in hæc duo, tan-
quam in genera. Nam si Populus est nomen Substantiuum,
& Magnus Adiectiuum : quare Adiectiuum fecit speciem
Appellatiuorum, Substantiuum autem non fecit : Species
igitur attribuere non suo generi : & species confundere cum
suo genere, cum dicunt, Patronymicū, & Denominatiuum :
est enim Denominatiuorum species Patronymicum : aper-
tius autem, ipsum Comparatiuum : denominat enim gra-
dum, sicut Positiuum, qualitatem. Sic etiam Absolutum
cum sit genus multorum, ut Factiij, Temporalis, Localis,
in eundem ordinem cum suis inferioribus redegre. Nihilo
felicius genus ipsum Ad aliquid cum suis speciebus miscue-
re : ut Ordinale, & Patrium, & alia. Sed & illud falsi sunt,
cum dicunt, Ad aliquid dictum : nanque apud Philosophos
& Metaphysicos sic excogitatum est, alia esse Ad aliquid :
alia non esse, sed dici, ut hoc ipsum, quod est, Esse pater : ha-
bet naturalem reciprocam Coniunctionem cum hoc, quod
est, Esse filius : etiam si nulla extet oratio, quæ hoc dicat. hoc
autem quod est, Esse caput : non habet ex seipso reciprocam
Coniunctionem cum Corpore : sed ex eo quod est, Esse pars,
ad Totum. Itaque hoc dixere, Dici ad aliquid : non autem
Esse. Quare ut res sunt, ita notæ rerum : igitur nomina quæ
z Ad

Ad aliquid significabunt, erunt Ad aliquid : quæ significabunt Ad aliquid dicta, erunt Ad aliquid dicta. Idcirco etiam bis errarunt : nanque idem est, Ad aliquid dictum : & Quasi ad aliquid : quæcunque enim non sunt uerè Ad aliquid, sunt Quasi ad aliquid : per formam quandam accidentalem, attributam ab intellectu. Hoc autem est dici Ad aliquid : id est, referri per intellectum sub certo modo, quia re ipsa per se ipsa referri nequeunt. Quin uerò uidetur nihil dici Ad aliquid, sed esse, neque enim intellectus facit Caput, esse partem Totius : sed ipsum ex sua natura pars est. & quemadmodum Caput ipsum non refertur, ita neque Cæsar refertur : sed sicut illud quasi pars, ita hic quasi pater. Sed de his alibi : coacti enim sumus detergere horum rubiginosam orationem. Præterea si ponunt Interrogatiuum, quare non Responsiuum? hoc enim nobilius illo est: constituit enim orationem uerum uel falsum significantem. Omnis enim Conclusio nobilior est ipsa Quæstione. Numerale posuit, quare non posuit Dimensionale? Continua enim quantitas nobilior est, quam Discreta. Numerus enim accidit quantitati discretæ, nanque quodcunque est, unum est : neque enim discreta quantitas est genus distinctum re ipsa à quantitate continua, ut philosophi ueteres putauere : sed affectus quantitatis. Igitur hanc per Quantum, illam per Quot, explicamus. Temporale quoque cum dixissent, addiderunt Aduerbiale : at Hodie nus, est Aduerbiale & Temporale : non igitur sunt species distinctæ, sed Temporalis accidit, ut ab Aduerbio deducatur. Locale recensuerunt : quare non Situale? ut Supinus, Pronus, Ingeniculus, quem Græci ὑπόκλινον dicunt? Quare non memorarunt alia necessaria? Nomen Grammaticum: ut, Deriuatiuum, Genitiuus, Modus, Figura: Nomen Logicum: ut, Configuratio, Conclusio : Nomen Mathematicum, Nomen Metaphysicum, & alia? quæ alia alio modo significant, quam hæc uulgata nostra. Postremò pessimè sensere, cum dicerent, priores illas species esse, tam Primitiuorum, quam Deriuatiuorum. Quis enim dicat, Patrium nomen, aut

aut Gentile, Græcus, Romanus, Latinus, Atticus, esse Primitiua: Vbi error maximus eorum patet, qui putarunt diuersum esse Denominationē à Deriuatione, propterea quòd sic in aliquibus inuentum esset: ut à Iusto Iustitiam deducebant. At hoc accidit contra rei naturam: nam Iustitia prior est, quàm Iustus. sed sicut res à re, ita uox à uoce: quare ut Roma prior fuit quàm Cæsar, ita à Roma Romanus dictus: ubi & Patrium, & Deriuatiuum, & Denominatiuum unum sunt.

Has nebulas Grammaticorū cūm discussimus, duo supersunt, quæ agamus: primum emendabimus eorum definitiones, quæ opus sit: deinde exactiore iudicio ad certa capita reducemus. Adiectiuum, inquiunt, quod adijcitur proprijs, uel appellatiuis, & significat laudem, uel uituperationem, uel medium, uel accidens, unicuique. Principiò definitio hæc non est ab essentia, sed ab accidente. Essentia enim Adiectiui est, significare aliquid alicui quod insit: ad hoc, quod est Adijci, accidens est: potest enim uel adijci, uel non adijci: accidit enim uoci ut construat orationem: quanquam hoc accidens est proprium fluens ab ipsa essentia. Sanè etiam extra orationem hæc uox BONVS, dicitur Adiectiuum: nec tamē adijcietur. Itaque peruersè quoque data est definitio hæc: cum præpositum fuit hoc quod est Adijci, huic quod est Significare. Peruersa uerò etiam alia ratione. Cūm enim Laudem & Vituperationem posuere, addiderunt Accidens: quasi uerò ea accidentia non sint: atque est, ueluti si dicas, Coruus est crocitans animal, nigrum, coloratum. Accidens igitur siue significet σύνπτωμα, siue συμβεβηκός, siue ἰνδελχόμενος, genus est comprehendens Laudem, & Vituperationem, non minus quàm Album, & Nigrum, quæ ipsi pro exemplis apposuerunt. Malè etiam apposuerunt Vnicuique: non enim dantur definitiones indiuiduorum, sed solæ species definiuntur. Verūm post hæc maiorem errorem commiserunt: nam (omitto aliàs ineptias) sic statuunt, proprium esse Adiectiuorum, suscipere Comparisonem: At hoc est

falsissimum: nam quis audeat dicere hoc nomē *MEDIUS*,
 intendi posse, & remitti gradu Comparationis? Quis nescit,
HODIERNVM, esse Adiectiuum? quis alia multa?
 Negligentia quoque illa non parua: etenim de ijs, quæ Quasi
 ad aliquid dicuntur, ubi scripsere, interponunt de Synony-
 mis nescio quæ, & Dionymis, atque eiusmodi, & falsò ut di-
 ximus supra, & non suo loco. Interrogatiuum, aiunt, est
 quod cum interrogatione profertur. Leuiter sanè nimis:
 quippe & Verba cum interrogatione proferuntur. Deins-
 de dixere, Infinitum esse Interrogatiuo contrarium, profectò
 inanem modum docendi: Nihil enim est contrarium inter-
 rogationi: nisi non interrogare: aut sanè Responsum ap-
 pellandum sit, ut aliquid assequamur: Responso nanque non
 est uerè contraria Interrogationi: quippe aliquando eadem:
 ut, Venit? respondebis, Venit. Neque forma ipsa interro-
 gandi est uerè contraria formæ respondendi: alioqui quæ-
 stio esset contraria conclusioni. At quæstio nihil affirmat:
 ergo non contradicit. Sed usus tenuit, ut dicamus: Contra
 respondit: quia ex altera parte item eum esse dicimus, qui
 respondet. Infinitum uerò quomodo contrarium faciant In-
 terrogatiuo? neutrum enim quicquam ponit: alterum quæ-
 rit, alterum nescit. Quid quòd Infinita dixit esse Relatiua?
 qua oratione nihil turpius. Relatiua enim omnia Finita
 sunt. Fiunt autem infinita appositis uerbis non finientibus:
 ut, Nescio qui sit is, qui tam indoctè scribit. sed ipsa Interro-
 gatiua sunt Infinita: nihil enim statuit, qui interrogat. Dia-
 uiduum, inquiunt, est, quod à duobus, uel amplioribus ad
 singulos habet relationem: uel ad plures in numeros pares
 distributos: ut, Vterque, Alteruter, Quisque, Singuli, Bini,
 Terni. Omitto barbariem, cum posuere, Amplioribus,
 pro eo quod esset, Pluribus. Rem ipsam agamus. Malè ex-
 pressere uim horum exemplorum: neque enim hæc uox,
 Vterque, habet relationem à duobus ad singulos: sed à sin-
 gulis ad duos transfert significatum. nam cum dicas, Vter?
 unum intelligis ex duobus. Itaque colliges ambos in respon-
 sione

sione, sic: & hic, & hic, per coniunctionem, Q V E: Vterque. Itaq; non est Diuiduum, sed Diuiduo contrarium. Diuiduū potius erit, Alteruter, Vtercunque, Vteruis. Præterea nō puidit distinguere hæc, tanquam in specie, diuisa à specie Numeralium. Imò uerò Numerale est genus, complectens duas species, Diuiduum: ut, Alteruter: & Indiuiduum: hoc autem rursus duas: Distribuens, ut Singulus: Non distribuens, ut Vnus. Itaq; potius affectiones numerandi, quàm species sint: sicut & Ordinale. Hæc ita se habent. Nos autem hæc in condita prudentius digeramus, recepta prius nominum significatione. Omne quod est, aut est Absolutum, aut Relatiuum. Absolutum est, quod à nullo dependet. Relatiua, quæ mutuo naturæ nexu constant. Est autem Absoluti nomen minus consultò positum. quod enim aliquādo uinctum fuerit, cum desijt uinctum esse, Absolutum dictum est. Verūm uerborum inopia interdum premimur: utemur autem receptis, ut intelligamur. Videamus igitur, an ullum nomē rectè dici queat Absolutum. Absolutum pluribus modis intelligitur: Absolutum à causā: ut, Deus: à materia, ut motrices mentes orbium cœlestium: à subiecta substantiā, ut substantiæ omnes: à relatione, ut quæ ad aliud non referuntur. Igitur ipsius nominis natura nullo horum modorum absoluta est: causas enim habet, primum sui autorem: pro materia, uocem, scripturam uē, aut quid simile. Cum autem rerū notæ sint, siue signa quædam à relatione, non erunt Absoluta. Nomina igitur omnia in prædicamento Relationis sunt quatenus significant. Verūm omni in relatione est ratio referendi, & termini ipsi relationis, & res subiectæ quæ deferunt relationem: ut, Cæsar si Catonis filius est, tria hæc ostenduntur: nam ratio qua Cæsar ad Catonem ut filius, & Cato ad Cæsarem ut pater, est uis illa procreandi tum actiua, tum passiua. Res deferentes relationem, sunt duæ, substantiæ indiuiduæ. Terminus relationis filij, est Cæsar: patris, est Cato. Igitur filius in prædicamento Relationis est: sed connotat secum rem absolutam scilicet substantiam. Non longe dissimili ratio

ne Nomen dicas ipsum quatenus significat, esse Relatiuum. quatenus absolutam rem significat, esse Absolutum. Sic dicas, Cæsarem esse filium militarem: ut relatiuum filius, etiam militiam consignificet, rem absolutam. Ergo sic Nomina certis generibus partiamur: aut à Re statim deducuntur, aut ab alia uoce. A Re, aut absoluta, aut relatiua. Si à uoce, ut Hodicimus, ab aduerbio, Hodie, uocis illius naturam sequentur. Quæ autem à Rebus deducuntur, rerum naturam retinebunt. Oportet enim signum æquari rei cuius signum est. Itaque si substantiam indicabit, aut quantitatem, aut qualitatem, aut alia, inde sumet appellationem. Pericui autem tot species, easque certis nuncupationibus assequi, difficile est. Summa autem genera Relatiuorum sunt hæc: aut equalia, ut Socius, uicinus: aut inæqualia, ut Seruus, Dominus.

CAP. XCIIII.

Absoluta substantiua, & eorum genera, ac species.

Absolutorum genera hæc sunt: quædam substantiam significant: ut, Ensis. Quædam quantitatem, eamque duplicem: Continuum: ut, Magnitudinem, corpus: locum, Forum: tempus, Annus. Et Discretam: ut, Numerum, Vnus, Duo. Alia significant qualitatem: ut, Candor, Facies. Ex quibus ducas nomina generum, ac reddas suum cuique: Temporale, Locale, & quæ supra. Facititia autem ad genus qualitatis, quatenus sic sonant, Murmur, Turtur, Sibilus, Fremitus: quanquam significatus ad alia genera referatur. Sic etiam Aduerbialia dicta, non quod aduerbium significant: sed ab origine: quo constat, has denominationes non semper à significato produci. Generale autem & Speciale potius ad dialecticū spectant. Sic Corporale & Incorporale reduces ad substantiam, & alia genera: ut, Deus substantiale est, incorporale: Candor qualitatis incorporalis. An uero id, quod aiunt, uerum sit, Orationem esse incorporalem? Nam de uocali, aut scripta oratione si sic sentias, falso intelligas. Est enim orationis Forma, sig

ma, significatio: Materia, papyrus, atramentum, aer ipse: Figura, structura illa.

CAP. XC V.

Absoluta diminutiva.

Horum affectus quorundam, Diminutio est: ita ut res ipsae quibant aut intendi, aut remitti. Quare in substantia non uidebatur inueniri posse significatus Diminutionis. Verum ab affectibus, siue accidentibus circumstantibus effectum est, ut reciperet Diminutionem. Sicuti etiam dicimus, Maiorem equum: est enim quod ad quantitatem spectet, non quod substantiam. Igitur sic resoluimus, ut dicatur, Plus quantitatis in equo, non autem plus equi. Ita dicimus Homuncionem, & Homulum, quantitatem respicientes in homine, non hominis substantiam. Atque is sane error à uulgo, non à sapientibus profectus est. Puellus autem aetatem significat, non substantiam: aetas autem sub tempore collocatur. Composita etiam ex utroque inuenias, ut, Pumilus, & Pumilio, ex Puero & Homulo conflatum fuit. Abusi autem sunt ueteres nomine Diminutionis: nam Minuere, est tollere quantitatem: Diminuere igitur, utranque quantitatem statuit in diuersa: at ab Homine cum ducis Homulum, decurtas potius, quam Diminuis. Quae fuit causa, ut alij consultius Deminuere dicant. Est enim Diminutio affectus consequens Diuisionem. Omne enim diuisum ita minuitur, ut eadem quantitas minor dicatur, quoniam partes separentur: at in nominis Diminutiui significatione nullae extant partes: sed Deminutiuum est quod significat minus quam Primitiuum. Quoniam autem est species Deriuatiuorum, & Deriuatio est Figura, & Figura est affectus nominum generalis: igitur etiam Diminutio generalis nominum affectus erit: iccirco & Absolutis, & Relatiuis, & Appellatiuis, & Adiectiuis, & Communibus, & Proprijs competit. Quare non inter genera nominum, sed inter accidentia propria recedendum fuit: ut, Homulus, Pulchellus, Romulus, Meliusculus est, Antonilla. Nunc igitur de Absolutis.

Quantit

Quantitatem quædam imitantur, quædam non, sed ei cohererent tantum. Quare Deminutiua secundum hæc tria dicuntur: competit enim maius, uel minus soli quantitati. Dicimus tamen maiorem calorem analogia quadam significationis. Igitur primo indicabunt quantitatem: secundo loco id, quod coheret ei: tertio, quod eam imitatur. Quantitatem statim dicunt, Tantulus: & proxima huic in ipsa substantia, Auicula, Capitulum, Fraterculus, quæ ei coherentia sunt. Sic Anniculus, non diminuit annum, sed notat paruitatem substantiæ, cuius motum, anni quantitas metitur. Ea uero quæ quantitatem imitantur, sunt sicut Regulus, cum Regem paruum significat: propterea quod qui uasto corpore sunt, cæteros antecire robore uidentur, item imperio: ita ij, quorum in potestate populares sunt, eam magnitudinem imitantur: atque ideo de diminutione notantur.

Cum autem uarijs terminationibus præscribantur, eæ non sunt præsentis operæ. Sed illud animaduertendum, quædam quibusdam flexibus Deminutiuiorum effecri, quæ ad ipsum genus nulla ratione adduci possint: ut, Cuculus, & Cœnaculum, Aliæque eiusmodi aliquot: nam quæ ueteres afferunt exempla non omnia uera sunt, ut Auunculus Deminutum ab auo est: Abba enim auum appellabant: item patrē, & patris ac matris fratrem. Illi igitur cum patrui nomen quasi patrē alterum attribuerent, matris fratrem quasi remotiorem pusillum auum appellauerunt. Finis igitur Deminutiuiorum is, Tollere quantitatem, aut alia quæ remitti possunt: sic Regulus, paruum regem imperio. Veraniolum dixit Catullus urbanitate: sicut Romulum, & Sergiolum, pueros: non adulatione, ut aiunt, qui id à Græcis sumpsere: Romani enim non fuit adulari. Fraterculum quoque gigantum idem male dixere ab urbanitate: sed respexit ad Gigantum uastitatem. Probro: Meretricula, Pusio. Imitatione: ab Angui, Anguilla. Minus rectè etiam, qui continentur, à Recto Fidis, & Apis, Fidiculam, & Apiculam, ducta: falsa enim ratio est. Si à Fides, esset fidecula. Primum uidentur negare mutationem uocalium in deductis: Deinde satis constat

constat commodius fieri si Rectus à secundo casu differat. Itaq; si non inueniatur apud autores FIDIS, rectius facias, si neq;es unquā fuisse. Et Ouidiana APIS, ex deteriore de prompta usu sit. Verū ego arbitror inter utrunque sonum pronunciari solitum: ut in NISE, NISI: HERE, HER I. Itaq; cūm Aedes, non Aedis: Sedes, non Sedis in recto legatur, tamen Aedīculam, & Sediculam dictū legimus. His autem non erat hic locus, nisi huius quoq; rei causa nobis reddenda fuisset.

Ex his, quæ diximus, constat, Nomina in ASTER, à ueteribus rectè inter Deminutiua esse collocata, temere a recentioribus ablata. Eorum argumenta sunt hæc: Si essent Deminutiua, non fuisset à Terentio addita altera nota paruitatis, apud quem legimus, Parasitaster paruulus. Item Pullastra, grandiusculam potius significat pullam: Præterea Apiastrum est miræ altitudinis. non igitur erit deminutium: quare Imitationem non Deminutionem dicent. Ad hæc sic respōdemus: omnem imitationem indicare deminutionem: quare quod tollunt, id ipsum statuunt. Et quod additur à Terentio paruulus, significat corporis quantitatem ætate imperfectam, ut sit deminutio corporis: at parasitaster est artis deminutio: ut is sit, qui haud magna cum re parasitatur: & quia agit, siue imitatur parasitum, citra parafiti modum est. Apiastrum autem non est diminutium ab Apio, sed ab Apibus ductum, unde etiam *μελισσόφυλλον*, id est Apifolium dicitur à Græcis, Citraria enim est: quin ea Apium neq; imitatur, neq; similis eius est. At quod Apiastrum est ab Apio deminutum, sanè eo longe minus est. Verba Plinij sunt in x. libro: Nasci in Sardinia herbam syluestrem Apij similem, quod sit Apiastrum, Apio minorem. E' Sallustij historia sumptum uidetur. In Sardinia, inquit, herba nascitur, quæ Sardoa dicitur, Apiastrī similis: hæc ora hominum, & rictus dolore contrahit, & quasi ridentes interimit. Pullastram autem omnino minorem Pullam intelligimus: quippe Pulla, est Gallina iuencula: idq; tam contra eos, quàm pro eis facit: neq; enim Pul-

A lastra,

lastra, aut syluestris est, aut pullam imitans: ut quid enim minorē maior imitetur? aut quomodo imitatio in substantia, aut in quantitate naturali sita sit, quæ affectus animi, aut in ipso affectu posita est? Surdaster quoque qua ratione surdum dicitur imitari: sed enim idem est, quod subsurdus. Causa autem huiusce terminationis à Græcis constituta est: *φιλιππίζω*, *αντωνιάζω*, est Philippum, aut Antonium agere: sic *παρσιτάζω*, unde Antoniaster, & Parasitaster: sic *οἰκισίς* apud Galenum *παρὰ τὸ οἰκίζω*: sic *ἁεολισίς*, & Aeolice uerso sibi lo in literam uibratiorem. Qui igitur imitationem tantum attribuere, non meminerant surdastri: qui sustulere deminutionem ob Terentium, non uidebant duas paruitates eidem posse euenire, corporis, & artis: qui omnino non putarunt esse Deminutiua, nesciebant imitatione significari inæqualitatem duorum, quorum minor sit is altero, quem imitatur.

Proprium Deminutiuiorum habere deriuata, non à primigenijs, Hortulanus.

CAP. XCVI.

Collectiua, & Comprehensiu.

IN Genere quantitatis, quæ reliqua sunt, ponemus ea, quæ uocant Collectiua. uerum uox à definitione dissentit. Colligere namque est aliquo modo unum ex multis facere: at, Populus, aut, Vulgus, quod dat signum nobis colligendi? potius, Vterque, & Ambo, & Omnis, sunt signa Collectiua: illa autem, quæ sic ab antiquis sunt dicta, Comprehensiu potius iudicabuntur. At ipsi Comprehensiu dixere his non absimilia: cuiusmodi est, Vinetum, Rosetum, & eiusmodi. Verum hæc nihilo distant, nisi modo ipso significationis: nam Populus rem unam è multis constantem notat: at, Vinetum, unam rem multas comprehendentem. Non est Collectiuis dissimile, Arena, Scopa, Scala, & eiusmodi, quæ frustra plurali duntaxat numero dici debere contenderunt: itcirco, quia multa essent. Neque illis in mentem uenerat, quodcumque est, unum esse. At quod est, aut est unum Substantia, uelut dicebamus,
ut Homo

ut Homo & Equus: aut Accidente, ut Homo & Album: aut Subiecto, ut Albū & Dulce in lacte: aut Mixture, ut Posca: aut Aggregatione, ut Aceruus. Igitur in singulari si pronuncies, rectius designes unum esse: ut, Cumulus, Grex, Turma, Thesaurus: ut etiā in plurali diuersis locis posita significes: ut, Cumulos arenæ, Italicæ & Aegyptiæ: Greges, tuum & meum. Est præterea unum Mathematicum: ut, quadrantalīs figura unum est ex multis lateribus: sic Quadrigam debes dicere, ut & Alcibiadis, & Hieronis Quadrigas possis. Est etiam unum Dialecticum, uel Metaphysicum, ut Definitio, quæ constat ex genere & differentia: & Species quæ constat ex iisdem designatis à definitione: quæ tamen singulari numero proferuntur. Quare multo usui nomina hæc Comprehensiuā fuisse. Multoq; cōsultius est hoc excogitatum, quā sit admissus mos pluralium, ut Thebæ, Pisæ: nam si sic necesse sit dicere, illud quoq; necesse fuerit, ut ciuitates, non autem ciuitas appelletur. Sic grege legato, una res legata est, ut ait Paulus, neq; pars potest recipi, pars sperni.

CAP. XCVII.

Relatiua substantiua.

Relatiua aut sunt Substantiua, ut *tertius*: aut Adiectiua, ut *libertinus*. Itaque affectio est nominis aut genus utranque complectens speciem, substantiuorum, & adiectiuorum: neq; mirum: neq; enim substantiam significant, sed essentiam referendi: itaq; accidentis semper notæ sunt. In priore genere continentur Ordinalia, *Primus*, *Secundus*: aut his similia. *Centurio*, *præfectus*: & alia talia quæ diximus, ut *Ciuis*, *Vicinus*: *Nepos*, *Filius*: quæ unum tantum terminū significant. Videntur autem & Gentilia, & Patria ad hæc referri sub adiectiuorum specie: neq; enim dicas *Græcum*, sine *Græciæ* intellectu: sed tamen *Græciam*, sine *Græci* intellectione, posse dicere uideris. Verū non ita est. *Plato Græcus* fuit: *Regio Attica*, *Græca*: si substantias ipsas respicias, non referes: si nomina imposita, quæ gentem significant, non possis, quin res

A 2 feras.

feras. Terra illa non est alicuius terra: sed patria est alicuius patria: Græcia autem Græcorum est, & Græci Græciæ. Itaque omnium nobilissima fuere Patronymica, quæ in uoce substantiua, adiectiuorum plenitudinem sunt consequuta. Adiectiua enim significant accidens, & modum quo inhaeret substantiæ: quare aliqua ratione etiam ipsam connotant substantiam. Hoc etiam amplius Patronymica, quæ etiam certam substantiam consignant: nam incertum quidem filium uel nepotem, at certum uel patrem, uel auum, tanta uis, ut etiam propria nomina referri penè cogant. Videtur enim Priamus referri ad filios hoc nomine Priamides: uerum non ita est: nam tametsi terminum nominat, non tamen cum refert ad hunc quem primario significat: significat enim filium Priami, quæ ad Priamum refert: consignificat Priamum, sed ad filium non refert. Cæterum eo præstant cæteris, ut diximus, quod utrumque terminum relationis simul statuunt uoce ipsa, non solum significatu. Illud quoque mirum fuit, à proprio ductam uocem per denominationem, non esse Adiectiuam, sed Fixam: id quod non potuerunt obtinere Possessiua. Appellatiua autem fuere amissio iure proprietatis. Neque enim potius Hector, quàm Helenus intelligetur eo nomine PRIAMIDES. Non propter eam rationem, quam afferunt, Singularia non referri: hoc enim falsò dixerunt philosophi quidam. Nam Relatiua quoque sua habent indiuidua: ut, hic filius huius patris. Proprium uerò cum fuisset per initia Patronymicorum, Græcis tantum in nominibus fieri: usus Romanus ad sua transtulit commoda, ut Romulides. Falsò enim dicebant quidam Patronymici loco usos tum Possessiua: nemo enim hoc legit nunc. Auxere quoque inscitiam, cum Latinorum tantum esse dicerent possessiuum: qui si Græca ignorabant: at ineminissent ex poemate, quod legerent assidue, Troia, & Typhoea, & Euandrius. Quoniam uerò etiam Mater ita refertur ut tum ea, tum Pater unico nomine Parentis complectantur: ita circo ab ea quoque ducta sunt: ut Coronides, Aesculapius apud Ouidium. Item eodem filo ab auis matris, quo à patris

ternis trahebantur: Atlantides, Mercurius. Post hæc à fororibus quoque, Phaëthontíades, sorores Phaëthontis. Horatius etiam à factis, non ab sanguine Tyndaridem dixit eam, quæ Clytemnestræ more diffidisset bipenni caput uiro. Moderatus ueteres, qui ciues omnes, tametsi non erant à príncipe ciuitatis geniti, ab eo appellarunt: Cecropidas, Athenienses.

CAP. XCVIII.

Mobilia, siue Adiectiua absoluta,

Quemadmodum supra diximus, Mobilia sunt alia Absolutarum rerum, alia Relatiuarum notæ. Absoluta sunt, Viuus, Exanimis, Anniculus, Sesquipedalis, Albus, Calidus, Frigidus, Circularis, Forensis, & eiusmodi: genera ipsa rerum si spectaueris. Habent autem affectus hos, æqualia esse ei, unde sunt denominata: ut à Iustitia, Iustus: iustus enim est, qui iustitiam æquauit. Secundus affectus fuit, minus significare: ut, Bellus. Tertius, augere significatum: ut, Gloriosus, Populabundus. Proprium autem fuit Mobilium, transire in naturam Fixorum: ut, Pluuia: fuit enim per initia, Aqua pluuia, id quod etiam ex L L. libris deprehenditur, De aqua pluuia arcenda. Eadem analogia fluuius, ut possis dicere, Fluuium Renum. Ducta enim sunt, aut à nomine, ut Candidus: aut à uerbo, ut Bibax: aut ab aduerbio: ut Hesternus. Fluere igitur cum significaret ipsum accidens per se: ducta est ab eo uerbo uox, quæ in alio esse indicaret, Fluuius. Itaque uehementer falsi sunt, qui scripsere, quædam Nomina esse neque Substantiua, neque Adiectiua: ut Verbalia, & alia quædam: cuiusmodi est, Ciuis, & Seruus: quæ propterea ipsi Ambigua appellarunt. Verum res se aliter habet: Verbalia enim fuere Adiectiua, nihilosecius quàm Participia: sed breuitatis causa missum est Substantiuum: quis enim neget *πρωτην*, fuisse primum appositum, *ἢ ἀνδρῶν*: sicut & Homerus dicit, *ιατρὸς ἀνδρῶν*: sicut *πλοῦσι* ἀνδρῶν. si enim Bellare habet naturam Adiectiui, non ne Bellas

tor item habebit, significat enim bellandi scientiam in Cæsare, aut alio. itaque uariatum fuit, ut etiam Bellatricem dicereamus Camillam, & Arina uictoria. Sic Seruum, & Seruam, Dauum, & Syram: & Seruum imperium, quod alij pareret. Sic pauper Irus, Ilia, Regnum. at scorsum ponitur ab Ouidio, Pauper ubique iacet. Non sunt igitur Ambigua: nihil enim medium inter ea, quæ diximus, in rebus: ergo neque in nominibus: sed sua natura Adiectiua fuere: usus autem non mutauit, ut efficeret Substantiua, sed Substantiua sustulit: non ut hæc essent, sed ut illa subintelligerentur. Sic dixit per initia, Pluit Deus: postea sustulit Nomen. Sic dixit, Amatur à Cæsare: postea tacuit nomen, & passus est uerbo nullam certam attribui personam. Quod autem addunt his, Ciuem, & Regem: ut dicatur, & uir Ciuis, & Ciuis bonus: & Populus Rex, & Rex bonus. hoc sic increbuit, quemadmodum apud Græcos quod per artificum declaratur, ἄνθρωπος ὁ πολίτης, λαὸς ὁ βασιλεύς. quanquā Rex quoque fuit Adiectiuum primò, & Consul, & Prætor. Nam quod unum tantum genus obtinuerit, id nō ipsius nominis, sed rei quam notaret, causa factum est. Cum enim hæc accidentia non nisi in uiris inuenirentur: non nisi uirili genere potuere enunciari: quanquam etiam Reginam dicas. Sic Autor, utrunque genus complexum est, cum terminatio masculini tantum analogia præscripsisset. Sic Græci per initia dixere, πτωχὰ λαγῶν, pauidum leporem: at usus πτωχὰ dixit, λαγῶν, subticuit. sic φοῖβον ἀπόλλωνα, Phœbum perditorem: at simpliciter ἀπόλλων, substantiuui sui nomen obtinuit, sic σκᾶμανδρον ξανθόν, quod pecora flauescerent eius potu: at Xanthi sola appellatione Scamandrum intelligebant: ut hoc sanè magis mirum sit, ex Adiectiuo factum Proprium substantiuum.

Secundum rerum genera cum Adiectiua distinguantur, non pauca eorum certis terminationibus insignita fuere. Quæ igitur substantiam significarent, multas facies sunt sortita: in

A C E V S: in I T I V S: in I N V S: in E V S. In

A C E V S

ACEVS, materiam significant: Panis hordeaceus: Interdum totam: ut Melsis triticea: & Pila cretacea. Aliàs partem: ut, Prifana hordeacea: nam etiam ex aqua constat, non solo hordeo. Etiam fusa significatio ad cohærentia, ut acino contentum granum, Vinaceum: quemadmodū imitatus est Gallinaceus: quoniam ex gallinæ materia ac satū esset. Huic proxima terminatio, Cratitius paries, & Cæmentitius: idem significauit. item materiæ cohærentia, ut Multitia uestis: neque enim Multitudo materia est, sed Linum, aut Lana: sic Multatitia pecunia, quæ ex Multa: at Multatio materia non est, sed forma potius, qua pecunia exigatur. Vt & hoc errarint, qui solam materiam, non etiam formam dicerent significari: & malè scripserint, **ICIVS**, non **ITIVS**: nam ut est à Iusto, Iustitia: sic fuit à Crate, Cratitius. Atque hæ duæ terminationes Latinis sunt peculiæ: Alteræ duæ à Græcis profectæ, Cedrinus, Cupressinus, in **INVS**: & in **EVS**, Ferreus, *σιδηρεος*, Aeolicè, exempto, ut diximus **I**, ex diphthongo. Abiegnus autem fuit paulò coactius dictum, ab Abiete. Ianthinus uerò & Amethystinus uidetur colorem, nō substantiam significare: uerū ita fuit, ut quasi ex ipsa Viola, & Amethysto confecta esset uestis: quoniā ex succis herbarum tincturæ perficiebantur. Quæret aliquis, **AN TRIBVNITIVS**, atque alia eiusmodi in superiorum ordinem redigantur? Sanè ita est: etenim Tribunatus quasi materia est eius loci in Republica, qui Tribunitijs debebatur: sic Patritius Ciuis, cuius dignitatis materiam præbuerint patres.

Quæ uerò qualitatem significant, alia exeunt simplici, communisq; finitione: ut, Bonus, Celer. Alia Græco flexu denominatiuorum: ut à Pythagoræ sapientia, Pythagoreus, & Pythagoricus. Sunt etiam duo alij modi uerbales, *πυθαγορεισμός*, ut Grammatista: & *πυθαγορευτής*, ut *πύκτις*: & *συνεκτής*, Aeolicè. Sic nescio quo felicissimo commento Franci etiam nunc poetam, patria lingua, **FACTISTA** dicunt. qua uoce nulla meliore analogia Græcam potuit & excipere, & exprimere

exprimere. Enarratores Theocriti agnoscunt inter eas terminationes differentiam ad significandum, quam qui uolet, inde petat. Sunt & alia quæ ipsam qualitatem sub excessu quodam notant, exeuntq; in *osis* : ea habuere originem à Græcis, ut Vinosus, *οἰνώδης*, est enim *οἰνώδης*, qui plus uini appetit, quàm par sit : aut qui plus uini obtinet. scilicet aut substantiæ, aut saporis, aut odoris, aut coloris : ut apud Homerum alia terminatione, *οἶνοντα πόντον*. Sic duo quoque modi significandi apud Latinos fuere : Ingeniosus, qui multum ingenij haberet : Mulierosus, qui multum mulierum uellet habere. Trahunt autem originem à nominibus, Græcorum eorundem exemplo : non à uerbis, ut putarunt : his exemplis, Stomachosus, Studiosus, Quæstuosus, Sumptuosus. Sed à Stomacho : quod apertius patet in alijs : nam à Studio, non à Studeo, habet uocalem suam studiosus : & à Sumptu, & Quæstu, suam cætera. Itaq; M. Tullius sic loquutus est : Non ut mihi stomachum facerent, quem nullum habeo. Quare à Criticis notatus fuit Nigidius Figulus, qui Bibosum, dixit. suam enim habent à uerbis terminationem parî significato, Edax, Bibax, Emax, Vendax, Loquax, Dicax : à nominibus rarò, Linguax. Et aliam infrequentiore, Bibones, Comedones, Calcitriones : & à nominibus, Catillones, Popinones : quanquam à Catillando & Popinando quoque duci possint, ut à Lurcando Lurcones. Sed quædam omnino sunt à nominibus, ut Ciliones à Cilijs, & Labeones à Labijs. Horum item Græca origo fuit : sic enim effingunt illi nomina Comprehensiuæ : ut, *ὀρνιθώνας*, *δακρυῶνας*, *πλαττανῶνας* : loca plena Auibus, Lauris, Platanis. & unum facietum sanè, *κενῶνας*, partem corporis, quæ Ilia à quibusdam putata sunt. quoniam igitur plus uacui ibi esset, quasi multo uacuo plena esset, *κενῶνας* superiorum analogia appellarunt. Eorum autem significatus alius actiuus, ut Studiosus : alius passiuus, ut Formidosus : alius indifferens, ut Montosus : quæ fuit causa, ut à uerbis deduci posse putarit Nigidius. Habuere autem modum

dum significandi, ut diximus, excessum. Excessus autem
 omnis vitiosus: Virtus enim aut medium, aut in medio. Ver-
 rum nomen quorundam ui factum est, ut etiam uirtutis
 limitibus continerentur: eius rei causa fuit, propterea quod
 omne bonum difficile paratu est: ut est apud Hesiodum, &
 Vergilium, & Platonem, & Aristotelem. Ergo conatus ille
 frequentium atque affectatarum actionum intra laudis me-
 tas constitit: ut, Studiosus: nemo enim satis pro re studere
 possit. Quin media quoque uocabula, ut Fama, & Dolus,
 in deteriore partem flexa fuere. Famose Moecham, Dolo-
 sum mercatorem: propterea quod facilius habitus, deterior
 est. Idcirco diuinus poeta Famam, malum definiuit. Hæc
 pertinent ad causas & Originis, & Significationis. Materia
 autem sic se habet: Quædam simpliciter deducuntur, ut à
 cerebro, cerebrosus: quædam cum additamento uocalis, ut
 à cura, Curiosus: quanquam non sine ratione: Sabina uox
 fuit, non ut ineptiunt, quia Cor urat. Quirites dixit Plebem
 Romulus, se Quirinum, Senatum Curiam: omnes eodem
 uocabulo, uario flexu. Inde Curiosus dictus, qui satageret
 Consultorum Senatus. simul Curæ nomen deriuatum qua
 diligentiores patres uocarentur. At apertissime assumpsit
 Formidolosus à Formidine: Monstruosus, autem quod di-
 cunt quidam, puto esse barbarum: nam in manu scripto
 Martialis exemplari, quod de præda Fontarabiæ nacti su-
 mus, sic scriptum est, Montosæ decus Vmbriæ. Tortuo-
 sus quoque & Saltuosus nihil assumpsere: sed à Tortu, &
 Saltu, ducta sunt: sicut à fastu Fastuosus. quanquam igitur
 uidentur quantitatem significare, tamen non ita est, sed in-
 tentionem qualitatis: nam tamen Mons significat quanti-
 tatem, at Montosus, habitum illum montium notat. Sic
 euenit etiam in alia terminatione, V N D V S: Magnitudi-
 nem nanque indicat: Cæterum non solius Quantitatis, im-
 mo uerò, ut supra dixi, Habitum quendam. Neque uerò du-
 bium est, quin à maris excessu naturam nata sint, quippe
 ab V N D I S. Nam M A R I S nomine antiqui pro magno
 B uli sunt

uli sunt. hinc Pelagus, quia πέλας ἄγος. Iam enim τὸ πέλας significat tractum ipsum. Et Callimachus quasi prouerbio utitur in Apollinis hymno:

οὐδὲ Πέλαος τὸν ἀεθλὸν ὅς ἐστι' ὅσα πάντα ἀείδεις.

Et apud Latinos, Maria ac montes polliceri. Vulgo etiam dicimus, Maria, de re immensa. Sic Catullus cum multa proposuisset etiam maiora fide, subdidit, Cætera sunt maria. Sed de his alibi. Eorum autem Materia talis est, ut quædam B, habeant, alia C. Populabundus, Iracundus, Rubicundus, Verecundus: quorum origo à futuro uerborum ducta significatum expressit perpetuationis: ut, Populabundus, non solum qui populatur, sed etiam populabitur. Pauca ad præsens respexere: ut, Iracundus ab eo quod est, Irasci, exempto sibilo, quasi qui semper irascatur: Rubicundus, qui semper rubricet: non, ut uulgo utimur, actiua significatione transitiva, sed absoluta, aut μέσος, quemadmodum cum dicimus Lauat, id est, Lauatur. & apud Poëtam, Iam uenti posuere. Verecundus autem originem paulò habuit obscuriorem, propterea quod abolitum uerbum est Verescor: sicut contra, Adipiscor, suum primogenium amisit. dicebāt enim Apere, παρὰ τὸ ἀπτερν, unde Apex, & Apes, & Examen, cuius simplex non inuenitur sic uoce primaria, sed in Amento. uerum de his alibi. Continuationem igitur dicimus, quia Rubicundum non dicam me, sed Silenum, cuius facies multi atque aperti ruboris sit: Nireum non dicam iracundum, Achillem dicam, multæ iræ, & quam ipse præ se ferat. Facundus literam mutauit, si à fando, non ab efficacia ductum sit. Fœcunda à foetu, per concisionem. Rotundum quoque, si ab eruditioris iudicio concedatur mihi, uis detur non abhorrire. Neque uerò habitum illum cum excessu solum indicant, sed etiam uehementiam quandam, atque extantem præter modum exuperantiam in rebus inanims: quasi cum dicas Mare fluctuabundum, uel ut ait Gellius, Vndabundum. In rebus autem uoluntate præditis, etiam Ostentationem, siue Profelsionem, atque etiam, ut ita dicam

cam, Satagentiam. nam quemadmodum differt Verbalc à Participio, ita à Verballi genus hoc nominum. Pugnare potest quiuis, atque erit Pugnans : Pugnator longè alio modo idem significat: addit enim habitum sciendi pugnare. Sic, Populans, & Populator : at Populabundus hoc apponit infusum, ut palam præ se ferat animum ac spiritum Populatoris. Idcirco ueteres non malè dixere : cum imitationem quandam his nominibus attribuere, simul & similitudinē : quippe gestuosa quodammodo quæ sint. Propterea dixit Sallustius in Iugurthino : Quasi uitabundus : id est, quasi is, qui præ se ferret metum, ut hostem eliceret, quem uitare simularet.

Est alius modus eiusdem terminationis in I N V S : nam supra correpta uocali pronunciabatur, Faginus axis: & Materiam indicabat. at in quibusdam producit, & Qualitatem consistentem significat : ut, Libertinus. Et in I L I S, Scruilis, Herilis, & unum correptum Pugil. fuit enim Pugilis per initia, sicut Ciuilis. Et quemadmodum supra in I T I V S Materiam notabant, Cimentitius, Cratitius: ita etiam Acidilitius, & Tribunitius, quasi materiam, non ueram: analogiæ enim Tribunatus dicitur materia dignitatis, ac status hominis. Qualitatem igitur indicant, id est conditionem, à materia, aut quasi à materia, sub ratione quadam passionis : ut Aseriptitius, qui est ascriptus : Fictitius, qui est fictus : Dedititius, qui est passus deditioem : Deditio enim quasi materia quædam est Capitediminutionis : est enim affectus deditiois, amissio libertatis. Eiusdem modi sunt in A L I S : ut Triumphalis, qui ex Triumpho gradum adeptus est in ciuitate : Furialis, furijs captus : Mortalis, eadem ratione dicitur, qui morte affectus est : nam quod ad aptitudinem translatus sit, hoc usus occupauit. Cæterum de mortuo primum sic sunt locuti, Mortalis fuit : deinde etiam cum ad uiuentes respicerent, propterea quod essent eiusdem naturæ, eosdem quoque Mortales uocauere. sic etiam Capitale crimen dixere, quod capite lui meritum esset : quo significato

etiam quæ nondum uocata essent in iudiciũ, intellexere. His similia in ORIVS: Censorius, Prætorius: hæc sequutum illud fuit, Vxorius. Nam Censura ac Prætura acta certis limitibus uitæ præscribebant ciuibus: ita uxoris imperio qui cohiberetur, eodem uocis flexu significatus est. Verum quia certa nomina eam terminationem nõ admitterebant, aliam eundem in usum excogitarunt, in ARIS: Consularius, uicino sono superiori, quæ erat in ALIS. Verum huius modus latè fufus est: dices enim Robur militare, etiam in Remige, qui nunquam miles fuerit, quoniam in milite repertum iam est. uerum etiam à causa efficiente ducta sunt: ut Viam militarem: etiam in prædicamento τὸ ἔχον, ut Sanguinem militarem. A Singulo quoque Singularis dictus. & alia quædam, quæ ad philosophum spectant: de quibus exactissimè in primo historiarum à nobis est disputatum. Alia natura eorum est, quæ in ATICVS, habitum à natura inditum notant, Venaticus: aut etiam substantiam, ut Aquaticus: siue, ut malis, habitum in aqua, aut propter aquam agendi. Mutuatica pecunia apud Gellium, quæ actione mutui condici potest: Mutui enim naturam induit ex stipulatione, aut pacto, aut eiusmodi. Alia eorum, quæ in TIMVS, in prædicamento τὸ ἔχον, ut Patrimus, Matrimus, qui patrem & matrem habet: Aeditimus, qui ædem: at Legitimus, potius passiuè, qui à lege constitutus est. Finitimus uidetur relationem notare, uerum id non à terminatione, sed à significatione nominis huius finis, factum est: & significat eum qui suos fines habet. Hæc omnia corripiunt terminationem. At Bimus, Trimus, Quadrimus ab anno ducta, non facile est dicere, salua uerecundia ineptiendi, quare producant, nisi propter concisionem. In ARIVS, eundem habitum ad agendum: Sagittarius, qui sagitta uti scit: Bustuarius, qui busto præest. Quædam etiam passio nem notarunt: ut, Tumultuarius, qui tumultu sit conscriptus. Etiam ad ætates usus transtulit, Sexagenarius, ubi neque actio, neque passio, sed τὸ ἔχον: sicut Centenaria usura, de qua suo

suo loco. quomodo Binarius, Ternarius. At carpētarius etiā opus facit: carrucarius non, sed sacro utitur, ut Armentarius. Nunc alia duo uideamus: Quod aptum natum est quippiam aut agere, aut pati, id *πικρικία* dixerunt Græci: propterea quod rei ipsius *φύσιν* sequeretur affectus ille. Duas autem habuere apud Latīnos, totidem apud Græcos terminationes: in *IVVS*, actiuam: in *ILLVS*, passiuam: sic Græci *αἰσθητὸν*, id quod aptum natum esset ad sentiendū aliū quid: *αἰσθητόν*, id quod aptum natum esset ad sentiendum ab aliquo. prauē à Barbaris eæ uoces translatae sunt in Latinitatem: sic enim interpretati fuere inscriptionem libri Aristotelici, de Sensu, & Sensato. nam *αἰσθησις* sensus est: *αἰσθητὸν*, quod sensu præditum est, eoq; aptum est uti: *αἰσθητόν* quod sensu percipi potest. De Sensiuo & Sensili, dicendum fuit: aut molliore, si reperiās, uocabulo, sed ad hunc modulū apto: ut in libro de Inscriptione à nobis declaratum est. Nam etsi Sensio passio quædam est, tamen sub actionis rationem recepta est eius significatio: ut Tango, & Gusto, & Audio: sed de his alibi. Actiua igitur terminatio Græca maxima prudentia constituta fuit. affinitate quadam coniuncta cum uerbis illis, *τυπίζω*, *αἰσθησιώ*, ut affectus à uerbo, & aptitudo à nomine *τυπίζω*, *αἰσθησιώ* habeant cognationem. Mollius tamen ducas à præterito, quasi sit à *τυπίζω*, *τυπικό*. Nostri in *IVVS*, ut diximus, hoc expressere, sumpta occasione ab Aeolensibus. nam quædam nomina deducta communī pronunciatione interposito proprio elemento pronunciabant. *ΑΥΡΕΙΟΣ* aliq, ipsi *ΑΥΡΕΙΟΣ*. Igitur ut ab eo quod est *νότος*, dicitur *νοτιά*, qui Austri uim habet: sic ab eo quod est, Actio dicetur Actiuus, qui agendi habeat potestatem. Exempla sunt multa: Internecium bellum, quod utrunq; bellatorum necat. Fugitiuus seruus, qui fugit, quoniam suapte natura ad id propensus fuit: Genitiua membra, apud Ouidium, *παιγεννέλια*. Tempestiuus quoq; non, ut dixere, significauit occultiore actionem: sed sane fuit is, qui tempore temperaret. At enim uero passiuum qua ratione dictum fuit? Terminatio

natio actionem, passionem notat significatio. Græcos male secuti sunt, qui *παθῆσις*, potius *παθησις*. nam passivum erit id, quod faciat aliquid pati : hoc autē fuerit potius actiūum. actio enim & passio cūm unum tantum sit, sed differat ratio : ne : ut vulnératio actio sit Achillis, & passio Telephi : passivum & actiūum idem erit, quoniam & significatio est eiusdē rei, & modus idem : Nam & terminatio in I V V S, significat actionem, & ipsa passio ab actione non distinguitur re ipsa : igitur significabit rem ipsam in agente. uerūm Grammatici sero sapientiam cum uocabulorum usu coniungere. Quæ uero significant passionem, in I L I S, exeunt, præeunte secundum uerbi naturam consonante : ut, Habilis, Facilis, Agilis, Plicatilis : in quibus elementum uerbi anteit : Habeo, Facio, Ago, Plico. Quædā autem à futuris ducta sunt : ut, Amabilis : & à supinis, Penlilis, Flexilis, non sine ratione : aptitudinem enim significarūt, quæ, non est necesse, ut in actum producat. At recentiores audacter nimis iam actus significatiōnem attribuēre, idēq; friuolis sanē argumentis. Fictile, inquit, uas, quod est iam fictum : coctiles latres, qui iam cocti : atq; alia multa eiusdemmodi. Auxere errorem pertinacia : Nauis, aiunt, Agrippinæ solutilis, quia non bene erat coacta, sed soluta. hoc autem ridiculum est. scimus enim & satis Nautarum continuisse : & diu cursum usq; in altum tenuisse : sed quia solui poterat, solutilis dicta fuit. Sic Versatilis scena, quæ uersari potest machinis, qualis illa Marcelli fuit : quod si est Versatilis, quia uersatur : cūm non uersabitur, uersatilis non erit. Sed Aristoteles in nono Metaphysices disputat hoc aduersus Euclidæ sectatores, quos ibi Megaricos uocat : ij sic profitebātur, Non posse nos moueri, nisi cūm mouemur. Verūm de his amplius in Oratione de Endeclia pro M. Tullio. Qua item ratione facient, ut upupæ crista ipsis faueat : neq; enim semper plicata est, sed quia aliquando postquam fuerit erecta, plicari potest. Fictile autem, atque alia eiusmodi, si talia sunt, non ne talia fieri potuerunt? Omne enim quod est, ab eo quod uerè est, factum fuit : Omne quod est,

præter

præter Deum, ab aliquo factum fuit: omne quod factum est, ab aliquo fieri potuit. Coctiles lateres dicuntur, quia crudi sic primum sunt appellati. quoniam coqui potuerunt. Sic Rasiles calathi, & Tapetes, & alia. Lychni pensiles, antequam penduntur: potestatem enim pristinam significant: sic Vua, Balnea, Horti, quoniam in superiora eorum usus transferri potuit. Flexiles rami, lenti: quia possunt flecti. hæc uox etiam additamentum passa fuit in formatione, Flexibilis. Aurum, aut æs ductile, quod ex massa in lamellas duci potest. Sessiles lactuæ, quarum natura est ad sedendum postquam creuerint: ubi absoluta significatio est, non transitiva ad passionem, quasi quas sedere cogat natura. Ansa tortilis, quæ inter fabricandum ex directâ, torta facta est. Apertile latus, quod quiviit aperiri. Altiles gallinæ, quæ possunt & alii, & non alii. Horum igitur ratio duplex: namque potestas hæc, aut à Natura est, ut flexilis iuncus: aut ab Arte, ut coctiles lateres: ergo naturalis illa uis nunquam deficit: nam etiam cum flexi sunt iunci, retinent nihilominus pristinam flectendi facultatem: cōiungitur enim actus cum potentia, & tales sunt, quia possunt esse. Huius rei ratio est, quia ab essentiæ principijs fluit potestas illa. Scire potest infans Musicam. Adultus scit. nunquis dicet tunc amisisse sciendi potestatem: Quæ autem ab arte proficiuntur, non sic se habent: neque enim cocti lateres possunt coqui: quoniam coctio accidens est, extrinsecus adueniens, non à primordijs laterum. Sed hæc quæ arte fierent, secuta sunt rationem eorum quæ fluere à natura. Sic enim consultius fiet quàm quod à recentioribus factum est. ut quia lateres coqui nequirēt, idemque in ipsis & coctum & coctile esse uideretur: ideo flexilem ramum eundem putarent & flexum: Et fissile robur idem cum fisso. Nam cum Plinius inquit, Alia fissilia, alia celeriora frangi, quàm findi: citius fractione, quàm fissionem? Sic etiam Theophrastus, unde ille *χιστε, διαστε, δεαυστε*. quæ ipse acceperat à præceptore diuino suo ubi loquitur de crustis ac testis Aquatiliū. & in octauo

in octauo Metaphysices. Poëtica licentia dictum est, Penetrabile, actiue: sicut Porrum sectiuum, uulgu contra passiuè. Hinc constat malè reprehendi Boëtium a curiosis recentioribus, qui γλασπὸν, Risibile interpretatus est. fecit enim exemplo eodem & analogia, qua Scissilis lactuca dicitur, absolute.

Quantitatem autem quædam simpliciter declarant, quædam non: Nam tempus, & locum sub quantitate cū intelligamus: Tempus simpliciter quædam significarunt: ut, Bimus. at locum non simpliciter, id est sub quantitate, sed sub ἐχψ. neque enim Montanus, eum significat, qui montis instar est: sed qui montem habitat, sicut Intestinus loci habitum. Hæc multas cū alijs cōmunes habuere terminationes: in A N V S, Syluanus: cuius affectus proprius fuit, ut ex adiectiuo fieret substantiuum: Cœlestis: Terrestris: addito elemento, sicut Palustris: nam Paludestris, asperum est, & fortallè barbarum. Suprà posuimus, Aquaticum, à qualitate non malè: sequitur enim qualitas substantiam, & loci rationem. Cognatio enim est inter locum & locatum, ac sanè ipsum hoc genus, τὸ ἐχψ, alij cum qualitate, alij cum relatione miscuere: quidam neq; habitum speciem qualitatis à relatione: sed hæc sunt alterius operæ. Habes etiam alia: Litoralis, Marinus, Maritimus, Pelagijs, Fluuiialis, Fluuiatilis, Aquatilis, Tartarcus, Aërius, & eiusmodi. Et à partibus terrarum, in quibus etiam id diuersum fuit: in E N S I S, ut peregrinum incolam, non indigenam declararet: sanè Martialis mauult librum suum Hispaniensem, quàm Hispanum: ut Romanus sit, qui in Hispaniā animi gratia diuerterit. In aliquibus tamen Natiuum est: ut, Veronensis, longe diuersa ratione dictus est Cato Vticensis, cū Vticæ periit, non est natus. Et ampliøre limite, ut Præstensis, sicut Subcinericius panis, non ex cinere, sed sub cinere: adiuuatur autem à præpositione. Græca sunt, Tarchasniota, & Crotoniata. Prisci ita constituere, ut animaduertent, quædam excedere nomen loci: Creta, Cretensis: quædam non, sed alia æquare: Macedonia, Macedonicus: quædam superari,

superari, Italia, Italus. Hæc à regionibus. Ab oppidis autem negarunt. Itaq; à Venetia, Venetus: à Venetijs, Venetianus maluerunt. At Barbari quidam nihil discriminis faciunt inter Venetiam, & Venetias. uerum ut illorum consilium placeret, Venetiani enim à Venetis distinguendi sunt, sicuti Patauini à Venetianis: Veneti enim Patauini quoque sunt: ita regulæ seruitus displicet. Idem enim ab oppidis quoq; euenit: à Roma, Romanus: à Tiferno, Tifernas: à Camerino, Camers: quare à Lauinio oppido, & Lauina & Lauinia rectè ducas. neque à grammaticis utrum legendum sit apud Vergiliū, sed quemadmodum poëta scriptum reliquerit obseruandum. Proprium horum est pati concisionem. Sarlinas, quod fuerat Sarlinatis: & literas transferre: ut à Velitris, non Velitrenus, sed Veliternus: quanquam demptam potius iudicari, ut fuerit Velitrenus, deinde usu uox expolita sit. Ex his colligitur non esse uerum quod aiunt, in ENSIS ea esse, quæ à Græcis οὐδωμάτινæ uocantur: nam etiam sunt indigenarum, Colonienſis, Lugudunenſis, deniq; Pratenſis.

Tempus autem & Temporis partes, sic: Extemporaneus. nam Tempestiuus, ut diximus, potius temporis habitum significat. sicut Intempestus: quod fuit cōcisum tempestiui. Hora, habet Horariū, cū dici partem significat: at Græci quaternas anni partes sic appellarūt. unde Latini Horum, quod huius anni esset, neque in alienas transisset *ἡμέρας* anni sequentis. Diurnus, à die: Nocturnus, à nocte: Vespertinus, Matutinus, penultima producta. itaq; etiam Diutinus & Serotinus pronuntiandū est, contrā quā prodidere. A Conſticinio, & Diluculo, & Crepusculo, non sunt deducta. sed Aduerbiorum forma utuntur. Perdius, & Pernox, compositione adiuta sunt, quod minus cogerentur in communem terminationē: sicut *ἐφύμερον* animal dictum ab Aristotele. A Mense uulgaris uox Menstruus, dura sanè: itaq; emolliuit illam Cicero, & Mensurnum fecit. Annuus non solum anni habitum significauit, ut reditum statum indicaret: ueluti cū dicimus, Annua sacra: sed etiam totū tempus, idēq; unicum:

c ut apud

ut apud Iureconsultos, Annua, Bīma, Trīma die. Annicus
 lus ætatem sub tempore, sicut Quadragenarius, & eiusmodi.
 Discretam autem quantitatem significant his terminationibus,
 Centenarius, Binarius, Ternarius, quæ etiam sub $\epsilon\chi\phi$ redu-
 ximus: neq; enim solum numerum, sed etiam habitum pon-
 deris, aut ætatis, aut ordinis connotat: res enim ualde sunt
 complicatæ: neq; nisi à philosophis dignosci planè possunt.
 sicut Bini, Quaterni, & eiusmodi: quæ iccirco carent nume-
 ro singulari, quia plura comprehensa, ad totidem referunt:
 sed licentia poetica pleraq; torlit.

CAP. XCIX.

Relatiuorum species recensentur.

Relatiuum significat, ut diximus, aut Aequalitatem: ut, Vi-
 cinus, Propinquus: non enim Locum: ut falsò scripsere:
 sed Relationem in loco. Aut Inæqualitatem: hic sunt species
 tres, Possessiuum, Comparatiuum, & Superlatiuum. Demi-
 nutiuum autem comparatiui species est: de quibus omnibus
 iam est dicendum.

CAPVT C.

Denominatiuorum species censentur Possessiua: sunt enim
 Possessiua quæ id denominant, cuius sunt: ut, Ensis Cæ-
 sarianus. Ac quæsitum quidem aliàs à nobis est, quamnam
 ad causam reducerentur: nam Cæsar ensis sui neque materia
 est, neq; efficiens, neq; forma: uidetur igitur potius esse finis.
 Sic Pompeianus ager, Seianus equus, in usum Pompeij, &
 Scij. Sic Olympij ludī in honorem Iouis eo cognomento: sic
 Circenses, & Megalenses, ad Possessiua redigendi sunt: sic
 Florales, & Robigales, & Saturnales primum fuisse, siue
 Dies, siue Ludī, siue Vacationes. deinde tenuit consuetudo,
 ut potius Robigalia, & Saturnalia dicerentur. propterea quòd
 honestiore consilio Sacra, quàm Dies intelligerentur. Quæ-
 siuimus illud quoq; An à materia: ut, cretaceus: à forma: ut,
 statua Herculeæ: ab efficiente: ut, Venus Apellæ: ducerentur.
 Et non

Et non uidetur: sed simpliciter Denominatiua sunt: ac quamquam uidetur quædam relatio, tamen non correspondent. Neque enim Creta Cretacei est, sed pars totius. Haud enim ferè inuenias præter Deum, quod non aliquo modo referatur. Omnia enim saltem ab illo dependemus: Solus enim uerè est.

Differunt autem à Patronymicis Possessiua: primùm, quòd Patronymica fixa dicuntur, hæc mobilia: illa patrum, aut auorum, aut omnino generis habent significationem: hæc cuiusuis rei notæ sunt: illa à proprijs, hæc à communibus. Ex quibus colligi possunt rationes, & causæ reponendarum specierum, quæ sunt à ueteribus proditæ. Neque enim aut Cardiacus, aut Mathematicus, aut eiusmodi, sunt Possessiua, ut putarunt, sed Denominatiua: sicut & alia quæ sunt suprâ declarata.

CAP. C I.

Comparatiuorum Superlatiuorumque natura, & causæ, & usus.

Est hoc receptum è scientijs tam quæ Magnitudines, quam quæ Naturam contemplantur: è nihilo nihil fieri. Ita è rebus, quæ carent corpore, coniunctis, nunquam quicquā corporis fieri. Nam ne coniungi quidem possunt. Coniunctio enim extremorum, extrema autem corporum. Quare si incrementa sunt ex Quantitate, & omne Quantum diuisibile est in semper diuisibilia, incrementa quoque ipsa diuidentur: igitur quæ significarunt quantitatem, primo receperunt modum tum incrementi, tum diuisionis. horum imitatione item ea, quæ indicarent Qualitatem: propterea quòd intendi ac remitti posset. Idcirco Denominatiuorum, quæ referuntur, duæ fuere species constitutæ, Comparatiua, & Superlatiua, quæ Quantitatis, Qualitatis uel dicerent incrementum: & Deminutiua, quæ incrementi dicerent certam ablationem.

Occurrunt autem primo loco Deminutiua: si rei naturam spectes. posito enim nomine Iustitiæ: siquid adiungatur access-

C 2 fionis:

tionis : per propiores gradus ascendemus ad excessum. Verum quia non sunt specie diuersa à comparatiuo, sed modulo tantum quodam, atq; iccirco posterius excogitata, posteriore loco tractanda iudicauimus. Etenim si dicas Meliusculum esse Triticum Siligine, etiam Melius, possis dicere. Comparatiuum autem & Superlatiuum simul statuemus, haud enim ablimili sunt natura: neque enim distant nisi quatenus pars à toto. ut quemadmodum Deminutiuum modus sit Comparatiui, ita Comparatiuum Superlatiui : ut qui sit Doctissimus, etiam Doctior sit. An uero etiam possit dici Doctiusculus? Et uidetur. Toto enim partem contineri uerum est. si enim qui sit doctissimus, etiam doctus esse dicitur : etiam doctior : quare non etiam doctiusculus, quod inter doctum & doctiorem intercipitur? Verum res aliter sese habet, Deminutiuum enim non solum partem notat, uerum etiam ei certos praescribit limites. Neque uero solo hoc differunt: sed & alia causa subest. Nam Superlatiuum etiam absolute poni potest : ut, Caesar fuit fortissimus. Significat enim, adeptum fortitudinem, omnes eius numeros absoluissse. At si dicas, Doctiorem, necessario quempiam, quicum comparetur, aut ponas, aut intelligas. Prius autem comparatiuum inuentum est.

Est igitur Comparatiuum species dictionis excessum significans ad alterum relatum. Dico autem quantumcunq; & qualemcunq; excessum: non, ut dixere, mediocrem : neque dico speciem nominis, ut nomen est : sed ut nomen est species dictionis. Nam & Participium & Praepositio & Aduerbiu comparantur. Hi duo errores ueterum fuere : quorum alterum mox explicabimus. qui uero contaminauit definitionem, sic constat: Omnem excessum, totumq; etiam à Comparatiuo significari, non autem mediocrem. Primum, falsum est mediocrem esse, potest enim saltem citra summum, sed proxime consistere: ut doctior tantum sit, cui illud tantum desit, quo sit doctissimus. Deinde hoc quoq; falsum est. Nam qui sit doctissimus, idem etiam doctior dici potest, ut Nigidius aut Varro, si sit doctissimus Romanorum omnium, non ne doctior

doctior cæteris Romanis esse poterit? Quare Comparatiuum à Superlatiuo non distat specie, ut diximus : sed est aut sicut pars in toto, siue ad totum : aut idem cum ipso in re, diuersum autem in modo : relatione ipsa scilicet. Igitur si eius naturam acrius contemplemur, haud sanè pro re nomen inditum deprehendemus : neque enim satis est ipsum dici Comparatiuum : multa enim sunt nomina Comparatiua, quippe notæ Comparisonis : multa Aduerbia : ut, Similis, Dissimilis, Propinquus, Qualis, Quantus, Velut, sicut, & alia eiusmodi. Neque uerò omnis Comparatio excessum significat : quare ab hac differentia potius nomen consequi par fuit, quàm à communi cum multis natura illa. Itaque commodius *ὑπερθετικόν* quàm *συγκριτικόν* appellari potuit. Neque enim superlatiuum rectè à Græcis *ὑπερθετικόν* dictum fuit. Nanque τὸ *ὑπέρ* non significat τὸ ὅλον, sed ipsum habet suos gradus : sed consultius ὀλοθετικόν, aut ἀκροθετικόν. Latini autem hoc etiam amplius errarunt, qui neque præpositionem emendarunt, & uerbum FER O, immiscuerunt, quod motum significat. Græci sapientius constantem qualitatem aut quantitatem, per uerbum, *πέναι*. ita etiam constat, minus prudenter *θετικόν* dictum nomen unde hæc fiant, ut Iustus : nam etiam Iustior, *πέναι* : statuit enim Iusticiam. Cuius rei signum est, quòd etiam superlatiuum dictum est, *πέναι ὑπέρ τὸ θετικόν*. præterea qui Iustus est, potest esse Iustissimus. Omnem enim Iustitiæ habitum habet. Itaque ἀόριστον potius dici debuit, Indefinitum. neque enim declarat graduum præscriptionem. Comparatiuum autem, *ὑπερθετικόν* superlatiuum. superlatiuum autem, ἀκροθετικόν à Græcis, à nobis aliquo nomine, quod ultimum excessum indicaret.

Ex his definitionibus uidemus, ueteres non rectè dixisse, Comparatiuum significare positiuum, cum Magis. Primum pessimè locuti sunt. Neque enim Denominatiuum significat nomen, unde ducitur, sed rem alio modo : sic Comparatiuum rem, non nomen significat. Deinde, MAGIS, est Comparatiuum : quare idem resolveretur in seipsum, atque esset res

solutio infinita. In quod enim resolveretur ipsum Magis? ubi sisteret resolutionem? Neque uero prudenter negarunt, Magis, esse Comparatiuum. Nam Magnus, fecit, Magnior, Magnius, & Magis, ac tandem Maius. Aduerbiū autem uoluerunt uariare, retenta litera pristina, ac fecere, Magis. At quod arguant, non differre Aduerbiū à neutro in alijs: fatemur. Quod addunt, ne in hoc quidem esse faciendum: ridemus. Libenter enim in alijs item fecissent, si quiuissent. Fecere, ubi potuere, usq; sunt & libertate, & commoditate. Errarunt quoque in Superlatiuo, in eius intellectu inesse *M V L T V M*, aut *V A L D E*. Nam multum magnus est, cum qui maior, quam qui maximus. At Valdè, quid est, nisi Validè? Igitur Validissimus erit ualidè ualidus. Bis igitur ualidus. At Superlatiuum ter ualidum potius significat. Id quod Galli neq; temere neque imprudenter in patriam linguam receptum, etiam nunc retinent. Hæc igitur ipsorum Nomina, atque Naturæ: nunc Causas, ac tandem Affectus uideamus.

Ergo materiam à Græcis mutuati sunt Latini in Comparatiuis, imitati sonum sub R, litera: *ῤῥῶτερος*, Sapientior: & in Aduerbio adhuc propius, Sapienter. Superlatiuū autem terminationem Græcam repudiarunt propterea, quod conueniebat cum passiuo participio. Nam ut à *ῤῥῶς*, *ῤῥῶτατος*, sic ab eo quod est Incitus, deduxissent, factum esset sanè Incitatus. Itaque alius flexus placitus est. Geminarunt autem sibilum sic, Incitissimus: iccirco quia etiam Græci produxere mutam uocalem, quæ esset breuis post breuem, ut superiore in exemplo patet. Tractus enim uocis longioris id exigere uidebatur. Quare eodem exemplo etiam aliam terminationem constituere, Vberimus: tanto facilius, quod iam alteram litteram ex geminatis ibi inueniebant. At in tertia terminatione, quare recentiores unica tantum liquida pronunciarunt, sic, Similimus? cum tamen proprium eius fuerit geminari ob soni lenitatem, & producatur apud poetas semper, & in antiquis exemplaribus omnibus

bus ita scriptum sit, & sublit, tum analogia, tum analogiæ
 causa, quare sit geminanda. Communis autem terminas
 tionis causa etiam à Græcis quandam habuit originem: *πρό*
αυτοῦ enim est altile, quod scilicet nactum sit naturam, ut alas
 tur. Naturam igitur eam cum plenè possideret, mutauit
 similem sonum alijs, quæ summum illud adepta essent. Fiunt
 igitur à nominibus incrementum suscipientibus. Quare à
 significantibus substantiā non fiunt: nam *αὐτόματος*, & *ἰψί*
σινος, mera licentia poetica fuit. Nationem uerò indicans
 tia ita demum exorientur, si non statum hominis, sed gentis
 ostendunt mores: ut quia Pœni perfidi, legemus Pœniorem
 apud Plautum, aut etiam ab alio significato. Quare &, Ne
 ronior, non à Neronis substantia, sed à sauitia comparabitur
 ad significandum. Confessum etiam ab omnibus est, Com
 paratiua duci ex aduerbijs quibusdam: ut, Doctus. Nec
 deest ratio: uerborum enim qualitatem significant Aduers
 bia. Ab cæteris autem partibus negant. A Participijs non
 fieri, quia transcant in nomina: neque à Præpositionibus,
 quia amittant uim, qua casibus præponuntur. Nos cum
 his aduersus ueteres dicimus, à uerbis non duci. Exem
 pla enim falsa sunt: Nam à uerbo Potiri, est ridiculè dedus
 ctum Comparatiuum Potior, & Superlatiuum Potissimū:
 neque enim significata ualde cohærent. sed à Potis, siue Po
 te, fiunt. Par inscitia, cum Detero uerbum ex sese aiunt gi
 gnere Deterior: quippe Deterior, passiuam habet rationem
 significandi, ut quod sit plus detritum, deterius sit. & uox
 uetusta fuit, Deter: sicuti, Dexter, Citer, Exter, apud Cas
 tonem, & Statium: quæ nunc exoleuere. Contra hos au
 tem cum ueteribus uicissim sentiamus, A Participijs duci:
 siquidem non omnia participia in nomen transire posse. nam
 Expugnare significat actionem sub tempore: Expugnator,
 sine tempore: Expugnans, sub tempore. Cui si addas cas
 um nominis, non uerbū, amisso tempore nomen fit, retenta
 sola Participij terminatione: ut, Expugnans urbium, sicut
 Expugnator urbium, nullum tempus designat. At Participi
 pia

pia pasciua quomodo nominum naturam asciscant? neque enim simili ratione casus nominis apponi potest: itaq; Expugnatum, semper prateritum indicabit. Et Honoratiorem, atque Honoratissimum, nunquam de alio tempore, quam de praterito pronuncies. Immo uero quibusdam horum nominum etiam casus uerbi additur: ut, Expugnatus à Cæsare: ita etiam Expugnabilis à Cæsare: tantum abest, ut Participiis ipsis derogari id ius possit. Sic locutus est M. Tullius ad Cornificium: Cæteris, inquit, omnibus rebus habear eos à me commendatissimos: id est, qui maxime à me commendentur. A Præpositionibus quoq; deriuari, multis exemplis conuincuntur, in quibus manet uis Præpositionis casum exigentis: ut apud Liuium in primo: Duo corpora propius Albam. Neque sine ratione: Interuallum enim in partes secari potest: Cuius interualli conditionem ipsa Præpositio declarabat. Ex quibus, ut diximus, acutius contemplanti constat: Comparationem esse differentiam, qua genus sub dictione constitutum completitur non solum Nomen, sed etiam Aduerbiū, & Præpositionem, & Participium, quæ inter se differunt specie. Idemq; de Superlatiuo intelligendum.

Affectus autem eorum usu continetur, uerum non sine controversia. Cum enim neget nemo, casum Sextum deberi Comparatiuo, Secundum Superlatiuo, & pluralem semper numerum: Dubitatum est, An pluralis casus Secundus Comparatiuo apponi posset. Quare non defuere, qui Comparatiuum inter duos tantum, cum Secundo casu poni posse contenderent: idq; Horatii exemplo, qui dixit: O maior iuuenum. Sextum autem inter plures duobus diuersi generis: ut, Cæsar fortior Gallis. Nos uero sic sentimus: Comparatiuum cum semper aliquo modo referatur, non semper tamen ad sequentem referri casum: sed ad eum, qui subinteligitur. Igitur si dicas, O maior iuuenum, directa oratione ad duos Pisones, non redditur casus ille secundus Comparatiuo. Neque enim fieri potest, ut alter Piso maior sit, quam
sint

sint iuvenes : sed refertur ad fratrem alterum sic, O' alter iu-
uenum, qui altero maior es. Sic etiam dicimus explicatius:
Elephantorum Indici maiores Afris : etiam si Afris, subti-
ceatur, constet oratio. Exponitur autem ad hunc modum:
Elephantorum alij Indici, alij Afris: quorum Indici maiores
Afris. Sicut ergo casus ille, Quorum, non est Comparatiui,
sed Distributionis : ita erit in exemplo quoque superiore.
Ex hac natura constat ratio, Quare poni queat cum præpos-
itionibus *I N T E R*, &, *A N T E* : ut, Inter alios doctior.
Ac sanè cum in comparatiuo duo sint, Relatio, & Excessus:
præpositio *A N T E*, non abhorreat ab eius natura. Altera
uero quæ est, *I N T E R*, languidiorem operam præstat:
nisi enim multa suppleantur, non exprimit uim excessus,
sed potius æqualitatem: ut, Cicero inter ciues suos doctior:
potius enim tendit ad Naturam absoluti, quàm Comparati-
ui: nisi subintelligas distributionem ad singularia, quem-
admodum in Secundo casu exemplorum, quæ suprà dixi-
mus : cuius Secundi casus natura partitionem item dicit in
construptione Superlatiuorum : quæ fuerit causa, ut semper
inter congeneres fiat significatio. Quæ uerò partiuntur, quæq;
distribuuntur, eiusdem generis esse necesse est: quemadmo-
dum si dicas : Cæsar clementissimus Romanorum : intelli-
gitur Cæsar unus è Romanis, qui alijs clementior sit, quoad
fieri potest. Quare uidemus eorum fallaciam, qui negant,
Distributionem *O M N E M*, cum Superlatiuo poni posse. Si
enim dicatur, inquit, Cæsar doctissimus omnium: Cæsar
non excluditur ab ea uniuersitate, quin unus omnium sit:
igitur fieret, ut se quoque esset doctior. Atque hi falsi sunt:
cum non intelligerēt Secundi illius casus partitionem. Idem
nanque est, Doctissimus hominum: & Doctissimus homo.
Comparatiuum uerò cum Sexto casu ne sic statuas, quem-
admodum poetæ tum Græci, tum Latini ausi sunt: Cunctis
doctior. hic enim sit relatio doctrinæ ad cunctos: non autem
sola partitio sine comparatione. Itaque uocem excludentem
addendum est, cuius ui res comparata excipiat. Id quod

fecit doctissimus poeta: - Ante alios immanior omnes. addidit enim ALIOS, ne sub uoce OMNES, Pygmalion quoque comprehenderetur. quanquam idem alibi iussit, cum scripsit: - Sed cunctis altior ibat Anchises. Præpositiones igitur ipsæ attulerunt uim partitionis, non solum ANTE, & INTER, sed etiam EX: ut apud Liuium primo: Sextus filius eius, qui minor ex tribus erat. non enim potuit dici, Minor tribus. Tres enim tantum erant: ipse enim secum compararetur: essetq; seipso minor. Illud etiam aduersus ueterum sententiam est animaduertendum: Si ad secundum illum casum referatur Superlatiuum: aliam quoque ab ijs, quas supra posuimus, causam esse, propter quam illi superlatiuum male interpretati sunt per MVLTVM, & VALDE: neutrum enim horum aduerbiorum refertur. Postremo id quoque falsum eos prodidisse constat, Græcos arrogantia quadam commisisse, ut non nisi ad idem genus Superlatiuum referatur: quoniam præ se unis, cæteros omnes barbaros appellassent. At enim uero in sua tantum gente id obseruassent: nunc uerò uidemus etiam inter Barbaros legis rigorem tenere. Sed id in causa, ut diximus, fuit, Partitio ac Distributio. Itaque hoc loco, uox hæc GENVS, non solum gentem aut nationem indicauit: sed etiam diffudit significatum ad alia multa: puta mores, artes, & eiusmodi. Dicam enim, Epeum solertissimum fabrorum. Sic in primo de Oratore M. Tullius, de Crasso, & Scæuola: Alterum parcorum elegantissimum, alterum elegantium paratissimum. Neque enim ad diuersa genera relatum est: in utroq; enim erat elegantia cum paritate. At Martialis in duodecimo, multo effusius:

Non es, crede mihi, bonus. quid ergo?

Vt uerum loquar, optimus malorum. Inter bonos enim & malos nullum commercium est, contraria nanque sunt: sed suo more luit. Ne illud quidem recte prodidit, Comparatiuum poni aliquando absolutè: semper enim habet aliud quid, saltem occultæ, relationis. Sic seniozem Acestem dixit

xit Poëta : aut quàm aliq̃, aut quàm fuerat , aut quàm uide-
retur : tantum abest, ut minus significent: contra quàm scri-
pserūt: exemplum enim Vergilij, Tristior, de Venere, signi-
ficat eam plusquàm tristem. declaratur id tum lacrymis,
tum dolore qui exprimitur in conuestione. Multo uero
minus significabunt contrarium : relatio enim est inter par-
ticipat̃ia: igitur, Mare Ponticum qui dicunt esse dulcius cæ-
teris: non intelligendam proponit amaritudinem, sed dulce-
dinem mistam in omni mari, in Pontico autem maiore flus-
uorum incremento, neque enim mare extremæ amaritudi-
nis est : igitur contrarij, hoc est dulcis admistione remissum.
Quod autem in mari sit aqua duleis, in quarto historiarum
declaratum est. καὶ ποτίμω τριφιδαι τὸς ἰχθῦς. Sic etiam
Theophrastus sensit, & uerum est. Eodem modo locutus
est Philosophus in eodem quarto: πλατύνεω γὰρ ἐστὶ τὸ ὀξύ-
τῶν πυθῶν. Nisi enim τὸ ὀξύ haberet latitudinem, non di-
xisset πλατύνεω. Et idem λευκότερα dixit, quæ essent mi-
nus nigra, colores enim inter se mutuo congressu diluunt
nitorem. Et in octauo, comparauit ὀξύτερον, cum ἄκ ὀξύ.

His ita constitutis, intelligemus euenire posse, ut Comparati-
uo Superlatiuum excedatur : non sua natura quidem, sed ob
fortuitas rationes : cum enim Cæsar unus è Gallis non sit,
non dicam Cæsarem Gallorum fortissimum. Igitur si non
omnes numeros fortitudinis expleuerit, nisi inter Roma-
nos, sic dicam, Cæsar Romanorum fortissimus fuit: Maxi-
minus autem fortior. Fit enim hoc, non natura Comparati-
ui, sed quia additur Natio. itaque si quis apponat genus,
quo professio siue ars, siue scientia, comprehendatur, non
poterit ab ullo excedi Comparatiuo : ueluti cum dicam,
Bellatorum omnium fortissimum Maximinum. Huius rei
caussa est in Radicibus philosophiæ. Siquidem primum,
perfectumq̃ duplex est: quippe aut uerè, & quod aiunt
ἀπλῶς, ut Deus: aut in genere, ut circulus: est enim suo
tantum in genere figurarum perfectissimus: ideo extra
genus suum alteri comparatus inuenietur inferior. At pro-

fessio est affectus genericus, complectens uaria accidentia,
 uel gentium, uel nationum: itaque comparari porro non
 poterit. Nam Bellator, est affectus hominis, neque coërcetur
 potius limitibus Romanis, quàm Germanis, ac propterea
 totam summam exhaustit. Quoniam uerò, ut dicebamus, hi
 tractus incrementorum gradus habent suos, iccirco etiam
 notas excogitarunt, quibus uel Comparatiuum, uel etiam
 Superlatiuum ipsum augeretur: ut, Longè, & Multò. Nam
 et si Superlatiui significatus summus est, non tamen in pun-
 cto uersatur. Vt etiam hinc appareat leuissima pugna Græ-
 maticorum, qui ex poëta litigāt, an potuerit ab eo dici, Dio-
 medes Danaūm fortissimus: quoniam Achilles fuerit for-
 tissimus. Nam etiam Ajax fuit fortissimus: etiam alij esse
 potuere. Quare illud quoque à ueteribus omissum sancias-
 mus: non solum in diuersis generibus, sed in eodem quoque
 duo Superlatiua posse ita comparari, ut alterum redactum
 in Comparatiuum superet: sic, Fortissimus M. Manlius,
 & fortissimus Sicinius Dentatus, & fortissimus Scaua Cen-
 turio C. Cæsar: at Sicinius utroque fortior. Vtrum uerò
 è re ipsa ita ortum sit, an usu occupatum, quærere operæ pre-
 tium est. Nam si fortissimus est, qui omnem ambitum exple-
 uit fortitudinis: multi esse poterunt fortissimi, sed nemo alio
 fortior. Quare consuetudine potius, atque opinione factum
 est, ut ita loquerentur: neque enim statim erat omnibus no-
 minibus fortis, qui fortissimus creditus est. Ergo alterum
 cum animaduertissent meliorem, non omisso priore iudicio,
 comparisonem addidere. Nam sanè aut prior non erat for-
 tissimus, aut secundus non erit fortior. Non solum autem
 gradus ipsi conferuntur, ut doctior, & multò doctior: for-
 tissimus, & longè fortissimus: sed etiam diuersa significata
 inter se: possum enim esse fortis, & non tam doctus: ergo ero
 fortior, quàm doctior. Interdum igitur ex æquo ponuntur
 per interrogationem: interdum non ex æquo per affirma-
 tionem: nam Interrogatio dubitat: itaque ex æquo propo-
 nit iudicandum, non statuit: affirmatio autem non quit
 duo

duo Comparatiua inter se collata æqualia facere. Primo modo locutus est Cicero in secunda Philippica: Impurior ne, qui in senatum: an improbior, qui in Dolabellam, & cætera. Alio modo omnes loquuntur, Cæsar clementior, quàm iustior. Nam quod addunt *MAGIS*, sic: Clementior magis, quàm iustior: nullum autorem habent, quem adducant. In hunc enim modum soluitur oratio, Clemens est, & iustus est: sed Clementia est maior quàm Iustitia: Iustitia non est maior, quàm Clementia. At Comparatiuum si, ut aiunt, significat Positiuum cum magis, resoluitur Comparatiuum in eorum oratione, sient sanè ridiculi: Cæsar Clemens magis est, quàm iustus. Nam quod poëtæ dicunt, Magis, atque magis: id fit per *αὐτὸς ἰσχυρότερος*: sicut, Etiam atq; etiam, hic autem hoc non querimus. At non addidit Liuius in libro duodecesimo: Vt propius fastidium eius sim, quàm desiderium. Quoniam uerò usus & affectus rerum, substantiam earum naturamq; demonstrant, manifestò colligimus, *MAGIS* esse Comparatiuum, contrà quàm, ut diximus, sint arbitrati. Id enim ex orationis usu patet, cum dico: Hoc uolo magis, quàm illud. Est enim idem modus comparisonis, qui in Philippicis apud M. Tullium: Hoc citius, quàm hoc. & quo uulgò utimur, Hoc potius, quàm hoc. Ex quo usu illud quodque à ueteribus, tanquã peccatũ animaduertamus: qui negarint, Complures, esse comparatiuũ: dicit enim Terentius in Heautontimorumenos: Nemo meliorem agrum habet: nemo seruos complures. Et ratio etiam iubet: compositũ enim est à præpositione, & Plus. Quòd si Compluria dixere prisca contra Comparatiuorum analogiam: flexionem nouam inuexerint potius, quàm uocis naturam deprauarint. Propriũ autem est Comparatiuorum pati ut Aduerbia sonum mutent neutrorum: Maius enim, ut diximus, factum est Magis. Interdum etiam ut deficientur positiua, & aliunde penitus mutantur, tam in Aduerbijis, quàm in nominibus: ut, Parum uirium, Minus audaciæ: Paruus census, Minore pudicitia. Item quomodo à Nominibus Aduerbia fiunt, & eorum affe-

ctus comparandi : ita è contrario ab Aduerbijs, Nomina superlatiua: ut apud Catonem Nepotem, Sæpißimam discordiam. Et sicuti quæ à Præpositionibus ducuntur, casus seruant suos: ut, Proxime pontē : ita etiam quæ à Nominibus, eorum Nominum casus admittunt: ut, Moræ patiens, Moræ patiētissimus: Similis Neronis, Similimus Neronis. Proprium est autē Superlatiuorum, fixa fieri: ut, Proximus, pro cognato: Et apud Liuium libro primo: Pro indignissimo habuerant se patrio regno tutoris fraude pulsos. Et in secundo: Nec ambigitur, quin Brutus, qui tantum gloriæ Superbo rege exacto meruit, pessimo publico facturus fuerit. Iccirco etiam comparationem suscipient: ut apud Vlpianum, Proximior. Sicut autem sunt comparatiua sine Superlatiuis, ut Anterior: ita è contrario apud Plautum, à Penē, Penissimē. Priuatim autem proprium est huius comparatiui, Prior, etiā poni pro Primo: ut in Titulo, de Re militari: & apud Varonem, cuius uerba refert Gellius hæc, Quoties magistratus plures essent Romæ, quis prior esset. Sed ita accipiendum est, ut tota summa in duo diuidatur. Primus enim unus est, qui præit: cæteri quasi unus, qui præitur. Malim tamen abstinere, de, Potissimum, etiam nonnihil obseruauimus.

Restant Deminutiua, quæ cognoscere facile est: comparatiua enim sequuntur, ut pars totum. Deficiunt tamen in pluribus nominibus, ueluti in eo, quod modo dicebamus: à, Prior, enim non ducitur Deminutiui: neq; ab alijs eiusmodi. Hæc est eorum forma & origo. Quod autem pertinet ad causam materiale, non inutilis quæstio est. Quare à neutris potissimum orta sint, ut non potius Doctiorculus, quàm Doctiusculus, haud sanè patet ratio: nisi ab Aduerbijs primū ducta intelligamus. Fortiuscule fecit, ut sit origo uocis militaris.

CAP. CII.

Nominum Affectus communes.

Nominum igitur Species, Naturæ, Causæ, Affectus hi: generales autem Affectiones multæ in ipsa accidentium mutatione.

tatione. Mutatur autem aliquid multis modis : sed ad duos reducuntur. Nam aut Substantiam amittit, ueluti cū ē terra sit herba: aut Accidens. Idēq; fit aut in Quanto, unde est augmentum: aut in Quali, quod ἀλλοίωσις Græci nominant, nostri Alterationem, uoce noua quidem, sed elegantissima, & maximē necessaria, sunt interpretari : aut secundum locum, qui dicitur Motus. Ergo sic euenit ei, quod mutatur. Aut ipsum fit quod non erat, cū mutatur substantia: aut in ipso fit, quod non erat, in cremento, & ἀυξάνωσις: aut ipsum fit, in quo non erat, scilicet in loco. Sunt etiam mutationes in alijs generibus prædicamentorum. Quin etiam mutatur aliquid non propter suam, sed ob alterius rei mutationem. ut mortuo Catoni unico filio, desit ipse Pater esse. Et equus qui ad dexteram Cæsaris est constitutus, si ad læuam transinueratur : ipse Cæsar qui sinister equo erat, fit dexter. Quibus igitur modis nominum mutantur accidentia uideamus.

Species quidem ipsæ non mutantur, ut quæ primitiua esset, fiat deriuatiua: sed alij atq; alij comparatæ, eo modo mutari intelliguntur. Amator, deriuatiuum ab Amo, est. Primitiuum autem est ad amatorium. ut Philippus Amyntæ filius, idem & Alexātri pater. Quoniam uerō Primum dicitur, aut cū anteit, ut unitas : aut cū etsi non anteit, tamen ne anteitur quidem : quippe Primogenitus etiam unicus dici potest filius : ideo Primitiuū quoq; sic intelligi queat hac ratione: non à quo deriuatiuum sit, sed quod ipsum à nullo: hoc enim necesse est aliquando fuisse, ut ab amore nihil duceretur. Ita postea mutauit speciem, ut ex primitiuo absoluto relatiuum primitiuum fieret. Et quemadmodū primitiua uera non mutantur, ita ut fiant deriuatiua : ita ne deriuatiua quidem ultima: ab his enim nihil fit, sicut illa à nullo.

CAP. CIII.

Nominum Genera quo modo mutantur.

Nominum quoq; Genera mutantur adeo, ut priuatim libros super hac re ueteres confecerint. Alterum argumentū est ex ijs, quæ Dubia, siue Incerta uocāt: sic enim dictum est, hic uel

uel hæc Dies. Tertium testimoniū est in quibusdā. nam Plautus collum masculino dixit. item Iubar, Palumbem, atq; alia diuersis, quā nos utimur Generibus esse à priscis pronuntiata. Fit etiam alio modo, cū attribuitur genus ei, ad quod minus spectat : uelut cū Masculam Sappho diximus. Sic cū foemina sola possit esse pręgnans: tamen Grauidū equū Troianum, & Pręgnās Iouis cerebrum, & Foetum eiusdem femur dicimus. Sic in quinto historiarum de Cicadis Aristoteles, εἰσι δὲ ἄρρενες οἱ ἄδοντες ἐν ἀμφοτέρους τοῖς γόνοι. θήλες δὲ οἱ ἐπερι. dixit enim θήλες non θήλαει, ut significatum esset foemina, uocis autē modus Masculi, quoniam dicuntur οἱ τέτληγες.

CAP. CIIII.

Numerorum mutatio.

NVmeros mutant, ut apud Homerum θύβην, Thebas nos: & Quadrigam, Quadrigas: & Hortensius primus Ceruicem dixit, ut supra scriptum est. Valcones etiam sua lingua Iecora dicunt, quod nos lecur: & Dorfa, non dorsum: sicut Pulmones Latini.

CAP. CV.

Figuræ mutatio.

Figuram mutari, ex ipsa Figuræ definitione manifestum est. è Simplicibus enim Composita cum fiant, mutari oportet necessario. Compositum autem nō uno modo intelligimus: nam & fascem dicimus è uirgis compositū: sicuti Andriā, & Perinthiam iisdem ferè compositas orationibus. Is modus loquēdi est uulgatior: alter uerior, cū dicimus uirgas esse cōpositas ad conficiendos fasces: uirgæ namq; sunt simul positę. Sic Antenorem dixit doctissimus poëta compositum quiescere: quia quibuscū degeret, eius imperium ijs nō esset durum. Primo igitur modo non fit mutatio in figuris: nunquā enim quod simplex est, fit Compositum: neq; enim Simplicis partes nomina sunt. Sed altero modo: ut Magnū, & Animū dicemus Composita in Magnanimo, ita ut è Simplicibus facta sint Composita. Nam quanquā Magnanimū Compositum

positum dicimus : tamē non est ita mutata uox, ut prius ipsa fuerit simplex : at ipsa Simplicia, ex Simplicibus mutata sunt, ut fierent Cōposita, id est simul posita. Vbi illud quoq; ueterum incuriæ ascribas, qui Simplex Composito cōtrariū fecere: nā Simplex Multiplicī aduersatur: est enim Simplex sine plica, unde Duplicatū dicimus prōcīdētis Turni poplīa tem. Hoc autem, quod laxē nimis Compositum appellamus, constat ex ijs, quæ quia sunt simul posita, Compōsita erunt: quia ex multis non constant, erunt Simplicia. Nobis autem utendum est uocibus acceptis ab antiquitate. sapientis uerō partes sunt, illam sibi saltem emendare,

CAP. CVI.

Personæ mutatio.

Persona ita mutatur, ut facies maneat in plurimis, uis autem mutetur. ut poëta cano, canis, canit. Neq; enim uera mutatio est: sed communis terminatio transfertur, atq; accommodatur, non mutatur. At in quinto casu mutatur: astringitur enim legibus secundæ tantum,

CAP. CVII.

Casus mutatio, & Ordinis.

Cum terminatione casuum constituti sint Ordines, atque dispersiti, ut alia atq; alia Inflexio, siue Declinatio dicatur: altero mutato, alterum quoq; mutari necesse est. Mutabitur enim à Casu Declinatio, Casus à Declinatione: sed ita ut ad cognitionem nostram tantūmodo spectet hæc reciprocatio. scilicet cognoscemus quem casum intelligere debeamus, si proposita fuerit Declinatio. Sic Declinatio mutabit casum. Nam uerē casus mutat Declinationem, non mutatur ab ea. Verūm ne id quidē semper: nam Fructus, quod fuerat, Fructus, factum est: neq; tamen mutauit Declinationem: at Tus multus, cum factum fuit Tumulti, mutauit. Sic Fames, Famis, nunc dicitur: olim quintæ fuisse, Famei, manifestum est ex Sexto casu, Fame, cuius finalis syllaba producitur.

E prium

prium autem est Casuum etiam alio mutari modo. Quemadmodum ambigui uitandi causa, cum aiunt Fæci, diphthongum impositam, quod differret à uerbo Feci: eamque inde toti nomini communicatam, Fæx, Fæcis.

CAP. CVIII.

Omissæ à ueteribus Affectiones.

SVnt & aliæ Affectiones: neque enim solum ratione nominis deriuati, Primitiuum dicitur nomen: sed etiam aliarum partium causa. À Nomine enim Nomen, Orbis, Orbicularis: Verbum, Sylla, Syllaturit: Aduerbium, Doctus, Doctè: Interiectio, Infandus, Infandum: Præpositio, Circus, Circum: Coniunctio, Verus, Verum.

CAP. CIX.

Nominis usus loco aliarum partium.

A Causa quoque finali alium affectum nata sunt Nomina: ueluti cum eorum usus ad alias partes transfertur. Pro Verbo enim ponitur, ut apud Plautum: Quæ, malum, tibi isthanc tactio est? Sic ex Thucydide Demosthenes frequenter loquitur. Pro Participio: Magnus, pro magna facies. Pro Aduerbio: Lucretius, Asper acerbè tuens. Nam timida tuebatur, quippe incutiebatur pauorem: itaque est pro acerbè. Pro Præpositione: Virgil. Plena secundum flumina. Pro Coniunctione: Verò. Pro Interiectione, apud Catullum, Doctus, Iuppiter, & laboriosis. Hanc ueteres *ἀνταρὰ* appellauerunt, alij *μεταρὰ*. subicitur etiam: ut apud Sallustium in Iugurtha: Quæ postquàm gloriosa modo, nec belli patrâdi cognouit. subicitur enim *CAVSSA*, Græco more, *καὶ* *πρὸς*; subicitur *καὶ*. Transmutat etiam in sese alias partes, quod Dialectici Positionem materialem uocant. cum dico, *PROPTER* est præpositio. Vox hæc Propter, nomen est. patet apud Græcos, qui præponunt articulum, *καὶ* *ἵνα*. sic Ouidius, Sæpe, uale, dictio.

219
I V L I I C A E S A R I S
S C A L I G E R I

DE CAUSIS LINGVAE
LATINAE, LIBER
QVINTVS.

C A P. C X.

Ordo partium. Nominis uox, à forma. Verbi uox, à materia. Tum autem Verbi Ratio uniuersa, & Diuisio.



OST Nomen, Verbi natura ponenda est. Non defuere tamen, qui statim secundum Nomen ponerent Pronomen, secuti rationē ciuilem: eadem enim potestate erat Proprætor, & Prætor. Proconsul in provincia, & Consul Romæ. Verum aliter contemplatur philosophus: Res enim necessarias primo quoque loco statuit: accessorias autem, & uicarias mox. Igitur si partes hæ comparatæ sunt propter orationē, & orationis finis, est animi interpretatio: Interpretatio autem Nominis & Verbo explicetur: & Pronomen post hæc inuentū est: sanè Verbum anteibit. Quinetiam Verbo unico stabit oratio, atq; affirmatio, Pronomine autem nullo. Quare uerbi natura potior est. ut; Amo, Lego, Scribo. ac tantum abest, ut Pronomine posterius sit, ut etiam ipsum secum referat. Verba quoq; multa sunt adeo absoluta à Pronomine, ut mirum sit hoc genus hominum ita scripsisse. Nam, Pluit, Grandinat, per Pronomen nunquam interpretare: Dei enim certa sunt nomina, Pronomina nulla ipsi Deo, sed nobis crassiore ingenio mortalibus: dicit enim nobis Deus sic, EGO: quia hoc quod est, EGO intelligimus: hoc quod est Tetragrammaton, non intelligimus. Præterea Impersonalia; Scribitur,

E 2 Pugna

Pugnatur, non ne plena sunt significatione? nec tamen propterea ullum nomen explicatur, nedum ut præsit Pronomē. Omisso igitur horum errore, Verbi ipsius substantiam uideamus. Duabus his uocibus Nomine, Verboq̃, communi appellatione omnia significantur. Nomine enim cōprehendi suprà docuimus. Sic etiam Verba dicimus data, cum oratione decepti sumus. Ac de Nomine quidem, ut usus ita sentiret, fualit ratio: à notione enim ductum est, quæ est cognitio: ut etiam interpretatur Vlpianus, qui emendat prætorem in Titulo de Re iudicata. Itaq̃ uox nominis, à forma ducta est: est enim Forma dictionis Significatio: Signum autem, & Nota, idem. At Verbi uocabulum ab ipsa aëris materia, quæ uerberaretur, propterea quod uox esset aëris impulsus sonus. sic Plautus in Amphitruone uoce facit uerberari aures Mercurij. Igitur cum, uti diximus, res duplices sint: alia, quæ constarent: alia, quæ fierent: illas merito per excellentiam Signi, Notæq̃ uocabulo indicant: has autem fluentes ipso aëris fluxu. Quasi uerò, id quod sanè ita est, nihil esset partiū præter istas duas: cætera autem omnia ab his duabus ducerentur, & ad hæc reducerentur. Cæterum ipsum Verbum non solum earum rerum nota est, quæ fierent: uerum etiam quæ essent, sed ita, ut ipsum hoc esse significaretur: dicimus enim Cæsar est: per Nomen declaratur res, quæ est: per Verbum indicatur ipsum esse. Tertius quoq̃ modus in ipso uerbo reperiri uidetur: nam cum dico, Cæsar est Clemens: ipsum Est, non uidetur aliquid significare, sed esse nota coniunctionis, qua Clementia in Cæsare prædicatur. Ex his patet, falsam esse definitionem ueterum, qui Verbum præscribere agendi, uel patiendi significatione, atq̃ ad hunc modum definiendum esse: Verbum est nota rei sub tempore. Hæc autem res aut fit, aut est: ut Curro, dicit cursum nondum expletum: & Gigno, dicit imperfectum animal. at si dicam, Cæsar est: perfectum hominem intelligam. reducitur autem illud ad hoc. dum enim Curro, cursus ipse aliquid est. Verba autē Priuatiua, ut Decet: & Negatiua, ut Nego: etiam aliquid significant.

significant. Rectum enim est mensura Obliqui. Sic Affirmatio est mensura Negationis. In Verbis autem imperfectæ significationis est res ipsa quæ fluit: ut in Scribo, Scriptio: at Scriptio, accidens est: ergo in aliquo, & ab aliquo: quare & Actio & Passio comprehenduntur, ubi acrius inueni, aliter eueniat usu, quam euenit antiquis. Nam si dicam, Scribo librum: non rectè uidentur accepisse librū pro passiuo: non enim huius actionis receptio est in libro: tria quippe sunt: quod scribit, quod scribitur, quod recipit scripturam: at liber nō scribitur, sed scriptura. Itaque prisce Attici huius rei gnari dixere, Seruire seruitutem, Viuere uitam. Recipit igitur liber scripturam: scriptura autem recipit actionem scribendi. Intelligo nunc scripturam opus ipsum, scriptionem operam, scriptorem L. Flauium, Membranas uerō, siue Tabulas, in quibus opus ipsum extat, scripturæ nōmine, puta ipsa elementorum lineamenta. Verū enim uero qui primi sermonem inuenere agresti animo mortales, ut quæque sese dabant, ita exceperunt. Sapientia uerō uix tandem serō cœlitus demissa est: uel ad hanc usque diem quantalatiuere: quot adhuc latent, quæ posteritas eruet adiuta: Ac ueteres quidem simul & recentiores non malo consilio in uarias distraxere terminationes, diuersaque genera constitutere. Nobis autem satis sit, uniuersum Verborum ambitum in duo diuidere, quæ Actionem, & quæ Passionem significant: atque eō cætera omnia, tanquam ad signa, recipere: quemadmodum horum utrunque ad unum, quippe ad ipsum EST: nam tametsi non significat *ἔργον*, tamen nota est *ἐνδελεχίας*, quæ est finis Actionis & Passionis. Agimus enim, ut tandem sit: & dum agimus, hoc aliquid iam est. Actio autem duplex est. Quod enim fit, aut transit ab eo, qui facit, in aliud: atque hæc uocabimus Transitiua: ut, Amo te. Aut non transit, sed remanet in eo, qui agit: ut, curro: quæ uocabimus Absoluta. Ita eodem modo Passiua intelliguntur: cum explicabitur à quo fiat transitus, & cum non explicabitur: unde Impersonalia orta sunt. Est autem

suprà declaratum, Actiuum actionem dicere, & actionis modum : at Passiuum passionem significare, sed non passionis modum. Nam actiuum indicat id, quod facit passionem. Passiuum autem ostendere debuit id, quod recipit passionē, ut passibile potius sit. Sunt igitur omnia Actiua, quæ declarant actionem: Passiua, quæ passionem. Quibus manifestum est, uerba Neutra non esse ab Actiuis sciuncta, nisi ob formationem, propterea quod ab sese passiua non edunt: neque Deponentia, nisi ob diuersam terminationem. Hanc autem diuisionem ne illi ipsi quidem negabunt, qui tot genera sunt commenti. Etenim cominunium appellatione cum terminatio nihil impediatur, quominus tam Actiua quàm Passiua recipiantur: duo tantum erunt capita, quibus promiscuæ terminationes comprehendantur. Hortor enim cum in OR, desinat, neque fiat ab actiuo, Passiuum tamen dicitur: & Actiuum, cum Passiuum gignat nullum. Hæc igitur uera Verborum essentia est, ueracq; species. Desinentiæ autem sunt accidentia materiæ: id quod constat ex eo, quod abolerentur, restituerenturq; incolumi tamen Verbi pristina natura. Idem enim est Comperio, & Comperior. Quædam autem falsò Actiua, quædam per analogiam dicta sunt, nam quæ uerba Sensionem significarunt, ut Visionem, Auditionem, Tactionem, & eiusmodi, ea passiua esse decuit: Sensio enim passio est. Analogia autem dictum est illud, Laudo Deum, neque enim Deus patitur: sed exemplo dictum est illius, laudo Cæsarem: & potius ad Dialecticum, aut Metaphysicum spectat. Non bene igitur recentiores Actiuum sic definiuere, quod transmittit in alium actionem: neque enim qui olfacit, transmittit olfactum in rosam. Et si dicam, Amo me: est actio reciproca: & tamen Actiuum est. Item potest absolutè proferri, Cano, Curro. Quædam igitur uerba sunt, quæ omnino non transmittunt: ut, Viuo. Quædam, quæ omnino transmittunt: ut, Ferio. Quædam, quæ etsi transmittunt, tamen absolutè proferri queunt: ut, Amo Lucinam: & Amo. Amamus enim aliquando imprudentes, ipso primo

primo ingressu. Quare quæ sunt absoluta semper, non rectè
 Neutra dicta sunt : quasi uerò in his nulla esset actio. Nam
 qui Viuit, hoc ipsum, quod Viuit, agit : unde, Agere. ui-
 tam, dicimus. Quoniam uerò quodcunque constat ex ma-
 teria, dum agit, patitur ab eo, in quem agit : hoc autem in
 philosophia probatum est : ideo si actio transmittatur, fiet
 reciproca passio aliquo modo. Quam ob causam sapientis-
 sime Attici uerbis Passiuis etiam ad actionem significandam
 usi sunt. Si non transmittetur, nihil uicissim redibit : sed in
 agente residebit : ad actionem tamen reducetur, sicut alia ad
 passionem : ut, Ditesco : necesse enim est ad illud prædicā-
 mentum reduci : aut ad prædicamentum *ῥῶ. ἔχειν*. Sed hoc
 haud ualde ab illo diuersum est, ac fortasse idem. Passio au-
 tem non uno modo intelligatur : nam quædam est pernicio-
 sa : ut, Occidi : quædam perficiens : ut, Creari, Gigni, Lau-
 dari. hoc genus passionis est, quod residet in agente : ut, Vi-
 uo. atque id fit dupliciter : aut palam, ut hoc exemplo : aut
 occultè, ut supra monuimus. Verba enim sensum significan-
 tia, habere uidentur modum quandam actionis : instrumen-
 to enim agimus. Sed tamen occultam passionem significant,
 quæ residet in eo, cuius actionem Verbum ipsum significat.
 Quæret porro aliquis : Si actio & Passio sunt correlatiua, &
 Absoluta ponuntur à nobis inter Actiua : ubi erit Passio ?
 Iam est responsum : Passio hæc perficiens est, & residet in
 agente : eiusmodi sunt Gaudeo, & Lætor, & eiusmodi. Hunc
 igitur Verborum affectum Latini Genus appellarunt. Quos
 equidem ab incuria defendam, si possim. Sanè hoc ausi sunt :
 quia actionis species, esset generatio, & passionis. Græci cō-
 muni nimis uocabulo *παθῶν*. Omnia enim accidentia *παθῶν*
 dicta sunt. aut nimis speciali, neque enim solum significant
παθῶν, sed etiam *ἐνεργειῶν*. Commodiore autem nomine, *δύναμις*
δυναμῶν. afficimur enim ad agendum, uel patiendum. Neque
 nobis solis displicuit ueterum licentia : itaque qui non pro-
 barunt consilium, quo Genus dictum fuisset : maluerunt
 Significationē appellare. Verum ut illos hi, ita hos reijciens
 dos

dos censemus nos. Significatio enim, omnium dictionum forma est. τὰν δὲ λέξεων igitur nolimus Dispositionem interpretari : ordinem enim significat, non propensionem. sed ita censuamus, magna difficultate posse indicari unica uoce affectionē hāc : propterea quod ne philosophi quidē actioni & passioni unum commune nomen inuenissent, quo summum id prædicamentum declararent. Constat hinc à uerbis omnibus in ο, passiua posse fieri : modo ne ipsa illa recipiāt residentem passionem : ut, Egeo, & eiusmodi. Argumentum nostræ sententiæ sumitur è multis, Aro, Seruio, Viuo, Curro: quæ ueteres delicatē nimis actiua dicere metuerunt: propterea quod obscuriusculē in quibusdam passionis extaret uis. Sed sanē in tertijs personis quin sit, negari non potest : id quod satis esse potest ad Verborum naturam constituendam: neque enim deest hoc uerbis his, sed res quæ ipsis sint applicandæ. Fac terram loqui de se, Inuenies illico primam passiui personam. Quis horum non puet Eo, uerbum esse neutrum? at passiuum ex sese format non solum in compositis, sed etiam in simplici : amatum ire, amatum iri. Sic nihil impedimento est, quominus uerbum Pluit, primam personam habere dicamus, si modo loquatur Deus. Quare, uti diximus, res ipsæ potius, quàm Verborum naturæ de fecere. Igitur ut quæ sint Actiua aut Passiua intelligamus, minutiores antiquorum sectiones sunt retractandæ. Inter Neutra, statuere Neutropassiua : ut, Exulo, Vapulo : ac Neutra quidem, quoniam ex sese Passiuum non crearent: Passiua autē, quia significatio recideret in eum, de quo uerbum dicebatur. Igitur ab accidente, hoc est, à uoce, Neutra: à forma, hoc est, à significatione, Passiua dicta sunt. Quare non rectē alij Transgressiua nominarunt. Tantum enim abest, ut transgrediantur, ut in seipsa residant. Quod si intelligent transgredi naturam neutrorum : multo plura, ac penē omnia, Neutra talia inueniat : ut, Egeo, Gaudeo. Quinetiā Actiua : quid enim est Amo, nisi patior? Item Intelligo, Vis deo, Tango, Audio, Gusto, Sentio, & alia innumera. Etiam

Deponentia

Deponentia transgrediuntur : quippe in OR, passiōem, non actionem significare debuerunt. Alteram speciem posuere, ἀνταγωνιστικόν, ut μάχομαι, quasi quod suapte natura actiuum esset, si per uocem liceret. Cui contrarium statuunt ὁλοπαθής sub ἐπιμέσῳ tanquam sub genere communi speciem contradistinctam, propterea quod passiuum tum uoce, tum significatione sit. Item αὐτοπαθιστικόν, ut πείθομαι, quod per uocem stat, quominus sit Passiuum : in eo enim est, ut censeatur per significationem : & αὐτοσθένιστικόν, ut πλατύνω, quia uoce Actiuum uideatur, at sit Neutrum. Et alteram neutrorum speciem ὁλωνεργητικόν. ideo quia quarti casus habeat constructionem, quæ Actiuorū propria uidetur esse. ἐπιμέσῳ autem & ἐπίκαινον uoce passiuum, communi utriusque significato. Atque hæc species si utraque sunt : tamen ad actiua passiuamque reducuntur. Verum & frustra, & inconsulto commentos esse hæc, uideamus. Constat igitur per duo nomina tractas hæc compositiones, ὅλον, & αὐτό, quorum natura ubi perpenſa erit, eorum constabit cōsiliū. Igitur ὅλον est, cuius pars extra ipsum nulla est : hoc autem duobus modis inuenitur, aut simpliciter ut, Mundum ὅλον dicimus, quippe extra quem nihil est, aut in genere : ueluti cum quippiam adijcimus : Hominem enim non mancum. Totum dicimus, id est, Integrum. Iccirco uoces hæc modo quodam differunt : ut neutro genere ὅλον, significat ipsum uniuersum : in alio genere ὅλον adiectiuum est. Sic etiam πᾶν & πᾶς. Ergo homo integer non diceretur esse Totum, simpliciter, sed Totus, aut Totum suum. Non igitur uerum erit nomen τὸν ὅλον ενεργητικόν. Nam id si est Actiuum, quod & uocem habet, & significationem, ut alunt : ergo totum Actiuum tanto magis utrunque obtinebit. Sic enim ὁλοπαθής dixere, cuius omnes partes essent passiuæ, quippe & uox, & significatus : ut, γίνομαι. igitur ὁλωνεργητικόν non erit Neutri species. Omnis enim species totam generis naturam continet : ergo si neutrum genus ab actiuo genere distinguitur, quomodo aliter species sub altero, etiam addita differentia perfectionis,

collocabitur: ἡμικυγκτικὸν potius dixissent: constructio-
nem enim quarti casus, & uocem actiuam habet. sed quia ex
se passiuum non formabat, non erat ἐνεγκτικόν. tanto ergo
minus ὅλον ἐνεγκτικόν. quod enim non est aliquid, tanto mi-
nus illud esse totum potest. αὐτὸ autem significat substan-
tiam: & id, quod hoc ipsum quod est, per se est. ut αὐτοκρῶ-
σας, αὐτοαναδής, & apud Aristotelem, αὐτοκτῆς, quod an-
ni circumscribit spatium, aut quod per se agit hoc, quod agit:
ut, αὐδίντης. Quare αὐτοκυγκτικόν, non sunt commentū
probe: ut, μάχμας. non enim ab se habet agendi formam
αὐτοκυγκτικόν. neque enim est ἐνεγκτικόν, per formam: ca-
ret enim terminatione, quam ipsi Actiui formam statuunt.
Commodius & uerius, ἐπεσυνεγκτικόν. ab alio enim habet
uim actiuam, scilicet ab usu. Isdem rationibus αὐτοπαθητι-
κόν, ut πείρω, eorundem excludit superstitionem: αὐτοπεί-
ρω uerò, quare non sit idem cum ἐπείρω, non uideo: nam
si uocem hanc αὐτὸ, addiderunt ἐνεγκτικόν, quod haberet
passiuam terminationem: & παθητικόν, quod haberet acti-
uam: quare addunt ἐπείρω, quod alienam terminationem
nullam habet, quodq; gerit naturam totam ἐπείρω. Ine-
ptiunt autem qui Pluit, & eiusmodi putabant αὐτοπείρω.
cū tamen sit Actiuum uerissimum. Pluit sanguinem, & la-
pides dicimus in historijs, & terra compluta est. Diomedes
uerò cū hac Supina uocat, ueteres recitat sine ratione lo-
quentes, atque ipse nihil aliud, quàm loquens. Fuit & ter-
tia uox, ἰδιον, quam adderent uni speciei, quæ uocarent
ἰδιοπαθητικόν: ut Feruo: nō sanè inepte: significarunt enim
passionem intus manere. Sed tamen cautè sunt intelligenda.
neque enim à seipso quicquam patitur: neque propria est
passio agentis ab sese patiente. Omne enim quod mutatur,
ab alio mutatur. Distinguuntur autem multis modis: Loco,
ut Ensis à Cæsare mouetur, & loco distat: aut Substantia, nō
loco: idē multis modis. Aut enim duæ sunt substantiæ, ut
materia & forma: aut substantia & accidens, ut Cæsar & Cæ-
sar accessorius. Materia autem non una: aut enim prima est,
aut

aut secunda. Itaque anima mouet corpus per se, differunt enim essentia perfecta: at forma ignis materiam primam mouet alia ratione, quæ in octauo Physicorum est declarata. Igitur Cæsar si feruet, à sole, aut ab igni feruebit: aut si intus causa est, puta bilis: omnino quod feruebit, & quo feruebit different. quare non erit passio ab seipso. Latini consultius Neutropassiuæ, qua compositione & terminationem & significationem sunt complexi. Ex his satis constat, nostrorum uerborum nonnulla sapere aliquid è μένῃ Græcorum. Cum enim dico, Lauo, Tondeo, & eiusmodi, idem res præsentatur, quod in λούομαι, & κείρομαι, & λούομαι, cum Lauaret: subintelligimus enim, Se. Ita etiam Nigidius loquebatur apud Gellium: Syllaba mutat, pro mutatur.

CAP. CXI.

Quare Actiua Passiuis præponantur: & de materia Verborum.

QUoniam igitur omnia uerba, aut Actiua, aut Passiua sint, ad hæc duo principia omnes illæ species, emendatis tamen priscorum nominibus, referentur. Priora autem sunt Actiua Passiuis, non ut dixere, quia is, qui agit, incipiat: qui patitur, sequatur: actio enim & passio simul adeo sunt, ut unum multi existimarint. agens quoque ac patiens simul sunt secundum formam. Quin etiam secundum subiecta corpora, non necessario præit agens: neque prius existit, quam patiens. Trabs enim antequam ignis excitetur, nasci potest: sed nobilitate naturæ id factum fuit. Est enim Agens pro causa: Patiens autem, ut diximus, aut perficitur, aut male habetur ab agente: igitur utriusque modo nobilior est. Itaque etiam Grammatici id fecere, ut Passiuum ab Actiuo ducerent. Hæc igitur est eorum ratio à forma, & sine significandi. Materia autem uaria fuit scilicet, quia non est necessaria: sed ad arbitrium tum primi inuentoris, tum ipsius usus instituta, ut in o, aut in o r, desinerent. Habuere tamen Actiua originem terminationis à Græco in o, τύπτω. Passiua autem Latini aliter formarunt, ne accederent aut ad orationem, aut ad

similitudinem nominum. Si enim, ut est *ῥήματα*, sic dixisset Amome, uideretur oratio ex Verbo, & Pronomine. Si autem fuisset cum diphthongo: eadem erat nominis desinentia in prima declinatione. Quare expeditius addito R, negotium consecere: Doceo, Docteor.

CAP. CXII.

Verbi SVM, ES, EST, declarat necessitatem.

Igitur Verbum eorum nota est, quæ sunt, aut sunt in tempore. Omnis autem Quantitas partes habet: Motus autem & Tempus, Quantitates sunt: partiuntur igitur. Calescitio enim habuit, frigidum non esse, unde cœpit primum: itemq; calidum esse, quod tendit: ergo etiam medium. Idcirco uerba quædam inuenta sunt, ut hunc motum dicerent: quare necessaria quoque fuerit inuentio cuiuspiam, quod illud extremum significaret: quodq; formam illam non amplius fluentem, sed iam consistentem indicaret. Fluentes autem formæ illæ duplices fuere: alteræ accidentales, ut Candor: alteræ substantiales, ut Humanitas: idcirco duplicis quoq; naturæ Verba extitere, quibus eæ declararentur. Candor enim acquiri dicitur à uerbo, Candescio. Humanitas autem, id est forma hominis, aut Equi, aut plantæ, aut metalli, aut alterius substantiæ, indicata est subire in materiam per uerba generationis, ut Fio, Gigno, & eiusmodi. Quæ etsi possunt etiam accidentia significare, ut fit albus, fit pater, tamen primo significato pertinent ad substantias. Generatio enim primo dicitur de substantia: secundo loco de accidentibus. Ac formarum quidem fluxus his Verbis ostenditur: consistentia autem unico SVM, ES, EST, tam accidentalium, quam substantialium. Dicimus enim, EST albus Cæsar nunc, qui heri albescebat, aut fiebat albus. Et dicimus, EST nunc CARBO canis qui his diebus fiebat canis. Quare hoc uerbum tam accedens quam substantiam cum significet, pessime à Grammaticis Verbum Substantiuum dictum est. Est autem supradictum à nobis, duobus modis poni

poni Verbum hoc: aut Nomini soli solum adiacere: aut inter duo extrema quasi sequestrum. Exemplum prioris modi sic habemus, Cæsar est: exemplum secundi sic, Cæsar est albus. Ac primum quidem modum significare existentiam in rerum natura, ab omnibus receptum est. Altero autem modo Diuinus uir Aristoteles animaduertit nihil significare. sed quasi nexum, & copulam esse, qua albedo iungeretur Cæsari. Hæc est forma & finis huius uerbi: Vfus uero etiam latius patuit, ut etiam uerba alia quasi animaret: ita additum fuit etiam Palsiuis uerbis: Doctus sum, Doctus fui: *ἡσυχίαν ἔστω*. cum perfecti operis summam declarandam instituimus. Sicut incohatum idem opus alio uerbo motum, ut diximus, significante notabamus: sic enim locuti sunt ueteres, Pugnatum ire, Amaturni iri: sumpto à Græcis usu loqueridi, *ἔρχομαι, ἔρχομαι*. Galli quoque hodie sic utuntur per uerbum *EO, IS, IT*, cum uolunt dicere, Fit diues, Fit phthifcus. Materia autem huius uerbi duplex fuit. duplex enim est. nam à *φύω*, Fuo nostrum; & ipsū *Fio*. Sum, autem ab *αἰμί*. Es, totum Græcum est, abiecta uocali, *ἐστί*.

CAP. CXIII.

Temporum Natura, Numerus, Ratio, Nomina.

TEMPORIS igitur partes diuersas diuersis Verbis significauimus: uerum quia etiam harum partium minutiores quoque partes sunt: hac de causa diuisa sunt Verba certis momentis: quæ Grammatici rectissimè tempora nominarunt. Diuisere igitur ad hunc modum: In partem, quæ iam abiit: in partem, quæ iam subibit: & in id, quo hæc duo coniunguntur. An uero id ita sit in natura: & utrum tempus sit, cuius partes non sint, nec ne, non est presentis operæ: sed ad philosophum spectat. Cum igitur tres hæc temporum partes sint: eam quæ abiit, quare palsiua uoce dixere ueteres Præteritum: nam sanè Græci Actiua *παραχρῆς*. An uero ita dixere, quia huius uerbi Prætereo, non habebant Participiū actiuum in eo tempore, sicut Græci: An quemadmodum in testamento dicitur,

F 3 Præ

Præteritus filius, cuius nullam fecit mentionem pater, quasi eius fuerit oblitus: ita nobis quod exciderit tempus, Præteritum dictum est: ita, Præteritum Lateranensem in comitijs, ait Cicero: qui non esset creatus Prætor: quasi non fuerit in memoria tribuum. An subtilius contemplabimur? Itio motus quidam est: tempus autem non mouetur, sed est ipsa mensura motus: at nos mouemur, ac mutamur. Itaque dicimus, Fungi uita, & Obire mortem, & Abire ex humanis. iccirco ipsum tempus permanere, nos præterire, illud præteriri. Quæ uero nondum esset pars, eam Futurum tempus appellarunt: Græci μέλλοντα. Tertium quod has interiaceret partes, partem nequeas dicere. indiuiduum enim est, Præsens est dictum: non sanè commodè: nam si est, Præ, relationem notat: ergo cum utrumque coniungat & Præteritum, & Futurum: non potius debuit accipere appellationem ex eo, quod futuro præesset, quàm quod præteritum sequeretur. Quinetiam certior natura Præteriti est, quàm Futuri: à quo Præterito consultius nominaretur. Iam uero si posset diuidi, prior eius pars esset præterito iuncta, posterior autem futuro. quare ratio eius confunctior est præterito, quàm futuro. Verùm ita intellexere. Præsens, esse Præ, id est, ante oculos: non autem ante Futurum. Alij uero Instans, appellarunt. sed quidam sunt malè interpretati, quasi instabile esset, & abiret momentaneum. Sane à Græcis mutuati sumus qui πρόσθεν, dixere: quod instaret cedenti Præterito: non autem quod non staret. Imò uero cætera tempora non stant: sed Præteritum iam non est, Futurum autem nondum: unum Præsens semper est: nam etsi abit tempus, tamen hoc quod est, præsens est. Hoc autem in libris naturalibus est commodius declaratum. Igitur hoc Tempus, quod esset indiuiduum, non diuisere. Duo reliqua cum latissimè pateant: Græci alterum, id est, futurum sequere in eam partem, quæ mox esset subitura, πρὸς ὀλίγον μέλλοντα, dixere. Nos quoniam incerto ferretur euentu, non diuisimus. Nisi putemus in modo Subiunctiuo extare uestigia, & uim huius significatus: ut, Fecero. Hoc autem etiam in Promissiuo

num partiti sunt:

1. Nascetur pulchra Troianus origine Cæsar.

Verum nunquam desinent nugari Grammatici. Sic enim dicat etiam Minatium, Cædam te: & Adulatium, & alias nugas. At affectus non mutant species. Præteriti autem amplitudinem, quantam memoria latè metiri poteramus, partiti sunt ueteres in partes treis, Perfectum, Imperfectum, Plusquamperfectum: ac perfectum quidem *παρακείμενον* malè uocatum fuit à Græcis: quod enim abiit, non est. at *παρακείμενον* species est τοῦ παραχρηστος: quonam igitur modo, si non est, potest παρακίμεται: differt enim τοῦ κείνῃς, πρὸς τὸ κινῆσθαι: tanto magis, πρὸς τὸ μὴ εἶναι μὲν τῇ κίνησει. Nostri dixere Perfectum, propterea quòd absolutam actionem ostendit, cuius pars supersit nulla: ut, Pugnavit: nihil eius pugnae reliqui factum est. Mutuati autem sunt appellationem hanc ab eisdem Græcis, qui alterum tempus, quod adderet huic spatium, *ὑπερσυντελικόν* nominarunt. *ὑπὲρ ὑπὸς τὸ συντελικόν ἢ ἄρ.* Nostri hoc Plusquamperfectum: utriq; male. Nam Perfectum, etsi recipit comparativum, & Superlativum: hoc rerum genera patiuntur: ut, Cane homo perfectior est: at quovis tempore aliud tempus perfectius non est. Defendēdi tamen sunt sic: ab actionibus tempora denominasse: ut quod agerent, neq; dum perfectum esset, Imperfectū tempus, sub quo ageretur, denominarent. Verum Græci cautius, qui Præpositio-
ne notarunt tractum, *ὑπὲρ*, quod esset Transperfectū, id est, præscriptum tempus: nostri rudiusculè per Comparativum Plus: melius Ultra, aut Super, aut Trans. Quippe ita differunt, ut Perfectum nihil præterea notet, Scripsi Transperfectum indicet & ipsum Perfectum, & tractum interponat inter ipsum, & aliam non coherentem actionem, Scripseram, cūm Coenabam: non cohereret coena scriptioni, quæ scriptio est absoluta. Igitur non, ut aiunt, Perfectum & Transperfectū distant inter se temporis longinquitate. Dicam enim, Risi iam quinquaginta tribus annis: & dicam, Legeram uersum heri antequā biberem. Est igitur idem cūm Perfecto, ianquā species

species cum genere, non distinctum tanquam species à specie, ut fecere: ubicunq; enim pones Transperfectum, ponerēs etiam Perfectum. Imperfectum autem Græci commodissimè, *ὑπερτελειον*: protenditur enim inter præsens, & quod sequitur: operacq; significat continuationē: ut, Legebam, cū uenisti: nihil enim interualli inter lectionem, & aduentū fuit. Idcirco philosophi hoc usi sunt ad declarandam *ὑπερτελειαν*, quæ perpetuationem naturæ designaret: *ἢ ἄνθρωπος*, Erat homo: ut significet etiam esse. Et doctissimus poëta: *Laurus erat*: id est, Lauri ipsius uera species. Quod Piinius quosque est imitatus. Cicero in Re etiam penitus infecta usus est: sic enim scripsit in quarto ad Atticum: Ad eum postridie manē uadebam, cū hæc scripsi: & Perfecto pro Plusquamperfecto. Alius sic dixisset, Postridie quā hæc scripissē, iturus eram. Præterita autem prima aut secunda, quod essent ad usum magis uocum, quā ad significationū discrimen inuenta, non sumus imitati: temperatam breuitatem immani copā ditiores arbitrati. Vnum est tempus, quod Præteritū infinitum appellarunt Græci, *ἄοριστος*. hoc ueteres putarunt à Latinis ignoratum: extat tamen in quibusdam, ut in Palsuis: nam, Cæsus fuit: id est quod, *ἐν ὧν*: Cæsus est, *ἐν τῷ αὐτῷ*.

Ex his constat, Instans cū indiuiduum sit, non rectè definitū, esse sic, cuius pars præterijt, & pars futura est: ad hunc enim modum non essent tria tempora, sed unum tempus: sed & Præteritū, & Futurum Præsentis partes. Sed falsi sunt Grammatici, cū dicerent, Scribo uersum: neq; iam expletus esset uersus scribendo. Vili igitur sunt intelligere Præsentem scriptorem habere partem in parte uersus perscripta, & partem in scribenda, quas partes scribendo coniungant, cōtinuentq;. At uerò hic non unū præsens est, sed multa Præsentia, quē admodum cū dico, Flumen fluit: quis dicat hoc esse præsens, cū iam annum aut amplius fluxerit? Quare sicuti dicimus Præsentem diem, Præsentem annum: ut multa instantia complectar animo: ita dicam, Scribo: quod idcirco præsens

sentis temporis est, quia cū hoc dico, sub eo sum tempore quod huiusce uerbi esse intelligo. Non enim significat partē præsriptam, neque eam quæ scriberetur: sed hoc, quod scribo. Dicimus autem Scribere uersum, quoniā eius partes scribimus. Constat etiā hoc apertius in extremis actionum, sic præsens erit initium currendi, cuius tamen pars nulla antecessit: sic finis, cuius pars nulla futura est. Instans igitur semper adest, unde & Præsens dictum sit: Futurum & Præteritū semper absunt. Idcirco de Præsenti possumus tria tempora pronunciare: Præsens est, erit, fuit: de alijs non nisi sua tempora: Præteritum, fuit: Futurum, erit. Nam si dicas, Quod futurū erat, fuit: de Præterito loqueris, quod post fuerit, quā esse potuit. Sunt autem quædam uerba, quæ propter Materiam carent temporibus, quædam propter Formam. Materia enim repugnauit huic uerbo Labasco, quin haberet præteritum: nam Labaui à Labo: at Labascaui, non decuit admitti. In quibus autem Forma repulit tempora, fuisse ea, quorum significatus aduersatur certis temporibus: ueluti, Expugnare, significat rem absolutam. Non dices igitur, Expugno urbem: nisi capias modum ac *ἡδονήν* præcedentem ultimum momentum captiuitatis: quod usui magis, quā rationi concessum est, sicut cū dicimus Morior, nam mors temporis momento præscribitur. Inter Habitum enim & Priuationem nullum medium interiacet. Antequam pronunciatur totum uerbum, præterierit res de qua loquamur: sic enim personis deficiuntur. Quis enim puncto illo temporis loquatur, ac dicat, Morior. Ita Rei in causis dicuntur Peracti, quoties sunt damnati: quoniā agebantur ab accusatore ad iudicem, sumpto à Græcis exemplo, qui *ἀγῶνα* disceptationē iudicalem dicebant, ergo cū non redibant nisi damnati, dicebantur peracti ab accusatore, quis igitur orator unquam dixit, Perago Reum? Sic etiā Perficio, si acutē intueamur, non potest dici, sed Perfeci: sed, Facio, ut perficiam: Quæro, ut inuestigem: Oppugno, ut expugnem: Ago, ut peragam Reum. In alijs modis tempora hæc admittuntur, ut in uoto, & condicione,

tione, Vtinam peragam, Si peragam: & infinitiue, Volo peragere. Impurè tamen multi aliter sunt locuti.

Ex his percipimus Grocínium acutè admodum tempora diuississe, sed minus commodè. Triá enim constituit, ut nos: sed quæ bifariam secat, Perfectum, & Imperfectum: sic, Præteritum imperfectum, Amabam: Præteritum perfectum, Amaueram. Rectè sanè. Et Præsens imperfectum, Amo. Rectè hæc tenus: continuat enim amorem, neque absoluit. At Præsens perfectum, Amaui: quis hoc dicat? Amaui ego triginta ab hinc annis. Quis annum iam tricesimum præsentem dicat? De futuro autem ut non malè sentit, ita cōtrouersum est: Futurum, inquit, imperfectum, Amabo: Perfectum, Amauero. non malè inquam: significat enim Amauero, amorem futurum, & absolutum iri: Amabo perfectionem nullam indicat. Controuersum autem dixi, propterea quòd doctiores sentiunt, non abolitionem illam, sed celeritatem quandam, ut sit ἀόλως Acolensium, πρὸς δὲ διανοίᾳ ἐμοὶ δ' ἀνευα. Mihi Grocínii sententia plus placet. Meo more solens fecero: nullam celeritatem declarat, sed operis perfectionem præscribit: id expressit diuinitus aliquando summus poëta:

—τὸ δ' ἐπὶ τοῖς τετρακοσίοις ἔστω.

Temporum forma, ac finis, atque affectiones ad hunc modum sese habent: Materia autem quæ, qualis uè sit, uideamus. Ac sanè in libris naturalibus docebamus, pro formæ ratione materiam à natura institutam: neq; enim equi pedes, à pedibus leonis differunt, nisi propterea quòd eorum formæ sunt diuersæ: neq; canis catuli aliam ob causam carent equi membris, quàm quòd equi quoq; forma carent. Idcirco Præsens quod erat breuissimum, breuissimo quoque tractu signatum est, Amo. Præteritum & Futurum longiora, longiore: Amaui, Amabo. Alterum præteritum adhuc prolixius, prolixiore, Amaueram. Quæ quanquam non omnibus in uerbis sequuntur nos, tamen in his hæc caussa fuit: alia usus inuertit partim, partim differentię gratia aliter sunt pronunciata. Varietate enim decora naturæ, atq; artis cōstant. Ordo autem
aliter

aliter est, quàm Natura eorum : quod enim præterijt, prius fuit, quàm quod est. Itaq; primo loco debere poni uidebatur. Verum quod primo quoq; tempore offertur nobis, id creat primas species in animo : quamobrem Præsens tempus primum locum occupauit : est enim maximè commune omnibus animalibus. Præteritum autem ijs tantum, quæ memoria prædita sunt : Futurum uerò etiam paucioribus, quippe quibus datum est prudentiæ officium : quare tum quia nondum erat, tum quia obscurum, & paucis obiectum postremo loco positum fuit.

CAP. CXIIII.

Modorum origo, causæ, rationes, usus.

Eorum, quæ agunt, naturam eiusmodi esse intelligimus, ut antè quàm agant, appetant : aut saltem appetendi habeant uim. Motionis enim appetentiæ causæ est : appetentiæ priuatio. Quæ uerò appetunt, aut inconsulto appetunt : atq; ad unum tantum naturalem habent propensionem : uelut ignis ad urendum. Aut consultò : atq; hæc ad duo contraria æquè inclinantur, ut homo ad eundum, & non eundum. Quare necesse est, ut in his aut sit Deliberatio, atq; Electio : aut proxima quædam uis quem instinctum appellant. Est enim deliberatio, affectio animi de libertate sua eliciens rationes ad eligendum. Intelligo autem subtilius, Eligere, etiam cum non eligimus : eligimus enim hoc, non facere, sicut alibi diximus : Suadet etiam qui Dissuadet : suadet enim, non agendum. Hæc uis electionis in homine solo est. Nam nugati sunt quidam historici naturales potius, quàm philosophi, Canes quoque deliberare cum feræ uestigijs amissis absistunt à persequendo, atq; aliorum sese dant : neq; enim componunt hæc, Hæc non iuit. Sed ut aguntur in odore, ita cum ubi amittere, quærere instituunt. Hanc ob causam necesse fuit, ut quæ deliberando, quæq; post deliberationem fierent, declararentur certa uerborum facie. Itaque ea quæ iam certa, atque constituta essent, Indicata, & Definita uocauere : uerbi autem lineamētā

G 2 quibus

quibus ea repræsentarentur, Indiciuum, siue Definitum: sicut Græci *ὁρισμός*. Quæ uerò ante electionem fierent, aut ab ea dependerent: iccirco Subiunctiua, aut Coniunctiua: ut, cum uenero, scribam: & Si ueneris, scribam. Quæ autē non dependerent, sed absolute dicerentur, essentq; posita in aliena potestate, ea referrentur aut ad maiorem potestatem, aut ad minorem. quare Optatiua expressere uotum à maiori: Imperatiua exactionē officij ab inferiori. Erat autem etiam aliquid præterea, quod ad summam orationis deesse uideretur: sunt enim uerba quædam posita in significatione uoluntatis, aut potestatis nostræ: ut, Volo, Cupio, lubeo, Video: ergo obiecta quæ offeruntur huic uel uoluntati, uel potestati, aut sunt expressa simpliciter, aut sub tempore: sic, Volo cibum, Cupio imperium: Video cursum. Simpliciter apponitur cibus uoluntati, uoto imperium, cursus uisui. At si hæc eadem sub tempore, atq; etiam actione uelim constituta, necesse habeo aliquid excogitare, cuius ui hoc explicetur: itaq; Infinitiua cōmentī sunt, Volo comedere, Cupio imperare, uideo te currere. Has uerborum quasi facies, ut diximus, quasdā, *ἐκλεῖς* & dixere Græci, ueluti inclinationes animi, prudentissimè. Sic etiam loquitur Liuius: Hos ut sequar, inclinatur animus. idem ac si diceret, Sequor hos. Est enim inclinatio indicatiua, re deliberata. Sic usus est Cicerō. Nostri, quoniam declararentur animi temperationes, Modos appellarunt, fusiore quàm Græci fecissent appellatione: propterea quòd etiam ad res animo carentes transferrētur: ut, Ignis urit: ureret. De his autem sigillatim dicendum est.

Indiciuum sic definiunt: qui rem indicatam, narratam uel significat. Verum neq; nomen explicat uim modī, neq; explet definitio: multa enim dicimus sine indicatione: res enim absentes frequentius narramus: hac enim de causa sermo est institutus. Nam præsentia sensu sapius percipimus, quàm sermone cōmunicamus. Præterea tollunt omnia tempora, præter Præteritum. nam etiam quæ indicatur, etiam quæ indicabitur, explicamus Indiciuo. quare qui Definitiuum nominant,

narunt, optime sentire: modo accipiamus definiendi uim, non illam exactam Metaphysicorum: sed constitutionem. Idcirco Positiuum rectius dices: *ἡμᾶ* dixere Græci primam uocem Indicatiui, quoniam prima posita sit: nos autem totum *ἡλικόν*, quia ponat, ac statuatur rem, qua de agitur: unde etiam definitio eliciatur, Modus quo quid certis temporibus statuatur. Imperatiuus est nota animi inclinatio ad eliciendum actionem aut passionem ab alio: hoc habet commune cum Optatiuo: sed differunt, quod Imperatiuus respicit personam inferiorem, Optatiuus, potentiorē: item Imperatiuus semper exigit personam, Optatiuus non semper, sed & absolutē: ut, *Ἔτιναμ* uerē uiuerem. & ad Fortunam, aut Fatum, aut Euentum. Euenit autem aliquando ut actio illa etiam in nobis ipsis exprimatur, propterea quod animi nostri uis, aut est recta, cum alia ab seipsa cognoscit: aut reflexa, cum seipsam contemplatur. Itaque & imperamus nobis ipsi, & optamus de nobis, quod in nostra situm est potestate: ut, *Ἔτιναμ* efficerem me bonum. Subiunctiuus autem non est dictus, quia subiungeretur, ut scribere: sed quia subiungeret. id quod & ex ipso nomine, & ex natura eius constat: nam Optatiuus, quo optamus, Subiunctiuus, quo subiungimus. Dicimus enim, Si pugnaris, uinces: uictoria pugnae subiungitur. Quin etiam seipsum subiungit sibi: ut, *Ἐquitarem*, si ualerem. Infinitiuus autem Modus non est, nullam enim animi inclinationem ostendit: sed omnes ipse sequitur modos, atque cum ipsis coalescit ad significandum, quæ fuit causa eius nominis: non, ut dixere, propterea quod neque personas, neque numeros finiat. Itaque Græci rectē *ἀπαρτιμῶν* appellarunt, quippe quod nihil indigere caret. Nam quod personas numerosque nullos definit, hoc habet commune cum Verbo impersonali, quæ tamen non sunt *ἀπαρτιμῶν*. Intelligo autem nihil definire, non quemadmodum Optatiuus nihil definit, sed optat definiendum: sed hoc intelligo Infinitiuum, quod æquē in omnes abire modos: suus igitur non est, sed aliorum: Scio pugnare: Incipe ui-

uere : Scirem adulari : Velles uincere.

Verum acutiores alios his modis adiecere : atque Indicatio quidem subiecere Promissum : ut, Connubio iungam stabili. Verum Minatum, ut dicebamus, etiam adderes. etiam Narratum : ut, Fuit illud : nihil enim hic statuitur : quin tollitur quoque. Apposere quoque Imperatio Prescriptum : ut, Da propriam Thymbræ domum. Deo enim nemo imperat. Subiunctio autem etiam Coniunctiuum attribuere. Cum simul sunt : sic, Cum ueneris, seres. etiam Dubitatum possis assignare : ut, Si pugnaris, uineas. Et Potentialem : sic, Si pignes, uiceris. & ἀνδυνπτακρυ : ut, Eamus : quem ita nominarunt, propterea quod subiunctiuam uoce, significatum haberet Imperatiui. Verum quemadmodum de Casibus dicebamus, sic conuenit de Modis intelligere : eiusdem Modi usus esse diuersos, eiusdem tamen rationis, ac Indicatum quidem quod decuit discerpere in Promissum : Futuri enim uis ea est, id est, temporis, non Modus : aut enim speramus, aut timemus : omnino expectamus. idcirco ex uerborum quoque nascitur : nam Dabo, efficit ut uidear promittere : quoniam eò respicit Verbi significatus. Propius ueritatem fuere, qui Interrogatum apposuerunt : non enim temporis, aut Verbi ui fit, sed Modi separati præbet speciem. nihil enim definit, qui dubitat : dubitat autem qui interrogat. Verum ita intelligamus : præter pauca principia intellectus nostri, quæ Græci, quod digna essent credi, ἀξιόματα nominarunt, mirifico uerbo, quo uno duo conciperentur, & existimatio, & dignitas : præter talia inquam, quæ sanè pauca sunt, cætera omnia antequam statuantur, cadere posse in questionem. Itaque non inconsulto factum esse, ut eadem uox esset interrogantis, & respondentis : Amas ? Amo. Quare tot Modos querendi, quot essent sciendi, in libris resolutorijs disputatum est, inueniri. quem admodum igitur affirmatio à negatione non differt per Modum, sed per contradictionem sub eodem Modo : ita nec interrogatio à responsione. Nam tametsi inter affirmationem

& nega

& negationem nullum medium existit, tamen interrogatio locum quendam sibi poscit: neque enim aut negat, aut affirmat. Neganti tamen propior est, qui non credit: Affirmanti, qui credit: quare ab Indicatio non est Interrogatio dissimulandus, sicuti neque ab Imperatio Precatio. Etenim si iccirco alius est, quia Deo non possumus imperare: atque dicimus, Da propriam Thymbræ domum: ita etiā Amo, uerbum non erit actiuum, cum dicam, Amo Deum: Deus enim non patitur. Sanè modus ille rectius Postulatio dicitur esset, cuius ratione comprehendatur etiam Hortatio. Ipsum autem *αὐτοπράκτω*, quare posuere? Imperatio enim uerus est, iubet enim alijs, & sibi, qui dicit, Eamus. ut se iturum quoque ostendat. Quin etiam in singulari, mihi iussero, Hoc age Caesar. Homo enim penè semper secum pugnat, ratione & appetitione. Affectiones autem non uariant modorum substantiam: sed eorum *ἰδέα*, ut Græci uocant, quædam sunt. Tanto igitur minus particularum defectus in oratione uariabit. Itaque cum Iuuenalis ita loquatur, Græculus in cælum, iusseris, ibit: non erit à Subiunctio diuersus: quoniam omisit Coniunctionem, Si. At enim uetero ueteres multa exempla inculcarunt, quibus alium modum ostenderent ab Subiunctio. Cæterum semper inuenimus aliquid uerborum subtrahum, tam apud Cicero nem, quàm Vergilium, Terentium, atque alios. Diceret: &, Euerteret arces. Sanè: si duceretur à sanguine Troiano, aut cum duceretur. Sic Dido, Implestem flammis: scilicet, si præscissem. Atque hi etiam addunt huic Interrogatio: Quod me contulissem? Sed idem laborant: pendet enim oratio sic, Si mori noluissem: aut aliquid tale.

CAP. CXV.

Modorum Tempora.

Modorum classem, naturam, officia, usus, causas sicpote explicauimus, ut omnia animi affectibus subijceremus: qui affectus quoniam in actionem tendunt, actio autem temporis

pori subiicitur, Tempora quoque pro affectuum ratione alia alij modo sunt attributa: igitur perfectissimus modus omnia tempora complexus est, quippe Indicativus. Imperativus Præsens obtinuit meritò, nihil enim præsentius imperio, nihil inflammativius imperante, omnia ei in mora sunt. Græci Præteritum attribuere pessimè. Nemo enim potest absoluisse, quod nondum cœpit agere: nondum cœperit, qui nondum accepit imperium, quomodo simul imperium accipiat, & iam fecerit: verùm usus sic obtinuit: ut præcipitem animum imperantis exponeret: id quod Plautus festivè dixit, Cum te illic esse putauero, hic sis. Latini maturius abstinerere, nisi ex Subiunctiuo mutila oratione mutueris, sic, Feceris hoc. verùm uti diximus, aliquid desiderat, sic, Mihi morem geres, si feceris. Sic, Facias, & alia *αὐτοπρότακτα*. Quidam autem sic maluerunt, id quod non pessimè celsisset, nisi errorem adderent: negant enim futurum attribui posse Imperativus: apponunt causam satis ridiculam: Imperatio, aiunt, semper præsens est: non animaduvertebant, aliam esse personam loquentem, aliud de quo loquatur. alioqui non esset in uerbis nisi una persona Prima. Igitur qui loquitur atque imperat, præsens est: at res imperata non est præsens. igitur & nunc fieri possit, & mox, & cras: ut Græci, quos isti nimis ubique sequuntur, à prudentia Latinorum hac quoque sint in parte superati. Plusquam perfectum uerò cum addunt, etiam coacti sunt quasi colorem addere modestioris: itaque permissiue hoc appellarunt, exemplo Vergilij:

Verùm anceps belli fuerat fortuna: fuisset.

Cum tamen, Fuisset, Subiunctiuus sit eodem, quo superiori, modo. Si fuisset, mallet, quàm sic: cum nulla belli fortuna uincor, & morior. Optativus autem & Subiunctiuus inter se similes, ab Indicativus non differunt, nisi quatenus hoc quod hic statuit, Optativus non ponit, & poni uult: Subiunctiuus ponit, si ab alio ponatur. Iccirco tempora omnia sunt consecuti, verùm non omnibus in uerbis: neque enim par est, ut omnia optemus, quæ possunt evenire. Igitur Futurum

turum ab Optatiuo non tollunt doctiores: cùm hoc tempus uerissimum, ac maxime proprium huius sit modi: non discreuere tamen à Præsenti Futuri uocem: propterea quod in ipso quoque Præsenti abest optata res, ueteres autem illud putarunt Futurum Optatiui:

Hac Troiana tenuis fuerit fortuna secuta.

Quod quidem ualde placet. Sic igitur erit Optatiuum & illud, quod suprà dicebamus:

Verùm anceps belli fuerat fortuna: fuisset.

CAP. CXVI.

Modorum Ordo.

Indicatiuum autem nobilitate, ac rerum natura primarium intelligimus: nobis non item: statuit enim id, quod post appetitum, ac deliberationem euenit. Neque uerum est, quod autumant, Rem certam re dubia priorem esse. Quin antè, quàm scias, quæras. Quis nanque sciam, Hominem esse animal: nisi quid homo sit, quæram? Præterea qua ratione res certa, erit prior seipsa dubia? Etenim postquam adeptus es scientiam, non potes amplius dubitare. Scis enim per causas primas, immediatas, necessarias, notas, immutabiles: quarum contrarias putas falsas: alioqui non scis. Sed ob nobilitatem præiuit Indicatiuus, solus modus aptus scientijs, solus pater ueritatis. Cæteri sermoni accommodatiores, quemadmodum suo loco dictum est: ij ut quisque nobilissimus fuit, ita potissimum locum occupauit. Itaque Imperatiuus princeps eorū extitit: mox Optatiuus, quasi seruilis ingenium est hunc sequutus: Subiunctiuus autor multiloquentiæ postremam in sedem reiectus est: composita enim simplicibus posteriora. Infinitiuus autem sanè adeo Modus non est, ut etiam Verbum ne esset, sit dubitatum.

CAP. CXVII.

An Infinitiuus sit Verbum.

AC Modum quidem non esse ipsum, superioribus rationibus satis constat: Verbum autem esse, Verbi definitio clamat

H mat

mat: significat enim rem sub tempore. Qui autem ipsum excludere, adducti sunt, ut sentirent ita, propterea quod sui uerbi esset significatum: sic enim interpretatur Verbum suum, Socrates exulat, dico Socratem exulare, Socrates est in exilio. Præterea nominis habet constructionem. apud Græcos enim etiam articulos recipit, τὸ ἐρατὴν καλόν, ut Vergilianum illud,

—Pulchrumque mori, succurrit, in armis.

Verum hæc argumenta leuia sunt: neque enim magis ipse est Verbi significatum, quam Verbum, ipsius: neque magis exprimit Indicatiuum per interpretationem, quam ab eo exprimitur: mutua enim esse quit explanatio utriusque prætationis sic, Dico Socratem exulare: id est, Socrates exulat. Articulus autem non tollit significatum sub tempore: nam apud me, τὸ ἐρατὴν καλόν: sed τὸ ἐρατὴν καλόν. Itaque sibi ipsi subiicitur, tanquam Verbo, plusquam Verbum, sic, Video te meditari currere. Itaque contra Stoici solum Infinitiuum, Verbum esse profecti sunt: cætera autem κατηγορήματα, id est appellationes, καὶ συμβάσματα, id est, accidentia: quippe in Infinitiuum tanquam in formam suam, & quasi animam resolui cæteros modos. Igitur Græci etiam pro alijs supponunt modis, quorum naturam expleat, σκοπεῖν θεωρεῖν. Sic etiam nunc Itali loquuntur, cum negatiua utuntur oratione, Non legere, pro, ne legas. quæ causâ fuit, ut eadē sit forma actiui Infinitiu, & Imperatiui passiu apud Latinos. Quin etiam pro Indicatiuo: Ille rubere, tergiueri sari, abnuere. Cæterum apud Græcos deest αἰ, in superiore oratione: apud Latinos, Cœpit, aut tale quid. Quinctiā pro Participio & Gerundio usum subiit tam apud Græcos, quam apud Latinos: ut apud Poëtam: —Dederatque comam diffundere uentis. Et in tertio de Natura Deorum: Magnā molestiam suscepit Chrysippus reddere rationem uocabulorum. Proprium autem est Infinitiu, receptum in Futuro suo Participium sibi simile efficere, ut genus amittat, & numerum: Amaturum esse, tam de foemina, quam de pluribus

ribus : exempla petes de Gellio, Valerij Antistatis, Catonis, Q. Claudij, M. Fullij ex quinta in Verrem: Hanc sibi rem praesidio sperant futurum. Illud quoque habuit peculiare, duo uerba sibi ut asciscat, Esse, & Ire, quorum societate fors met Futurum suum : Amatum ire : Amatum iri.

CAP. CXVIII.

Temporum, Modorumque inter se mutatio.

Proprium autem est Temporum Modorumque inter se mutatio, cum affectui seruiamus. Liuianus Annibal : Si tales animos in praesidio habebitis, uicimus. Nam quod sperabat, pro certo iam afferebat : quasi dicat, Tam certa est futura uictoria, quam iam extitisset. Nihil enim Praeterito certius : ne a Deo quidem mutari potest, quia simplex eius uoluntas est : tantum abest, ut sit contraria sibi : non potest, quia non uult : neque uult posse, neque potest uelle esse dissimilis sibi. Modus item Subiunctiuus, pro Indicatiuo : In sexto de Repub. Et quod de uia fessus essem : dixisset, Cum de uia fessus essem. Quemadmodum autem illud Iuuenalis sit accipiendum,

Graculus esuriens in coelum, iusseris, ibit : supra diximus. Sic est, cum Graeca oratio per ἄνθρωπον exprimitur : ut in tertio Officiorum : Male etiam Curio, cum causam Transpadanorum aequam esse dicebat, semper addebat, Vincat utilitas : potius dicret, non esse aequam. Id est, εὐχρηστος : dicere poterat : aut, debuerat. Horatius Indicatiuo pro Subiunctiuo usus est : Metuentis illapsus cerebro sustulcrat : nisi Faunus icium dextra leuasset. Et quod supra diximus, ex secundo Georgicon, Laurus erat, quod & Plinium imitatum monebamus.

CAP. CXIX.

Personarum usus, & affectus.

Quid esset Persona, quotque essent, & quare non plures tribus, iam dictum est. Nunc earum affectiones in Verbis

H 2 uideamus

uideamus : neque enim rectè ueteres dixere, Primam & Secundam finitas esse, quia præsentes demonstrantur: Tertiam infinitam, quia absens est : causa enim quam afferunt, nulla est. Non enim omne absens infinitum: neque semper Secunda præsens est : & Tertia præsens aliquando est, & semper esse potest : non enim aduersatur sermonis usui, ut adsit semper id de quo loquamur. tametsi hoc in rebus positum est. Ita igitur intelligendum est, Primam, & Secundam finitas esse, quia certæ designentur : lego, signo me : Legis, signo te : Legit, nullum certum signo, nisi quippiam addatur, Cæsaro, Cæsar. Illud quoque errarunt, cum dicerent, opus esse Pronomine ad præscribendam Tertiam. Nam etiam si dicas, Ille legit : non intelligas qui sit, nisi aut referat, aut demonstretur coram : ergo non fiet ut Pronominis, sed Relationis, aut Demonstrationis. Sed & Primam, Secundamque Pronominibus tantum iungi, iam est supra refutatum : Vocatiuis nanque etiam secundæ adiungitur : ubi si non subintelligitur pronomen T V, ne in cæteris quidem subintelligetur. Est præterea aliud argumentum: Licet, inquit, dicere, Cæsar sum : ergo Cæsar, est personæ primæ : neque enim Verbum uariabit Nomen, sed Nominis rationem Verbum sequitur : Numerum scilicet, & Personam. Quoniam igitur Cæsar, est personæ primæ : potes dicere, Sum. nam si in eo Verbo ea esset potestas, ut Persona Nominis attribueretur: esset etiam ea, qua numerus quoque assignaretur, & liceret dicere, Cæsar sunt.

Proprium autem est Primæ non dependere ab alijs. Causa huius rei est, quia ipsa loquitur semper : ergo & utranque sibi addicet : ut, Ego, Tu, & Ille facimus. & seorsum alterutrū : ut, Ego, & Tu : Ego, & Ille. Falsum est igitur, quod dicere ueteres, Secundam sibi coniungere Tertiam : illo exemplo, Tu, & illi facitis : & Tertiam seipsam, sic, Ille, & ille faciunt. Sed est Prima quæ coniungit Secundæ Tertiam, & Tertiam sibi ipsi : ea enim coniungit, quæ loquitur, licet non exprimat : cum de alijs loquitur, non de seipsa.

CAP. CXX.

Numerorum Ratio, & Causa.

NVmerus idem qui in Nominibus, sicut & Personæ. Cum enim Verbum sequatur nominis rationem, & à ratione proveniât affectus: affectus quoque eisdem esse par est. Significat enim Verbum aut accidens, aut substantiam Nominis: Cæsar currit, Cæsar est. Ergo necessario aut à Nomine dependet: aut etiam idem repræsentat. Proprium autem Verborum est, nullam vocem utrique numero communem habere. Hoc apud nos: Græci imprudentius, qui tantam copiam haberent Temporum, defecere in discernendis Numeris, & Personis. nam in duali cōfundere personas: *τύπῳ, τύπῳ*. In Prima singulari, & Tertia plurali confundere numeros, *ἑνὶ, ἑνὶ*. Soli Acolenses, quorum pars fuere Dores, pluralem sine incremento posuere. In Nominibus autem & Pronominibus non idem est: ut, uiri: sui. item Participiis passivis: ut, lecti. Hoc autem dicimus de Verbis eodem in genere: nam in diuersis generibus voces inuenias communes: Docere passivum Secundæ personæ: Docere activum Indefinitæ: causam autem supra diximus. Infinito enim Græci pro Imperativo usi sunt.

CAP. CXXI.

Affectuum ratio, & ordo.

Horum affectuum quatuor tantum necessarij (sine ijs enim uerbum non est) Tempus, Modus, Persona, Numerus. ac Persona quidem & Numerus, quemadmodum dicebamus, propterea quòd Verbum à Nomine dependet, necesse fuit ut aliqua in re conuenirent: conuenirent autem in Persona, quia à Persona proficiscitur oratio. Item in Numero eadem de causa: aut enim unus loquitur, aut plures: & aut de uno, aut de pluribus. Quærebat igitur uter affectus esset prior: ac Numerus quidem amplior est, complectitur enim omnes Personas: præterea accidit Numero Persona. Equidē

H 3 unus

unus sum: potest igitur, ut & Primæ, & Secundæ, & Tertiæ personæ subeam munus. Tempus autem non uidetur esse affectus Verbi, sed differentia formalis, propter quam Verbum ipsum, Verbum est. Modus autem non fuit necessarius: unus enim tantum exigitur ob ueritatem, ut dicebamus, Indicatiuus: cæteri autem ob commoditatem potius. Genus autem an sit necessarium? nam uidetur, seclusa omnium actione, tum passione, constare Verbum primum ipsum, E-S-T: neque enim solum per Participium resoluimus, Cæsar pugnat, Cæsar est pugnant: sic enim poneretur uerbum Pugno necessarium, quare Genus ipsum quoque esset necessarium, in multa uerba distributum, non intra unum contentum: non igitur sic resoluetur, sed in Nomen, Cæsar est in pugna. Hæ rationes acutiores sunt à philosophis profectæ. Verum non fit uera resolutio: poterat esse in pugna, nec pugnare. At Verba ipsa Adiectiua necessaria sunt, sicut & Substantiuum: quemadmodum Accidentia, sicut Substantia. Vter uero affectus sit prior, Genusne, an Modus? Ac genus sanè prius est, ut aliud significet Actionem, aliud Substantiam: Modus autem generi accidat. Tres reliqui affectus cuiusmodi sint uideamus: nam Coniugatio est, quod Nomini Declinatio: certa meta ac facies terminationis. Hoc autem cõpetit quatuor speciebus declinabilibus, ut supra dictum est. Competit igitur Verbo, ut dictio est declinabilis: sicut & Species quoque, & Figura. Coniugationes autem quatuor fecere: sed & Prima cum Quarta in multis eadem fuerat, Audibo, sicut Amabo: adhuc enim dicimus Ibo. Et confusa indifferenter Secunda cum Tertia: Ferueo, Feruo. & Prima cum Tertia: ut, Lauare, Latere. Et nonnulla extra ordinem: ut, Sum: cuius neque Præsens, neque Futurum, neque Infinitiuus cum cæteris conuenit, ut ad caput certum reducatur: solum præteritum gerit aliquam speciem, F V I: sed incertam. nam dicimus, & Explicitus, & Docui, parè cum illo analogia, sed inter se diuersa.

CAP. CXXII.

Figura, eiusq; causa.

Figuram nominarunt partium compositionem : orta autem est ab ipsa oratione, & celeritate: ut Versus facio, quod fuerat, fieret Versificor. igitur prior fuit, quam Species : ex ipsa enim oratione quæ esset ex primitiuis nata est. Placuit autem ut eodem modo quod non esset compositum, Figuratum diceretur: cum tamen satis constat per initia, antè quàm Compositio inuenta esset, Simplicia ipsa nullius fuisse Figuræ: quare per relationem potius sic dicta sunt. Proprium Figuræ est, mutare interdum genus: ut, à Facio, Versificor: à Specio, Conspicor. Item Coniugationem : Sternere, Consternare: quod etiam sine compositione fit: ut, Legere, Legare. Si à Fio passiuo, ducas Suffio actiuum, etiam significatum mutari constat.

CAP. CXXIII.

Species, earumq; significata, & causæ.

Verborum Species, ut diximus, duæ: Primariorum, & Deriuatorum : sic enim melius, quàm Deriuatiua dicere: deriuantur enim, non deriuant. Deriuata duplex: altera in qua non mutatur modus significationis: ut, Albeo, Albico. Altera in qua mutatur: cuius sunt species hæ, Incohatiua, Mediatua, Frequentatiua, Desideratiua, Deminutiua. Inter hæc Deminutiua non sunt controuersa : nemo enim dubitat in L O, desinentia esse Deminutiua : qualia, Sorbillo, Conscribillo. Error autem antiquorum est, quidicerent mutari significatum: non enim uerum est : idem enim significant, sed alio modo. Causa autem huiusce terminationis fuit Græcus sonus : sic enim quædam Deminutiua sua pronunciarunt, *περὶ τοῦ οὐ*. At Incohatiua, quæ in s c o, facerent: ut, Feruesco : recepta quidem sunt ab omnibus : sed recentiores in ipsis negarunt Incohationem, idemq; uelle, quod ea, quæ à Fio componuntur: ut sit Calefco, quod Calefio: quorū Præterita

terita exponantur per Factum esse: sic, Macruit, macrefactus est: quæ Præterita, si sint à Primitiuis, per Fuit, interpretemur: sic, Macruit, id est, macer fuit: quoniam Macreo sit, Macer sum. Igitur non significare Incohationē, propterea quod apud Virgilium sit, Incipiunt agitata tumescere. Cæterum eorum sententia sic est perpendenda: Tumere, alio modo accipitur, alio Tumescere: namq; Mons tumet, non tumescit: at Fluctus & tumet, & tumescit. Item Ignis calet, non calescit: at Ferrum igne calescit: ut sint uerba, quæ habent significatum *μῆσιν*, quale *ὑπναισσομαι*, calesco. Ergo, quemadmodum dicebamus, Qualitates, aut Accidentia illa, quæ his uerbis significuntur, interdum sunt in fluxu, & ut ait Plato in Cratylō, *ὅν τῶ ἐκπῶν*: interdum iam fixa. Quare per Primitiua dicuntur, cum sunt fixa: etenim in monte tumor iam non mouetur, ideo eum tumere dicimus. At dum fluunt, per Verbum in s c o, explicantur: ideo ubi erit Verbum in s c o, poterit esse etiam Primitiuum, & non ē contrario: propterea quod habitus iam introductus est, quem habitū ipsum Verbum significat: sed non est idem modus: nam motus ille augescendi, aut procedendi, à Primitiuo declaratur. Igitur fluctus, & tumet, quia in eo est tumor: & tumescit, quia tumor tendit ad alium gradum: sic Crescere, est Creascere, id est, accipere augmentū in Carne, *παρὰ τὸ λεῖπας*. Ex quibus constat, non ineptē dicta à ueteribus Incohatiua, nondum enim explerunt ultimum significatum. Quod & in quibusdā uerbis Græcis satis perspicuum est: *κύω*, est Uterum gero: at *κύνω*, est Concipio, quasi, Incipio gerere uterum: significat enim incohata *κύωσις*. quo uerbo & Hippocrates usus est in quinto Aphorismorum, & Aristoteles in sexto historiarum. Quod autem tam pertinaciter assueuerant, ut per F i o, interpretentur, id adeo mutilum est: Si enim hoc uerum esset, ergo uerba actiua hac terminatione penitus carebunt, significatio enim eis nullo modo cōpetet: at extant tum apud alios, tum apud Terentium in Adelphis, Atque edormiscam hoc uilli: quare per F i o, non sunt exponenda: sed continuatio,

& aug

& augmentum potius in eiusmodi agnoscenda sunt. Plinius autem in libro XXV. etiam mollius loquutus est, Radix uasta, rubescens, tenera. quali Centaurij radix non sit uere rubra, sed incohata rubedine. Carent autem Præteritis, non propter significationem, ut aiunt, nam & ipsum Inchoo, habet præteritum: sed quia non patitur formatio: & cum mutantur à Primitiuo, facile confunduntur interpretationes: ut, Macruit, Macer fuit, & pro eo, quod est, Macer factus est. Virgilius autem addidit Incipiunt: ut Plautus dixit, Pergis pergere. Et Medici initium quarundam ægitudinum diuisunt etiam in initium, & augmentum, & statum: & multa similia inuenias iterata, Ergo igitur: Adeo ad eum: Longè fortissimus: & Caue ne neges: apud Terentium, Sallustium, Catullum. Desideratiua quoque damnant, aiuntque corporis motum significare: ut, Viso, eo ad uidendum: quale illud, Nam meminî Esiônem uisentem regna. Non enim cupiebat, quod agebat iam: ea namque cupimus, quibus caremus: unde Corpora desiderata, quæ cæsa essent. Et qui Lacescit, plusquam Lacerat: & qui Vexat, plusquam Vehit: non igitur desideratis, qui plus agit: Non sunt igitur quale apud Græcos, ὁρῶ. Nos uerò ita censemus: uerba hæc parum differre à Frequentatiuis, habent enim eandem & originem, & terminationem, à Supino enim sunt, uehementiam igitur actionis significare: quorum aliqua explicent eam per actionem continuatam, cuiusmodi dicta sunt à ueteribus Desideratiua, propter affectum animi intentioris: aliqua per actiones iteratas, cuiusmodi sunt Frequentatiua. Indiderunt igitur nomen consequenti rei ab antecedente desiderio. Recentiorum autem quidam Incohatiua etiam ausi sunt appellare: quoniam Viso, dicat, eo ad uidendum. Sed quomodo incipiat uidere, qui eat ad uidendum? nondum enim uidet. Sed gestum, ut diximus, significat animi corporisque ad id propellioris: sic Cicero ad Petum, Ut uiderem te, & uiserem, & cœnarem etiam. Quoniam uident inter se etiam qui nolunt uidere: at uisunt, qui cum cura. At, Vexasse rates canibus marinis: quo modo tantum in-

cohassè exagitationem, cum incohare imperfectionem dicat, horum autem sententia etiam cum augmento sit. Alia autem frequentatiua in T O, sunt: quoniam eorum Supina eandem nacta sunt terminationem, Ventito, Vecto. neque frustra à supinis ducta sunt: nam alterum significat terminum unde fit motus, alterum quo fit motus. Itaque Vecto, significat Veho, sed ita, ut semper in ipsa sim actione, quae ad finem tendit, quasi Vectum eo: nunquam igitur absoluit, sed iterat actiones. Dormito autem non est frequenter dormio: sed leuiter dormio: cuius significati causa est, quod qui leuiter dormit, repetit somnum interceptum, aut interruptum.

Meditatiua autem optimè sic sunt à ueteribus appellata, quae in R I O, exeunt: ut, Esurio, Coenaturio apud Martialem: quibus formis tantum affectum ostendimus, tamque intensum, ut nihil aliud meditari uideamur. Non igitur nomen mutandum est, quod fecere recentiores, ut Desideratiua potius uocentur. Nam desiderij causa cognitio est: meditatio autem repetita cognitio ex memoria. Desideramus ea, quae in potestate nostra non sunt: at Meditamur etiam ea, quae in nobis sunt, ut ea exequamur. Itaque non desiderabat Caesar proscribere, poterat enim: sed gestiebat. Idcirco dixit M. Tullius ad Attic. IX. Ita syllaturit animus eius, & proscripturit iandiu. Horum autem causam, & originem aequè ignorarunt: neque enim à Supino ueniunt, sed à Futuro participio actiuo: Quod tendis Gnathos? ad Pamphilum: Cuius rei ergo? Coenaturus. inde Coenaturio. Fuere uero etiam alia uerba huius ordinis, non ignota quidem illa antiquis: sed in hanc classem cum non rede gere, minus rectè ab ipsis factum fuit. Sunt igitur ea, quae Imitationem quandam significant, de quibus supra diximus, A Gracis orta, in Z O. Tres autem modos in ipsis animaduertimus: Aut enim significat apertam imitationem: ut, Atticisso. Aut minus apertam: ut, *ϕυλαττω*. neque enim Aeschynes potius imitabatur Philippum, quam sequebatur. Tertius modus est cum dicimus Cyathissare, neque enim aut imitamur, aut sequeimur Cyathum: sed translatum est significatum à causa effic

efficiente in instrumentum.

C A P. CXXIIII.

Impersonalium Natura, Ortus, Causa, Vfus.

QUæ præsci tam Latini, quàm Græci dixere Impersonalia, uideamus cuiusmodi sint. Ac primum quidem constat, eum & Numero carere dicantur, & Persona: atq; Numerus, ut ostendimus, quàm Persona potior sit: dubitandum esse, an cōmodius Innumeralia, quàm Impersonalia dici debuerint. Verùm illud maioris momenti est: cùm uerbum sit species dictionis declinabilis per Numeros, & Personas, ab ipsis de finitum, tamen uerbi speciem commenti sunt, quam utroque carere putarint. at Generis substantia tota in qualibet specie est, igitur & genericæ differentia, & accidentia propria inerunt. Qui error ut clarius pateat: priuatim de his, quid illi senserint, uidendum est.

Impersonale, inquit, duplex, unum Actiua uocis, quod imitetur actiuorum tertias, ut Placet: alterum passiua, quod res præsentet tertias passiuorum, ut Amatur: utrunq; autem carere tum numeris, tum personis: neque enim primæ, aut secundæ, aut tertiæ esse, sed nullius. Hæc igitur ut refutentur, pauca repetamus: Ostendimus Verba aut transmittere significatum in appositum, aut proferri absolute: sic, Cæsar amat Lucinam, transmittitur hic actio amandi in Lucinam: eodemq; modo passiuum quo pacto proferretur inuentum est, Lucina amatur à Cæsare. Absolute autē sic, Cæsar amat: & à Cæsare amatur: nam tametsi sciam quid amet, tamen non edisseram: itaq; euenit, ut aliquando nulla explicata persona signaretur: at enim uero neque prima, neq; secunda, neq; tertia excludebatur, possum enim intelligere sic, Cæsar amat Me, Te, Illum. Tantum uerò abest, ut in passiuâ uoce nulla persona intelligatur, ut etiam necessario tertia subsit, sed incerta. Alij igitur ut hoc euitarent, plus errarunt, Impersonale dici, propterea quod nulla persona, à quo id fieret, explicaretur: cùm contra constet apud omnes; neq; sit digna sententia

quæ refellatur. Nam à Parmenone dictum est de se, Statur; & à Vergilio de Aenea, Ventum erat ad limen: & à Liuiio de Tarquinijis, Reditum Romam. Præterea hi non rectè res spexerunt ad obliquum: ut, quoniam actio, à quo prodiret, non indicabatur, personam subiectam negarent. Non enim cum Obliquo uerbum conuenit, sed cum Recto. Igitur cum Rectum subintelligamus, subintelligitur & Persona. Neque uerò ad neutra coniungendum est, qualia agnouere, Statur, Curritur: nam Stare statum, & Currere stadium, & Vitam uiuere, & Ire uiam dicimus: & Decursa spatia, & Vitam euitari, & Mortem obitam legimus. Alia enim etsi uidebuntur absurda consuetudine reclamante, suapte tamen natura talia sunt. Quin etiam legimus Tellurem inaratam, & Pyros insistas. Quare quæ Verba non patiuntur eiusmodi constructionem, ne hunc quidem loquendi modum admiscere, qualia sunt, Egeo, Gaudeo. Cum enim Obliquum postulent, non potuit dici, Egetur: quod postulat Rectum: quod si aliter res periat, hoc fiat, propterea quod præci aliter quoque sint locuti, quemadmodum Cato, Careo pecuniam. Si igitur subiecta Persona intelligitur, Numerus etiam intelligetur: qui etsi non præscribatur, tamen ad singularem referretur: ut, Quid fit Gnatho? Editur. licet multa esset, tamen singula disponas ad intelligendum. Quod si quis à uerbis in O R, aliqua ducta pro exemplo habeat, is animaduertat, quod est à nobis dictum supra, Verborum mutata esse genera, Opperior, Nutrior, Pascor, & alia, quæ à Nonio in libellum redacta, recensitaque sunt.

C A P. C X X V.

Actiue uocis Impersonalia.

Actiue uocis Impersonalia eodem ferè modo irrepere. Quando Rectus, cuius auspicijs Verba in Numeros, atque Personas circumaguntur, latuit nos. Nam hoc, Placet mihi lucubrare: idem sit atque hoc, Placet mihi amor præsens. Iam το φιλεῖν, & το φιλεῖται, idem esse docuimus: quare satis patet, ne hæc

ne hæc quidem uocanda esse Impersonalia. Aliquot tamen sunt usû potius distorta, quæ integra nihilominus aliquando fuisse necesse est, inter quæ ea numerantur, Pœnitet, Piget, Pudet, Miseret, Tædet : nam Obliquis coniunguntur: sicut etiam distortis Plautus in Captiuis, Nam postquam Rex meus est potitus hostium. Nos eam asperitatem in meliorem receptam legem emolliuimus, & interpretamur uerbum Potitus est, pasciue: subintelligimus, ui, aut opera: sicut *χάειν* subintelligunt Græci & Sallustius, ut supra diximus. Ita, Miseret me fortunæ tuæ: id est, uis tuæ fortunæ facit me miserum. Sic fuit in uerbis integris, Misereor tui: miser fio tui gratia. Argumentum huius rei maximum est, quod horum uox singulari numero remansit, ut sit *τὸ ἀγέσκει μοι, ἄγουσι τὸ φιλεῖν*. Duorum autem naturam malè sunt ueteres interpretati, ut Interest, & Refert, cùm sexto casu putarint statui, cùm pronomiibus adderent: Interest mea, ut esset, In re mea est: & Mea refert, ut esset, Fert re mea. nunquam enim fuere Impersonalia: nimis enim delicate potuit uenire in mentem istis, ut uerbum Substantiuum facerent Impersonale: quod tamen necessario semper aliquid uerè statuit. Sed ita fuit, Interest mea legere, ut Meæ partes sunt legere: Inter mea hoc est quoque, legere. Et alio uerbo, Legere fert mea, id est repræsentat mea negotia.

Sic igitur tam actiua, quàm pasciua uocis hæc uerba sese habent, uerum in utrisque est quæstio: nam dubitarunt an dici posset, & quomodo, Videtur mihi te fuisse Romæ. Multi enim magis docti ratione, quàm exercitati lectione, Latine dici posse negarunt: uerum ea loquutio & apud Græcos, & apud Latinos inuenitur passim, & habet rationē: tota enim oratio illa infinitiui dependet ab articulo, sic, Videtur mihi hoc, te fuisse Romæ. Ita Liuius de Gallis: Eam gentem traditur fama, dulcedine frugum, maxime uini noua tum uos luptate captam. Xenophon quoque, *τὸν δὲ κύριον πρὸς πάντας ἀποκρίνασθαι, λέγεται*. Ita loquutus est Aristoteles quoque in x. historiarum. Altera dubitatio est in his uerbis, Pluit,

Tonat : non defuere enim qui Impersonalia ausi sint dicere, nimis sanè leuiter : eodem enim more subtrac̃ta persona est, idēq; facili, unus enim est qui id agat, quare absolutæ potestatis appellata sunt ab alijs. Proxima his sunt Germinat, Florescit, quæ ad terram referunt, atque alia inanima, quæ seipsa in primam personam recipere nequeunt : sed de his supra quoque amplius dictum est.

CAP. CXXVI.

Affectus uerborum communes.

PROPRIUM Verborum est, non solum mutare Genus, Coniugationem, Modum, Significationem, & Numerum, ut τὰ ῥῶα ἐπὶ ἐμύχῃα : sicut supra dictum est : sed etiam Casus : Ausculto seni, & senem. Item ut confundunt Personas, Statur : sic confusas ex̃dicant, Cæsar scribo, Cato scribis, Lælius audit. Proprium etiam creare ex sese alias partes, ut Nomen, Creo, Creator : neque semper pleno significatu, nanque à πρῶ πρῶτῳ, coarctatur ad carminum tantum auctorem, Latinum uerò, Factor, ad eum qui oleum faceret, solummodo. Aduerbia, Ferè, Agè. Item creari à Nomine, Strues, Struere : Imperium, Imperare. Sed & creare alius generis nomina, quæ uerbalia nō dicantur, ut à D O, D O S. Illud etiam obseruauimus eorum peculiare accipere significationem ex alia actione, σπιῶ, est cibum capio. At quia è cibo oritur sitis, iccirco Latini ea occasione id uerbum receperunt ad significandum quod sequebatur, quippe, τὸ διψᾶν. Igitur patitur etiam ἀντιρροῖαν.

Et ponitur pro Aduerbio, Age, So-

des, Amabo : pro Coniunctione,

Licet : & in compositione,

Quamuis. pro Nomine,

ne, ut diximus ex

Ouidio, Sæ-

pe Vale

dicto.

I V L I I C A E S A R I S

S C A L I G E R I

D E C A V S I S L I N G V A E
L A T I N A E , L I B E R
S E X T V S .

C A P . C X X V I I .

Pronominis sedes inter partes, Ratio, Diuisio.



Ronomen quidam ante Verbum posuere, alij etiam post Participium tractauere: utrique male. Priores eò redarguuntur, quòd Verbum necessaria uox est in oratione, Pronomen non est necessaria: nullum enim Vicarium necessarium. Igitur si Pronomen semper loco Nominis ponitur: posito Nomine, Pronominis usus nullus erit. Quòd autem Pronomen præcedere debeat Participium, sic demonstramus: nam Participij significatio ad Verbum reducitur, modus significationis ad nomen: Pronominis autem & significatio, & modus, ad Nomen referuntur: plus habet Participium Verbi, quàm Nominis: Pronomen penè totum nomen est: at Nomen est prius, quàm Verbum: igitur & Pronomen, quàm Participium. Definitionem autem more nostro ex ui Nominis eliciamus. P R O, præpositio, ut in libris Originum plenius narratum est, cum multa significet, id habuit genuinum, ut uices indicaret. Pro Milone dixit M. Tullius: id est, obijt munus, quod Milo debuerat exequi. Fuit eius & origo, & usus à Græcis. Nam tametsi frequentius significat A N T E, τὸ πρὸ: tamen apud Herodotum in Polymnia legas etiam πρὸ ἀσπίδος: sicut nos pro castris, & pro patria pugnare. Ergo uidetur è nomine oriri definitio, ut Pronomen sit, quod pro nomine ponatur. Nam quemadmodum

dum dicebamus, quædam rerum notæ sunt: ut, Nomina: quædā notæ Nominum. quippe ad hanc uocem *NOMEN*, si quæramus ut aliquid reddatur: sic, Cedò mihi Nomen aliquod: continuò dabo unum quippiam, Cæsar, Equus, Ens. Item Cedò Participium, Orationem, ratilocationem: ad hæc non res, sed uoces reddentur. Ab horum igitur natura non uidentur abhorre Pronomina: nam si dixerò, *IS*, aut *ILLE* aut, *EGO*, non statim interpretentur per res ipsas: sed per Nomina, sic, *IS*, Cato: *ILLE*, Antoninus: *EGO*, Cæsar. Græci autem rem ipsam hanc eandem expressere, sed paulò licentiore uoce uli iunt. Etenim *αὐτός* *ἑαυτοῦ* nō est ipsum hoc quod pro Nomine ponitur: sed actio quædam, qua ponimus Nomen pro Nomine. Cæterum acrius, profundiusq; intuenti fortasse aliter res sese habere uideatur: tantum enim abest, ut pro Nomine poni quis putet, ut etiā prius, uetustiusq; intelligamus Pronomen, quàm Nomen. Cū enim quædam sint demonstratiua, ut *HOC*: etiā ignorant rei Nomen demonstratæ aliquid significabit. multæ res carent nomine, per Pronomen demonstratiuū intelliguntur: ergo pro Nomine non ponitur, quod Nomen sanè nondum extat: eodemq; modo significabit, quo modo significant Nomina hæc, Res, Ens: ut communis nota quædam sit. Dico autem, eodem modo: quia communis quadam æquè circumscribuntur significatione: nam modo alio diuersa sunt: quoniam illa simpliciter significant, Pronomen autem *HOC*, per demonstrationem. Non igitur pro Nomine ponetur, nihilo magis quàm Res, aut Ens: sed *τὸ* statim ac sine medio notabit. Præterea Ego, & Tu, in diuidualitatem statuunt magis, quàm nomen Cæsar, & Catonis: neque enim cū dico, *EGO*, potes alterum intelligere, neque cum altero communicare: cū dico, Cæsar, etiā in alterum transmitti potest intellectus: ut non solum non ponatur *EGO*, loco nominis huius Cæsar: sed etiā è contrario, nomen ipsum Cæsar, per Pronomen ad certam substantiam præscribatur. Vt etiā plus errarint, qui sic sensunt

tiunt, Ego esse Pronomen, quoniam pro Proprio nomine ponitur : sic enim etiam nomen Appellatiuum esset Pronomen, cum dicam, Homo loquor : poneretur enim pro Cæsare : sed substantiam meam statim significat, non nomen meum. Præterea sibi ipsi contradicunt : negant enim posse sic me loqui, Iulius scribo : sed sic, Ego Iulius scribo . ergo pro Nominis non ponitur ut uicarium, sed ut primum. Neque uerum est, quod aiunt, Appellatiuum in Proprium resolui. sunt enim nomina quædam generica, & specialia seorsum à propriis, quæ nunquam resoluntur : ut, Piscis, Auis, Homo : quibus potest attribui oratio, & ad ea etiam conuertri : ueluti cum humani generis miseriam fleam, sic institutam, O homo, genus infelix, Tu tibi paras infortunium. Pronomen Tu, est speciale. Eadem ratio sui comparis, EGO : respondere enim faciam hominem pro tota specie, sic, Deus me talem creauit. Sed & alia exempla sunt commodiora, ut in nominibus Collectiuis, Audi tu populus Albanus : Hæc dicit populus Sabinus : Ego non cedam tibi lare patrio. Quid igitur ? aut nihil intererit inter Nomen, & Pronomen : aut etiam Pronomen erit præstantius Nominis : Minimè : sed nomina inuenta sunt, quia res nobiscum ferre nequimus : itaque semper significant sine adminiculo. At Pronomina, aut referunt Nomina iam posita, aut egent præsentia loquentium : & per se nihil statuunt, nisi aut Nominibus adiuta : aut præscripta demonstratione : ideoque communis hæc natura est indaganda. Sic itaque alij definiere, Dictio inflexa casibus, indiuiduam maximè essentiam significans, sine ulla quidem temporis, sed nunquam sine definitæ personæ differentia. Verum nequaquam Aduerbiū Maximè, inserendum fuit : æquabilis enim est omnis definitionis uis : neque recipit intensionem, aut remissionem : neque plus significat essentiam indiuidualem Pronomen Ego, quam Nomen hoc indiuiduum, nequis dicat Aduerbiū illud positum esse ad Nominis discrimen : Neque essentiam significant potius, quam ipsum ens, cum enim dico Ego, non significo meam humanam

nitatem : ideo est, hominis formam, qua homo sum : sed totum hoc quod sum : neque potius essentiam, quam essentias. habent enim etiam pluralem numerum. & relationem æque multa significant, non essentiam : immo etiam plura. Nam ab EGO, duo habes, MEVS, & NOSTER : à TV, totidem : à QVI, item duo, CUIVS, & CUIUS. Præterea cætera relatiua, QUALIS, QUANTVS, atque eiusmodi, omnia dicunt accidens, non substantiam. Quin etiam Obliqui casus illorum relationem notant, sic, ENIS ILLIVS : non significat hic ens, sed possessionem, & ens significat. Tertius error, cum negant unquam Indefinitam personam à Pronomine statui. Omitto quod uocem hanc NVNQVAM malè inseruerunt definitioni : nam desinienti satis est, dicat, Est hoc, aut hoc : sic, aut sic : definitio enim intelligitur competere per se, & omni, & uni, & semper. Sed demus hoc Grammaticorum suppellectili curæ. at illud falsum est, Multa sunt Pronomina, quæ cuius adhæreant personæ, Is, Ille, Ipse. Ille ego, qui quondam : Ipse subibo : Is sum Quirites, quem me esse uoluistis. Ergo non desiniunt personam, sed ab alijs definiuntur. Item Meus sum, Meus es, Meus est, & ut ait Festus Plautus, Noster sum : in quo nihil à nominibus differunt, quæ non uariata uoce uarias recipiuntur in personas. Igitur aliter quoque definitum est : Quod certius, quam Proprium nomen significat. Hoc autem falsum est : certius quidem rem potest significare, scilicet præsentem : at certius non potest : Etenim sine medio Proprium nomen significat indiuiduum suum. præterea non cuius competit Pronomini : quis enim dicat, MEVS, TVVS, certius significare, quam Dauus, Syrus ? Immo nisi aliquid apponatur, nihil significant : Cum enim relatio non in una tantum re inueniatur, sed inter plura, nisi aliquid addas ad quod illa referantur : eorum significatus uix extet. Nos igitur aliter sentimus : Pronomen à Nomine non differre significatione, sed modo significandi. Hæc autem differentia est triplex : ac quemadmodum, Par & Impar

& Impar, non cuius numero utrunque simul, sed certo alterutrum competit: ita hi affectus, quos Modos significandi diximus, alius alij competit Pronomini. Primus est, quod rem præsentem indicant loquenti: id quod non facit Nomen: ut, Ego: aut etiam ei, quicum loquitur: ut, Tu. Atque hæc possunt poni, nullo nomine. subintellecto: rem enim ipsam statim per speciem intellectui repræsentat, non per nomen. Alter est, quod pro Nomine ponuntur, ut Relatiua: Cæsar bellum gessit, is uicit: idem est, Cæsar uicit. Tertius est quod non solum pro Nomine ponuntur, sed etiam cum Nomine, ut ipsum repræsentent: Ego Cæsar. Ex quibus ipsa Definitio colligi potest: atque ex Definitione Diuisio certas in species, quæ de manu uterum asserendæ sunt nobis, atque uindicandæ: ipsi enim Relatiuum Q V I, negarunt Pronomen esse, pessimo quidem consilio: cum secundum eorum definitionem, quæ nihil aliud statuit, quam pro Nomine poni, totam eam naturam, ac multo melius quam EGO, & TV, sibi assumat. Nam si I S, Pronomen est, quare Q V I, non erit: idem enim Vfus utriusque, & Forma, id est significatio, & materia: nam fuit *καὶ ὁ*, Q V I S: *καὶ ὁ*, Q V I. Par error etiam cum Relatiuum substantiæ appellarunt, refert enim etiam accidentia: ut, Colorem, quem uides, contraxi ex ira. Quare alio modo ex diuisione nuncupandum erit: non sicut fecere, quibus Prouocabulum potius dicere placitum est. Nam Vocabulum est quodcunque in uoce consistit: etiam ipsa Verba Vocabula sunt: quis hoc neget: nisi superstitio Grammaticorum: potius nutus quispiam, aut ostensio aliqua Prouocabulum dicatur, quibus loco Vocis, & Vocabuli utamur.

Diuisio autem fiet, sicut & Nominis: nam alia dicentur Substantiua (utemur enim uocalibus rezeptis) alia Adiectiua, non quæ Substantiam tantum significant, sed etiam Accidens: ut, Is color. Sed quia non repræsentant modum accidentis, alia autem statuunt ipsum modum, ut M E V S: nam sicut Seruus significat possessionem, & consignificat sub-

stantiam: sic etiam MEVS. Quare etiam Relatiua, alia dicta sunt Substantiæ, ut QVI, IS: propterea quod siue substantiam siue Accidens referrent, modum ipsum apponerent Substantiæ: cum enim dico, Is color: tamen color in corpore est, tamen non indicatur à me, quatenus est in corpore. Alia dicta sunt Accidentis, non solum quæ Accidens notarent, sed etiam quæ consignificarent Substantiam. Nam QVALE, significat Accidens ut est in substantia. Recensiores autem leui nimis de causa QVI, inter Pronomina recensere; propterea quod, inquit, quorundam Pronominum declinationem sequeretur. Hoc autem est ridiculum, Affectus uariare Substantiam. accidit enim Declinatio Pronomini. Itaque etiam usu mutantur. nam quod dicimus Alterius, fuit olim, Alteræ, in secundo casu feminino. Propterea multa Pronomina Nominum sequuntur Declinationem, Nomina igitur erunt. Ego, Mei: Tu, Tui: Meus, mei. Et contra, Nomina Pronominum: VNus, Vnius: Solus, Solius. Ex quibus constat Pronomina Relatiua accidentis resolui in substantiuum cum ipso accidente quod referunt. Nam Tantus, est nomen confusam significans magnitudinem. Sic Tantus Atyanax, Tantus Hercules: id est, hac, uel hac magnitudine. & subdam, Quantus Syluius, Quantus Cæsar: id est, qua magnitudine. Eadem ratio & in cæteris: Qualis, quo colore: Quotus, quo ordine, & reliqua. Proprium Relatiui substantiuum est flectere naturam suam in oratione, sicuti de modo Indicatiuo dicebamus: id fit ei tribus modis: Interrogatione, Qui estis uos? Negatione, Nescio quam in gentem ueni: ubi occulta est quædam Relatio. Occultior autem etiam in illo, Quid hominis es? ubi uim quandam Nominis subijisse a sunt: sed usus hæc flexit. Hinc etiam elicimus, quod ueteres omisere, Adiectiuum & Substantiuum, non esse Nominis affectiones aut differentias, ut Nomen est, sed ut est Dictio: competit enim etiam Pronomini. Atque error antiquorum patet, qui putarunt Pronomen à Nomine differre: quoniam Nomen nullam

Iam personam determinet: Pronomen autem certam statuatur. Nam & Vocatiuus Nominum certam ponit: & Ipse, Ille, atque alia non certam. Illud quoque contemplandum est, quod aiunt, Pronomen sine Demonstratione, aut Relatione nihil significare. Ac sententia quidem uera est ipsa, sed oratio minus bene composita: ut enim sunt uoce demonstrationis, pro repræsentatione. Neque enim qui dicit, Ego, semper demonstrat: nam quemadmodum me absenti tibi demonstrabo, qui nunc me nullus uidet.

Ambigitur autem & præter hæc, Alter, & Neuter, atque eiusmodi, sint ne Pronomina. nam quidam ipsa uocantur nomina Partitiua: sicut Omnis, nomen Distributiuum. uerum enim uero si quis eorum ortum spectet, inueniet esse Pronomina. Est enim Neuter, non uter: & Alter, alius uter: at ipsum Vter, Pronomen esse constat: non enim differt à Qui, nisi per modum: quoniam duobus tantum apponitur Vter: Qui, uero pluribus. Quare etiam ALIUS, pronomen erit: differt enim ab ALTER, sicut QUI, ab UTER: atque exponuntur per nomina sic, Vter fecit? Cæsar? Non: Alter fecit. Quis ille alter est? Cato: neque enim alio modo ponitur, quam si dicas, ille fecit, non hic. Est autem Vter, ὁ ἄλλος: Alter, ὁ ἄλλος ἑκαστος: item cæter, οἱ ἄλλοι. Quare etiam Omnis, & eiusmodi erunt Pronomina, sunt enim signa Nominum: neque numerum significant, essent enim Nomina, ut Vnus, Duo: sed notæ tantum sunt Nominum. Cum enim dicis, Quis homo disputat? & respondes, Omnis, hoc significat, atque si singulos homines nominatim redderes, usque ad unum ultimum. Videbitur autem quibusdam absurdum hoc, propterea quod significet Quantitatem: sed non ita est: imò uero significat Distributionem actionis, aut eiusmodi in quantitatem. Itaque per Pronomina quoque cæteræ propositiones explicantur, Quidam, Aliquis. Dubitabit autem quispiam, Nullus, Nomen ne sit, an Pronomen, etenim ab Vno, ducitur: at Vnus Nomen est, quantitatem enim, siue principium eius significat. Ad hoc sic respondemus: Nomen esse, & inopia sermo

nīs usurpatum pro eo quod esset, Non quisquam. Est autem origo ipsius Omnis, Græca, *ὅμης*, ut Collectionem, & Distributionem, non Quantitatem accipi intelligamus.

CAP. CXXVIII.

Pronominum affectus.

Pronomina afficiuntur quibus & Nomina, Specie, Genere, Numero, Figura, Persona, Casu. Primæ Speciei, Ego, Tu, Sui. Deriuatæ, Meus, Tuus, Suus. Genera in quibusdam distincta, Meus, Mea, Meum. In quibusdam conueniūt, Ego, bonus, bona, bonum. Numeri duo, Ego, Nos. Personæ tres, Ego, Tu, Ille. Figuræ duæ: Simplex, Ego: Composita, Egomet. Casus alij alijs, neque numero æquali. Ac de Specie quidem, Genere, Numero, Figura satis conuenit: de Casu autem non in omnibus. Circa Personam quoque non idem sentiunt omnes. Ad hæc igitur intelligenda, usus, ac ratio eorum exactius sunt perscrutanda. Signantur igitur duæ personæ, Prima, ac Secunda duobus tantum Pronominibus: at Tertia pluribus. Non quia Prima, & Secunda præfentes sunt, ut dixere: non enim id uerum est: nam quamobrè Epistolæ sunt institutæ? Sanè in his absentes loquimur de Tertia etiam præfenti alterutri scribentium. Sed quoniam & qui loquimur, & ad quem loquimur, unico intelligimus modo: at tertiam non uno: nam aut monstramus, aut absentem referimus: sic enim distinguimus, ut alia sint Demonstratiua, alia Relatiua, quæ sine discriminè utriusque naturæ uices subeant. Demonstratiua autem laxa, ut diximus, uoce: nam aut præsentem sensibus, aut intellectui: Non, quemadmodum scripsere, sic, præsentem aut ad oculum, aut ad sensum: quasi uerò oculus sensus non sit: quasi uerò si de uoce loquar, oculo percipiatur. Itaque demonstrato colore, aut sono, aut sapore, aut odore, aut re tactili, sensu constitui ostensionem dicemus. si dicam, Hic motor, cuius uoluntate orbis rotatur: intellectui præfens demonstrabitur. huius generis est H I C. Sub quo etiam alius modus cōtinetur: Interdum enim quod

non

non uidemus nos, alteri, quicum loquimur, demonstramus. quippe rem ipsius præsentē sensibus, aut notam intellectui: huius generis est *I S T E*: absenti enim sic scribam, Ista tua cura, quæ te angit: Istud Musæum, in quo scriptitas. Neque enim præsci rectè scripsere, Pronomen *I S T E*, significare præsentē personam: sic enim scribam, Istud tuum prædium, in quod diuertī fessus de uia, abest ab utroq; nostrum mille falsibus. Præterea ipsi sibi contradicūt: aiunt enim, Primam & Secundam non uariari per genera, quoniam præsentem rem semper indicarent: ergo *I S T E*, quomodo per genera uariatur, si semper præsentem personam indicant? Alter quoq; eorum error, cū *H I C*, appellarunt Pronomen præpositiuum, ideo, quia significet primam rei cognitionem: id est, quod reddatur interroganti, sic, Quis fecit? *H I C*. Iam omitto pessimum loquendi modum, neq; enim significat cognitionem rei, sed nota est cognitionis, significans rem. At enim uero etiam subiungitur relatiuè, sicut etiam *I S*, frequenti usu Cæsaris, & Sallustij, nimirum utriusq; origo eadē est. *Idcirco*, *Idcirco*, *Hic*, à quo per Apocopen, *Hic*: nam *Idcirco*, *Idcirco*, *Idcirco*, dixere.

An uero, quod aiunt, uerum est? Primam & Secundam non uariare uocem per genera, propterea quod præsentem semper sint: Tertiam uariare, Ille, Illa, Illud: quia non sint præsentem, quæ sub tertiâ circumferuntur. Atque hoc iam à nobis reiectum est. Nam quod appellant Pronomen Demonstratiuū *Hic*, *Hæc*, *Hoc*, uariatur, ac præsens tamen ab ipsis semper ponitur: itaque suis ipsi telis percunt: percunt uerò & nostris: non enim semper præsentem inter nos loquimur. Quid enim ex ultima Germania scribat ad me puella, atq; ego rescribā? Amo te, inquit? iam hic genus necessariū est: ut sciam, amica? sine an amica bene de me sentiat. Quærent etiam, cū Prima, & Secunda certis feratur numeris, quamobrem Tertia non distinguatur. Quoniam, inquit, ex antecedenti numero moderamur sequentis personæ intellectum, sic, Ipse se interfecit: ipsæ se interfecere. At enim uero ratio hæc nulla est: nam

est: nam primum dicam, Græcos non carere numero plurali, *ἑαυτῶν, ἑαυτῶς*. Deinde hoc modo soluentur omnes quæstiones: Mobilia enim Nomina, non erit necesse uariare: intelligimus enim sexum ex præcedenti substantiuo, & Casum, & Numerum: sic & uerborum ratio unica uoce eadem sit, qualis qualis præcedat. Causa autem huius rei fuit Græcorum imitatio: nam tametsi in composito distinguât, ut posuimus: tamen simplex uox, *ἐγώ*, unde nostrum *Se*, communis utrique numero fuit: id quod non tam consulto fecere illi, quàm euenit forte, ut etiam in multis: Nam quid simile inter *ἐγώ*, & *ἡμεῖς*: *σύ*, & *ὑμεῖς*: defectu igitur multa sunt innouata, suis destituta, aucta alienis. sic apud Latinos, Ego, Nos: Tu, Vos. Quare ut eum errorem emendarent, addidere alterum Pronomen, quod afferret & numerum, & genus. Græci, *αὐτός*, nos, ipse. *ἑαυτῶν*, seipsum. Quod autem hic afferimus, uerum esse satis constat, cum in casibus quoque non inuenire uocem, qua differrent. Nihil enim intelligas diuersum, cum dicis, *Se* interfecit Cato: & *Se* autore uoluit Cæsarem interfici. Oratoris enim uerba percipias Casuum differentiam, uocis autem flexu non percipias. Assignent igitur rationem, quare duorum Casuum, maxime diuersorum, idem sit sonus.

Relatiua autem sunt *Is*, & *Qui*, uno modo: referunt enim rem iam positam. Alter modus est, cum relatio fit per reciproca tionem. hæc unicam tantum uocem habuit in Pronominibus, *s e*. Exemplum utriusque esto sic, Cæsar optimus imperator, atque uir fuit clementissimus. *is* Gallos pugnando, & se ipse ignoscendo, uicit. Inter hæc connumerarunt etiam *ILL E*. Non pessime sentiunt. sed exemplo utuntur non bono, è septimo *Aeneidos*, —Sic Iuppiter ille monebat.

At enim uero in exemplaribus legitur *IPSE*, non autem, *ILL E*: neque enim refert Iouem, cuius nomen ibi nusquam positum est: est enim *ILL E*, *ISLE*: non dicas igitur hoc loco, Sic *is* Iuppiter monebat. Qui tandem Iuppiter? nullus enim ibi est. Quod si in quibusdam scriptum inueniatur, ut uolunt, Emphasim intelligamus: ut, *Thais* illa Corinthiaca.

Est

Est autem mixtæ naturæ, atq; indifferentis, tum ad Relationem, tum ad Demonstrationē. primī exempla frequētissima.

–Teretes sunt acides illis. & –Ille & terris iactatus.

Ostendit autem in Sexto,

Ille triumphata capitolia ad alta Corinθο.

demonstrat enim Mummium. Differunt autem Demonstratiua ab Relatiuis, quod Demonstratiua statuunt primam cognitionem : ut, Ille tuus animus C. Cæsar te perdidit. Relatiua autem eam iterant, sic, Is te reddet immortalē. Nam quod aiunt, hoc Pronomine *I S T E*, propinquam rem significari: hoc Pronomine *I L L E*, longinquam: non planè uerum est, sed ita accipiamus, ut *I S T E*, semper referatur ad rem, aut personam, ad quam loquimur, ut in Secunda in Antonium, Istis faucibus, ista gladiatoria firmitate: id est, tua. Istam urbem appellabo eam, in qua agit *is*, ad quem scribo: illam autem, ab eo remotam. aut istam urbem de qua locuti sumus. Quoniam eius origo, *I S*, parem usum habet. Sed & aliquid præsens *I S T V D*, appellamus, ut apud Quintilianum, Ille iuuenis. Et de eodē paulopost, Hic iuuenis. Secundo modo usus est Gellius: Brundisium ueni, atq; isthic offendi quendam: pro, Ibi: atque si dicat, Isto in oppido offendi: ut, æquē dicatur, Isto oppido, & Eo oppido: quoniam *I S T E*, sit, *I S*, *T E*. At *I P S E*, commune omnium personarum est: dicimus enim, –Ipse scram tenera lanugine maula. & Ipse uides: & Ipse ratem conto subigit. Quare cum Tertiam assignarint, minus uerè à Prima, & à Secunda amouere. neque enim rectè probant sic: Dicimus, inquiunt, Ego feci, Tu fecisti, Ipse fecit: quare sicut Ego, est primæ: Tu, secundæ: sic Ipse, Tertiæ. Huic nos ad hunc modum & respondemus, & obijcimus: Si Ipse, non esset omnium personarum, non iungeretur Primæ, sic, Ego ipse. Neque ullam figuram esse in toto ambitu literaturæ, qua Prima cum Tertiaungi possit. Item dicimus non esse uerum, sic posse dici, nisi prius aliquid subit quod referat: exempli causa, Quarit Antonius de Octauio, & Lepidum alloquitur: Quis patrauit par-

L

ricidium

ricidium Ciceronis: non potest dicere de Octavio, Ipse fecit: nisi Octaviū nominari. est enim relatiuum: sed cōmodius etiam si se non nominat, potest dicere, Ipse feci. Sed nugatur etiam cum dicunt, Verbum ipsum Primæ personæ habere intellectum Pronominis Ego: quoniam si lic dicas, Feci: necessario intelligas, Ego, igitur posse poni cum prima Verbi, quia prima Pronominis subest. Verū de Tertiā quoque idē intelligas, Fecit, habet intellectū pronominis Tertie. Præterea sicut Relatiua cætera omnium sunt personarū: sic etiam hoc: nam eius origo est ab *IS*: sic, *IPSE*. at, *IS* sum, dices: &, *IS* es: &, *IS* est. Addunt alterum argumentum. interroganti, Quis fecit? nunquam respondebimus, Ipse: pro, Ego: aut pro, Tu: sed pro Tertio. Hic est fallacia simul & falsitas: Fallacia est, quia si dicas Ipse, & ostendas Tertium, rectē dicas: sed & rectē si te ostendas, aut eum quicum loqueris: Natus enim & ostensio statuunt primam cognitionem, quam iterat Ipse. Si autem nullum ostendas, falsum est, sic posse loqui nos: Quis enim est Iste Ipse? Acutius etiam inuenti apparet ratio: nam interrogatio est in tertia persona uerbi. itaq; faciliē reddas Ipse, sine uerbi repetitione. At si dicas sic, Tu ne fecisti hoc? possim respondere, Ipse sanē: etiam nullo uerbo repetito.

Præterea quis nescit, Affirmantis, & Interrogantis, & Respondentis orationes non differre nisi modo quodam: igitur Aeneas cum dicit – Quæque ipse miserrima uidi. non ne interroganti Reginae sic, Vidisti ipse? respondeat, Ipse. Respondemus tamen certius, & commodius per alia, Hic, Iste, Ille, sicut & Græci. *Εἶς, ὁδεῖνα, ἐκεῖνον*. Prudentius igitur fecere, qui *ἐπισυναλωγ* appellauere, propterea quod omnibus subiungeretur personis, quasi ordinariū additamentum intelligas. Consultius autem etiā, qui *ἐπισυλωγ*, propterea quod intenderet significatum. certam enim rem statuit, atq; circumscribit: plus enim est, Ego ipse, quàm Ego. Idcirco pro Solo, etiam sunt interpretati: at id euenit pro structura orationis, atque ui uerborum: ut eo uersu è Sexto diuini operis, Ipse
ratem

ratem conto subigit. Cùm enim neminem, præter Charonem, nominassèt, retulit eum in singulari. quare etiã solum intellexit. Sed si duo aut plures fuissent, poterat etiã sic, Ipsi ratem subigunt. ubi nihil esset solitarium. Sed nunquam Grammatici delinunt ineptire: ueluti cùm ausi sunt dicere, esse hoc uersu Nomen, nõ Pronomen: & tamen est loco eius nominis, Charon. Sed æquè est, atq; si dixisset, Idem. Interdũ uerò etiã additum nihil addit: ut apud Ciceronem, Qui ante teipsum Consul fuit. Vfos autem fuisse ueteres aliter hoc Pronomine, quàm ab istis sit obseruatum, ostendimus in Originum libris. ut aliquando quasi loco Aduersatiuæ, aut Subdijunctiuæ capiamus: uelut apud Catullum eo uersu,

Nam castum esse decet pium poetam

Ipsum: uersiculos nihil necesse est.

Et apud Vergiliũ in Tertio,

Portus ab accessu uentorum immotus, & ingens,

Ipse: sed horrificis iusta tonat Aetna ruinis.

Eodem modo in primo Achilleidos Statius,

-Vacuisq; reliquerat antris

Ipsam: sed catulos asportat.

Plinius quoque id obseruauit, ususq; est libro decimo septimo: Vites, inquit, Aquilonem spectare debent ipsæ: sed eorum palmites Meridiem. In uicesimo tertio Liuius non cum Aduersatiua, sed cum Copulatiua iungit: L. Posthumium consulem designatum, ipsum atque exercitum deletum. Est igitur trium personarum communis uox, tam sola, quàm adiecta: tam Relatiua, quàm Demonstrans.

C A P. C X X I X.

Pronomina deriuata.

Deriuata Pronomina, à Prima & à Secunda, bina sunt, à singulari, & plurali, eaq; distincta uocibus, quia origines distinctæ: Ego, Meus: Nos, Noster: Tu, Tuus: Vos, Vester. Vbi secundæ facilius esse uidetur analogia, à Tu, Tuus. At Primæ non item, sed ab obliquo Mei, non à recto, Ego. In

L 2 hoc

hoc Græcos sequuti sumus, *ἐμῶς*, *ἐμὸς*. Illi autem non temere possessiuum pronomen à possessiuo casu deduxere: neque enim distat *ἐμῶς* ab *ἐμὸς*, nisi sicut Albedo, & Album: quare neq; Tuus à Tu recto, ut putarunt, sed ab obliquo secundo casu ortum est. A' tertia uerò persona non fuit deductio propter numeros uariata. propterea quòd ne primitiuum quida dem uariabatur. caussa autem propter quam ab utroq; Numero deriuentur, hæc est, Quod Græci dicunt, *πρὸς τι*, nos relationem: significat duo, rem ipsam, & terminum quendam ad quem refertur: igitur possessiua pronomina & rem possessam, & possidentem consignificabunt. quare numerum pronominis possessiui accipiemus à numero rei possessæ: & numerum pronominis primitiui, unde illud possessiuum ductum est, à numero possidentis. Igitur cùm dicamus, Ego possideo libros: dicam, Libri mei sunt. &, Vos possidetis librum: dicam, Liber uester est. Hinc liquet qua ratione à pronomine primæ personæ ductum sit pronomen tertiæ. Equus tertiæ personæ est: itaq; Meus equus, si dicam, tertiæ quoque erit. at à, *ΜΕ*, quod est primæ personæ, ductum est. quoniam relatio est, ad primam: significatio, ad tertiam.

C A P. CXXX.

Natura, & usus pronominum, Sui, Suus, & reliquorum.

QUanquam non est presentis operæ, de constructionis usu, aut legibus scribere: tamen quia natura primitiui, & deriuatiui Tertiæ personæ multa præclara ingenia uexauit: alia etiam elusit: à multis confusæ, aut perplexè tractata sunt: uideamus hinc quæ eorum sit ratio. Relatio duplici modo intelligitur: nam aut habet terminum extra rem, quæ refertur: ut Dominus refertur ad Seruum. Aut habet terminum eundem cum re quæ refertur, ratione tantummodo differentem: ueluti cùm dico, Cato se interfecit: Pronomen Se, refert Cato nem ad Catonem, ratione ab sese differentem, non substantia: propterea quòd differt à seipso tanquam agens, à patiente. Idcirco Græci *ἀνὰ κλάσιν*, quasi refractum dixere: sunt enim *ὁκλάσιν*,

ἡκλαδίαι, fellæ plicatili in seipsas reciprocatu. Verùm ea uox duriuscula est, redit enim in agentem passio integra, nō fracta. Itaque alij αὐτοπαθῆς. sed & communis hæc nimis: sunt enim uerba quædam talia, talicq; nomine censita, ut *Peæreo*: & alterum tantum terminum dicit, *Passionem*. Nostri autem melius, *Reciprocum*: qua appellatione mutua rationem referendī complexi sunt: semper enim redit uis rei relatæ in seipsam: Ipse sui memor: Ipse sibi hostis: Ipse se amat: Ipse de se hoc exigit. Actas nostræ proxima in cæteris casibus optimè usæ est: in tertio casu frequentissimè hallucinata: apud plerosq; enim inuenias sic, *Ego dedi sibi: etiam in oratione disertī uirī Agricolæ*. Græci autem ueteres abusi sunt in poëmatīs suo σφε, eodem modo non recedē, sed transitiuē.

Cum igitur idem sit modus orationis, & narrantis simpliciter, & referentis narrationem: eadem quoque erit ratio dicentium sic, *Portia se interfecit*: & sic, *Portia rogauit, ut se interficiat*. Refertur enim in priore exemplo, *Interfectio*: in posteriore, *Rogatio interfectionis*: at *Interfectio* semper in *Portiam* recidit, hæc est natura *Primitiui*.

Quod autem ab hoc deriuatur *s v v s*, parem naturā, usumq; est consecutum: ut quocunque loco *primitiuum* poneretur, in eum locum ius suum haberet: sic, *Portia se interfecit*: & sic, *Portia suam uitam interceptit*. Differt autem à *Primitiuo*, sicut *Adiectiuum* à *Substantiuo*: Itaque etiam reciprocatio differt ab illius reciprocatione: nam in deriuatiuo redit reciprocatio nō in rem à qua procedit actio, sed in ea quæ ipsius rei sunt. sit hoc exemplum: *Vidi Cæsarem hominem*: hîc substantiam ipsius Cæsaris intelligo: at, *Vidi Cæsarem humanum*: intelligo hoc, quod ipsius hominis est. Sic in Pronominibus, *Vidit se Cæsar*: Substantia reciprocatur: at, *Vidit sua Cæsar*: reciprocantur ea, quæ Cæsaris sunt. Ac quanquam hoc quoq; modo potest Substantia reciprocari, ut si dicas, *Vidit Cæsar sua crura*: tamen non per modum substantiæ refertur, sed alio prædicamento, τὸ ἕχον,

per possessionem sanè : quare Possessiva hæc dicta sunt. Intelligo autem possessionem, quæ aut fuit, aut est, aut etiam futura est : ut suum regnum hæres dicat, quo nondum possessus est. atque ipsam negationem : ut apud Vergil. -Non sua poma. Idem tamen Græci licentius usi sunt : ut Hesiodus, *σφίregov πατρίg' ἐπαίρομαι*. suum, pro, uestrum.

Sed loquendi usus maximus Tyrannus est : Surrepsit enim etiam Latinis, ut ubi poneretur uerbum. Substantiuum, eoque subiret Pronomen hoc : ut apud Verg.

-Sua semper apud me

Munera sunt Lauri. Et alibi,

-Sunt hic etiam sua præmia laudi.

Neque abest ratio : per uerbum nanque Substantiuum nihil extrà effertur, sed in eodem quiescit : itaque par est recipro- cationi, quasi *κατὰ σημαίη* : sicuti dicimus quædam membris carentia, Sedere : quia non mouentur. Paulatim tamen inualuit, ut ad alia uerba transferretur : Nam cum dicendum esset, Suo gladio seipse iugulat : tamen Terentius, Suo gladio iugulo, dixit. Est apud Martialem apertius :

Et sua riserunt sæcula Mæonidem. Id autem paulisper medio quodam loquendi modo inuectum est, qualis apud Catullum :

Suus cuiq; attributus est error. est enī ibi & Substantiuū, & Participium. Quare potuit præterea dici, Suus cuique in- nascitur error. Ita scriptum est in inuectiua in Sallustium : Quod si istius uitam memoria uicerit, aliam P. C. non ex oratione, sed ex moribus suis spectare debetis. Eiusdem modi est & illud Ouidianæ Penelopæ,

Aspice Laërten, ut iam sua lumina condas. Itaque ridicule nimis ausi sunt accusare solæcismi Diuinum poetam eo uersu :

Nanque suam in patria antiqua cinis ater habebat.

Est enim eiusdem rationis cum superioribus. Nemo uerò dixit unquam solæcismum eum, quo docti uiri uterentur. Sic enim omnes sunt loquuti, ut purè, non rusticè loqui putarentur

rentur : quemadmodum M. Tullius pro Sylla: Sylla, si sibi suus pudor, & dignitas non prodesset, nullum auxilium requisivit, quem dicendi modum temere nimis inusitatum appellarunt : cùm etiam Plautus, qui Romanæ linguæ lex quædam fuit : etiam Terentius, qui veteris nouiq; Latij lingua quædam habitus est, ita & scripserint, & scripta totius urbis iudicio approbarint. Plautus in Mercatore sic, lubet saluere suus uir uxorem suam. Terentius autem etiam sine ullo responsu mutuo, sed absolute, neq; solum deriuatiuum, uerùm etiam primitiuum, Suo sibi gladio hunc iugulo. Quare feretur illud Vergilianum eadem prudentia:

Viuite felices, quibus est fortuna peracta

Iam sua. Id est, iam sua cuiq; sicut est clarius in Sexto:

Quisque suos patimur manes.

Tria hinc colligimus: Primogenium nunquam sine aperta reciprocatione poni, præterquàm modo illo Terentiano: Deriuatum autem occultiore, sic, Sylla si suus pudor sibi non prodesset : id est, prodesse intelligeret. Alterum est, nulum esse discrimen, siue uulgarem teneat significatum, siue pro eo, quod est Proprium ponatur : præterea rectè dici, Suus Cæsaris, & Cæsarum : quoniam primitiui uox à numeris non uariatur. & Suus Cæsari : quoniam uerbum orationis obliquæ dux est, atque ipsam regit.

Est & illud manifestum, Distributiuo Pronomini additum circummagi per omnia Genera, Personas, Numeros, & Casus, idq; fieri uel distributionis. Non solum igitur cum Quisque, ut dixere : sed etiam cum Omnis, & Quicumque, & Quisquis, & eiusmodi : Suum omnes Nationes tuentur morem: Quemcunq; suæ originis pœnitet, cum oportet esse ineptum: Suus omnibus Asiaticis dicendi mos est : & alia talia. Sic etiam additis Præpositionibus : Suarum fortunarum ergo nauigat Lusitanus. Etiam in Sexto casu, contra quàm sensere: Suo quiuis genio potest acquiescere.

Hoc etiam eliciemus, cùm s e, intelligamus esse semper reciprocum, si duæ sint personæ, tollendæ ambiguitatis causa, alio

alio Pronomine usos ueteres. Diligenter itaque obseruatum est in declamatione Quintiliani : Non sic nuper repugnasset, si illum Tribunus uoluisset occidere. Si enim dixisset *s e*, haud intelligeret Marius, utrum acciperet, Reumne, an Tribunum. Par exemplum est, Rogauit Nero Epaphroditum, ut se occideret. Nescias uter sit occidendus, Nero, an Epaphroditus. Verum hoc loco si *i l l v m*, pro *s e*, subdas, minus commodè loquare. Ita est : Rogat Philumena te Pamphile, ne se deferas. Ergo idem erit : Rogat Philumena Pamphilum ne se deferat. Verum hæ orationes maximè sunt fugiendæ. Cuius consilij modum in primo libro de exemplis eloquentiæ à nobis dictum fuit : qui liber mihi unà cum duobus posterioribus iam perfectis aut à Carnuto, aut à Prouinciali surreptus est.

Est etiam animaduertenda locutio illa, Inter se: sic, Fratres Thebani inter se dissident. Græci non tam feliciter: *ἑλλῆς*, alius alium : non enim complectuntur illum mutuum responsum ultro citroque : at nos, Inter se, quasi dicas, Medium inter eos dissidium est. Itaque *s e*, est casus pluralis, utrumque componens simul ad dissidium : ideo distribuitur deinde ad duo singularia partitum hinc inde. Animaduertimus autem Ciceronem in primo Officiorum sic locutum: Homines autem hominum causa esse generatos, ut ipsi inter se, alij alijs prodesse possint. Declarat enim, Inter se, per *ἑλλῆς*. Et in eodem alius loquendi modus est, Qua societas hominum inter ipsos, & uitæ quasi communitas continetur. Idem enim est, Qua homines inter se sociati continentur.

Colligitur etiam lex dicendi hæc, Sua causa feci : rectè. Sui causa feci : non rectè : non enim reciprocatur. Sed, Mei causa feci: Sui causa ut facerem, rogauit. Quæram igitur, an dicam, Tui causa feci : Mei causa fecisti. Et sanè potest: non enim sunt reciproca, sed personam tantum designant: sed passiuè semper accipiuntur. Tui amor, quia tu amaris: Amor Tuus, quia amas: ut apud Ciceronem: Quod desiderium tui ferre non posset. Et in proœmio sexti Quintilianus, sic,
Amore

Amore mei uicit etiam matrem suam. quod plus amatus fuisset à filio, quàm à matre. Et Vergilius in xij. Vicius amore tui— Quare ubi erit reciprocatio, nihil erit ambiguum: ut Narcissus Ouidianus, Vror amore mei— Est enim ibi *ἀντιφωνία*.

Atque hæc quidem natura horum Pronominum est, ut suum quodque obtineat locum: quod si eandem sine discrimine sedem ineant, id non ipsorum natura fit, sed uí partium aliarum, quibus oratio constituitur. Sunt enim quædam Nomina, ut Causa, Fama, Imago, quibus utrum addideris, idē sonat: Causa mea fecisti: &, Causa mei: propterea quod uox hæc Causa, uim habet tanquam passiuam, sic, Imago mea, & mei, quia Imago uno tantum accipitur modo, de eo, cuius est: & habet unam tantum rationem relationis: sic & Fama. At non sic Potestas, non Memoria, non alia eiusmodi: nam habet Potestas duplicem relationem: alteram ad me, qua possum: alteram ad alium, qua in me potest, sic & Memoria, & Usus, & Copia. Copia mea, quam posideo, qua sum diues: Copia mei, qua quis in me utitur. Sic Facultas, & Utilitas, & alia talia: ut, Accusatio mea, qua *διώκω*, ago enim reum: Accusatio mei, qua *φύγω*, agor enim reus. Sunt & alia Nomina, quorum natura nō repugnat, sed usus tantum non admittit: ut, Seruitus. Nam si Dauus est meus, eius seruitus mea est: ille autem sic loquetur, Mei seruitus: & tamen correlatiuum eius non respondet pari ratione: dico enim, Meus Dominatus: & Dauus ad me, Tuus, inquit, mei dominatus. Causa autem est, quia sunt relatiua inæqualitatis. Verum, ut dixi, uulgus non sic loquitur, ut Dominus dicat, Mea seruitus: sed seruus. At Philosophi orationi usum illi concedunt, sibi reseruant sapientiam. Quædam autem apertius etiam cum nominibus iuncta eandem naturam declarant, ut apud Sallustium, Metus Pompeij: non, quem metueret: sed, quo metueretur.

Quemadmodum igitur Nomina sunt, quibus sine discrimine assignentur: ita & Nomina, in quibus unum pro altero pos-

M netur

netur. At non è contrario, ut ubicunque erit Primogenium, esse possit etiam Deriuatum. Ea uero sunt, Pars, Totum, Dimidium, & eiusmodi. Hæc enim tam ad corpus meum, quam ad alia transferri queunt. Quoniam uero duplicem habent relationem, unam qua declaratur possessio: alteram, qua suis correlatiuis respondent: ideo duplici quoque Pronomine præscribi se se patiuntur. Essentia partis est ad Totum, & Totius ad partem. igitur per essentiale Pronomen statuatur: ut, Pars mei: ego enim sum totum per partes. Possessio autem partis accidentalis est: itaque mei pars potest esse non mea, puta unguium resegrina: aut, os è cicatrice, quod seruauit sibi Chirurgus, ut operam ostentaret. Quo in loco falsi sunt, qui hoc negabant: pars igitur bouis, qua uescor, mea est possidentis: non ut pars, sed ut res possessa. Sic Ouidij parte fruimur nos nunc, ipse non fruitor: id est Nomine: itaque sic scripsit,

Parte tamen meliore mei super alta perennis

Astra ferar. dum uiueret, poterat dicere, Parte mea, & Mei: nunc non potest dicere, Parte mea, quam nullam habet: sed mei, quæ pertinet ad totum hominem, cuius pars Fama est, quasi anima rerum gestarum.

Atque hoc quidem usitatum ac frequens est. Quod uero è Plauti afferunt Pseudulo, non probant: id est eiusmodi: Duorum hominum labori parissimè lubens, Mei te rogandi, & tui respondendi mihi: aiuntque dicendum fuisse, Meo, & Tuo. afferuntque à Cicerone pro Gabinio exemplum: Dico mea unius opera seruata Rempublic. & pro Murena: Ex tuo ipsius animo coniecturam ceperis. Ego uero puto Plautum non solum Latine, sed etiam pure locutum: neque defuisse illi, aut usum pro duce, aut rationem pro suatore. Principio Græci sic loquuntur, *μου* & *μου*. Deinde lepor nitidior est orationis: Tum priscos usos esse primitiuo prius, quam deriuatio, uerum est. Postremo Cicero quoque sic scripsit ad Curionem, Eam unius tui studio me assequi posse confido. neque enim est Librariorum mendum, ut aiunt: temere enim
nimis

nimis expungunt, si quid non arridet. Neque uerum est, quod profitentur, cum Nominibus numerum praescribentibus sic faciendum esse: sed quaecunque apponatur, ordinem esse autorem diuersitatis, seruitumque auribus ex ipsa concinnitate. Si praecedat Pronomen, consueuere admittere Deriuatiuum, sic, *Tuo ipsius studio*: si sequatur, ponere Primitiuum, *Vnius tui opera*. quoniam nomen *Vnius*, uagum est ad plures, circumscribitur essentiali pronomine subeunte: ut quaerenti quis sit ille *Vnus*: intelligo, *Te*. Cum autem praecedat Possessiuum, sic, *Tuo studio*: circumscribitur *Studium*, & exemptum est multis attribuitur uni. *Tuo studio unius*, exclusa opera aliorum. In tertia uero persona etiam si praecedat Pronomen, primitiuum sit: *Cicero aiebat sui unius opera seruata* *Rempub.*

Quoniam autem assueuerant, passiuum semper accipi cum casum sic terminatum, *Mei, Tui*: conati sunt alias terminationes reddere actiuis, *MIS, TIS*. Verum longe falsi sunt: sic enim dicerent Tertiam personam *SIS*, etiam actiuum intelligi: id quod nemo auderet: est enim, ut dicebamus, ἀντιστοιχῶν. citant porro uersum Ennianum:

Ingens cura mis est concordibus aequiperare.

Ut sit *μῆν*. Sed sic sanè esto: non continuo illa passiuum tantum addicent. Maiore quoque curiositate negarunt posse dici in plurali, *Milites nostrum*: sicuti, *Milites nostri*, à *Noster*: sed facile redarguuntur ratione. Adeo enim rectè dici putarunt, ut casum eundem Primitiui duabus efferrent terminationibus, *Nostrum*, & *Nostri*: quorum alterum esset à Greco, ἡμῶν, alterum idem esset cum deriuatiuo plurali. Quare etiam Sallustius in *Catilina*, *Maiores uestrum*: pro *Vestri*, posuit: sic enim legit Gellius. Et Plautus in *Mostellaria* ostendit *Vestrum*, esse concisum: ut ὑμῶν, cum dicit: *Vestrum* illuc esse maxima pars uestrorum intelligit. Sicut *Acolenses* dicunt, ὑμῶν: postea factum est ὑμῶν, & *uestrum*. Cæterum usus obtinuit, ut *Ego, Tu, Nos, Vos*, significarent quiddam totum, quod distribueretur: non autem pos-

sessionem : ut, Vnus uestrum, qui tamen non esset uester: Vnus uestrum ò Romani occupabit Rempub. Cæsar non erat illorum, ut res possessa : sed ut pars totius. In plurali quoque eandem inuenimus uariationem, apud Ciceronem in tertio de Oratore, Vestrum omnium uoluntati paruit: pro, uestræ. Sic enim loquitur idem ad Brutum scribens, Vestris paucorum respondeat laudibus.

- Sicut autem dicimus, Ego Cæsar uideo te Catonem : ita dicam, Ego Cæsar tui ego ò Cato. Sic etiam igitur, Tu Cato eges mei Cæsaris. nam quid hoc prohibet? aut quare negarunt id posse dici? Neque enim satis probant suam sententiam illo exemplo Vergiliano,

Siqua tui Corydonis habet te cura, uenito. est enim per Apostrophē à seipsa in aliam: qua figura frequēter utimur. exemplum ergo ponit hoc, illud non negat.

Non est autem uerum, quod aiunt, differre Deriuata à Primitiuis, propterea quod Deriuata uerbis iuncta imperfecta sint: Primitiua perfecta. Sed, quemadmodum dicebamus, Adiectiuum, & Substantiuum sunt differentiae non nominis solius, sed dictionis genericæ, communes Nominī ac Participiō: Nominī quidem simul utraque, Participiō autem altera tantum, Adiectiuum, Pronominī autem utraq: nam Primitiua substantialia sunt, Deriuata accidentalīa. De perfectione autem orationis amplius iudicandum est: possum enim sic dicere, Meus scribo: sanè oratio perfecta est, sicut, Fortis pugnat. Et Sotia Plautinus festiuissimè, Certè noster sum. Tertiā autem Primitiuorum adeo imperfecta est, ut nihil magis: neque enim poni potest sine adminiculo: Cæsar se macerat: si enim dicas, Se macerat: quid intelligas? Quare si ideo imperfecta sunt Deriuata, quia egeant adiuuenti: hac quoque ratione illud erit imperfectissimum.

CAP. CXXX.

Alia duo deriuata Nostras, Vstras.

Mira uerò deductio duorum aliorum: Nam ueteres Aruspices atque Augures cum terram diuiderent auspicio-
rum

rum causâ, sic instituere: Agrum omnem esse aut Romanum, aut Gabinum, aut Peregrinum, aut Hosticum, aut Incertum. Idcirco Amatam doctissimus omnium Virgilius fecit iudicare Turnum externum, qui Latini agri non esset: & Cæsar, qui id non ignoraret, Gallias diuisit in partes treis: exempta ex ea partitione Prouincia, propterea quod continebatur agro peregrino tunc: Gallia autem tres, Hostico. Ne ea causâ fecit, quia eadem essent auspicia in Peregrino, & Gabino, quæ etiam in Romano. Ergo iidem Augures agrum, qui nondum esset dispectus, quibus auspicijs designaretur, Incertum uocarunt: ubi liqueret Romanum esse, non satis habuere sic dicere, Noster est: nam multi agri pacati peregrini ita ab ipsis poterant appellari, cum eorum esset populus positus. Itaque excogitarunt uocem à uoce, qua coarctarent significationem ad Regiones: quæ fuit causâ, ut esset analogia terminationis communis cum nominibus regionum: Sarisnatis à Sarfino: sic Nostratis, à Noster: & per exemptionem duorum elementorum, Nostras. Neque sine ratione à plurâli duxere: quoniam de Ciuibus dicitur, & ad ciues refertur. Ita habes causam & uocis, & terminationis, & numeri. Vñ autem obtinuit postea, ut etiam ad familias transferretur: etiam ad sectas Philosophorum, quæ sanè familiæ quoque dictæ sunt. itaq; Nostrates Peripateticos poterimus appellare. Cicero etiam uerba uulgaria, Nostratia dixit: non quasi Romana, omnia enim Romana erant: sed quasi ex sua supellectili.

Quæremus autem nos more nostro, quam ob causam à Tertiâ persona nullum deriuarunt: quis enim neget rectè à nobis sic excogitatum, Romani suates captiuos Annibali dedendos censuere. Imò uerò & concinna oratio est, & necessaria. Verum duo in causâ fuisse, quominus id factum sit: Incuria gentis illius, quæ manu promptior per initia, dicenda facere, quàm dicere maluere: Et uasta, atque inexplebilis animi libido ad Imperium: inuitus enim Romanus hoc pronomen suum, agnoscebat: omnia per Meum, aut Nostrum, metiri

cupiebant. His autem duobus deriuatis etiam Græcorum copiam superarunt.

CAP. CXXXI.

Articulus.

His declaratis, satis constat, Græcorum articulos non neglectos à nobis, sed eorum usum superfluum. Nam ubi aliis quid præscribendū est, quod Græci per articulum efficiunt, *ἐλεγε ὁ δὲ λαός* : expletur à Latinis per Is, aut Ille : Is, aut ille seruus dixit : de quo seruo antea facta mentio sit, aut qui alio quo pacto notus sit : additur enim articulus ad rei memoriā renouandam, cuius antea non nescij sumus, qui ipsum ponimus : aut ad præscribendam intellectionem, quæ latius patere queat, ueluti cūm dicimus, C. Cæsar, is qui postea dictator fuit. Nam alij suere Caij Cæsares. sic Græce, *Καῖσαρ ὁ αὐτοκράτωρ*.

CAP. CXXXII.

Numerus.

Fuit autem numerus necessarius, uti suprā dicebamus, propterea quod rem referrent pro eo nomine, quo illa res significatur. à numero autem uno, numeri duo deduciti sunt, propter relationem. Nam Vos, pluralis est : deducitur autem ab eo singularis, Vester : quia significat rem singularem ad multos relatam, ut dicebamus.

CAP. CXXXIII.

Personæ.

Personæ quemadmodum distinguerentur, iam dictum est. Et differt modus personarum in Pronominibus, à modo in Nominibus. Nam in Nomine omnes personæ quinque casibus continentur : in uocatiuo autem una. At in Pronomine una tantum persona in prima, & una in secunda. Itaque in Nominibus uariantur propter casus : in Pronomine non uariantur. Tu, enim omnibus in casibus secundæ personæ est : & Ego,

Ego, primæ. caret enim uocatiuo. Sc, solam habet tertiam:
Deriuata, omnes.

CAP. CXXXIIII.

Casus.

CVm hoc ita sit: igitur Quintum quoq; casum non solum habebunt ipsorum aliqua, uerum etiam quædam constituant: ut, Tu, Vos, Vester. In Possessiuis autem non immerito dubitatur. Nam sicuti Ego, caret Quinto casu singulari, quia nemo seipsum uocet: ita Meus, quod ab eo ducitur, carente quoque debuit. è contrario Tuus, casum illum habebit, quia Tu, ipsum habet: & s v i, quia caret, Suus, quoque defici debuerat. At enim uero quemadmodum aliter contingat, uidendum est. Omnis Vocatiuus casus duas personas designat necessarîo: significat enim Rem in secunda persona, & consignificat primam loquentem: atque tanta facultate est, ut uideatur solus constituere orationem. Si enim uoces, Dauue: Dauus respondeat: igitur res uocata nisi distinguatur ab re uocante, eius casus nulli usui erit. Meum seruum igitur cum appello, cum alloquor, qui alius est à me substantia: accidente autem refertur ad me, iccirco potest à me uocari, quia est alius. & uocatur per pronomen deductum à me, quia est quodam certoq; modo quasi unum mecum. Est enim unum, relatione: ideo relatiua alterum sine altero nullum esse quit. At in, Tuus, non idem esse potest. Nam etsi est diuersa persona uocata à uocante: tamen significatam rem appello, & terminum relationis ad alteram personam dirigo. ita distractus sermo, ad seruum tuum uocatum, & ad Te, ad quem refertur ille, non potest coherere. Videamus uerò subtilius, an huic quoq; casus ille attribui possit, ac sic dicamus: Possessio excludit aliam possessionē, iure enim meo ius alienum tollitur. Meus enim ego sum, non alterius: quare Ancillam manumissam sic uocabo, ò Tua, quia etiam sic possim, cum eam libero: Abi, iam tua es. Vfus tamen infrequens non posuit legem hanc loquendi sic. De Suus, autem sic statuas.

mus: Contradicere sibi ipsis, qui hæc duo dicant, Suus, semper reciprocum esse debet: Suus, habet uocatiuū. quæ enim reciprocatio possit interuenire inter uocantem, & uocatum relatum ad aliam personam ab utroque? Itaque nos & affirmamus, habere uocatiuum: & negamus, semper esse reciprocum: sed recte dici, Sui serui eum sustulere: &, Sui serui cum sustollite.

CAP. CXXXV.

Figura.

Simplicia, Hic, Is, Ego, Tu, Sui. Componuntur autem partim secum, scilicet geminatione pura: partim aliquo interposito ut, Identidem: quod etiam mutauit naturam. Item cum diuersis: ut, Isthic. Etiam cum alijs extra genus suum: ut, Tute, Egomet, Idem, Suapte, Hocce. Sic cum Præpositionibus, Nobiscum, Mecum. Cum nominibus, Reapse, quod aiunt pro, Re ipsa, positum ab antiquis. Ipse, quoque compositum esse diximus, & Iste, & Ille, ab Is, Dore imitati, qui *tv* addebant, & Iones *κτ*. Aeoles etiam dicebant *ψι*, pro *σφι*, & eorum pars, Dore. Sic Theocritus in quarto Idyllio: *ἰπὲρ ψι κρύβεται*. At enim uero cum inflectantur Illius, Istius, Ipsius, non uidebantur composita. Sicut Tute non flectitur, neque Hocce, nisi interius, Huiusce. Composita sunt tamen, quæ usus suo arbitratu deflexit. Cum his autem alia quoque inuenias: Egoipse: & numerosius, Egometipse.

CAP. CXXXVI.

Excludit à præsentī opera, consilia antiquorum.

Multa alia de Pronomine ab antiquis dicta sunt, quæ altius operæ indigent. partim enim pertinent ad eam contemplationem, quæ docet inflexiones: partim ad constructionis leges: quæ omnia simul coaceruata minus recte ueteres confundere.

CAP. CXXXVII.

Materialis causa Pronominum,

Quor

Quorundam materia patet, aliorum non item. Nam obli-
qui quorundam secuti sunt nominum tertiae declinationis
terminationem, MIS, TIS, SIS. Quaedam pronominum,
Huius, Eius, Illius. Obliquus autem Tui, Atticos secutus
est, *τῷ*: additum *ἰωτα*, ut *τῷ τῷ*. Tibi, interposuit conso-
nantem, non aspirationem, ut Mihi, Toi, Moi. Nos, & Vos,
non habent elementa, quae sequantur Graecam originem: sed
Nigidius conatus est deducere materiam à causa, non peni-
tus inepte. eam, qui uolet, è Gellio petet. Inter Primitiua
est Is, & Hic: alterum sine aspiratione, alterum sine sibilo, ab
eo quod Graece erat. *ἰς*, addito *κ*, & adempta uocali prio-
ris obliqui aliam sibi uocalem asciuerit. Is, Eius, Ei. In quibus-
damm communem habuit. In plurali, Ii. In causa est sonus
affinis uocalium, quem sonum soli Belgae hodie incolumem,
ut plerique alii, seruant.

CAP. CXXXVIII.

Contrà, quàm fecerunt Prisci, quae de causa prius de
Pronomine, quàm de Participio egerit.

ET si huius libri initio factum est, ut declararemus ordinem,
quo esset Pronomen statuendum: tamen hic quoque nonni-
hil consilij capiamus. Pronominis intellectionem esse priorem
Participio, sic satis constat: Si nomen anteit alias species, etiam
Pronomen praeponebatur. Nam si partes anteponuntur toti,
ea quoque quae partium uices gerunt praebunt id, quod totum
sit: ueluti carni, ossi, summi substantia primo loco nota
sunt: item Pedis, Cruris, Oris ratio notior quàm totum ani-
mal: puta Homo, Leo, Canis: ita etiam harum partium uicari-
ae partes, quae *ἀνάλωμα*, uocant Graeci, antegredientur intel-
lectionem animalis ex ipsis constituti: ut, quae loco sanguinis
sunt in Insectorum genere, & à Graecis dicuntur, *ἡδεις*: quae
pro osse sunt in Piscibus, & uocantur, Spinæ: quae pro ore
sunt in Plantis, & nominantur Radices: haec omnia ante erunt
cognoscenda, quàm aut Insecta, aut Pisces, aut Plantae. Quam-
obrem cum Participium quiddam sit è Nomine, Verboque
N conflu

conflatum : non tantum post Nomen, Verbumq; , sed etiam post Pronomen exhibet sese nobis intelligendum. Præterea (utar enim quibusdam falsis, sed quæ illi ipsi pro ueris habuere) oratio perfecta esse sine Pronomine nulla potest: consti-
tui enim personas à solo Pronomine arbitrati sunt, saltem pri-
mam, & secundam: at sine participio potest: ut etiam Prono-
mina sint ad orationem, quàm Nomina magis necessaria.

CAP. CXXXIX.

Affectiones quædam.

Proprium Primitiuorum uagari, ac distribui in multa, pu-
tauerunt. eo exemplo:

Nē ue tibi ad solem uergant uineta cadentem,
aiunt enim omnibus dictum eo Pronomine Tibi: uerum res
sese aliter habet: Alloquitur enim Meccenatem: libri enim
didascalici maxima ex parte certis nominibus discipulorum
nuncupantur. Ita etiam aiunt ad ornatum orationis poni apud
Ciceronem ad Brutum, Ecce tibi Pomponius noster: nam
tum aberat Brutus. Ego uerò aliter censeo: Aduerbiū po-
tius Ecce, positum ad ornatum, sicut & apud Iureconsultos:
at pronomen Tibi, seruire legenti epistolam Bruto.

Proprium autem Pronominum etiam alia ex sese parere Pro-
nomina, ut Is, Ille. Et Aduerbia, Illò. Quod uerò scripsere,
oriri ab ipsis etiam Nomina, falsum est: neq; enim Nostras,
nomen est: sed ut Noster ad possessionem communem, ita
Nostras, ad communionem possessionis. Nonne dicis, Meus
ciuis, & Meus popularis? Sic dicet Sofia, Nostratem Getam,
apud Terentium. Itaque ij, qui nomen putauere, etiam inter
Pronomina recēsuere: sed alio exemplo utendum fuit. Nam
à Quisquis, Quisquiliæ dictæ sunt. fuit enim quicquid, τὸ
τιχέον. uile, & obuium forte, non consilio.

Proprium etiam, ut diximus, & inter se & cum alijs iungi, &
geminari, & inter se construi ad orationem: Mea tu. Etiam
inter se referri: Is, qui uenit. Item amittere significatum pro-
casus ratione, more Aeolico: τῷ. interdum enim nihil signi-
ficat

ficat apud Theocritum. Sic nos, Tute solus loqueris. Plautus in Milite etiam amplius, Tute scis, soli te tibi. ut possis arbitrari esse potius additamentum, ut in alio pronomine, Iste.

Proprium quoque, poni pro nominis significato : s v v s, pro proprio, & agnato. apud Iureconsultos, at exemplum quod adducunt, non seruit, -Sunt etiam sua præmia laudis, hinc enim est possessivum. Sic falluntur altero exemplo: Is, pro Talis: Non ea vis animo- & apud Ciceronem, Pro eo quanti te feci: imò pronomen est relatiuum. Pro Aducratio etiam ponitur: Quid maiora sequar. est etiam ad

uerbum interrogandi: non, ut putarunt, Coniunctio. Coniunctio potius illa sit, Quod scribis

te uenturum, ut uoluere: mihi uerò acutius uidetur esse relatiuum, Hoc,

quod scribis, te uenturum.

scripsisti enim hoc,

Veniam.

I V L I I C A E S A R I S

S C A L I G E R I



DE CAUSIS LINGVAE LATINAE, LIBER SEPTIMVS.

C A P. CXL.

Non rectè seruatum à ueteribus ordinem in dispu-
tando de Participio.



Q U E M A D M O D U M perturbarunt ordinem
partium, ita quaestiones non suo quaque loco
tractauere. Duo enim soliti sumus quaerere.
prior quaestio est: utrum sit, nec ne? Altera hanc
sequitur, Quanam sede id de quo quaesitum est,
sit collocandum. hæc illi cohæret, tanquam effectus causæ:
ex ipsa enim substantiæ notione eliciuntur rerum præroga-
tiuæ. Quare peruersè tractauerunt prius sedem Participij:
posterius autem, an Participium esset pars, & species dictio-
nis. At enim uero si Participium res nota est, quorsum tantæ
congeries argumentorum: si non est nota, imò uero si non
nullis ne pars quidem orationis ulla ab alijs separata iudica-
ta est, quo cōsilio ei rei, quæ nusquam extat, sedem statuunt?
Quoniam uerò nullus artifex probat suum subiectum esse:
sed superiore scientia prolatum, pro certo statuit: iccirco ui-
deamus, qua ratione participium, quod subiectum est libri
huius, esse probetur. Triplex modus est probandi, per caus-
sam, per effectum, per redargutionem. Primus modus est per
demonstrationem, sic: Dictiones quædam sunt declinabiles,
quia omnis sermo eget aliqua uariatione. Alter modus est,
per conuersionem demonstrationis, sic: Variatur sermo, quia
dictio

diſtiones ſunt declinabiles : cauſſa enim hîc probatur per effectum. Tertius modus eſt, cùm à pertinacibus negatur ſubiectum ipſum eſſe : ueluti cùm dicimus, Ideas eſſe nullas. Aut ſubiecti ratio formalis : ueluti cùm dicimus, Metallata quidem eſſe, ſed tranſmutationem non inueniri arte humana, quare Alcumia nulla erit. Aut cùm agnoſcimus quidam & ſubiectum, & rationem formalem, ſed negamus pertinere ad eam ſcientiam, cui attribuitur : ueluti cùm Grammaticus de uoce uult diſputare. Horum modorum duo priores non admittuntur ad probandum ſubiectum eſſe, ſed ſolus Tertius. Ratio autem huius legis eſt alijs libris à nobis explicata. Nunc autem aduerſariorum rationes perpenſas diruamus.

CAP. CXLI.

An Participium ſit Diſtinctionis pars ab alijs ſeparata.

QUÎ Participio partium numerum non augent, appellant ipſum ἀντανόησον προσηγορίαν, ſiue ἀντιστρέφειν. id autem ſonat, reciprocā, itidemq; altera ex parte reſpondentem appellationem : quoniam ſic dicatur, Currēns eſt cursor : & cursor eſt currēns. Præterea nullum deriuatum aliam à primogenio naturam fortiri : nam ſi Pater Nomen, etiam Patrius nomen : Ferueo Verbum, etiam Ferueſco. Quare cùm Participium à Verbo fiat, ſub Verbi ueniet rationem, Vt horum argumentorum uideamus uim, quid Reciprocum ſit, & quemadmodum fiat, & quomodo deriuetur aliſ quid à primitiuo, intelligendum eſt. Ac quanquam ſuperiore libro de Reciproco diximus, id tamen eò ſpectabat, ut Nomen acciperemus : meliusq; à nobis, quàm à Græcis expreſſum eſſe. Nunc autem paulò accuratius contempler mur. Reciprocatio, eſt par priori ex eiſdem, aut ex contrarijs tranſpoſitio. ex Eiſdem : ut, Conſul eſt, qui conſulit ſenatum : &, Qui conſul eſt, conſulit ſenatum. Ex contrarijs : ut, Philoſophia eſt, eloquentia diſputatoria : eloquentia eſt philoſophia elocutoria. Oratoria eſt, dialeſtica diſcuſſa : dia-

lectica est, oratio pressa. Palma est pugnus apertus: pugnus est palma clausa. Hinc dicta reciproca, quoniam procentur retrorsum: id est repetant. Sic respondere opinioni, atque expectationi: cum par est opera indoli. His constat, non recte dictum reciprocam appellationem. Neque enim pares habent orationes. Cursor est currens: & currens est cursor: nam Cursor designat nobis naturam, ingeniumque ad currendum: Currens autem dicit actum currendi nunc. At non omne currens est habile ad currendum: habilem autem dico ad celeritatem, non ad conatum, *τοῦ προπορεύεσθαι*. Currit suo modo testudo, non Cursoris. Id autem manifestius alijs nominibus apparet: Non enim omnis Pugnans, Pugil est. Et cum Orare, sit ore pronuntiare: ueteres uerbum illud omnibus concessere: oratoris autem nomen sui unius in L. Crassi persona agnouit Cicero. Neque carent ratione hec: uis enim horum nominum inde manauit, quod ex frequentibus actibus habitus sit, qui igitur uicit ursum semel, fortasse casu factum est, ut debellaret: at Carpophorus Domitiani, & Vergilianus Picus debellatores appellabuntur. Si igitur essent eiusmodi appellationes eiusdem substantiae, uniuersali enumeratione ultro citroque efferrentur, atque referrentur. Deriuatum autem uel sequitur Primogenium, uel excedit, excediturue. Si sequitur, eiusdem speciei est (intelligo nunc speciem contentam sub dictione, tanquam sub genere) ut, quia Rex Nomen, etiam Regius: non excedit enim, neque exceditur. At à Bono, Bene cum deriuetur, exceditur numero, & alijs. Quare Participium cum excedat casu, & genere Verba, nullo modo esse Verbum poterit. Falso igitur negabant, desciscere Deriuatum à Primogenij ratione: quin etiam Deriuata quaedam uel manciora sunt, uel ampliora, ut ipsorum met utar placitis. Aiunt enim T V V S carere casu Quinto, quem tamen casum T V, constituit. contra S V V S, & M E V S, Primitiua excedunt sua: hoc Quinto casu, quo caret E G O: illud & casuum, & numerorum uariatione, qua caret S E. Ad haec si à cantando, erit cantor, Verbum

crit

erit, non Nomen. Quòd autem Participium, Nomen nō sit, inde colligimus: habet enim Verbi constructionem: *Legens librum*. At Nomen nullum his legibus frui potest: sed siquem casum nanciscuntur, id euenit aut uī orationis, aut uerbi cuiuspiam merito: ut, *Potens Lyra*, possessionem quandam significat, sicut, *Dominus Lyra*. Quòd si quis dicat, *Appetens gloria*, non significare possessionem (quod enim appetit, non possidet) is intelliget eo modo dici, quo *Auidus gloria*: est enim *Aduersus* ad possessionem. Alij autem casus attribuuntur Nominibus per defectum supplementi: ut, *Amicus illi*: id sic est, quoniam sit amicus, adsit illi, ac faueat: *Superbus pecunia*, factus à pecunia. Debi-
le autem eorum est argumentum, quo excludunt à Nominis ratione, cum dicunt, *Quia* non significant actionem. Male enim elocuti sunt, quod rectè sentiebant: nam etiam *Nomen* hoc *Actio*, actionem significat. Ergo Participium ab alijs secreta erit orationis pars. Neq; impedimento sit, quòd nomen suum acceperit à portione Verbi ac Nominis: Tertium enim quiddam factum est. Neque enim ex uerbi nominisq; coitione facta est Tertia substantia: sed ortum à Verbo traxit secum tempora & significationem, adiunxitq; generi & casibus: plus enim Verbi quàm Nominis obtinet: id quod sanè non potuit exprimi ipso nomine, quod nomen actiue intelligi uoluere, quia caperet. At Mancipium, aliam sequutum est analogiam, ut significaret, quod manu caperetur. Sed Participium cum Municipio conuenit. Minus uero bona oratione usi sunt, qui sic dicerent, *Partem capit à Nomi-
ne*, partem à Verbo, partem ab utroque. Quis enim sic, *Partem à Cæsare*, partem à Lælio, partem ab utroq; non ne iam ab utroq; accepit? Sed ita intelligendum est, *Accidentium* quæ sunt Participij, partim esse à Nomine solo, partim à solo Verbo, partim utrique communia: dummodo illud quoque meminerimus, ipsum habere: cum Nomine communem differentiam Adiectiuorum, Substantiuorum autem nullam.

AT uerò ne ad orationis quidam uoluptatem solam inueniatur ea species est, quemadmodum partes quædam coniunctiue : sed necessitate quadam, ac ui naturæ. Cum enim declaratum iam sit, Verbum significare aliquid, quod significato Nominis adijciatur, sic, Cæsar pugnat : coacti sunt sapientes aliquid excogitare, quod non solum recto casui adnecteret, ut hoc exemplo : sed etiam Obliquo. Neque enim si dicas, Video Cæsarem : addas eiusmodi Verbum nisi ad dito relatiuo, sic, Qui pugnat. Quare Participium commensati sunt, quod & significationem obtineret, & adderet modum adiectionis : quasi cum dicas, Cæsarem pugnantem : eadem sit ratio, ac si sic, Cæsarem pugnacem. Quod si quis obijciat ita dici posse etiam per Verbum, Video Cæsarem pugnare : sanè intelligat Verbi illius ui factum esse, non infinitiui : si eius loco substituatur aliud, sic, Verbero Cæsarem : neque enim similiter apponere queas infinitiuum. Est præterea causa alia non ignobilis. Quo modo res una diceretur, suprâ docuimus te : nunc qua ratione una sit oratio, uideamus : Quædam enim est una, Natura : ut, Cæsar amat Lucinam : quædam Coniunctione : ut, Cæsar amat Lucinam, & pugnat. atque huius quidem modi species libro Vndecimo declaratae sunt. Quæ uerò Natura una est, unum de uno dicitur : quæ Coniunctione una, secatur in plures. Nam & Amor, & Pugna in Cæsare, & de Cæsare dicitur, nihilo secius, quàm si dicas, Cæsar amat, Cæsar pugnat. hîc sunt seiunctæ orationes duæ, carent enim tam Artis, quàm Naturæ coniunctione. Quare manifestum est, Artem coniungere in oratione, quæ Natura coniunxit in corpore subiecto. Hæc autem aut seriatim sese consequuntur, aut disiuncta sunt. Si sunt disita natura, ut Candor, & Dulcedo in Lacte, per ipsum corpus, quo deferuntur, coniunguntur quoque. Ita in oratione per copulam coaguntur, sicut per corpus

pus in re. Si sese consequuntur, ea sunt, aut Substantia, aut Accidens. Neutrum uerò eget artificiosa coniunctione: sed quemadmodum natura unum sunt sibiipsis subeuntia, continentiaque alia aliud, tanquam cum est Triangulum in Quadrangulo: ita etiam earum rerum notæ unum sunt, hoc modo: Corpus Animatum, Sentiens, Rationis capax, una res est: ita una oratio hæc, Homo est corpus animatum, sentiens, rationis capax. Nihilò secius in accidente, sic, Aptum natum admirari, discere, scire: neque enim scimus, nisi discamus: neque discimus, nisi admiremur: quæ hæc ad hunc modum unum sunt: neque ullius artis egent ad coniungendum. Quæ uerò disiuncta sunt, ea per copulam coniunguntur: ut, Lego, & Scribo. quamobrem sicuti per subiectum à natura coniunguntur: ita factum est, ut per Participium similem nanciscerentur coniunctionem: ut, Legens Scribo. Tertiâ uero Necessitatis causam ut intelligamus, hæc prius sunt perpendenda: Causarum quædam extra rem sunt, quas Galenus uocat *προκαταρκτικές*, recēiores Primitiuas. Quædam interiores, atque hæc duplices: aut enim sunt, aut non sunt coniunctæ. Ea uerò diuisio secundum Accidens, non secundum Substantiam fit: diuersæ enim sunt aliquando à seipsis secundum Situm, uel secundum Tempus: neque unam tantum speciem causarum sequuntur: sed tum in efficiente, tum in materiali inueniuntur. Ac illa quidem quæ extra rem à nobis agnoscebatur, est: ueluti, Ferrū, siue ferrī illa actio: è percussione enim fit uel tumor, uel sanies, uel eiusmodi. Quæ autem interior est, nondum coniuncta, *προστέμνον* à Galeno, à nostris Antecedens dicta est, tam aptè, quàm à Cicerone cum dicitur in Officijs, Antegressam esse honestatem: ut, succus hesternus, qui postea putruit, causa febris factus est: causa coniuncta est is, qui nunc putridus est: atque hic quidem non solum tempore, aut situ tantum differt à seipso, sed etiam substantia. Aliquando autem, uti dicebamus, non Substantia, sed Loco: interdum enim fluit sanguis probus, atque incorruptus, qui tumorem efficiat, cuius

ipse causa sit materialis. Ad has igitur causas significandas cum sit Participium fabricatum, maximum sui usum uideatur praebuisse. Quippe si dicam, Percussi, & uulneraui: non necessario adducor, ut credam, uulneris causam esse percussionem, quam intelligo ex uerbo, Percutio. Quod si dicam, Percutiens uulneraui: iam plane constat. Si dico, Sanguis putruit, & febrem fecit: Putret, & Facit, non tam clare explicat, atque sic, Putrescens facit. Praeter hanc necessitatem, etiam mirum afferunt orationi decorum: cuiusmodi in futuro passiuo utitur Liuius in **XXIIII**. Et sibi pedites comparandos esse: id est, qui possint cum ceteris committi, neque cedant.

CAP. CXLIH.

Gerundij Causae.

Cum igitur efficiens, & materia per Participium absolueretur, maiorum nostrorum prudentia factum est, ut haberemus, quo modo formae, finisque eadem orationis commoditate explicarentur. Quare ex his Participiis tempora quaedam elegere, quae imitarentur quidem Graeca illa *λεπτός*, *μακρότερος*: ampliori tamen, uberiorique usu circumferrentur. Haec Gerundia appellauere, tribus praescripta casibus, Pugnandi, Pugnando, Pugnandum: quorum medium seruauit uires Participij: sed tanto aptiore modo, quanto superabantur à Participijs Verba. Sicut enim apertius editur causa, cum dicas, Cædens uulneraui: quam cecidi: sic excellentius cum dicam, Quia cæderem uulneraui. hoc autem Gerundio concipitur totum, Cædendo uulneraui. Est autem multis in rebus forma, & finis idem. Finis autem partim extraneus est, ut Nauis extra fabrum: partim intus in animo, ut ea quam *ἐπὶ* uocant, qua mouemur ad eam quae extra nos futura est. Vtrunque sapientissimè explicarunt. Nam & Pugnandi, & Pugnandum, finem significant, sic, Pugnandi causa equum ascendi: & Pugnandum est ex equo: sed illud est medium finis, hic autem illum consequitur. Ex his autem

autem patet esse Participia; tum natura, tum usu non abfimi, atque etiam forma. Habent enim Casum, ut Ad uescendum, apud M. Tullium: & Ob tacendum, apud Gracchum. Neque Tempus, ut aiunt, amittere: nam tametsi cum præteritis ponuntur, sic, Iui ad pugnandum: tamen pugna futura fuit, quæ nondum esset: alioqui nequeas dicere, Marius deduxerat legiones, facturæ hostibus pugnandi copiam. Pugnando autem paulò liberius, elapsum est: Pugnando uinco: id est, dum pugno: ac potius causam præcedit, quàm constituat: uincendi enim causa pugnamus. Significationes quoque ita tenuere, ut casus suos expetant: Studio uisendi urbem. Sed ita sanè factum est, ut cum forma sit passiuæ, infrequentius passiuè accipiantur: adeo ut quidam an rectè ponerentur, dubitarint. At enim uero eorum usum primum formæ ipsius rationem sequutum esse, par est. Iustinus tam in procemio, quàm in x v i i. ex ipso Trogo etiam primum casum passiuè posuit: Athenas erudiendi causa missus. Hac quoque parte Græci sunt à Nobis superati, quibus Infinitiuus cum articulo mendicandus fuit. Veteres autem breuitatis studiosi frequentius usi sunt, etiam in ipsis Titulis, de edendo, atque eiusmodi. M. Tullius in tertio Officiorum festiuè, Si discendi labor potius est, quàm uoluptas. non enim posuit pro Infinitiuo, ut dixeret: sed abstulit ab repetenda uoce illa Labor, sic: Si discendi labor, potius labor est, quàm uoluptas. Hinc doctissimi uiri collegere, ne nos quidem passiuè Participij præsentis defici tempore: Verberando sum defessus, Pugnando uici, Legendo liberos: idem est, Verberans, Pugnans, Legens. Etiam illud Vergilianum, Voluenda Dies, præsentis temporis inuenere: sicut & Iusiurandum. Sed sanè Iusiurandum, futuri fuit temporis, antequàm daretur, sic dicebant, Iurandum tibi est: sic, Voluenda dies, quæ attulit, quod nondum fuerat. Postea usu deflexa sunt in præsens tempus, atque etiam in præterito, ut dicebamus, Cæsar ignoscendo auxit hostium numerum, quia ignouit, causa autem est, qualis cum dicis,

Pugnaturus sum, & fui. Quoniam uerò transit in uariationem sicut, *μαχητόν*, & *μαχητία*, iccirco aliam partem à Participio nonnulli penitus negarunt : quia idem sit, Legendis libris, & Legendi libros. Alij uerò hoc ipso affirmarunt esse aliam, propterea quòd constructio esset diuersa. Sed nos eandem cum Participio diximus, usum autem non semper eundem : Accidenti autem non mutatur species. Proprium autem est recipere Præpositiones, Ad agendum. Vergilius etiam aliam apposuit, Ante domandum : & Inter agendum : quod Græci *μεταξὺ αἰών*. &, Ob tacendum : & apud M. Tullium : utrunque dictum est ab amando, *παρὰ τὸ φιλεῖν*, ἀπὸ τῶ φιλεῖν. Et Quintilianum, ratio scribendi iuncta cum loquendo est. Audi sunt quidam dicere, In capiendum hostem uado : sed hoc non memini. Proprium item carere uariatione Personarum, Generum, atque etiam Numerorum, id quod traxere ab Infinitiuorum natura. Cæsar it ad oppugnandum Mafsiliam : Camilla pergit ad fugandum Aruntem. ut commune sit ad utrunque, Oppugnandam Mafsiliam, & Fugatura Aruntem. Sic Numerum communem apud M. Tullium : Stoicos Epicureis irridendi sui facultatem dedisse. & Liuius in primo : Vestri adhortandi causa. Falluntur autem qui per Debet, aut Oportet, putant interpretari Gerundium, ut in illo, Pacem Troiano ab Rege petendum. Omne nanque futurum, aut hanc, aut eiusmodi recipit interpretationem : ducimur enim, aut utili, aut necessario. Quoniam uerò causam statuunt, iccirco plus indicant, quàm Verba, atque etiam Participia, sic, Video futurum ut urbs expugnetur, Video urbem expugnandam : euentum solùm narras. at sic, Dico expugnandum urbem : proponitur non solùm finis, sed etiā deliberatio. quare Græci dixere Aduerbia *θεσπας*, *πλόνειον*, *τυραννοκτονητόν*. Latini autem etiam motum illum animi, qui in finem ducetur, commodius declararunt, cùm Gerundia appellarent. Sed quo uocis flexu? eodem sanè qui eorum naturæ fons fuit, ut quia gerendæ res essent, quæ uoces hoc indicarent

Gerundia

Gerundia dicerentur. Alij ab eorum usu, Nomina participialia : neque enim esse pura Nomina, quæ regerent casum : neq; pura Participia, quæ passiva uoce gererent actiuam significationem. Causa autem qua ducti sunt, ut defraudarent significationem, atque in actiuam demitterentur, hæc fuit : quod passiuè intelligebant ex parte apppositi, non suppositi, sic, Eo ad oppugnandum urbem : quoniam prius fuerat, Ad oppugnandam : & eodem modo dictum fuit, sicuti notauit Gellius, & nos diximus in capite de Infinitiuo, Hanc rem præsidio futurum. Alij etiam Gerundia uoluere, quæ ab illis petes.

CAP. CXLIIII.

Supinorum Ratio.

PAR propemodum ratio Supinorum : sed longe maiore affectu notant : nam Eo ad pugnandum, futurum significauit : Eo pugnatum, ita posuit futurum, ut iam absolutum sit. Ita est, quomodo apud Homerum, τὸ δὲ περὶ ἐλισμῶν ἐστὶ. Significat igitur actionem cum Actiuis, passionem cum Passiuis. Eo factum iniuriam : Iniuria mihi factum itur. Sed sanè semper per passionem quandam sapit : neq; enim est, Eo ut faciam : sed, Eo ut hoc fiat. quasi, Eo ad rem faciendam quidem, sed ita, ut factum iam sperem. Sic Sosia : Dictum puta. Cùm igitur hîc finis significaretur, non immeritò altera uoce alterum extremorum signatum est. In motu enim est, & unde fit, & quo fit. Itaque rectissimè dicitur, Venatu uenio : sicut, Venatum uado. Sextum enim casum huic usui esse comparatum diximus. A me itur : sic, Venatu itur : contra quàm putarunt. Plauti enim est in Menæchmis, Obsonatu redeo. & Catonis in libro de re Rustica, Primus cubitu resurgat. ut hæc sit uera constructio huius Supini. Nam ea quam ipsius putant, Expugnatu difficile, Mirabile dictu : fortasse non sit, sed Notis. Vocatu Drusi, id est, uocatione. sic Iussu, & Permissu : dicimus enim, Facile expugnatu : id est, expugnatione.

Quare autem supinum dictum sit, haud sanè cõstat. Nam quod

aiunt ueteres, id ea causa factum, quia à præteritis passiuus ducta essent, quæ præterita ueteres Supina appellarint: non solum non soluit questionem, sed etiam auget. Nam quam obrem Præterita, eaq; passiuia tantum hoc nomine dixerint illi? Nos in libris historiarum Aristotelis ostendimus quid Pronum, quid Supinum sit. Neq; rectè à Theodoro *το ὑπὸ* esse acceptum, ut Latinis auribus satisfaciat. hic uerò ita placet fatagere: Gerundium à supino ita differre, sicut Futurum à Præterito: ut aliud sit, Faciendum: aliud, Factum. Itaq; quod gerendum esset, strennui uiri, ac fortis iudicarent: contra, quod iam esset gestum, minus excitare nos ad agendum. Itaq; Tityrum supinum facit poeta sub arbore, lentum scilicet, ac recubantem: Melibœum certantem cum fortuna, ac res suas magis strennue, quam feliciter gerentem. Igitur, Eo ad pugnandum: gerendam rem significat in uiro diligenti: Venio pugnato: rem gestam in homine, qui possit otio parto frui. Hæc esto causa, quæ persuaserit antiquis ut Præterita passiuia, Supina dicerentur, ut posset in utranq; aurem, atq; etiam supinus cubare.

CAP. CXLV.

Non excludi Modum à Participijs, sed Modi uariationem.

Quemadmodum Gerundium idem diuersis Temporibus accommodatur: Pugnando uinco, uici, uincam: sic etiam idem Participium diuersis Modis: adeo, ut in passiuis etiam Modos ipsos constituerit: Doctus essem, fuisset, fuerim, fuero. Vtinam pugnans uincerem, alio modo dicitur, quam sic; Pugnans uinco. hic enim est & Pugno, & Vinco: ibi autem, Vtinam pugnarem, Vtinam uincerem. hoc quoq; à ueteribus omissum est.

CAP. CXLVI.

Non rectè Generum causam à ueteribus assignatam.

Genera tria eadem uox complectitur, Hic, hæc, hoc pugnās. Neque id natura potius quapiam, quam forte: nihilo sane consult

consultius, quàm in nomine Felix. Falsam namq; adducunt causam: Cùm enim Verba, inquiunt, omnibus sine ullo discrimine iungantur generibus sub eadem uoce: Vir, Mulier, Mancipium sedet: eiusdem nimirum esse debuit naturæ Participium, cuius fuit Verbum, à quo fluxerat. At enim uero falluntur: Quippe uerbalia quoq; nomina, quæ à uerbis manant, nihilominus genera uariant: Victor, Victrix, atq; etiam Victricia, apud Lucanum. Præterea quis nescit apud Græcos tria genera in Participijs totidem signari uocibus? Postremò ne in nostratibus quidem uariatio illa ignota est: ut in passiuis patet: Amatus, Amata, Amatum, & in actiuis, Amans, Amantia.

CAP. CXLVII.

Figura.

PRisci negabant Participia per se componi: sed composita à compositis Verbis deriuari: iccirco Figuram ab illis trahere, non ipsa illam conficere. Hoc autem falsum est: multa enim sunt quæ suo in genere Compositionem admiscere, non ab alijs traxere: ut, Omnipotens. neque enim à Verbis tantum composita fluunt omnia. Ergo figura Participijs per se competet, ut cæteris: non per accidens, ut dixere.

CAP. CXLVIII.

Tempus.

TEMPora quædam simplicioris intellectus, quædam amplioris habuit Participium: neque secutum Verbi est integræ rationem. Nam Futurum, quod erat diffusissimum, atque ob id à Græcis scissum in duo, unica uoce complexum fuit. Item duo Præterita. At Præsens quod esset simplicissimum cum intellectu Præteriti imperfecti coniunxit unica nota. ut Amans esset, qui amat, & qui amabat. Neque caruit ratione: ostendimus enim apud Philosophos naturalem quandā continuationem significari per Præteritum imperfectum, ut non multum à Præsenti dissideret. Illud uerò maxime quaeretur: cum

cum apud Græcos tria hæc Tempora tam Actiuis, quam Passiuis sint attributa: quamobrem Latini Præterito actiuo, passiuo Præsenti defecti sunt? Atque in quibusdam sanè hæc omnia sunt: Hortans, Hortatus, Hortaturus, Hortandus. At in alijs, quæ simplici constant forma, ut Amo, quare non possedere præteritum: ut Amor, quare non possedere præsens? Sanè hic nihil habeas, quod respondeas, præter negligentiam: adeo, ut in illis quoque, in quibus omnia esse uidebantur, uocem quidem uideas, significationem non uideas. Nam Sequens, præsens quidem est, & Hortans: sed significatus actiuus: ac sanè ab eodem uerbo Sequor, si potuit deduci & Sequuturus, & Sequendus: quare non potuit in præterito distinctum esse, Hortatus actiuum, ab Hortatus, passiuo? Si potuit ab Amo, Amans: quare ab Amor, nihil potuit?

CAP. CXLIX.

Significatio.

Quemadmodum Verba manent, aut mutantur, sic & Participia. Nam Lauant, recensabamus inter μέμ. sic Voluentibus annis, eadem fuit significatione, qua Voluenda dies, ut est apud Homerum: περιπλομένων γνισσάντων. Sic mutauit Oriundus, non sine ratione. subest autem causa, ut ignorata, sic acuta. Est oriundus Roma, qui Bononiæ ortus, Romæ oriri debuit, quo in loco lares habet patrios. itaque idem est Oriundus, quod Oriturus. Futurum enim hoc non designat quod erit, sed quod non fuit, & futurum esse debuit. In passiuâ autem uoce declararunt: quoniam ipse iam per se non poterat oriri, aut agere, ut oriretur: sed fato, aut senatusconsulto, aut rescripto, aut recensione affici muneribus ciuitatis poterat.

CAP. CL.

Affectus.

Proprium est Participij, fieri à quibusdam Verbis, quorum non sequatur significationē: ut Sequendus, à Sequor: passiuâ significatione ab actiua. Id autem propterea euenit, quia hæc

hæc omnia, quæ uocamus Deponētia, olim Communia fuerunt: atq; ideo Deponentia dicta, quod deposuissent alteram significationē, quam habuissent. Sic Verbi significatio uetus abolita in Verbo, mansit in Participio. quemadmodū deletō Verbo toto, mansit Participium: Laboratus, Regnatus, Erratus, Triumphatus, Decursus. Sed adhuc longinuiore ratione, Auritus, Pellitus, si sunt Participia. Quæ autem exēpla afferunt mutata significationis, fortasse non omnia carēt ratione. Nam Discretus, fac significet uirum moderatū: nō est quia discernit, sed quia à uulgo sapientum sententiā secretus fuit. sic Circumspectus, non qui Circumspicit: sed, ut Homerus dicebat, qui circumstantiū ora, atq; oculos in se cōuertit: id quod cum fiat ob eius præstantiā, actum admirantiū transtulere ad significandū causā, propter quam admirarentur. Sic Beatus, diuitem notat, qui multa bene, ac benignè potest agere: at Beatus, passiū est Participium, quem bonis, ut appellant Græci *βίον*, Fortuna uoluit beari. Sic Cautus, quem cauendum dicerent: quem, ut ait ille, atrum agnoscerent, aut scœnum in cornu gestantem. Falsum, quoq; quis neget passiuè semper accipi: etiam cum Falsum est testamentū: ideo sic dicitur, quia ipsum fefellit scriba: Fallere enim est *σφάλλειν*. diffusa significatio ad falsum testem, quare actiuè hic accipi putarunt, quia falleret: uerū analogia transtulit à Testamento ad testem, quoniam utrumq; corruptū esset. Tutus quoq; semper passiuè: Tutus portus, qui alios tueatur, propterea quod ipsum tueantur rupes. Ita alia nonnulla eruentur, & reddentur suis causis: neque enim nostra nunc interest omnia persequi. Quædam tamen omnino, ut diximus, mutant significationē: ut Discretus, & Profusus apud Sallustium: neq; enim mirum, cum etiam Nomina ipsa hoc passa sint: sic enim & Gnarum, qui nosceretur, & Nescium, qui ignoraretur sunt interpretati. Sicut etiam Euidentis, atque alia animaduertēte.

Proprium item est Futuri temporis passiui, poni etiam pro re quæ non sit futura, modò esse aut possit, aut debeat: ut exem

P

plo

pro Liuiano dicebamus, Milites comparandos, & alia eius modi. Proprium etiam non defici Casibus, & carcere Specie: negarunt enim prisca ullum ab alio deriuari, sed à Verbis deriuatis fieri: ut Gemiscens non sit à Gemens, sicut Gemisco à Gemo. Item, Transire in nomen primogenium, ut Pugnans pro Pugnator: aliquando in deriuatum, ut Confidens. Interdum ambiguum est utrum sit, ut Horatianū illud: Mes tuens tangi. Etiam creare Nomen: Amans, Amātor. Et transferre significatum à re patiente in agentem: nam etsi dicimus, Coenatur rhombus: tamen Lucullus dicet, Coenatus sum: sic Pransus, & Potus. Hoc factum est, ut in Pasco, Pastæ oues: & Depasta salicta: ut fuerit Coenor deponens, sicut Pascor. Et euadere Nomen substantiuum: ut Senecta: fuit enim Verbum Seneo, quo & Catullus usus est: cuius passiuum participium, fuit hoc. Itaque ueteres sic dicebant, Senecta ætate. Eadem licentia, Occasum dicis locum, ubi Sol occidit: at passiuum hoc fuit Participium, ut in XI I. tabulis: Sole occaso. Præterea etiam aduerbium gignere: Indulgens, Indulgenter. Proprium etiam sequi Verborum naturam, qua deficiuntur certis modis orationis: nam si Pario, foeminam tantum spectat: ita Pariens, unico tantum genere præscribetur: nisi figura quapiā in ordinem redigatur: sicut dicimus, Mulierem foecundam: ita etiam Ventrem foecundum: quare etiam Ventrem parientem, quominus dicamus, uis Participij nequaquam prohibet.

Antimeria in participio sit, cum pro Verbo ponitur, ut in Hecyra: In arcem transcurso opus est. Et apud Sallustium, Mature factio opus est. Sed non sine causa hoc factum est:

plus enim dicit Transcurso, quàm Transcurrere:

& Factio, quàm Facere, illa enim rem absoluit

tam designant. ut iam totum iter, quod

inter Pamphilum & arcem inter

iacebat, iam esset trans

cursum.

I V L I I C A E S A R I S

S C A L I G E R I



DE CAUSIS LINGVAE
LATINAE, LIBER
OCTAVVS.

C A P. C L I.

Quatuor partes reliquæ, quare sint indeclinabiles : &
quare alijs postpositæ.



LX D I C T I O N E tanquam ex genere summo, alteraq; differentia, quæ tollit inflexionem, fit species media, quam uocant Indeclinabilem: sub ea sunt partes quatuor, Præpositio, Aduerbiū, Interiectio, Coniunctio. Quare autē Personæ, aut Numerus his non sint attributa, quærendum est. Propterea quod hæ partes erant notæ connexionum, quemadmodum suprâ dicebamus : at ea, quæ connectebantur erant iam prædita his affectibus : quos affectus si hæ quoq; essent consequutæ, sanè immensus fuisset numerus simul, & superfluous, aliquotq; earum à suis primogenijs nihilo differrent. Si enim Benè scribit & Cæsar, & Corinna, & Mancipium: adde genus ei Aduerbio, iam fiet Nomen Bonus, Bona, Bonum. Quædam tamen partes sequutæ sunt aut Tempora, aut Modos, aut Casus, tanquam affectæ propter significationem, non tanquam compotes propter modum significandi : ut, Heri, significat tempus, itaq; addetur modo significandi tempus, Amaui: significat enim non tempus, sed actionē amandī cum tempore. Ita est, Vtinam amem: Si ames, Ad amandum, Ob pugnandum, De reducendo Regem. Quare autem sunt alijs postpositæ? Nam sunt simpliciōres, ergo priore loco erāt

cognoscendæ. Item sunt nobiliores quædam quibusdā, nonnullæ omnibus: magis necessaria est Præpositio, quam Pronomen: perfectior est Interiectio, quam uel Verbum, uel Nomen, integra enim oratio est, H E V. Hic ita respondemus: Facilius cognosci potuisse Pronomen cum Nomine, quam si differretur. Simpliciter autem illam mancā esse, neque posse percipi illorum naturam sine declinabilibus: quia hæ illarum coniungendarum notæ sunt. Præterea non est Simpliciter, carere Declinatione, sed Defectus. Quare non possis intelligere, quemadmodum Aduerbiū Personis careat, nisi scias prius, quid Persona sit. Nescias quid sit Persona, est enim accidens, nisi noris essentiam eius cuius ipsum accidens est. Harum autem partium nomina à sedibus, quas in oratione sortitæ essent, dicta sunt à ueteribus: qui & hoc negligenter nimis, cum per accidens essentiam definirent: & ineptè prius inter se partes has compararunt, quam quæ, quales uel essent ipsæ declararent. Nos autem, propterea quod compositus intellectus à simplici ante itur, & comparatio est simplicium compositio, sigillatim quæ cuiusque ratio, atque natura sit, uideamus.

CAP. CLII.

Præpositionis definitio, & sedes inter cæteras partes.

Sic igitur definiere, Præpositio est pars orationis, quæ præposita alijs partibus, significationem earum aut complet, aut mutat, aut minuit. Complere, ut Interceptio, Demiror: Mutare, ut Aufero: Minuere, ut Subrideo. Verum & confusa est, & ab accidenti, & non omnibus competit, & superfluis particulis. Nam quod sit confusa satis patet, cum non designat quibus partibus præponatur: pars est orationis Interiectio, at ei nulla unquam Præpositio præposita fuerit. Ab accidenti data est: neque enim est Præpositio, quia præponitur: sed præponitur, quia est Præpositio. Non omnibus competit: neque enim compositæ Præpositioni, Mecum, tecum. Particulæ autem quædam uacant sic, quod complet, aut minuit, mutat: est enim

enim mutatio, effectio ut aliquid differat ab eo, quod erat. Voluere sic intelligere, Mutare, id est, destruere significatū: sed exēplo inutili usi sunt: etenim et qui adfert, & qui auferit, fert. Cōmodius dixissent augere, minuere, & alia talia. Fortasse uerò falsa quoque sit, neque enim essentia Præpositionis est præponi, sed usus: siqua enim unquam postponeretur: ergo ea desineret esse præpositio: quare alio consilio eius definitio est inuestiganda. Rerum genera summa cætera superioribus libris recensuimus, substantiam, quantitatem, qualitatem, & eiusmodi. unum in præsentia nobis reliquum est, philosophis tantum notum, *πῶ* Græci uocant: quibus autem rationibus cum loco conueniat, aut ab eo differat, alijs libris dictum est: hæret sanè semper & loco, & corpori: nullum enim Corpus inuentas, quod alicubi non sit. Porro Omne corpus aut mouetur, aut quiescit: quare opus fuit aliqua nota, quæ *πῶ* significaret, siue esset inter duo extrema, inter quæ motus fit: siue esset in altero extremorum, in quibus fit quies. Hinc eliciemus Præpositionis essentialē definitionem. Affectus autem præponendi hinc fluxit, propterea quod terminum significaret: Ad forum: indicat enim interuallum, quod ante forum est: sic, Apud te: designat spatium à me ad te: quem terminum cum nata esset res mota, & quiesceret, merito etiam præposita est: pendet enim à motu. Itaque eadem Præpositio utrumque munus obuiuit: dicimus enim, Eo in urbem: ac tandem, Sum in urbe. Quæram tamen, quare præponatur ea, quæ locum, unde fit motus designat, sic, Ab urbe ad uillam: si enim interuallū notat in quo res mouetur, debuit illa prior post poni. Hic ita respondendum est, Conceptam animo sententiam primo quoque loco exponi debere oratione: igitur cum dico, Vrbs, unum uno modo intelligo. Cum desinaui futurum, ut urbs sit terminus, unde motus futurus sit, statim hoc occurrit intellectu: quod, cum statuatur per præpositionem, primo loco ponendum fuit. Hæc fuit sedes in oratione. Locus autem in partium enumeratione, quæ

inflexione carent, primus datus est non immerito: est enim maximè necessaria. quippe Natura omnis constat aut motu, aut quiete. Præpositio autem, harum rerum nota est. Interiectio autem, quanquam exprimit perfectè animi quædam affectiones: tamen ea, ut diximus, potuimus carere. Coniunctio autem tanto posterior est Præpositione, quanto est prior simplex oratio, compositis. Aduerbij uerò necessitatem suo loco declarauimus: uerùm supplementum potius orationis esse, minore prærogatiua, quàm qua utitur Præpositio, uidetur. An uerò hoc ita sit, sequenti libro acutius perspectum est.

CAP. CLIII.

Præpositionum generica diuisio reducta ad causas.

Disputarunt Philosophi uter esset prior, Motus ne an Quies. ac sanè in nostratibus Quies prior est: non quòd sit priuatio Motus, ut aiunt (Motus enim item Quietis priuatio est) sed quia nobilior: mouemur enim ut quiescamus. Contrà uideatur cuipiam Motum esse priorem: tum quia, (ut ipsi credidere) semper in cælo fuit: tum quia uult Auerrois, Motum esse perfectionem corporis naturalis. Verùm ut de cælo loquamur, dicimus ipsum moueri ut certis ^{περ} quiescat. Intelligo nunc Quiescere, adipisci quod non habebat hac uel illa parte. Deinde satis patet, ipsum toto loco quiescere: quiescere igitur propter se: moueri autem propter nos nostraq;: at finis sui perfectior est. Auerrois autem non debuit intelligere ultimam perfectionem, sed perfectionem per processum: & quam uocant ^{ἐν τῷ γινώσκειν} ^{ἐν τῷ γινώσκειν}: perficimur enim mouendo, propterea quòd ad quietem propius accedimus. Cùm igitur quædam Præpositiones motum, quædam quietem indicent, quædam utrunque: hæ ambigunt ultimo loco tractandæ fuere: quæ autem quietem significant, primo. Verùm unam tantum inuenio, quæ solius quietis nota sit, ea est, P E N E S: significat enim potestatem immobilem ab eo, cuius est: itaque maximè Substantium uerbum

uerbum sibi uindicauit. Plures sunt motus indices : Terminum unde fit motus notant, A, D E, E X : quæ ad commo-
ditatem orationis sunt interpolatæ, A B, A B S, E. Alterum autem terminum, A D, O B, V S Q V E. Est etiam una
quæ tres terminos comprehendit, ita ut terminum ad quem
fit motus, nominet, atq; in interuallo statuatur: ea est, T R A N S :
Curro trans montem ab urbe : supponit urbem, nominat
montem, & petit aliud. Aliæ utrunq; significant pro uerbo-
rum, quibus iunguntur, ratione: In urbem eo : In urbe sum.
Itaque etiam casus mutat, quorum rationem suo loco dixi-
mus. Sunt etiam quæ simul utrunq; miscent: ut, A P V D : sic,
Apud te currentem curro: est hic cursus mistus cum quiete.
Non dimoueor abs te : hæc est quies: Moueor æquæ ac tu
à carceribus: hic est motus. Est autem quidam motus uerus,
ut in corporibus : quidam, ut aiunt Græci, ἀναλογικός, ut
cūm dicimus quempiam mente motum. Sic igitur etiam lo-
quimur, E` Dauo audiui: motus quidā est. Et, Ad me redeo:
& A` libellis, A` manu: ex eius enim manu proficiscit actio
ad officium. Sic O B, & P R O P T E R, olim locum signifi-
carunt: Ob Romam obequitans Annibal: Athesim propter
amœnum. Nunc deflexæ sunt ad causam tantū declarandā.

CAP. CLIIII.

Affectus præponendi ratio, atque usus.

Videndum igitur quid sit Præponi, quotq; modis quidquā
præponatur: tum præponendi usus quibus partibus cō-
municetur. Cū igitur uoces ad eum finem sint comparatæ,
ut aut ex duabus una fiat, aut ex duabus sciūctis una oratio,
atq; utrobique necesse sit, ut altera alteram sequatur, utroque
modo Præpositio præponi debuit. Quamobrē satis conser-
minus consulto ueteres alterum modum, Appositionem ap-
pellasse: aliud nanq; est Apponere, aliud Præponere: ac for-
tasse hæc inter se contraria: sic enim dicimus Appositū, quod
est in extrema situm orationis parte. idē enim est Addere, &
Apponere. Cū, postquā res uidetur perfecta, iusta quip-
piam

píam ponitur: atq; eodem modo Aduerbum nominarunt, quod uerbo tanquā præscriptio quædā apponeretur. Quare non rectè intelligemus, Appositionem, esse speciem præponendi, sed oppositum quoddā genus: sed utrūq; præpositio- nem: eius autem species, Seiunctam, & Coniunctam. Ergo cum prius sit seiūctim, quàm cōiūctim præponi, de eo prius quoq; dicendum est. Scorsum igitur præponitur Nomini, Participio, Pronomini, Ad Cæsarē: Ad ipsum: Ad pugnan- tem. Coniūctim autē & iisdem, & Verbo, & Aduerbio, & Coniunctioni. Præfortis, Addo, Subiens, Perinde, Absque. Quod uerò aiunt, cum Cōiunctione uim suā mutare, falsum est: etenim, A B § Q V E, tametsi motum uerum non dicit, ta- men ita est, Ab urbe distamus mille passibus: ita, Absq; te Triumphauī. Significat absentiam, & interuallū. quod pos- sit esse locus rei moræ inter duo extrema. Casus autem duos certos sibi destinarunt, Quartum, & Sextum: ac Quartum quidem, quoniam causam finalem significat: Amo Cæsarē: Cæsar causa amoris est. Eo ad Cæsarem: causa est motus. Huius naturam secutus est Secundus quoque casus, sic enim dicimus, Vincendi causa pugnamus: significat enim ter- minum quendam etiam in possessione: Ego sum Dei, non Fortunæ. Itaque etiam hunc casum ad eundem usum traxe- re, Crurum tenus, apud Vergiliū: Nutricum tenus, apud Catullum. Alter casus Sextus designauit rectè termi- num unde fieret motus, eius enim natura talis est: Ab urbe. Et quia tempus cum corpore, & loco, & motu multas ha- bet affinitates, ideo eadem locutione interdum sic loqui- mur, A prandio, Ab orbe condito. Sic etiam causam mate- rialem indicauit: De iure disputo: quia ab ipsius contem- platione motus, in eo declarando uersor.

Quæret quispiam acutius, quamobrem Sextus casus etiam quieti significandæ attributus sit? Haud sanè præter ratio- nem hoc fuit: nam Græci Tertium casum ei assignauere, *ἐν ᾧ*, significat enim acquisitionem: nihil enim similis lo- co, quàm locatum: ac propterea Latini, qui ex Tertio casu suum

sum Sextum progenuere, illius in hunc prerogatiuam trāſtulere. Eſt praterea quod inueſtigemus: quaedam enim ſunt Præpoſitiones, quæ Quartum caſum exigunt, & tamen terminum, unde fit motus, denotant: Poſt hycem: Poſt prandium. Huius rei ratio eſt, quæ & in T R A N S: ſignificat enim motum ad prandium, atq; etiam ultra. Par cauſa & in C I R C A. Quartum enim habet: Circa urbem. Nam omnis motus, aut eſt ad centrum, aut à centro, aut circa centrum. Ergo centrum tamenſi non eſt meta motus circularis, tamen eſt præſcriptio quaedam: atque iccirco eundem cum Meta ipſa caſum admittit. Ratio autem qua ſunt adducti, ut eidem Præpoſitioni duos caſus apponerent, iam dicta eſt. In urbe, quietē dicit: In urbem, motum. At uerò quæ porrò cauſa, ut & motum, & quietem eiufdem eſſe paterentur: propterea quòd I N, loci ſignificat rationem: In urbe, tanquam in loco. Itaque cum motum ita ſignificares, ut etiam terminum non ſolùm pro termino, ſed etiam pro loco ſtatueres, eadem uti potuiſti: nam, Eo in urbem, ita dicimus, ut etiam in urbe futurus ſim. Aliæ autem parī conſilio ad cauſas reducentur: Sub terra ſum, ſub terram eo. S V P E R, flexit ſignificatum, ut, poneretur pro D E: quoniam argumentum, de quo loquimur, dictum eſt ab antiquis, Materia: at Materia deſert: itaque etiam *ὑποκειμενον*, ut ſuprà ſcriptum fuit, appellarunt. Verùm de hiſ ſigillatim, quid uſus ſtatuerit, in libris Originum diximus adeo, ut ſit prætermiſſum nihil. Nunc non eſt huius operæ, ſed uniuerſalia philoſophorum more inueſtigare. Sunt autem quaedam, quæ ſemper ſciunctim ponuntur: ut, A P V D, C I R C I T E R, S E C V S. Quedam contrà: ut, D I S, R E, S E, A M. Quedam indifferentes: ut, A N T E, C V M, & eiufmodi. Ac ſciunctis quidem qui caſus deberentur, diximus. Coniunguntur autem cuiuſ ſine discrimine. Neque eæ ſolum, quæ abſolute poni poſſunt: ut, Ante, in uerbo, Anteuolans: ſed etiam quæ caſum exigere uidentur, qualis eſt P R O: quod maniſeſtum eſt in uoce hac, Pronomen. Quare non rectè dixere recentiores, Magiſtratum, qui præſit prouinciæ, auſpicijs

uiri consularis, sine ulla inflexione nominari in Sexto casu tantum, sic, Cæsar pro consule, Cæsarem pro consule. Nos uero ut non negamus rectè dici, ita affirmamus etiam pro cuiusque sententia uariari, non minus quàm primariam uocem, Consul. Nam præterquàm quòd superioribus rationibus ac ferè omnium usu liquet, Græcis quoque id demonstratur: quippe dicunt, αὐτὸν πατρὶ. Et nos, Proconsulatum, nihilominus flectendo usurpamus. Nonne pernox Luna dicitur? Atque huius quidem usum commoditas potius persuasit, quàm ratio docuit. Sanè nos, qui caremus articulis, arripuimus occasionem tam breui sermone utendi: sic enim relatiuum esset interponendum, Dignitas proconsulatus: dignitas, quæ pro Consulatu est.

Proprium autem quarundam est, ut significata uariant, qualis est, Aduersum: quarundam, ut suum perpetuò seruent, qualis est Inter. Quædam semper cum casu sunt, ut C I S: quædam semper sine casu, ut quæ componuntur: circumaguntur enim per omnes casus. Quædam usus sentiunt uicissitudinem, ut Pone. Quædam semper præponuntur, ut Ad. Quædam semper postponuntur, ut Tenus. Quæ sit ratio ut (quemadmodum dicebamus) non rectè in definitione positum sit tanquam essentiale, Præponi. Neque enim Aduerbiū est, ut dixere: iungitur enim casu. nam si ἔχῃ sit Aduerbiū, quid ad nos? Tenus enim est μέγχι. ut apud Aristotelem in sexto historiarum, μέγχι πρόβω: & tot locis apud eundem: μέγχι τοῦ, aliquatenus. Quædam nunc subeunt, nunc præeunt: Cum Cæsare: Mecum. Neque solum in compositione, sed etiam altero modo: ut apud Terentium in Eunuchō, Vnà ire amica cum Imperatorem in uia. Hinc satis constat, nullum esse usum tertium, quem dixere, interponendi, his exemplis, Qua de re, Quam ob rem. signat enim Relatiuum, cui postponitur: non Nomen: quod manifestum est alia locutione hac: Res, qua de agitur. Proprium & illud, uim amittere constructionis, cum componuntur: Præpono te mihi: Tertius surrepsit pro

pro Sexto, quasi Verbum esset simplex. Sed & alijs modis, Præeo Cæsarem: ubi Quartus pro Sexto. Sed & in ipsa met compositione: Quapropter, Quo circa. Sed & seius-
tim, si postponatur, Multo post tempore: & sit Aduers-
bium, atque absolute ponitur, sine ullius casus officio. Super-
fluè etiam additur, Adeo ad Cæsarem.

CAPVT CLV.

Præposidonum Efficiens, & Materia.

HAec de earum forma, & fini, hoc est usu: nunc de Efficiente
& Materia uideamus. Generant igitur seipsas interdum,
ut A, facta est ex alia, quæ est AB: quæ à Græca fuit mu-
tila, ἀπὸ ἀπ' ἰλίον, ab Illo. Sic ex DIS, facta DI: & illa
à Græca δῖς, quod enim bis fit, separatim fit. Quædam à
Verbis, ut Sine, Pone. AM, tota Græca est, & apud nos
non nisi in compositione: Theocritus autem etiam seorsum
posuit, ἀμύγα. Et quemadmodum Græci usitatum addi-
tamentum φῖ, addidere, ἀμφί, sicut δίμφι: sic nos nostrum
TE, Ante: sicut Ille, Tute. Nam Ante, castrensis uox
fuit: cum obsiderent oppida, dicebant se esse ante oppidum.
VSQVE, à Græca ὅς, τε, pro eo quod est, πρὸς. CORAM
tota Græca, ob oculos, ὁρῶν. Etiam à participijs, Aduers-
sum. CVM, & CON, unam eandemque esse, alijs locis
diximus: Consonantem finalem mutari pro natura sequen-
tium se, ut Compono, Confero: Vocalem autem, ut auri-
bus plus seruiat, item mutari, ut Comes, Comitum: Cum-
primis, Cumprime. quod autem sit Com, non autem Con,
patet ex elisione: ut Coorior, Coëo, & in CONTRA. est
enim à CVM: sunt enim contraria relatiua, ergo simul.
Fuit autem Græca, καὶ ἐν. nam ἐν, fuit particula com-
pletiua, ἡρεῖν. Ea igitur genuit Contra: sicut, In, Intra:
Ex, Extra: Cis, Citra: In, Infra: Sup, Supra: fuit enim
sic prius: postea Sub, ab ὑπὸ: ut Ab, ἀπὸ. Sed antea orta
sunt, Inter, Infer, Super, Exter: deinde, Intera, Infera, Super-
pera,

pera, Extera: quemadmodum ex Phanomenis Ciceronis obseruari potuit,

Torvus Draco serpit, subter, superatq; retorquens.

Fuit & alia terminatio, Subtus, sicut Intus. Passæ autem sunt *σύντηξις* apud Græcos: nam Aristoteles & Thucydides, & Plato, & alij Attici, ita utuntur, *ἴσω*, pro *ἐντός*. Ex D I, factum est D E, sicut ex P R I, P R A E: unde Pridiæ: & sicut ex N I, N E. Aliquando putavi à Græco *δέ*, De ductum: neque ineptum est. Hæc de origine, & materia: nunc de alijs affectibus: Etiam à Nomine, Circum, ab eo quod est Circus, *κίρκος*.

CAPVT CLVI.

Accentus præpositionibus, quemadmodum attribuitur.

VETERUM Aeolensium, ut sæpe diximus, in quamplurimis autoritatem secuti: ut à nominibus, uerbisq; abiiciamus à fine accentus usum: ita in præpositionibus recepimus. Sic enim prisca prodidere: Omnes extrema syllaba, nisi postponentur, Græcorum ritu, acui: eodemque ritu, si postponentur, accentum transferri, *πολλῶν κέτα, μέγας ποιεῖ*. Ita nostris placuit, ut diceremus Penès Cæsarem: &, Cæsarem penès. Quòd si usu ueniat, ut Præpositio sit ambigua uox, alijque parti communis: ne postposita quidem transferri: ut semper dicatur, Altaria circum: sicut Circum altaria: ne concurrat cum Quarto casu nominis huius Circus. Quædam uerò etiam amittere accentum, quippe eæ quæ Encliticarum naturam inducere, ubi postponentur: qualis est C V M: dicimus enim Mécum, sicut M'éne. Verùm de Accentibus, deq; Cantillatione illa satis suo loco dictum est. Eosdem Aeolenses respexere ueteres cum nullam aspirarunt: Illi enim *ὕπὸ*, & *ὕπὲρ*, dicunt. Causa autem huius rei festiua esto: cum enim motum significet maxima carum pars, celeritate opus fuit, non mora & celsicie spirationis.

tionis. Item quæ dicerent quietem, suauiter & tranquillè eam indicandam susceperè: Aspiratio autem animi est affecti nota.

CAP. CLVII.

Alij affectus.

Proprium item componi & inter se, Circumcirca: ut apud Homerum, ἀμφιπεριστροφή anteconuecto: Et cum seipsis, ut apud eundem, προπροκυλινδύμενος: Et cum alijs partibus: cum Nomine, Incola: cum Verbo, Impono: cum Participio, quod à Verbo uenit: cum Aduerbio, Abhinc: cum Coniunctione, Absq̃. Interdum autem retinet significatū, ut Deinceps, Coniunx: idē aut simpliciter, ut his exemplis: aut auget, ut Impotens, Infractus. Interdum amittit, idē aut torquet in contrarium, ut Iniustus: aut in diuersum trahit, ut Perbonus. Ratio autem huius postremi à Græco fluxit: nam περι significat Circum: quod autem continet, id maius est, quàm cōtentum. Ab eo nostrum **P E R**, ductum est. itaque Perbonus, est ὁ περιέχων τὸ ἀγαθόν. Quæ autem intendunt significatum causam hanc habent: funguntur enim penè officio eodem, quo in disiuncta oratione. Impotens, ut sit, potens in alios: Infractus, qui ipse intus fractus sit. At uerò quæ in Contrarium transformantur, qua ratione id efficere potuerunt: nam sanè priuatiua Græca habuit causam. ἀδικος: nam τὸ ἀ, est sicut τὸ ἀπ̃, unde nostrum **A**: significat enim motum, ut sit, qui mouetur à iustitia: at nostrum **I N**, significat locum, & habitum: quare non satis manifesta causa est. Sunt & aliæ præpositiones augentes, ut Adprime: motum enim & propensionem notat ad id cui iungitur. Contra, sunt quæ minuunt: ut Subrubidus. Subpudebat: non immerito: est enim respondens è contrario τῷ περι, quod enim sub aliqua re est, ab ea tegitur: ergo est illa minus. Proprium etiam supponere aliquid ad significandum, quod in ea compositione non sit, ut Internecium: hic Nex significatur. Inter, autem est nota relationis ad duo: at ea non ponuntur. Græci clarius, ἀλλυλοφόνον πόλεμον. Et mutari in eodem uerbo Effero, Elatus. uerba tas

men duo sunt. Proprium etiam creare ex se Nomen, Ante, Anticus: Verbum, Prope, Propinquare.

Proprium etiam, ut altera pro altera ponatur: dicimus enim A, pro D E, & è contrario: sed non rectè usi sunt exemplis quibusdam, ut idem sit Ad oppidum, & In oppidū. Barbarè item dicunt, Per urbem sum, sicut In urbe. Barbarè Apud Basileā, sicut Basileæ: falsi analogia alterius locutionis, Apud forum: sic enim dicebant priscei, ut Terentius in Andria, In foro enim homines litigant: & annona est. Tum Donati interpretatio hæc: Verba, inquit, Daui de foro uenientis, uoluit dicere, simulantis uenire de foro. Quare autem sic ausi sint, haud satis constat: aliud enim est παρά, aliud ἐν. Illud τὸ ἐχόμενον, hoc τὸ ποσυχόμενον notat. Falsò quoque putant Propter, poni alies no loco pro eo, quod est Prope: nam hæc illius parens est. πρὸ diximus alio libro, Græcam esse πρὸ. itaq; Prope, fuit pro pedibus. ita Græci loquuntur, πρὸ ποδῶν. at à Prope, facta est Propter: sicut ab In, Inter: à Sub, Subter. quare Vergilius cū dixit, Athesim propter amœnum: sincero, rectèq; signisficato usus est. cū autem nos referimus ad usum causæ finalis, translato utimur significato: quoniam finis cohaeret actioni, mouet enim nos. Apud, autem fuit, ad pedes, eodem modo: itaque Ad, &, Apud, proxima sunt & significatione, & usu. Ad Leccam uelle cœnare, ut sit etiā prægnaans oratio: Ad Leccam cogitare cœnandi causa. Ad Capuam castra habere: quoniam eò contenderat prius. Consequens à pracedenti. sic mutila oratio, Ad febres facit: immo Ad aegrotum, contra febres. sed Ad, accipitur pro qualicunque termino, etiam hostili. πρὸς ἐχθρὸν, pro eo quod est, aduersus. Cætera omnia exempla ad hunc & motum, & terminum reducuntur. Quod autem aiunt, Apud maiores, positum pro eo, quod esset, A maioribus, falsum est: sed est sicut, Aetate nostra hoc fit: quippe ab aliquo apud cæteros, quod ad sæculum hoc pertinet: præsentes enim sumus tempore.

Proprium & illud, Poni absolutè, atque interdum fieri Aduersibium: ut apud Virgilium, Pone subit coniunx. nam oratio simplex

simplex est ex Adverbio, intellectus autem Praepositionis. Post, enim significat relationem: quod enim est Post, habet aliquid Ante. Est autem Post, pone est. Interdum quod plus est euadit Verbum, ut apud eundem:

O mihi sola mei super Aethyranactis imago. pro eo, quod est, quæ super est: ut quodammodo sit quasi Participium: atque hoc quoque Græcorum imitatione factum est. Frequens est apud Sophoclem locutio, *πρὸς*, pro *πρὸς*: & *πρὸς*, pro *πρὸς*. Quorum legibus nostri quoque accentum translatum uoluerunt.

Observata est *avrupia* his exemplis, pro Adverbio, apud Terentium, Fortunatus sum cæteris rebus, absque hæc una foret. apud Sallustium pro Coniunctione, Præter rerum capitalium condemnatis. sic Varro, Præter si aliter nequeas. Sed mihi uidetur causâ huius loquutionis in promptu esse: nam præpositio illa Præter, totum quod sequitur, excludit: sic est illo exemplo Enniano, Præter propter uitam: id est, uiuimus ita, ut uideamur propter quiduis potius, quam propter uitam.

I V L I I C A E S A R I S

S C A L I G E R I



D E C A V S I S L I N G V A E

L A T I N A E, L I B E R

N O N V S.

C A P. C L V I I I.

Aduerbij necessitas : Sedes inter partes: Nominis ratio
falsa : Item Definitio, Ortus, Species.



D V P L E X Aduerbij necessitas fuit, sicut & duplex est uocum temperamentū per adiectionem. Nanque aut adiicitur accidens substantiæ, aut gradus accidenti. Exempla hæc sunt, Vir fortis : hîc accidens substantiæ additum est, at cū dico, Fortior: tunc gradus accidenti additus est. Igitur quod faciunt adiectiua substantiuis, ut secum afferant accidentia: hoc ut agant Aduerbia Verbis, excogitata sunt. neque enim si dicas, Velox scribo, aut, Velocia scribo, intelligas scriptoris uelocitatem: sed Velociter scribo, si dicas: intelligas. Sic igitur cū expleſſet Verba, adhuc supererat aliquid agendum, itaque etiam gradus illi designandi fucere. Quare cū bonitas, atque aliæ qualitates intendi, ac remitti queant, neq; Comparatiuo, aut Superlatiuo ita plenè possint explicari, Aduerbij ope factum est, ut explicarentur: Valde bonus, Nimis sæuus, Longe alienus, Multo fortissimus: ut etiam illa ipsa nomina gradus significantia, hoc indigerent, Paulo doctior. Quare non solū nomen Aduerbij malè fabricarunt ueteres, sed etiam imprudenter assignarunt definitionem: neque enim solius Verbi temperamentum est, sed Nominis quoque. Sed nimis securè secuti sunt Græcos,

cos, qui æquè inconsultè ἐπιβήντες ipsum appellarunt. Hinc constat ratio originis, & specierum. Nam sicut Adiectiua apponuntur Substantiuis: ita quod uerbo apponendum fuit, ab ipso Adiectiuo deduci par est. Si enim dicam, Celerem scriptionem: dicam etiam, Celeriter scribere. quæ sane sortiètur nomina specierum à natura ipsorum Adiectiuorum: ut si Bonus qualitatem, Magnus quantitatem significat: etiam aduerbia ab his deducta aut qualitatem, aut quantitatem dicere intelligentur. Propterea uerò quòd actio & locum, & tempus exigit, iccirco horum quoque præscriptio ad Aduerbij uim relata est. Temporum enim & locorum uastiores ambitum certis limitibus intercidi oportuit. Itaque necessario inuenta sunt, Heri, Cras, Hic, Illuc. Cum igitur gradus quasi quosdam deducat per Verbi Nominisq; tractus: eiusdem quoq; interfuit, eisdem gradus detrahère ad nihilum usq;. Quare si dicam, Currit celeriter, tardè: & Albus plus, minus: debuit etiam posse tolli eodem instrumento, quo minuebatur: itaque deuentum est ad negationem, tum eam, quæ Verbis præponitur ad contradictionem affirmationis: tum eam, quæ præponitur Nominibus ad efficiendum id, quod uocat Aristoteles, ἀδυναμία: Non currit, Non homo. Quæ negatio cum solo Aduerbij genere complectatur, sanè efficere potuit, ut contra, quàm ueteres putarint, omnium partium indeclinabilium princeps esset. Omnis enim oratio statim à suis primordiis in affirmatiuam, & negatiuam diuiditur: quare si officij meritum putes, illico post nomen, ac uerbum Aduerbium statuendum est.

Deducuntur autem Aduerbia alia apertè, ut Bonus, Benè: alia obscurè, ut Sensim, à Sensu. Item à Verbis, ut modis quibusdam seruiant, ut, Age, Ferè: illud hortando Imperatum exigit, militare uerbum fuit, ab Ago: alterum non est similitudinis, ut aiunt, sed diminutionis: quid enim simile est, cum dico, Ferè poëtæ nullo in honore sunt: sed sic intelligo, apud paucos pauci poëtæ sunt in honore: intelligo autem diminutionem non magnitudinis, sed præscriptionis:

R ut aliquid

ut aliquid detrahatur firmitati sententiæ, ut nequeam dicere, Nullus poëta : & item nequeam, Omnes. Sic Ferè singulos parit mulier : ut sit, neque semper, neque nunquam. Tractum autem est à philosophiæ radicibus : quod enim fertur, in motu est : itaque terminum nullum attigit, neque enim à Feris ductum fuit, ut aiunt, quoniam feræ sint celeres : nam & durum est, & nugantur, cum dicunt, Feras esse celeres, quia sint quadrupedes : nam & Aquilæ sunt feræ, & celeres, neque quadrupedes : & multæ quadrupedes feræ sunt, neque celeres, ut Elephanti : & *à modis* quædam celerrima, ut Angues. neque Canis fera est, & est celer. sed de his alibi. Belli autem, & Domi, & Vesperî, & Temporî, ad alia reducuntur, Loci, & Temporis : & Sorti apud Vergiliûm (ut uoluere) Aduerbijs qualitatis annumerabuntur. à nominibus omnia.

Quæ igitur Tempus notant, alia sunt Infinita, ut Aliquando, Olim : alia Finita, ut Cras, Hodie. Sic & Loci, quippe à Pronominibus deducta sunt : Hic, Illic, designant certum locum : Alibi incertum, & Usquam, & alia.

Falsò autem putarunt, Prorsum, Rursum, Sursum, loci esse : neque enim locum significant, sed motum ad locum. Illa autem, Ostiatim, Vicatim, Viritim, quantitatis discretæ sunt. Quædam autem, ut dicebamus, ad modos relata sunt. Sed cum dicunt, O, esse optandi, tantum abest ut assentiar, ut etiam Vtinam, putem esse interiectionem : neque enim modum ullum apponit Verbo : idem enim est, Amarem, & Vtinam amarem : & O mihi præteritos referat si Iuppiter annos : idem est, Heu quare mihi non refert : Neque omnino Vocandi ullum Aduerbiûm sit : nihil enim detorquet, aut addit, aut tollit à Nomine : quare qui Præpositionem agnouere, propius fuerunt ueritatem. Nam tamen neque motus, neque quietis indicatrix est, tamen disponit ad motum. Sicut puritatum non est quantitas, sed tamen ad prædicamentum reducitur quantitas : sic in hac, neque enim dicas, Ad me ueni : nisi aut uoces, aut uocatum intelligas.

Loci

Loci igitur ac temporis Aduerbia maximo ambitu feruntur: quare placuit ueteribus ea inter sese comparari. Sed turpiter nimis lapsi sunt: Nam cum dicant, Aduerbia loci ampliore esse significato, quam temporis: quia Nusquam, plus amplectatur, quam Nunquam: non animaduertere, sola corpora deberi locis, at ea simul cum alijs rebus multis, quæ loco nullo continentur, sub tempore esse. Non est in loco, Qualitas, non Relatio, non alia multa prædicamenta: & tamē sub tempore sunt, aut fiunt: igitur Tempus multò plura circumscribit: Locus pauciora. Quod igitur nunquam est, nusquam itē est: at non ē cōtrario: multa enim nusquam sunt, quæ aliquādo sunt. Quippe nullo in loco est hic actus scribendi meus: at aliquo tempore quā sit, fieri non potest.

CAP. CLIX.

Figuræ in Aduerbijs.

IN Aduerbijs figuræ sunt, simplex, ut Diu: Composita, ut Interdiu. Componuntur autem uel postquā Aduerbia sunt, uel ab ipsis compositis fiunt, ut Hodie: fuit enim, Hoc die: et Nuper, fuit Nouo opere: Semper, Semiopere: Toper, Toto opere: significat enim citò, & expeditè: ita ut opera absoluta sit. Itaq; Semper, ei contrarium est, propterea quòd siquid dimidio tantum opere sit, id non absoluitur, sed continuatur. Geminatur, Vbi ubi. Componitur cum Nominibus, Vbi gentium: cum Verbis, Vbilibet: cum Præpositionibus, Perdiu: cum Coniunctionibus simplicibus, Vbiq;: cum illis, & secum, Vbicunque, Profecto, Etiam, & Illico, fuere composita ut Hodie.

CAP. CLX.

Antiquorum Error in Structura.

Sigitur Aduerbium Verbi modus est, satis patet, quā inconsulto ueteres ita præcepere, præponendū esse Aduerbiū Verbo, ut ita dicamus, Bene currit. At enim uero contrā est: accessio enim significatus sit ad Verbum ab Aduerbio: &

R 2 quemad

quemadmodum prius sumus uiri, quàm fortes: & prior natura Cursus est, in genere, quàm Cursus celer, in specie: sic erit prius Currere, quàm Celeriter currere. Non enim hic loquimur de sermonis elegantia, sed de causis ipsius. Ac quanquam ars atque usus dicitur naturam imitari: tamen in quibusdam rebus placuit uarietas. Itaque elegantius acceptum est Verbum in fine orationis contrà, quàm à natura ipsius rei suppeditaretur. quo more præpositum est Adiectiuum Substantiuo: & Verbo Aduerbium. Sic in Tripudij sinistro pede mouemur primùm, cùm natura dextrum primùm moueat: ut arte id factum, non cuiusuis communi lege uideatur.

CAP. CLXI.

Affectus Aduerbij.

Proprium est Aduerbiorū quorundā, assumere sibi quædā Nomina, Vbi gentiū, Terrarū, Locī: eiusdem naturæ, Nusquam, & Longe: respexere enim significatum: est enim Vbi, quasi dicas, Quo loco terrarum: Sed et tempus cum loco cōmunicatum, Interea loci: cognati enim inter se sunt. Magna autem affinitas Aduerbij cum Nomine, ut diximus: Itaq; & à Nomine fit Hoc die, Hodie: & facit Nomen Hodiernus. Adeo, ut etiam casum retineat Nominis, unde fit: quemadmodum Nomen retinuit casum Verbi, unde fiebat: ut apud M. Tullium in Tertio Officiorum: Conueniēter naturæ uisuit, quia etiam conueniens. hoc autem, quia cōuenit: Græcorum imitatione factus Atticismus, ὁμοίως ἑ. Eadem affinitate casum quoq; pristinum retinere: In Recto, Fors: à quo compositum per dubitationem cum An, Forſan: & Verbo interposito, Fors sit an. In Secundo casu, Belli. & apud Comicum iocose, Foci. In Tertio, Ruri. In Quarto, Romam. In Sexto, Forte: qua forma fuere, Citò, Falsò, Serò: & horum secutum analogiam uerbum unum, Præsto. Interdum etiam mutantur, ut, Modus, Modo, Mox.

Sic etiam retinet naturam transformatæ in se Præpositionis, cuiusmodi

cuiusmodi est C V M. coniungit enim tempus, Cum ueneris faciam : ut officium meum cum aduentu tuo coniungatur. Itaq; relatiua quædam facta sunt, Cum doctus, tum probus: id est, quo tempore doctus, eo tempore probus: coniungit cum doctrina mutuò probitatem. Sed hæc minutius in libris Originum dicta sunt.

Proprium etiam, inter se usum commutare : sic dicimus, Illico, pro tempore: sed fuit, in loco : & Hesternum panem atrum: pro pridiano. Refert enim Heri, loquentem tantum : sicut Cras, & Hodie, & Perendie. Imitati sunt Græcos, qui χθες ad hunc modum dicunt : ut est etiam apud Lucianum, in *γυναικίῳ*.

Proprium item habere comparem, ut Haud, Non : & non habere, ut NE : prohibet enim, non negat: quanquam in compositione positum inuenias negatiuè, Nequaquam, Nequicquam, Nefrendes: sicut Non, prohibendo, apud poëtas.

Item habere seriem tēporis, Hodie, Heri, Nudiustertius, Quartus : & ut fecit Plautus, Quintus, Sextus : Cras, Perendie. Item minutiora: Nunc, Modo, Dudum, Nuper, Iam, Iandudum, Iampridem. & futurum, Mox.

Præterea quemadmodum amisso casu Præpositiones abeunt in Aduerbia: sic aduerbia in Interiectiones: Euge: nam hoc fuit *εὐγε*. at Penè, Aduerbium est.

Item communicare eidem terminationi diuersum modum significandi, ut Coelitus, de loco est, *ἐξ ἀνωθεν*: Diuinitus, *θεόθεν*: at Publicitus, non est *δημόθεν*, sed *δημόθι* : habet tamen motum quendam à populo: sic Primitus, à Primo.

Falsum autem est, quod dixere, Casum habere Aduerbia. ut ponebamus *δημόθεν*, *δημόνδε*, *δημόθι*. sed à Casu ducta, eo caruerunt: quare etiam contraria additur Præpositio. *ἐξ ἀνωθεν* πρό. Item Personam attribuire ausi sunt ridiculè, Mecum : oratio enim est facta una. si enim sit Aduerbium, ergo dicas, Ego cum: Aduerbium enim nullum casum exigit.

Falluntur æquè cūm dicunt, Heu esse notam responsionis ad Heus : nam sanè nullum exemplum afferunt.

Ponitur autem Aduerbum pro Nomine: Sic erat consilium: id est, Tale: aut sit Pronomen, Hoc. Et apud Vergilium, Terrorum ac fraudis abunde est: id est, copia. & Græcè scit, pro Græca. Pro Pronomine: Hinc illæ lacrymæ: id est, ex hac causâ. Sic, Vnde: pro, A quo. Pro Præpositione, Intus templo, apud Vergilium, pro, In templo. Sed est expositio in uoce Templo, uocis Intus: sicuti cum dicis, Feram leonem: poterat enim esse, Intus, alibi quàm in templo. Quod autem dicunt, Pridie Calendas, esse Aduerbio positum, pro præpositione, falsum est: nam Pridie, est oratio composita, sicut Mecum: Præ die: & Calendas, est uox termini in quem tempus abit, sic, Eo die, qui ante Calendas, & ad Calendas, (ut ita dicam) it. Itaque etiam dicimus, Pridie Calendarum: quamquam durius, in quarto casu. Sed factum est analogia aliorum, ut quia diceretur, Quarto Calendas, id est,

Quarta ad Calendas: ita etiam, Pridie Calendas.

etsi non erat ante eum diem, qui iret ad Calendas. Huius motus ratio & causâ elicitur ex modo loquendi Ciceronis:

In ante diem nonum

Cal. Pro Coniunctis

one: Quan-

do,

pro Quoniam.

I V L I I C A E S A R I S

S C A L I G E R I


 D E C A V S I S L I N G V A E
 L A T I N A E , L I B E R
 D E C I M V S .

C A P . C L X I I .

Interiectionis natura, & Ratio.



INTERIECTIONEM ueteres cū à situ
 & nominarint, & definiuerint, nequaquam à
 cæteris partibus distinxere: nulla enim pars
 orationis non interponitur. Sed ita intellexe-
 re, Interponi, quasi alienam à cæterorum stru-
 ctura: sicuti dicimus Interuenire. Verū nomine paulo li-
 centiore usi sunt: nam &, lacere, est duriuscula uox: &
 actionis significans terminatio. Nam Coniunctio sit, quæ
 coniungit: at Præpositio: neque enim præponit, sed præ-
 ponitur: ita Interiectio non interiacit, sed interiacitur, &
 interiacet. at à lacendo, lactus, aut lactio non ducitur: uel
 si ducatur, rarius, ut diximus, sanè sit. Antiquorum simpli-
 citatem recentiores castigare aggressi accuratius definiue-
 re, sic, Interiectio est, quæ sub rudi, inconditaq; uoce af-
 fectum animi demonstrat. Verū hæc & falsa est, & cum
 alijs quibusdam partibus communis. nam quid appellamus
 rude, quod uocem pronuntiantis exasperat, ut duplici con-
 sonante, Euax: aspiratione, Ohe: mutarum obscuriorum
 terminatione, At at. Verū enim uero aut tales, aut etiam
 duriores alibi inuenias offensiones. Verborum personæ eas-
 dem muta aliquot finiuntur, atque etiam obscurius sanè in
 plurali, Dormiunt. Aspiratio per omnes penè partes com-
 meat;

meat: Honor, Haurio, Heri. Duplices onerant frequentius nomina, Felix, Xenophon: quid rudius, quam Extra, Intra, Infra? Quid simplicius, quam O? Præterea quid est Inconditum? quod incompositum suam sedem amisit: Inconditas ædes, Incondite fluctuantes acies, Agmen inconditum. At nullus locus Interiectioni fraudi est: quare falsò à priscis dicta est Interiection, quæ etiam præponi, etiam postponi, etiam sola poni possit. Quod autem animi, aiunt, significare affectionem, non est ab eis declaratum: nam uox hæc, Dolor, animi affectum significat: at Heu, non significat dolorem, quemadmodum Balteus ab Imperatore militi datus non significat militiam, neque enim est uox: neque actio in ciuili Cimonis, significat stoliditatem: sed notæ tamen & signa sunt, illud militiæ, hoc stultitiæ: Sic Heu, dolorem non significat, sed est dolentis animi nota: itaque sola posita explet audientis animum indicio suo. Quæ causa fuit plena optimi consilij, qua maiores nostri ab Aduerbij distinxerint. Est igitur Interiection nota animi affecti, quæ nullius orationis indiget adiumento. Quare sequitur illa natura, ut careat inflexione: sibi enim unusquisque affectus præscribit certos limites: non enim continuatur dolor admirationi, sed penitus distinctus est. Quare diuersarum quoque uocum ministerio designantur. Quot igitur animi affectus, tot erunt interiectiones. Minamur, Væ: admiramur, Papæ: fastidimus, Ohe: dolemus, Hei: paucemus, At at: indignamur, Vah: percellimur, Au: abhorremus, Phy: optamus, Utinam: abijcimus, Apage: Laudamus, Euge: Attestamur, Doctis, Iuppiter, & laudatissimis: sicut & apud alium poetam, Ναῖβος, infandum, amissis. & Homericum illud, χαῖνος, in fine periosdi: mirificus enim ornatus orationis est, & augultiores efficit animi motus, quemadmodum in libris Poëtices à nobis exactissimè dictum est. Sic est apud eundem diuinum poetam:

Hunc ego te Euryale aspicio; tu'ne illa senectæ

Sera

Sera meæ requies? potuisti linquere solam?

Perfecta erat oratio: at incomparabilis ille uir non satis habuit, addiditq;

Crudelis. Nam etsi nomina sunt, tamen uim illam plenè obtinent. Iurantis quoque animus Interiectionis potius, quàm Aduerbij nota explicabitur, Profecto, Mediusfidius: & asseuerantis, aut sciscitantis, ut Sodes: & illud Terentianũ, s t, Indicentis silentium: quemadmodum etiã apud Plautum. Ex hac essentia atque usu, illud enatum est, ut etiã casus quosdam quærant sibi: in causã enim est efficacia significatus, Væ me, Væ mihi. Certos aliæ sibi casus usu potius, quàm ratione asciuerunt, Heu me, Heu mihi, O ingentem confidentiam.

CAP. CLXIII.

Voces quædam ab Interiectionis natura excluduntur.

Cum igitur affecti animi nota sit Interiectio, quærat aliquis: Can brutorum uoces in hunc ordinem sint redigendæ, Cra, Vhu, Cucu, Be, Bau, & eiusmodi. fortasse earum aliqua sint: nihilo minus, quàm nostrum Au: sed non recipiuntur in orationem, sicut neq; aliã ficta à poetis, nisi per iocum, aut figuram, *Βρικκιαιξ, θριγγανελώ, τήνλαα.*

CAP. CLXIIII.

Causa efficiens, & materialis & affectus ab his, & ab essentia.

Essentia Interiectionis, & finis hic est: origo autem multarum ab ipsa statim natura est: In metu enim uocem edimus primam quanque latissimam, Hu: in dolore Hoi, Hei, apud Plautum: aliæ autem ab alijs partibus subductis ex integra oratione, ut dicebamus, Iuppiter, Infandum, & eiusmodi. Item ab Aduerbij, aut Coniunctionibus, aut Præpositionibus: nanque O, à uocandi munere acceptum, transferimus sine casu in admirationem, aut uota:

O mihi præteritos referat si Iuppiter annos.

s

Vtinam

Vtinam Coniunctio fuit Vt, & additum est Nam: sicuti in Quianam: significat enim Vt, finem, quem in optando animo concipimus semper, non semper oratione explicamus. Coniunctio est At: geminata in metu, non ne aduersatur imminens tibi periculo? A Verbis quoque manarunt: Sodes.

Proprium ergo est aspirari ipsdē de causis: Aspiratio enim explicat suspiria, & difficultatis nota est. Itaque à Græcis sumptam seruarunt, Phy, φῦ, Heu: non inuentam addidere, ἦ, Hci, Hoi: quibusdam initio, Hau: alijs in medio, Eheu, Vaha: alijs in fine, Proh, Oh, Ah. Veteres tamen negant, ullam uocē in fine aspirari: quare fuit, aiunt, Aha. nostra nihil interest, quid senserint agrestes Opici: nam meliora secula ita pronunciarunt, Vah, Ah: quare etiam plus afficit Proh, quam Pro: & Oh, quàm O.

Proprium etiam componi, ut ὅμως, Mediusfidius, Heuheu: quare non rectē omisere Figuram.

Proprium etiam, nullo ordine statui: & ratio sanē subest ualida: perturbatus enim animus, aut præuenit affectum oratione, aut affectu orationem: quare non rectē Ordinem uetres assignarunt.

Proprium etiam carere specie, contrā, quàm dixere: neque enim una ab alia deriuatur: namq; Eheu composita est, non deducta. Igitur hoc erunt consequutæ, ut inter se dicantur Infectæ: sic enim uoces primitiæ à Varrone appellantur in secundo de Analogia. Dico autem, inter se: propterea quod ab alijs, ut diximus, deriuantur partibus.

Antimeria autem nulla afficitur alia, quàm quæ dicta est, ut pro integra oratione ponatur. Catullianum enim illud, Iupiter: sic est, O Iuppiter, tu testis esto.

IVL. CAES. SCALIGERI
DE CAUSIS LINGVAE
LATINAE LI-
BER XI.

CAP. CLXV.

Nomen & essentia Coniunctionis.



R A E C O R V M secuti quidam libentius interpretationem, quàm uocis concinnitatem, Coniunctionem, quàm Coniunctionem dicere maluerunt. At uerò & usitatum nomen aptius sonat, & duritia translationis prohibet sic innouari: lenius enim dicimus Iungere, quàm Vincere: quanquam Sextus quoque Pompeius *συμμετρησέμεν* potius Colligationem dicendam censuit. Coniunctionis autem notionem ueteres paulo inconsultius prodidere: neque enim, quod aiunt, partes alias coniungit: ipsæ enim partes per se inter se coniunguntur: Verbum nanque Nomini iungitur affinitate numeris, & personæ. Sed Coniunctio est, quæ coniungit orationes plures, siue actu, siue potestate: nam, Cæsar pugnat, Cæsar scribit, duæ sunt orationes separatae, quæ Coniunctione in unum coalescent: actu igitur duæ sunt: at Cæsar & pugnat, & scribit, potestate duæ sunt: quoniam Cæsar bis est repetendus.

CAP. CLXVI.

Inuestigat subtilissime causam
specierum.

I Gitur hæc Coniunctio cum fieri posse uideatur, aut secundum sensum tantum, aut secundum uerba tantum, aut secundum utrumque: ex ipsis rebus, quæadmodum hæc recte fiant, uideamus. Res aut necessario coheret, aut non necessario coheret, aut necessario non

coherent. *Necessitas* autem duplex: aut absoluta, ut *Deus* est: *necessariò* enim est non ab alio, sed quia immutabiliter est: est namque *Necessè*, quod nec esse aliter potest. *Theologi* autem abusi sunt hac uoce, ut eam à *Deo* excluderent: quasi idem esset *necessè*, & *coactum*: at enim uero ipsis, ut liber: uocis uerò ratio est, *Perfectio*: contingens enim pertinet ad *imperfectiōem*. Alia est *Necessitas* dependens: hæc in *Deo* nulla est: *Deus* enim est, *Primum*, & *Simplex*, & *Potens* omnia, & *Omnium* causa. Huius *Necessitatis* duæ sunt species, siue modi: nam ipsa causa, quam aliquid sequitur, aut extat suapte natura: aut non extat quidem, sed per *uoluntatem* statuitur. exemplum primi est: *Homo*, ergo *disciplinæ* capax. hic, *Homo*, causa est, & seipso extat in oratione. At non ita in secundo modo, cuius exemplum hoc esto: Si ambulat, mouetur. hic enim non statuitur *Ambulatio*. ex his igitur coniunctionum species sunt eliciendæ. Ergo secundum sensum tantum quæ coniungant, non reperiuntur, propterea quòd sensus notæ uoces sunt: quare omnes uerba coniungunt, sed earum quædam etiam sensum, quædam non.

CAP. CLXVII.

Copulatiuæ.

Aut ergo sensum coniungunt, ac uerba: aut uerba tantum coniungunt, sensum uerò disiungunt: & si sensum coniungunt, aut *necessariò*, aut non *necessariò*: & si non *necessariò*, tunc fiunt *Copulatiuæ*, quas *Connexiuas* uocat *Gellius* libro decimo, & sunt hæc, *E* *T*, *Quæ*, *Ac*, *Atque*: ut, *Cæsar* doctus fuit, & *pugnax*: non enim *necessariò* coherent hæc res, quare etiam possunt *disiungere* apposita *negatione*, *Cæsar* doctus & non *timidus*: sic, *Neque* *crudelis*, *neque* *timidus*.

His addidere *suspensiuas*, hoc exemplo, *Et* *fugit*, & *pugnat*: sed frustra: merito enim uerborum fit hoc: ut, *Homo* est, & *inhumanus*. Sanè est *superflua* curiositas.

CAP.

Necessariò autem cõiungunt, cùm causam aut præstituant, aut subdūt. Præstituant eæ, quas Continuatiuas uocant ueteres: recentiores autem Conditionales: ut, Si stertit, dormit: causa nanque dormiendi, etsi non est ipsum stertere, sed è contrario: tamen ipsa Coniunctio necessariò huic rei, quæ est stertere, subdit dormire: ut quemadmodum res à re dependet, ita intellectus ordine contrario. Prior est Motus, quàm Cursus: Itaque posito Cursu, etiam Motus ponetur ab intellectu: est enim Cursus causa intellectionis Motus: hoc autem est necessarium, non absolutum, neq; positium, sed *ἐνδεχόμενον*. Fit autem quia continetur à specie genus: item comes est affectus. Quare non rectè scribere, Coniungi ab his sensus imperfectos: sunt enim perfectissimi hi, Dies est, Lux est. Addunt etiam id, Iungunt, inquit, sine subsistentia. At hoc est falsum: aliquando enim subsistunt, ut Nunc, cùm scribo: Nox est. & dicam: Si nox est, Sol sub terra nobis est. Ergo nunc nox subsistit, & tamen est continuatiua. Sed ita dicere debuere, Sine subsistentia necessaria: potest enim subsistere, & non subsistere: utrunq; enim admittunt.

Sub eodem genere sunt Abnegatiuæ: ut, Si interfuissem, pugnassem: ostendunt enim effectum abesse, quia defuerit causa. Hoc autem non ex Coniunctione fit, sed merito Modorum, & Temporum: simile enim est id, Si intercro, pugnabo.

Quæ autem non ex hypothesi, sed ex eo, quod subsistit, coniungunt: Subcontinuatiuas dixere. Causas subdunt hæ, sic: Mouetur, quoniam ambulat. statuit enim ambulare, atque iccirco moueri: Continuatiua autem non statuebat ambulare. Malè autem à ueteribus ita dictæ sunt: nam Præpositio Sub, in hoc nomine aut speciem significat, ut hominem sub animalì dicimus: aut diminutionem potestatis, ut hypo-

pheten sub prophete intelligimus. At neutrum conuenit: neque enim species esse quit certa res incertæ rei: & Sub continuatiuæ potestas maior est, quàm Continuatiuæ. Sed ita excusandi sunt: amplitudinem Continuatiuæ percipi ex eo quòd etiam impossibile aliquando præsupponit.

Ex hac quoque classe sunt Adiunctiuæ: ut, Pugna, dum uir es. Et quæ generis nomine Caussatiuas appellantur: ut, Pugnaui, quia læsus fui. Et Approbatiuæ: ut, Pugnaui, equidem læsus. Collectiuis eadem natura, sed distant ordine: præponunt enim causam: ut, Homo, ergo animal. Similes huic sunt, Igitur, Quare, Itaque, Quòd: sic, Cæsar fuit Dictator, quare omnia occupauit. Exemplum ultimæ, Veni ad te euocatus: Pugnaui iussu tuo, uici: Regnum recuperasti, miser propterea sum: Quòd te per communes rerum uiscissitudines rogo, subueni mihi. deest enim Præpositio, sic. Propter quòd: dicimus enim etiam, Propterea, & Iccirco, & alia,

Et omnino quæ aliquam causam apponunt ad intellectum: Efficientem sic, Quia iubes, faciam: tu enim moues me ad faciendum. Finale sic, DO, ut des. est enim *Vti, &c.* Possunt autem & hæ, & aliæ transponi: Quia dabis, do. Has antiqui Perfectiuas, & Absolutiuas nominabant: inter quas etiam Quatenus recensere, & Quo. Cùm autem addunt prohibentem particulam Ne, ludunt operâ: Aduerbiu enim est.

CAPVT CLXIX.

Resolutio in Copulatiuas.

Resoluuntur autem in Copulatiuas omnes hæ, propterea quòd causa cum effectu supapte natura coniuncta est: itaq; dicemus, Et do, & dabis: Et dies est, & lux est. Sic loquuti sunt præci, Audieras, & fama fuit: quia fuit fama. Habes igitur causam huius quoque loquutionis. Cùm autem Copulatiua duplex sit, Affirmans, & Negans: Negatiua in Affirmatiuam resoluetur, Cæsar neque timidus, neq; auarus fuit: subest enim habitus contrarius, Et fortis, & liberalis. Disiun

Disiungit autem negatiua propter negationem, non propter se : ut, Vis uincere, nec pugnare : est enim, Et non pugnare. Hoc autem percipitur ex integra : Nec, mutila est : Neque, integra. est autem Neq;, & Non.

CAPVT CLXX.

Disiunctiua, & Subdisiunctiua.

QVæ igitur non necessario, Copulatiua : quæ necessario, Causatiua : quarum species duæ : aut ex hypothesi, aut absolutæ. Quæ autem necessario non coniungunt, Disiunctiua uerò dictæ sunt : Aut, Vel, Siue, à quibus differre fecerunt Subdisiunctiua, propterea quod hæ utraq; ponerent partem ad electionem : Disiunctiua autem alteram tantum. Sicut Continuatiua alteri incertæ, alteram positam continuabant : Subcontinuatiua utraq; positam, alteram alteri subcontinuabant. Et sanè nomen Subdisiunctiuarum rectè acceptum est : neque enim tam plenè disiungit, quàm Disiunctiua : Nam Disiunctiua sunt in contrarijs, aut Positiuè, ut, Aut sanus est, aut æger : aut Priuatiuè, Aut dies est, aut nox : aut Relatiuè, Aut pater est, aut filius. Subdisiunctiua autem etiam in non contrarijs, sed diuersis tantum : ut, Alexander, siue Paris. Differunt igitur inter se secundum contextum orationis : propterea quod disiectiuarum partes nunquam coherent, sed sub contradictione positæ sunt : at Subdisiunctiua non item. causa est, quia Subdisiunctiua ortæ sunt à Conditionalibus, quæ etiam impossibile admittit, sic, Si tu homo sis, siue Equus, siue lapis : necesse est corpore præditus fueris : sic enim usus est Terentius.

Quas autem uocant Dubitatiua, et ad Disiunctiua rectè accedunt : ac magnum sanè ambitum nactæ sunt, quippe ex omni oratione potest oriri dubitatio : adeo ut Sceptici etiam *ἡ ἀμφιμυρία* ponerent in disceptationem. Post dubitationem fiet questio per interrogationem. quare modus quidam est orationis, non species, ut cum dicam, Eloquar, an fileam : intelligo mihi aut loquendum, aut silendum.

Quo

Quoniam uero alterum capimus pro certo in disiunctione : ica circo usus rapuit VEL, ad utriusque partis affirmationem, ut & separata intelligas natura, & utraque posita, ueluti alterum tantum ponebatur à Subcontinuatibus : exemplum hoc esto, Vel quia es homo, uel quia nobilis, uel quia Romanus, noli pati seruitutem. unam ex his capere possis causam, at tres ipsas omnes afferre queas. Terentius etiam solam posuit semel : Vel Rex mihi gratias agere. subintelligas, uel alij : sed potiore partem satis habuit ponere. ὡδυνικὰς Græci uocant, nos Electiuas. huius eæ quoque generis sunt : ut, Malo Cæsarem, quàm Catonem. Nam etsi alterutrum non capiunt, sed designatum tantum sumunt, latiore tamè disiungendi uoce subiiciuntur, quemadmodum dicebamus de Vel, apud Terentium. Commoda uel mulum, uel equum. malis tamen Equum : neque enim copulatiuæ sint, abijcitur enim alterum membrum disiunctum. Quid si Aduerbia hæc sint Comparationis : nam dicimus, Tam uolo Cæsarem, quàm Catonem : quia Nomina sic iubent, Tantus Cæsar est, quantus Cato. Vfus postea inæquali Comparatione etiā retinuit, ut sicut erat Tam, quàm : sic sit, Magis, quàm.

Aduersatiuæ quoque ad Disiunctiuarum naturam accedunt : propositæ enim rei aduersantur : disiungunt igitur necessarium : Quanquam Cæsar nobilissimis aus ortus est, tamen de terrioris imperio paret. seruitus enim aduersatur nobilitati : Huius notæ sunt, Quin, Imo, Atque, At : ut apud Liuium in Tertio, Si plebeia leges displicerent : at illi communiter legumlatores & ex plebe, & ex patribus sinerent creari. In eandem sententiam admittitur etiam Saltem, sic, Saltem me interfice, si liberare non uis. idem est, Aut libera, aut interfice. Sic, Quanquam potes liberare, tamen morte hoc si facias, gratum erit. Diminutiuas appellant has Latini, Græci ἐλαττωτικὰς.

Completivæ autem et si ornatus magis causa, quàm rerum necessitate inuentæ uidentur : tamen augent sensum orationis : atq; ita augent, ut penè cum Subdisiunctiuis incant scietatem : Ego quidem scribo, tu uerò legis. disiungit enim sensum appositæ orationis, ab intellectu propositæ.

CAP. CLXXII.

Summa.

Hæc igitur sic se habent certis concepta generibus, quæ ab antiquis & fusè, & confusè prodita fuerant : iungunt enim aut uerba tantum, aut etiam sensum : quare tribus classibus dispositæ sunt : aut enim iungunt necessariò, aut non necessariò : aut necessariò non. Necessitas autem, aut est propositione priore subsistente, aut ex hypothesis.

CAP. CLXXIII.

Causa efficiens, & materialis.

Essentiam finemq; Coniunctionum satis aptè explicatam puto : nunc earum originem, materiamq; uideamus. Neque uerò sigillatim percurrere omnes in animo est. In primis namq; libris Originum exactissimè posita ea opera à nobis fuit : sed ut uniuersalis natura plenius declaretur. Quædam igitur à Græcis ductæ sunt integræ, quædam interpolatæ. Integra est *NE*. *νῆπις* enim dicti sunt à Græcis pisces, ut apud Oppianum : unde etiam nostra Nepa, pedibus enim minime ualet : nisi mauis esse uocabulum Punicum, nam à barbaris ita dicta fuit. Vt, est mutata, *en* : sicut *en*, *ET* : sicut *Que*, *que*, abiecto diphthongi sono, quemadmodum *de*, *de*. Multæ cum Aduerbijs communem sonum habent : *VT*, Quanquam ; atque etiam naturam, est enim *Vt*, Aduerbijs similitudinis, & est causæ finalis indicatiua Coniunctio : nihil enim simile magis rei motæ, quàm finis. Sic aduersatiua Quanquam, Aduerbijs uestigia refert in comparatione : Quanquam es nobilis, tamen es prauus. idem est, tamen es prauus, quàm es nobilis. Sic *Aut*, fuit *Haud* : eadem enim

T uis

uis occulta, Aut da, aut accipe. negat enim omnis disiunctio, quoniam semel ponebant, Da, aut accipe. fuit enim sic, Da, non accipe: & Accipe, non da. postea miscuere, Aut da, aut accipe. Ita Ve, & Vel, proximæ sunt. Si, fuit è; addito sibilo: à qua ducta est Sic: fuit enim Sice, sicuti Nece, Nec. Sic, est Aduerbum similitudinis. Conditionalis autem Si, affert similitudinem inter causam, & effectum. At, fuit Ad, acceffionem enim dicit.

CAP. CLXXIIII.

Affectus.

Componuntur inter se, E T S I, A T Q V E: cum Aduerbijs, Etiam: fuit enim Et, iam: & trisyllabum Etiam, quia iam, bisyllabum, ut frequenter apud Comicos. Quædā compositæ nunquam componuntur in oratione: ut, Nequidem: semper enim per *τμήσις*, quanquam alicubi aliter legitur: sed putant doctiores mendū esse. Cum Præpositionibus, Absq̃. Cum Verbis, Quamuis. Quædam semper præponuntur, Quanquam: quædam subeunt semper, Que, Ve, Ne: quædam utrunque patiuntur, Igitur, Nanque. Cum Pronominibus, Ideo. Cum Nomine, Quare.

Proprium autem, ut diximus, ab Aduerbijs multum naturæ mutuari, adeo ut Aduerbio pro ipsis utamur: Quando, pro Quoniam: nec immeritò, nam Quoniam, Aduerbum est, Quom, iam. causa translationis fuit temporis efficacia, est enim mensura rerum naturalium. Et abundare, Et etiam, Atque etiam.

Ἀντιπρὸς ad hunc modum in Coniunctionibus obseruata fuit: Commutantur inter se: ut, Item, pro sic, apud Ciceronem: Vel, pro Etiam. Pro Nomine ponitur, Illius ergò uenimus: sed sanè nomen fuit ipsum, *ἐγγορ*. Pro Pronomine, Propterea quod: id est, propter id, quod. sed potius est numerus pro numero, sicut cum dicimus Ad hæc, & Ad hoc.

CAP. CLXXV.

Epilogus uniuerſalis.

EX his ſatis conſtat, non plures eſſe parteis, quemadmodum
aut rudiores, aut acutiores arbitrati ſunt : non igitur rectè
additum, Vocabulum, ad ſignificandum ea, quæ ſub ſenſum
caderēt : ut Paries, & Lapis, eſſent Vocabula: Virtus autem,
& Anima, eſſent Nomina: propterea quòd intellectu tantum
caperentur. Patet enim, Vocabulum eſſe genus ad omnia:
nam etiam Amo, cùm pronuntiatur, Vocabulum eſt: ut Sta-
bulum, ubi ſtatur : Pabulum, ubi paſcitur : Tintinnabulum,
quod ſonat : Vocabulum, quod in uoce eſt. Eiufdem ſuper-
ſtitioſis, & pluſquàm Græcè, in minima diuidere, quæ unius
corporis ſunt : ut in Aſſecrationem ea, quæ eſſent In-
teriectionis, cuiusmodi putarunt H E V. Et Attra-
ctionem ea, quæ ad Aduerbium attinebant,
quale eſt Faſceatim : quæ enim Attra-
ctio ſit, Viritim conſulere, quos
non trahis, ſed adis: Quæ
omnia iure optimo
à doctiſſimis
ante
nos exploſa ſunt.

T z

I V L. CAES. SCALIGERI
DE CAUSIS LINGVAE
LATINAE LI-
BER XII.

C A P. CLXXVI.

Consilium operæ amplioris, & de Figura.



AM satis uidebatur elaboratum uel mihi, qui
fortasse etiam quæ nusquam essent, excussis-
sem: uel alijs, qui coacti sunt aut aliter sen-
tire, quàm essent hætenus professi: aut irri-
dere curiosam nostram diligentiam. Verùm in-
terest accurati procuratoris, non solum eorum tenere ratio-
nem, quæ in familiâ sunt: sed etiam agere, ut siquid sur-
reptum, aut extortum, aut alio quo modo debitum sit,
eo recuperato census augeatur. Itaque cum ueterum le-
ges, eorumque consilia à nobis hætenus explicata sint:
superesse uidetur, ut siquid extra easdem leges receptum
sit, more nostro & recenscamus, & eius instituti redda-
mus rationem. Igitur loquendi modos quosdam Figu-
ras prisca malè nominarunt: omnis enim oratio figurata
est: est enim Figura qualitas extremitatum in corpore:
Oratio in uoce est, uox in aëre, aër corpus: ergo quasi
lineamenta sunt quædam huius corporis, uocum elatio-
nes, depressiones, productiones, correptiones, aspiratio-
nes, attenuationes, inceptiones, terminationes. Quare quo-
cunque loquaris modo, non aberit Figura. ueteribus ta-
men ita libitum fuit, ut non quæuis loquutio Figura præ-
scriberetur: sed aut in materia ipsa aliquid quali peregrin-
um, aut in forma quod esset, Figura diceretur. Ac Quin-
tilianus quidem quemadmodum & senserit, & scripserit de
his, palam est. *ῥησις* enim, & *ῥήματα*, uti fierent, docuit:
sed adeo ipse perplexus fuit, ut cum distingueret, eadem
distincta

distincta non agnosceret. præstat autem sic intelligere, quæ ad formam pertinerent orationis, id est ad sententiam, ea esse *ἁπλως*, & tropos dici: quæ autem ad materiam, ea esse *ἀντιφθωρως*, & schemata: nam *ἡμῶν* corporis est: *πρὸς ὅν*, animi. quare eos, quasi mores, modosq; orationis, quibus ipsa quasi & animatur, & mouetur simul, ac mouet, oratori res linquemus. Quæ autem uerborum lineamenta sunt, ea aut sunt usitata, & ad numeros pertinent, ut Similiter cadens, & eiusmodi: aut ad structuræ uariationem. Illa igitur ad politiorem spectabunt scripturam, hæc ad scribendi, loquendique leges: utraque autem Figura continebuntur. Quare illas oratori, historico, poetæ destinabimus: harum nos causas præsentî opera inuestigandas curabimus.

CAP. CLXXVII.

Appositio.

CAussa, propter quam duo Substantiua, non ponuntur sine Copula, è Philosophia petenda est: neque enim duo substantialiter unum esse possunt, sicut Substantia & Accidens: itaque non dicas, Cæsar Cato pugnat. Si igitur aliqua Substantia eiusmodi est, ut ex ea, & alia, unum intelligi queat, earum duarum Substantiarum totidem notæ, id est nomina, in oratione sine Coniunctione coherere poterunt. Quare propositum nomen amplioris intellectus, subeuntis nominis præscriptione moderabimur, sic, Vrbs Roma: posita enim Urbis uox, deducet meum intellectum per omnes urbes, donec addito Romæ nomine castigabitur. Est autem amplitudo huius intellectûs duplex: aut enim est Vniuoca, ut Vrbs, Arbor: aut Aequiuoca, ut Lepus, Lupus, Turtur: significant enim & piscem, & alia animalia generis diuersi: itaque in præsentia sunt maioris significatus, quàm Piscis: quod tamen est nomen latissimi generis: Complectitur enim plura Piscis, quàm Lepus. Sed iccirco fit hoc loco, quia Aequiuocum nullo certo genere

ponitur: est enim Lupus, & in Piscibus, & in Terrestribus, quæ duo summa genera sunt. Est & alius modus modulationis à denominatione: nam si dicas Cæsar, multas uirtutes aut uitia possis attribuire. Itaque temperabis eum cursum tam uagum, appositis nominibus, Imperator, Dictator. Et alio flexu sic, Catilina pestis rerum Romanarum: Procas Romanæ gloria gentis. Fit etiam quarto modo, cum transfertur figurate denominatio in primitiuum. Zoilus uitium, pro uitioso. Causa autem huiusce loquutionis fuit articulus Græcus. *λαγὸς ὁ ἰχθύς, καὶ τὰς ὁ αὐτοκράτωρ*. Euenit autem aliquo modo, ut utrunque altero maius sit, quare sine ullo discrimine commutare sedes inter se queunt. Exempli gratia, Lepus piscis: &, Piscis lepus. est enim lepus sub pisce, tanquam sub genere. Idcirco pessimè errarunt, cum putarent sic dicendum, Fratres gemini: non sic, Gemini fratres. Etenim fratres esse possunt, nec gemini: & gemini, nec fratres. ut omittam, non esse appositionem hinc ex Substantiuo & Adiectiuo. Sic dicas, Flumen Renus: quia alia quoque flumina sunt: &, Renus flumen: propterea quod nihil interest, aliquid ita sit, an ita esse putetur. itaque etsi Renus, non est æquiuocum, tamen nescienti quid Renus sit, æquiuocum esse potest, quemadmodum sanè est: nam etiam Bononiensis fluuius Renus est. Sed par sit aliorum quoque ratio: nam Taxus æquiuocum non est, & tamen ad explicandum eius naturam, additur Arbor: possim enim herbam, aut etiam montem intelligere. Hoc per initia ita factum est, ac postea etiam non necessaria tenuit consuetudo: sic enim fit in usu ciuili quoque, & militari, ut Cristas etiam in pace gestemus. Vergilius autem commutauit sedes ob carmen, Castaneasq; nuces— omnis enim Castanea nux est. Nam posita specie, genus non debet apponi, ut diximus, nisi ad explicationem: quod si apponitur, decet ipsum coartari ad angustiora: ut cum dicas, Cæsar homo imperterritus: est enim Homo genus: at cum addis Imperterritum, cogis in arcioriẽ significatum: quia

quia possit esse, & non esse Imperterritus. An uero sit Appositio ab Adiectiuis?

Tectum augustum, ingens, centum sublime columnis. Non ita est, sed Tropus *ἀνυπόθεσις*: & repetitur intellectuione, tectum. Hinc patent nugæ Grammaticorum, qui negant recte dici à Vergilio, Urbem Patauij: cùm tamen omnes ita sint locuti: In oppido Cumarum, Palladius: In oppido Antiochiæ, Cícero: & eodem filo Liuius, Vrbs Romana: est enim in illis casus Possessiuus, in hoc nomen ipsum. ac quanquam possidens & possessum diuersa esse debent: tamen hæc duo, quæ unum sunt, Vrbs, & Roma, duo esse aliquo modo intelligentur: quasi urbem Patauinorum dicas, & Romanorum. Et sanè duo sunt: nam Vrbs, est appellatiuum: Patauium, proprium: quasi proprium possideat appellatiuum. sicuti dicimus, Vrbs nominis inclyti: sic, Vrbs nominis Patauij.

CAP. CLXXVIII.

Euocatio.

Evocationem dixerunt, cùm tertia persona euadit prima, aut secunda, quasi hæc euocent illam de sua statione, aut ex hybernis: uocabulum enim est militare. apponūt exemplum, Ego Cæsar scribo: Tu Cato legis. uerum hoc à nobis iam improbatum est: Omne enim nomen cuiusuis personæ est, sed non uariata: sicuti Felix, cuiusuis generis eadem uoce: ridiculum enim est, Cæsarem in me esse personæ Tertiar: nunquam enim loquens, aut scribens de me, essem personæ primæ. Neque possem dicere, Ego sum Cæsar. Nam si esset personæ Tertiar: possem item dicere, Ego sum ille: & Ego sum persona tertia.

CAP. CLXXIX.

Conceptio.

Quem

Quemadmodum una fieret oratio, in superiore libro, & alibi dictum est. Coniunctione enim fit una: Cæsar, & Cato equitant. Equitatio hinc una est in duobus. Itaque aliquando subiecta intelligis: quæ quia sunt plura, pluralem numerum appones. Aliquando prædicati unitatem communem utrique accipies: quare numerum attribues unitatis, Cæsar, & Cato equitat. Maluerunt igitur illam esse figuram in plurali, quàm hanc in singulari. Et ratio est, quia Coniunctio repetit numerum singularem: ostendimus enim duas esse orationes potestate, quare utraque erit singularis. Neque uerò sola Copulatiua hoc aget, sed & Diliunctiua, sic, Aut tu, aut Cæsar date mihi facultatem scribendi. Paulo figuratius eadem oratio in obliquis uersatur, sic, Cæsar cum Catone disputant. Cuius loquutionis necessitas euenit ad euitandam ambiguitatem. si diceres, Cæsar cum Catone disputat: non unionem, sed controuersiam posses accipere. Sed illa longè figuratior apud Ouidium,

Ilia cum Lauso de Numitore sati.

Neque enim Ilia erat sati, sed sata cum Lauso. Itaque ante quàm reddas Verbum Recto, Rectus cum Obliquo ita sunt coniungendi, ut unum sit è pluribus, quibus pluribus Verbi numerus respondeat. Recte uerò putarunt illam esse figuram apud Poëtam,

Cana Fides, & Vesta, Remo cum fratre Quirinus
-Iura dabunt.

Sed nos etiam utroque modo figuram intelligimus. Fides, & Vesta iura dabunt: & alteram in obliquo, Quirinus cum Remo.

Fit autem hæc unio non solum in Numero, sed etiam in Persona: ut reddatur uerbum primæ, & secundæ, non sine causa: Nobiliori enim debetur. Quæ loquitur, nobilissima est: facit enim orationem: & sibi ipsi, ut ita dicam, proxima est: mox secunda. Itaque cum se ipsa posuit, non potest ad aliam transferre uerbum: sic enim definitur, Quæ de se ipsa loquitur

quitur: ita igitur loquemur, Ego & tu scribimus: Tu & Cato pugnatis. Eadem nobilitatis ratione in genere fit Figura, ut Masculino reddatur, aut Fœminino. Cum ergo & in Numero, & in Persona, & in Genere fiat Conceptio: illud habet proprium sibi, ut in Numero solo possit fieri. Cum autem fit in Persona, aut in Genere, semper etiam Figura numeri adsit. Ego & Lucina læti uiuimus: Tu cum matre laeti cœnatis. Atque iccirco dicta conceptio est duabus de causis: aut quia minus à maiore: aut quia minus nobile à nobiliori continebatur. Quemadmodum uerò autores ea usi sint, ad Grammaticum eum spectat, qui docet cōponere orationem.

CAP. CLXXX.

Iugatio.

Proxima huic Iugatio est, quàm Zeugma Græco uocabulo maluerunt appellare, cum tamen Latinis alijs uterentur. Nam quemadmodum in Conceptione quod unius erat, commune euadebat: sic in Iugatione, quod unius est, ita ad eum pertinet, ut eius significatui adiungat alterum. Per Conceptionem sic loquere, Tu & Lucina mihi cari estis: per Iugationem sic, Tu mihi carus es, & Lucina. Non igitur hic concipit, sed permittit tantundem. Est itaque conceptionis uis dimidio maior. Iugum igitur quoddam quasi est Adiectiuum, quo in unum cœunt significatum extrema duo: quare medio in loco sedem sibi iure uindicat. Verum usu extortum est, ut uocum stationes commutarentur. Itaque tribus modis excogitarunt: Primo loco, sic, Carus mihi es tu, & Lucina. Medio, sic, Tu mihi carus es, & Lucina. In postremo, Tu mihi, & Lucina cara est. Græca Latinè ad hunc modum interpretere, *πρόσδρυμα*, *μεσὸς δρυμα*, *ὑπὸς δρυμα*: Præiugatio, Interiugatio, Adiugatio. Fit autem, quemadmodum & Conceptio, per Numerum, Personam, & Genus: Tu, & mulieres bonæ sunt, per Conceptionem diceret, Boni estis. Quare pessimè aggreffi sunt emendare Virgilij carmen illud:
-Nihil hic, nisi carmina desunt. & male in singulari, deest:

Sic enim dicas, Non quicquam, sed carmina defunt: idem nanque. Si non defunt carmina, nihil deest: uerissimum hypozeugma est.

CAP. CLXXXI.

Anticipatio.

Anticipationem triplicem accepimus, Poeticam, Oratoriam, Literariam. Poëta antecapit ex sua persona intellectionem communem auditoris: ut, —Portusque require Velinos. Hic enim de sua persona occupat personam Palinuri poëta. neque enim tunc Velini portus dicebantur, cum Palinurus loquebatur. sic, Lauinia litora, dixit. Oratoria est, cum antecapimus locum in animis iudicum, respondentes tacitis obiectionibus. Literaria est, cum præcipimus toto partes, sic, Ciues nati ad interitum Reipublicæ, Pompeius superbia, Cæsar magnanimitate. Est autem maximè coniuncta figura hæc cum Conceptione, quatenus totum concipit partes suas: neque ab ea differt, nisi distributione: & est contraria ordinatione uocum Appositioni: Pastores compulerat gregem, Thyrsis oues, Corydon capellas: distributio est per anticipationem. conuerte sic, Thyrsis, & Corydon pastores: appositio est. hanc Prolepsin Græcè appellant, quasi præceptionem.

CAP. CLXXXII.

Compositio.

Quid esset Componere, satis superioribus libris declaratum est: quod si quis aut meminerit, aut animaduertat, intelliget non conuenire huic loquendi modo, quem sic nominarunt: Est enim hæc loquutio, cum significatum uoci contrarium, uoce ipsa ducimus potiore. Populus unum significat è multis confectum: multa igitur significat per se, unum per accidens: quare si uerbum plurali numero attribuitur, significatum respiciet, non uocem. Figura igitur sanè est non longe à Conceptione: Idè enim est Populus, & hic ciuis, & hic, & ille. Veteres

Veteres autem compositionem nulla uera ratione dicere potuerunt. nihil enim componitur, sed transfertur. Ita cum dicis, Foetum pecus: componis genus cum genere, & transfers significatū. Nam pecus genere neutro cum Mares, & Foemellas comprehendat, affectum foemellarum transtulit ad foemellas comprehensas. Est igitur potius Translatio, aut Concessio, quam Compositio. Sic uariatur Genus etiam: ut, Pars per agros dilapsi: quia Pars, sit idem, quod, Milites. Sic est apud Homerum, *ἄκρον φίλι*. Sic est, Triste lupus stabulis: ut illud, In Eunuchum suam: quoniam Eunuchus sit comœdia: Lupus autem res: ut sit, Triste, Tristis res.

CAP. CLXXXIII.

Comprehensio.

Hic non absimilis Comprehensio. Græci *συνκεδχόν* uocant. Cum ex toto excipit affectum partis, cui toto eū affectum attribuamus: Elephas curuus dentes. Hæc tota figura consistit in denominatione totius à parte. Nam uerum est, Dens est pars Elephantis curua: ergo Elephante est curuus *ἢ τὸς ὀδόντας*. In priore figura significatus concipiebat uocem, in hac pars totum in significatu. in uoce è contrariis Totum concipit partem. Igitur Græcum nomen multæ efficacis est: nam *σύν*, significat totum & partem simul esse: *ἐκ*, significat exceptam qualitatem, aut aliud à parte, & toti attributum. *δύχως*, significat ipsum motum translationis.

CAP. CLXXXIIII.

Antiptosis.

Non possumus unico uerbo Latine Græcum exprimere, *ἀντίπρωσι*. quæ Figura multis modis fit, cum Casum pro casu ponimus: ac sit quidem ueterū auctoritate: careo pecunia, & pecuniam. Sed sane hîc Figura nulla est: usus enim extorsit postea, quo antea placitum erat. Alius modus est, *ἰσὶ* multiplex: & Attici longè diuerso more utuntur, cum relatiui casum eundem faciunt cum antecedente, *πρὸς λόγῳ, ὃν ἐλεξα*.

V 2 quo

quo modo etiam Gellius aliquando usus est: Latini ceteri uix utuntur. Mollissimum fuit genus illud, Quam urbem statuo, accipite: at duriusculum, Urbem, quam statuo uestra est. Iccirco non ineptè nobis pueris praeceptores nostri sic interpretabantur, Vultis his regnis consistere: uultis urbem, quam statuo? uestra est. Verùm hinc ita sit, sed profectò ueteres nimis multa licere sibi uoluere, uelut Plautus, Aulularia, Pici diuitijs, qui aureos montes colunt, ego solus supero. Causa huius orationis fuit, aliorum intētus animus, deinde deflexus filius loquutionis: id quod patet ex eodem Plauto in Captiuis, Hos quos uidetis stare hic captiuos duos, illi qui stant, hi stant hic ambo, non sedent. Dicturus enim aliud uidebatur alio uerbo, cū subiunxit festiuè contrarium.

Hæ sunt causæ extortæ orationis: non quemadmodum solute prodidere sine ulla ratione. Modos autem ampliores non est præsentis instituti contemplari: sed pertinet ad construendi leges, & obseruationes autorum: reducunturq; ad hos, quos descripsimus: uelut cū ex

Affirmatiua facias aut

Negatiuam, aut

Dubitatiuam:

aliâq; eius

modi.

IVL. CAES. SCALIGERI
DE CAUSIS LINGVAE
LATINAE, LIBER
XIII.

CAP. CLXXXV..

Vocum causas duplices esse, Essentiales,
& Accidentales,



ACTENVS singularū partium Formam, Effi-
cientem, Finem, Materiam, Affectus declarau-
mus: quicq; Affectus essent ab ipsa Essentia pro-
fecti, superioribus libris dicti sunt: qui ue usu
extorti, hoc postremo. Nunc autem communem
omnium uocum naturam uideamus, ex instituto sic repeten-
tes: Vocū & Materiam, & Forma est, & Origo: quam pro effi-
ciente accepimus semper: igitur causas quoque duplices
habuere: alteras Essentia, alteras Materiae & Accidentium.
Essentiales Etymologias Graeci uocant. Nam quamobrem,
Amo, dicitur: quia ἀμα, & ἄμμα. & ἄνω. Essentialis est. Quare
Amo, Amas, Amat: Quia Canto, Cantas, Cantat: Materia-
lis, & Accidentalisis est. Quas causas propterea quod ueterum
aliqui aut reiecerunt, aut negauerūt, in praesentia à nobis ue-
rioribus argumentis agendum est, ut merito & receptae, &
probatae uideantur. Id quod operis initio non fecimus eo
consilio, quod supra narrabamus: cum enim subiectum suum
esse nullus artifex probet argumentis, neq; ὅτι δὲ ὄν, at ne ὅτι
ἔστιν, quidem: sed tantummodo redarguendo pertinaces: ideo
in hunc postremum librum haec opera destinanda fuisse
uisa est.

CAP. CLXXXVI.

Veterum argumenta,

v 3

Etymo

Etymologiam Græci uocant, causam unde uoces ductæ sunt; ueriloquium Latinis placuit interpretari, sed quàm frigidè uideamus: Nam ueritas in oratione est, non in uerbis priuis. Præterea λόγος in hac uoce, significat rationem, non autem loquutionem, ut uera ratio potius dicenda sit: quare nos, Vocis rationem, transferre maluimus. causam autem accidentalem ijdem; ἀναλογίαν eodem consilio nominarunt: id est, rationem proportionis. Eas sic destruere nonnulli insituere. Nominum, inquiunt, naturæ, nisi per nomina demonstrari nequeunt: nomina enim rerum sunt notæ. Intelligunt autē nunc per nomina, uoces omnes: sicut per Tignum immittendum Iureconsultus etiam lapidem. Quodeunque igitur declaratur, per notiorē quampiam rem notum fit. Ergo illa nomina, per quæ nomen illud definitur, nomine ipso notiora erunt. Ea porro nomina, aut nota habebimus, aut non: at absurdum est ea ignorari, per quæ aliud notum facimus: itaque nota sunt: & si nota, per aliud sanè nota: per aliud igitur nomen. Quare usque in infinitum: hoc autem absurdum est: non est igitur uerum, nominum ullam esse causam. Præterea, Nomina esse infinita, aut omnino, aut propemodum, atque iccirco ignota: infinita autem finita natura nostra capax non est. Ad hæc, quæ usu mutantur assiduo, partimq; interire, partim quotidie subnascuntur, ea ignorari necesse est: cū æternarum tantum rerum scientia sit: est enim Scientia habitus animæ certus: at corruptibilia incerta sunt. Postrema ratio hæc summos adduxit uiros, ut integris contenderent libris: Quæ nullis, inquit, certis inter se cohærent legibus, ea nullo modo sub certas uenire leges: Eiusmodi uerò esse nomina. Cū enim duæ, ut diximus, causæ sint, Etymologia ignota esse, uel ex eo constare, quod super eodem uocabulo diuersa senserint autores: analogiam autem, quam æqualitatem uocant, omnino extare nullam. Quare ipsa quæque nomina per causas nunquam nota erunt.

VT primam rationem dissoluamus, ita accipiendum est. In-
tellectionem nostram esse duplicem, Rectam, & Reiles-
xam: igitur nomen obuium excipimus recto actu intellectus,
simpliciꝝ fini destinatum ad significandum. Exempli gratia,
Lancea: atque ibi pro nota, aut signo rei, uti dicebamus, ha-
betur nobis. Reflectimus deinde animi cursum ab ipsa re su-
per nomen, ipsumꝝ tanquam rem quandam contemplamur.
Querimus igitur tum eius causam, inter ea quæ iam nota
habemus. Quemadmodum autē duæ essent nominum causæ,
dictum iam est à nobis libro tertio: quædam enim erant
Deducta, quædam Primogenia. Deductorum igitur causas
esse Primogenia: Primogeniorum autem causas cognosce-
re eandem non est necesse: sed Casum, aut Arbitrium inuen-
toris pro causa habere satis est. Est enim duplex cognitio
nostra: aut Positiua, cum cognoscimus, hoc esse: aut Priuatis-
ua, cum cognoscimus, illud non esse: hoc enim est esse illius,
quia non est. Altera uerò, ac tertia ratio simul, sic diluuntur:
Scientia specierum est: & singularium, ut sub speciebus con-
tinentur. Ea igitur, in quæ conueniunt omnia singularia,
Dictiones appellauimus. Earum essentia, atque affectus ne-
que corrumpuntur, neque mutantur: puta Species, Genera,
Casus: semper namq; Casus, Casus est, semper Modus, Mo-
dus. Quæ autem singula sunt, aut non corrumpuntur, sed
perstant: quare nihil faciunt dispendij: multæ enim voces
sunt, quas nullus unquam aut distorsit usus, aut aboleuit.
Aut si corrumpuntur, æquè scire interest nostra, ea corrup-
pi. Quamobrem & Corruptibilem, & Incorruptibilem
scientes sumus. Corruptibilem autem rerum corruptionem
non sequitur corruptio scientiæ nostræ: hoc enim scimus nos,
Corruptibilia esse. Idipsum igitur, quod est Corrupti posse,
non interit, sed semper eiusdem naturæ est: semper enim hoc
habet, ut corrumpi queat.

HAec sic expediuimus, ut exactius quartam rationem, qua & Analogiam, & Etymologiam tollunt, perpendamus: quare uidendū prius est, quibus utantur rationibus ad confirmandum. Cū Analogia, inquit, sit æqualitas quædam, secundum quā similia ducimus è similibus: ut, à Fructu Fructuosus: sic, à Gestu Gestuosus: primū ostendere nituntur, quòd non sit necessaria: deinde quòd nullo modo sit. Vtilitatis causa inuentus est Sermo: magis igitur refert, ut brevis, & rectus, & simplex sit, quàm longus, & uariis: at æqualitas deducendi uariat multa: non igitur admittenda. præterea Ab eodem rerum usu reijcitur æqualitas. eo nanque consilio muliebri mundus à uirili ornatu differt. itemq; in ædificijs Corinthia structura à Dorica, & Tuscanica, & Ionica, longè alia est. Neque uerò id ex artibus solum consuetari, sed ipsa quosque natura latè conspici potest. Etenim membrorum compagem aliam atq; aliam esse usui fuit. Aequalitas igitur non solum non necessaria est, sed etiam officit. Quòd si quis ita dicat: non Vsum solum queri, sed Elegantiā quoque: is adhuc intelligat, magis reijciendam etiamnum Similitudinē: nihil enim propius fastidio, nihil elegantius uarietate. Ad hæc, aut Artem sequemur, aut Consuetudinē: si hanc, nihil opus est æqualitate. sed quæcunque usu suggerentur, ea nobis erunt satis. Si uerò Artem, ac præcepta, ut æqualiter omnia ducamus, pro infanis habeamur: neque enim id fiat, ut quemadmodum Lupus, sic Lepus flectatur. sed hoc Leporis, illud Lupi faciet. Non est ergo necessaria Analogia.

Quòd autem nulla sit, sic conantur: Abest ab omnibus orationis partibus: igitur nusquam est. Ac sanè in Generibus non est: quædam nanque trium uocum sunt, Humanus, Humana, Humanum: quædam duarū, Ceruus, Cerua: quædam singulis contenta, Aper. Neque ipsa Genera similitudinē uocum afficiunt

afficiuntur : nam Martia, & Sifenna, diuerso sexu, eadem uocis forma sunt. Item eadem Genera unica uoce confusa, atq; ignota : ut, Passer, Aquila: cùm tamen & ibi formina, & hic etiam mas sit. At ne Numerus quidem agnouit Analogiam : nam quamobrem non dicimus Ciccra, sicuti Farrar? neque Olea, sicuti Vina? Non enim rectè responderunt antiqui, ob generum diuersitatem in uino multitudinis numerum receptum esse : quia aliud esset Chium, aliud Lesbium, aliud Falernum : nam Ciceris quoque ualde sunt diuersae species, Folio, Siliqua, Semine. In Temporibus item desideratur : quippe à Fleo, Fleui : à Sero, Scui : à Fero, Tuli : ubi à dissimilibus similia, à similibus dissimilia orta sunt. Itè à Pasco, Pavi : ab Amasco non est. Modi quoq; Analogiae immunes sunt : multi enim carent, ut Forem. Nec Figuræ ducuntur Analogia : nam quare dico Aenobarbum, non Aenibarbū? aut quare Magniloquum, non Magnoloquum? Quinetiam in deriuando ipsas species, æqualitatis nullam curam habemus. siquidem à Boue, Bouile : ab Oue, Ouile : à Sue nihil ducitur. Et Bubulam dicimus : at ab Oue, Ouilam. à Scribo, Scriptor : à Bibo nihil tale : sed contrà, à Bibo, Bibacem : à Scribo nullum simile. Item in Cōparatiuis, & Superlatiuis : Clarus, Clarior, Clarissimus : Similis, Simillimus : à Bono, Melior, Optimus. Sic neque in Diminutiuis : Anus, Anicula : Manus, Manuscula : à Pusione, Pusillus : à Morione nihil. Quid quòd ne Accentus quidem ratio ulla est similis? Etenim Hectorem, & prætorem eiusdem formæ nomina alia & quantitate, & soni qualitate pronuntiamus. Sed & eadem nomina uarijs quantitatibus alias, atque alias proles generant : à Luceo Lux longa, Lucerna breuis. Immo etiam eadem inconstantia in eadem uoce deprehendetur : neque id apud poëtas solum, Pharsalia, Italia, Sicania : sed etiam communi usu. Nam in lege fundi uenditionis, Ruta cæsa ita pronuntiabant prisci, ut prima uocalis produceretur, alibi semper correpta esset.

Quod si non est necessaria : neque est in accidentibus partium:

x

quippe

quippe non in Primarijs, non in Deriuatis, non in Declinatis: immo in uno eodemq; inæqualitas: Analogia nulla erit.

CAP. CLXXXIX.

Argumentorum dissolutiones.

HI, qui sese literaturæ hostes profiterentur, potuissent à nobis ferri sanè, nisi pessimum facinus ausi essent. Neque enim solum causas, rationesq; proportionis tollere in re literaria, sed etiam totam naturam ipsam demoliri uidentur mihi. Diruunt enim Aequalitatem, & Similitudinem, omniaq; casui subijciunt: contra, quàm faciebat Plato, qui etiam Nominum ac Verborum statum, flexumq; naturæ certis legibus constare, atque duci arbitrabatur. Nos igitur utrumque extremum tanquam uitiosum rejiciamus. Ac decem quidem principes rationes, quibus aliæ quoque annexuntur, scio à ueteribus obscure simul, & pluribus uerbis inculcatas: quæ hic tam clarè patent, tamq; ordine digestæ sunt: ut quod illi orationis fucò, nec satis apta copía quasi uere, id hac nos serie, ut quàm efficacissimæ appareant, consecuti uideamur. Quibus ut respondeamus, paulò altius ordiendum est.

Naturam rerum omnium autorem, quæcunque agat, propter finem agere receptum est: quare necessariò fit, ut certum quiddam agat: unde membrorum, quæ in animalibus sunt, causas, officia, opera luculentissimis libris à nobis sunt explicata. Propterea uerò quòd interdum alijs, atque alijs circumuenitur impedimentis ita, ut aberrare cogatur: quibusdam præuenta angustijs non id agit, quod intendebat. Itaq; Homini aut addit sextum digitum, aut tollit manum, aut decurtat crus, aut aliud quippiam eiusdem modi monstrorum parit. Cæterum quia maxima ex parte rectè opus suum peragit, nequaquam ei deesse operi, quod proponit, dicimus: neque iccirco naturam negare debemus. Verum nonnulla rectè, atque ordine in lucem prolata, deprauat Confectudo:

suetudo : quales sunt ij, quos usus adegit, uti Valgij essent, aut Vari, aut Compernes. Etiam Casus multum potuit, quo aliquis Claudicaret, aut Luscus esset, aut Strabo. Aetas quoque, atque imitatio detorsit pristinum quorundam institutum, quod detracti à natura sua degenerarent. Quemadmodum igitur uel casu, uel usu, natura aut peruertitur, aut immutatur, neque propterea tamen naturæ opera neganda sunt : ita non continuo Analogia, quæ natura quædam uocum est, sicubi desit, ab omnibus tollenda sit. Est ante oculos Phalaris, Dionysius, Nero, alia monstra : in his Iustitiam, atque Animi moderationem desideres : igitur nusquam hæc erunt? Alexander raucius loquebatur, obstipa ceruice erat, non à primordiis natalium suorum : sed pædagogi nequitia distractus fuit à simplici illa regia indole. Hominis igitur fuerat integritas, Consuetudinis prauitas. Species enim per singula corpora propagantur, inter quæ nullum formæ discrimen inuenitur : ita etiam in uerbis fit. Sicut ergo in natura deductio triplex : sic & in uocibus. Triplex autem ad modum hunc : propterea quod ea quæ deducuntur tribus diuersa sunt differentiis : nam aliquid dicitur esse diuersum ab alio Forma, ut equus ab homine. Aliud Materia, ut hic homo, ab hoc homine. Aliud Accidente, ut hic homo sedens, ab seipso stante. Quare in uocibus quoque, aliud erit nomen hoc, Homo, à uerbo hoc, Pugno : forma enim distant. Secundo modo aliud nomen hoc Homo, à nomine hoc Equus. Tertio, aliud nomen hoc Homo, à nomine hoc Hominis. Possunt autem ea, quæ uel forma, uel materia sola distant, etiam accidente differre : ut Homo niger, ab Equo, & Homine albo : sic nomen hoc Homo, & à uerbo hoc Sequor, & à nomine hoc Equus distabit accidente quoque, id est lineamentis elementorum. Itaque etiam in flexione distare poterunt. Ac quemadmodum eiusdem nationis uiri duo, etiam fratres, etiam gemini, etiam pares facie, etiam colore, tamen manuum aut crurum flexu dissimiles esse poterunt : neque tamen auferetur, quin duo per-

regrini inter se similes sint : hoc enim accidens est. Ita in uocibus : Equus & Lupus conuenient accidente, Lepus non conueniet : sed Analogia erit inter Lupum, & Equum: quia cum Lepus, non est. Non ergo tolletur propterea quod inter Lepus non est : sed ponetur, quoniam inter Lupus est, & Equus. Sed habet suam causam Lepus, qua desciscat, sequaturque aliam proportionē, ut faciat Leporis : propterea quod Græci Dorientes ita & appellabant, & hestebant : quare generis quoque Analogiam sequutus est Lepus Græcam, non Latinam Equi, ὁ γὰρ ἡ λέπρεος : neque solum Genus inde, sed uocis in recto casu lineamenta Latina sibi assumpsit, ut esset Lepus, sicut Equus. Quare hoc etiam intererit Analogiæ, ut alijs atque alijs causis partim talia, partim alia sint. Neque enim quemuis hominem decet Robur, aut Celeritas: quare Robustum, & Celerem non sequetur eadem membrorum Analogia : at omnes Robustos eadem, eademque alia seorsum Veloces omnes. Si quem autem membrorum proportionē præditum inueniamus, officio autem illi inutilem: hunc casu, aut alio quo fato separatim ab ea proportionē iudicabimus, non propter unum tollentes cetera omnia. Itaque sic est acutissimè contra aduersarios concludendum : Non posse eos inficiari Analogiam, nisi in quibusdam ponant: est enim Habitus prior Priuatione non tempore, sed cognitione : sicut Affirmatio Negatione. In paucis non esse casu, in cæteris omnibus consilio similitudinis. Euenit autem interdum ut deficiant nomina proportionē illa, propterea quod res ipsæ deficiuntur : nam sexus & principijs quibusdam, & officijs discreti sunt : itaque alteri quod delignes nomen, alteri non conueniat. Proprium scemellæ Nubere est : ideo non transibis à scemina ad marem ipso Participio, ut tantummodo Nuptram, dicas : ubi non tolletur Analogia quia Doctum & Doctam dicas : sed ponetur ideo, quia Analogiæ pars est, sequi significatum. alia quoque pars eius est, sequi concinnitatem : licuti hominis officium seruare decorum. Ergo siquid scabrum erit in deductio, maluit ars abstinere:

stinere : cū tamen natura non repugnaret. Græci *συμφωνία* nominant finem hunc, nos etiā *Habilitatem* possumus, non solum *Concinnitatem*. Sic reiecta sunt multa. For, Faux, Prex, Metuturus, Nutritrix, atque eiusmodi, ut sup̄ pressæ potius ab usu, quā negatæ à natura uocum sint.

His legibus diruuntur argumenta omnia : Nam friuola satis sunt, quæ negant necessariam. Ac primum quidem admodum ridiculum, quod breuitatis ratione tollendas curat inflexiones, cū tamen per inflexiones tollatur ambiguitas. Aliæ quoq; rationes nullæ sunt. Varietas enim, quam asserunt, nequaquam reijcit æqualitatem. Est enim æqualitas interdum inter duo, propterea quod ipsa sunt alijs inæqualia, ita distant æqualiter duo Triangula, ab uno Quadrato: quia inter se æqualia sunt : Ac satis est, ut *uarietas* sit inter species, non diuersitas in speciebus.

CAP. CXC.

Assertio Etymologiæ.

ATque Analogiæ quidem ratio ac natura sic constat. Etymologia uero etsi in multis obscura est, superq; eadem uoce alia alijs uisa : tantum tamen abest ut tollenda sit, ut tam maxime sit inuestigāda, quā maxime latet. Quid enim oc cultius ueritate? at multis in rebus ea imprimis desideratur: neque tamen quisquam tam sit impudens, qui eam neget. Nam qui semper dubitabant Pyrrhonij, uel propter hoc id agebant, ne à ueritate, quæ in altera parte contradictionis latitabat, aberrarent. Ita materiæ primæ natura præterierat ueteres omnes Philosophos, donec à Platone inuenta, ab Aristotele omnium sapientum principe eruta est in lucem. Quare omni ope atque consilio nitendum est, ut ne plus illa operæ latendo exigere, quā nos inuestigando ponere uideamur.

CAP. CXCI.

Quid deinceps agendum, quoq; ordine.

X 3

Vocum

Vocum Principia, Cauſſas, Elementa, Affectiones quemadmodum uniuerſa natura comprehenderentur, haecenus declarauimus: deinceps ad ipſas uoces priuas curſus ſeſtendendus eſt. Sic enim Philoſophus Naturalia corpora ſub motu accepta deducit communi intellectione ad hiftoriam ſingularium: cuius exemplo nobis quoque ſtatuendum eſt, quo uſu Priuæ uoces apud autores circūferantur. Cū igitur quidam per ordinem Elementorum hoc profeſſi fuerint, alij ſumpto autore interpretandi munus magnis digreſſionibus contaminarint, unus Varro mihi uidetur conſultius feciſſe, ut uerborum connexum certa ſerie explicaret. alioqui diuerſis locis eadem ſæpe repetas neceſſe eſt. Verum enim uero ipſe quoque M. Varro ſuorum librorum initium auſpicatus eſt à Temporis, Locique diuiſione quadam, perinde quaſi ſub utroque, alterutro uel omnia continerentur: ac non infinita penè ſint, quæ in eam partitionem uel reluſtantia ſint arceſſenda, ut omittam particulas minores, cuiuſmodi ſunt Præpoſitiones, Coniunctiones, Interiectiones, quæ nullam habent cum Nominibus affinitatem. Quare longè præſtiterit à primarijs uocibus initium ſumere, atque ab his deducere cæteras, quæ ab illis ortæ ſunt. uerum inter eaſce primarias cū quadam ſteriles ſint, ut interiectiones, & Præpoſitionum, ac Coniunctionum maxima pars: quadam ſint genitrices, quæ alias ex ſeſe pariant: primo quoque loco tractare ſteriles decet, quæ nullam cum cæteris habent coniunctionem. Et quoniam non omnes uoces Elementorum ſimilitudine, aut ſignificati cohærent affinitate, nequaquam abſurdum fuerit, ſi interdum in contrarium tranſeamus. Neque enim qui de Motu dixerit, de Quiete quoque non poſſit loqui.

CAP. CXCI.

Ad unum ſignificatum cætera reducenda.

VNum uerò imprimis obſeruandum eſt. propterea quòd ſignificatorum multitudo uni eidemque uoci attributa ſæpius

pius est, aut scribentium autoritate, aut prodentium curioso iudicio: principem omnium significatum indagari oportere censeo, ad quem tanquam ad telluram, signa quæ cæteras reducere legiones: sed propositis semper causis, sine quibus tam stultè credimus, quàm arrogatè profiteamur. Nam cum hoc interpretandi munus Vsu, Autoritate, Ratione constare dixerint: sanè intelligendum est, usum sine ratione non semper moueri, ueluti si aspirat Trophæum, & Anchoram, quæ leniter à Græcis alijs proferuntur, Atheniensium exemplo sciamus factum esse. Autoritas uerò quid aliud, quàm Vsus est? Nam quod autore M. Tullio dicimus, ex eius usu id habemus. At si ab usu recedat, tum uero autoritas nulla est. Quare etiam Cæciliū reprehendit Cicero, etiam M. Antonium, qui tum aliter, quàm ex usu loquerentur. Ad rationem igitur, quoad fieri poterit, erunt hæc reducenda.

CAP. CXCI.

Non rectè uni uoci significatorum multitudinem à ueteribus assignatam.

FVerunt autem doctissimi, multarumque literarum uiri, qui propterea quòd nimis multa uarijs obseruationibus comperta sciuisent, multa item significatorum monstra uni cisdemque uoci designarunt. Quorū opera tantum abest ut commoda sit, ut maxime etiā libri aduersetur inscriptioni. Nam specioso titulo de sermonis proprietate edidissent, nihil minus quàm quod profitebantur, effecere. unius nanque uocis una tantum sit significatio propria, ac princeps. cæteræ aut communes, aut accessoriæ, aut etiam spurix. Non enim ab eodem Verbum adiectis usus Nominibus diuersorum significatorum: sed quia eorum natura conueniebat: sic dicimus Scindere uallum: Scindere adamantem non dicimus: non enim natura fert. Ac uerbum quidem pristinū recipit significatum, sed non coheret. Non igitur potuit mutari significatum huius uerbi, in ea uerba quæ cum adamante conuenire possunt, puta Tundere. Nam dicimus, Scindere in lu-

Quia togam : ergo erit hoc loco idem Scindere, quod Lugere.
 & Scindere uallum, erit, Castra occupare & itaque malè pluri-
 ma sic ab illis distorta sunt, quæ à nobis in libris Originum
 certis appositis causis correctæ sunt. Nam quis putarit
 uerbum hoc Potiri, idem esse quod Condi & propterea quod
 poetæ uersus est - Potiuntur Tiberidis aluico. sic Subigere,
 Acuere : & Stringere, Percutere : & Speciare, Dirigere : &
 Venius, Odor : & alia innumera, quæ omnia longe accuratius
 ad sua quæque principia reducenda sunt. Est autem uiri
 & boni, & sapientis, non solum alienos errores detegere, atque
 arguere, sed etiam rationes suas, atque consilia aperire. Quare
 quo sit indagandum modo, sic instituamus : Si Condi, signifi-
 cat Potiri, loco uerbi Potiri, ponatur uerbum Condi : si pa-
 titur sedes, bene est : si non patitur, non significat. Quis igitur
 dicat, Conditus sum librorum &, Conditus sum Turdorum &,
 Conditus sum Ense & Item, si Premere, Defodere est : dica-
 mus igitur Fossam premere. Si, Premere, Tegere significat :
 igitur, Cælo premi, dicamus nos, quos non attingit tamen.
 Nolo nunc duci per omnia, quæ suo loco in Originibus ex-
 actissime persequuti sumus : sed satis sit iecisse fun-

damenta scientiæ tibi, more principis nostri

Aristotelis : cuius sapientiæ luce

Grammaticorum tene-

bræ discuti-

antur,

EPILOGVS.



HABES Sylui Cæsar fili sententias nostras, quas non tam propter patris nomē uenerari debes, ut pius sis: quàm ob ueritatē contemplari, ut fias doctior. Alia enim officia in me tua locis ac temporibus certis suo quæque fato fungentur aliquādo. at in rerum causis dispiciendis ita tibi faciendum est, ut nostra quodque tanquam uel peregrini, uel etiam hostis legas.

Omnia enim tui causa laboramus, simplicitate ducti, non gloria impulsī. Quo tibi uehementius est nitendum, ne nos plus operæ posuisse uideamur, quàm tu uelis capere utilitatis.

GRATIAS TIBI DOMINE
IESV.









